

Сәбет Балтаұлы Бап-Баба (Бабаев)

Жалпы психология

(Жантану негіздері)

*Жоғарғы оқу орындары студенттеріне арналған
дәрісбаяндар жинағы.*

Алматы
2006

**ББК 88.3 я73
Б 12**

Пікір жазғандар:

К. Б. Жарықбаев – педагогика
ғылымдарының докторы, профессор
Ж. И. Намазбаева – психология
ғылымдарының докторы, профессор

Бап-Баба С. Б.

Б 12 Жалпы психология (Жантану негіздері). Жоғарғы оку
орындары студенттеріне арналған дәрісбаяндар жинағы. А. М.
Құдиярова басшылығымен. - Алматы: Заң әдебиеті,
2006.-275 бет.

ISBN 9965-620-29-6

Дәрісбаяндар жинағы түрінде берілген бұл оку құралы жоғары
оку орындарында оқылатын «Жалпы психология» курсының
дәстүрлі типтік бағдарламасына негізделіп жазылды.
Психологияның жалпы мәселелері, танымдық процестер, жеке адам
проблемасы және тұлғаның сезімдік аймағы мен қасиеті, сапалары
жөніндегі ғылыми-қолданбалы ақпарат осы заманғы
психологиялық теориялар негізінде терең әрі ауқымды берілді.

Бұл оку құралы оқытушылар мен жоғарғы оку орындарының
студенттеріне және оқырман қаумға арналған.

ББК 88.3 я73

Б **1303020000**
00 (05) – 03

ISBN 9965-620-29-6

© Сәбет БАП-БАБА., 2006.

© Заң әдебиеті, 2006

МАЗМҰНЫ

АЛҒЫ СӨЗ

ЖАНТАНУ ҒЫЛЫМЫНЫң ЖАЛПЫ МӘСЕЛЕЛЕРИ

1-дәрісбаян. ЖАЛПЫ ПСИХОЛОГИЯНЫҢ МӘН-МАҒЫНАСЫ ЖӘНЕ ОНЫҢ БАРША ҒЫЛЫМДАР ЖҮЙЕСІНДЕГІ ОРНЫ

2-дәрісбаян. ПСИХОЛОГИЯДА ҚАЛЫПТАСҚАН ҒЫЛЫМИ БАҒЫТ-БАҒДАРЛАР

3-дәрісбаян. ПСИХИКА ДАМУЫ

4-дәрісбаян. САНА ЖӘНЕ ӨЗІНДІК САНА

5-дәрісбаян. ТӘН МЕН ЖАН

6-дәрісбаян. IC-ӘРЕКЕТ ПСИХОЛОГИЯСЫ

7-дәрісбаян. АДАМ АРАЛЫҚ ҚАТЫНАСТАР ПСИХОЛОГИЯСЫ

8-дәрісбаян. ТІЛДЕСУ ПСИХОЛОГИЯСЫ

ЖЕКЕ АДАМНЫң ТАНЫМДЫҚ АЙМАҒЫ

9-дәрісбаян. ЗЕЙІН

10-дәрісбаян. ТҮЙСІК

11-дәрісбаян. ҚАБЫЛДАУ

12-дәрісбаян. ЕС

13-дәрісбаян. ОЙЛАУ

14-дәрісбаян. ҚИЯЛ

ЖЕКЕ АДАМ ЖӘНЕ ОНЫҢ ПСИХИКАЛЫҚ ҚАЛЫПТАРЫ МЕН ҚАСИЕТТЕРИ

15-дәрісбаян. ЖЕКЕ АДАМ ЖӘНЕ ОНЫҢ ПСИХОЛОГИЯЛЫҚ ТАБИҒАТЫ

16-дәрісбаян. ЕРИК

17-дәрісбаян. СЕЗІМ

18-дәрісбаян. ТЕМПЕРАМЕНТ

19-дәрісбаян. МІНЕЗ

20-дәрісбаян. ҚАБІЛЕТ

Әдебиеттер тізімі

Психология үгымдарының қазақша-орысша сөздіктері

Алғы сөз

Елімізде туындаған объективті жағдайларға байланыс-ты жоғары оқу орындарындағы кітап тапшылығын басынан кешпеген бірде де бір студент не оқытушы жоқ шығар. Әсіреке, қазақ тіліндегі оқулықтар жетіспеуі оқу процесіне үлкен қындық келтіруде. Осы орайда С. Бабаевтың ұсынып отырған "Жалпы психология" атты дәрісбаяндар жинағы құптарлық іс.

Көп жылғы оқытушылық тәжірибесі негізінде құрастырылған бұл дәрісбаяндар тобы жоғары мектептегі психология курсына байланысты кең де, әрі көлемді тео-риялыш ғайыпты, практикалық ұтымды ғылыми деректер мен тұжырымдарды қамтыған.

Оқу құралында психологияның жалпы мәселелері, психикалық процестер, қалыптар мен қасиеттер жөніндегі түсініктер жан-жақты ашылған, оларға байланысты осы заманғы теориялар мүмкіндігінше кеңінен келтіріліп, проблемалардың даму тарихы нақты суреттелген.

Нарықтық экономика заманындағы қоғам мүшесін тәрбиелеуге орай адамаралық қатынастар психологиясына, жеке адамның психологиялық қорғаныс, мінез, қабілетін қалыптастыру мәселелеріне баса назар аударылған.

Бұл оқу құралының және бір құндылығы - әр дәрісбаян мәтіні сабактар барысында қажет болатын әдістік көрсетпе, нұсқаулармен жабдықталып, дәрісбаяндардың барлығы бағдарлама мазмұнынан хабар беретін жоспардан басталады, сонынан нақты проблемаға байланысты қайталау және бекіту сұрақтары, семинар дайындығына бағыт-бағдар, өзіндік ғылыми-ізденіс тақырыптары мен әдебиеттердің ауқымды тізімі келтірілген.

Еңбек бір оқытушының тәжірибесінен болғандықтан, мұнда кемшиліктердің болуы орынды құбылыс, сондықтан да кейінгі авторлар да бұларды көре біліп, әрі қарай өндеп жалғастыра түсер деген үміттеміз.

Қорытындыласақ, С. Бабаев ұсынып отырған "Жалпы психология" дәрісбаяндар жинағын ғылыми-теориялық, оқу-әдістемелік түрғыда келелі дайындалған, қазақ тілінде алғашқы рет жазылған оқу құралы деп таныған жән. Еңбекті басылымнан өткізіп, жоғары оқу орындарының студенттері мен мамандарының қолына жеткізгенді мақұл деп білеміз.

Қ. Б. Жарықбаев – П.Ф.Д., профессор

ЖАНТАНУ ҒЫЛЫМЫНЫҢ ЖАЛПЫ МӘСЕЛЕЛЕРИ

1-дәрісбаян

ЖАЛПЫ ПСИХОЛОГИЯНЫҢ МӘН-МАҒЫНАСЫ ЖӘНЕ ОНЫң БАРША ҒЫЛЫМДАР ЖҮЙЕСІНДЕГІ ОРНЫ

- Жоспары:**
1. Психология пәні және оның міндеттері.
 2. Қазіргі заман психологиясының міндеттері.
 3. Психологияның ғылымдар жүйесіндегі орыны.
 4. Психология салалары.

1. Психология пәні және оның міндеттері

Талай ғасырлар бойы адам көптеген ғалымдар әулетінің зерттеу объектісі болып келді. Өз тарихы мен қалай пайда болғанын, биологиялық табиғатын, тілі мен әдеттерін танып білуге деген адамзат құштарлығының шегі болған емес. Ал осы таным жолында жантану ғылымының алатын орны аса ерекше. Адам болмысының табиғатына, оның саналы қоғам шеңберінде өркендеуі мен қалыптасуына, тәнірегіндегі басқа адамдармен қарым-қатынасының ерекшеліктеріне деген психология дамуының негізінде жатқан қызықшылығу уақыт озуымен бірге өрістей түскен. Қазіргі кезеңде өндіріс, ғылым, медицина, өнер, оқу, ойын және спорт салаларындағы бірде-бір іс-әрекет психологиялық заңдылықтарды түсініп, танып білмей тиімді орындалуы мүмкін емес. Адамның даму заңдары мен оның болмысының жасампаздық мүмкіндіктері жөніндегі білімдер жүйесі бүкіл қоғамның кемелденуі үшін өте қажет. Адам әр түрлі ғылым түрфысынан жан-жақты зерттелетін объекті, ал ғылымдардың әрбірі өзіне тән ерекше көкейкесті мәселелермен айналысады. Солардың ішінде қоғамдық ғылымдар әлеуметтік процестерді зерттеуде психологиялық факторларды айналып өтуі тіпті мүмкін емес.. Л. С. Рубинштейн "Жалпы психология негіздері" (1940) атты еңбегінде "Психология зерттеуіндегі ерекше құбылыстар ауқымы анық көрініп тұр: олар біздің қабылдауымыз, сезіміміз, ойларымыз, ықлас-ниеттеріміз бен тілектеріміз, т.б., яғни біздің өміріміздің ішкі мазмұнын құрап, біздің жан толғаныстарымыз үшін денімізге ажырамастай болып сіңген құбылыстар жиыны", - деген. Психологиялық дүниенің бірінші ерекшелігі әр тұлғаның (индивидуид) өз меншік толғанысының болуы, ол түйсік сезімінен ғана көрінеді де, оның басқаша пайда болу жолы жоқ. Мысалы, қаншалықты әдемі, нәрлі суреттеп берсөн де, соқыр дүние сұлупығын сезінуі қыын; керен тікелей қабылдамаған соң, ән-күй әуенін танымайды; махабbat ләззатына өзі бөленбекен адамға ол жөніндегі әңгіме-дастан да түкке де тұрмайды.

Психология ерекшеліктерін танудың қындығы олардың адам ақылына сиып болмайтын, қалыптан тыс, тылсым құбылыс болуында. Себебі, әрқандай нақты заттың өзі мен оның қабылданған кейіпі бір-бірінен ажыратылып тұратыны даусыз. Жан ерекше, тәннен бөлек жасайтын құбылыс деген нағымның санаға терең ұялауы бұған мысал бола алады. Алғашқы адамның өзі де адамдар мен жануарлардың өлөтінін, адамның тұс көретінін сезіп, білген. Осыған орай адам ұстамға келетін тәннен және көрінбейтін жаннан бірінен-бірі бөлінбейтін дербес екі бөліктен тұрады деген сенім туындарды; яғни адам өлмейінше, жан оның тәнінде жасап, өлгеннен соң тәннен шығып кетеді-мыс. Ал адам үйқыдағы кездे, жан оның тәнінен уақытша ажыrap, қандай да бір басқа жерге ауысады. Осылайша, психикалық процестер, қасиеттер мен қалыптар ғылыми талдауға түсіп, зерттелгенге дейін адамдардың бірінің екіншісі жөніндегі қарапайым тұрмыстық психологияға тән пайымдаулары жинақтала берді. Адам психика жөніндегі кейір түсініктерді өз өмір тәжірибесі негізінде топтайды. Әлеуметтік қатынастар мен еңбек барысында түсінісуге, бірлікті тұрмыс құруға, іс-әрекет арқылы адамды тануға қажет болудан жинақталған жай психологиялық пайымдаулар ғылыми психологияға дейінгі білімдер ауқымын құрады. Осы біршама біліктер әр адамға қоршаған ортада жол тауып, өзге тұлғалармен қылық-әрекетіне орай қатынас жасауға көмегін тигізді. Бірақ мұның бәрі тұтастай жүйеленбекен, тереңнен танылмаған, дәлелсіз. Оларды біз күнделікті тұрмыстық тәжірибемізден ғана үйренбестен, көркем әдебиеттен, халық ауыз әдебиеті үлгі-лерінен

(мақал-мәтел, ертек, әпсана) ұғып, түсініп келдік. Қазіргі заман психология теориялары мен психология салаларының бастаулары нақ осы өмір тәжірибесі мен атадан ұрпаққа жеткен асыл рухани мұрадан келіп шығады.

Психологияның жантану ғылыми ретінде мәні неде? Оның ғылыми пәні не?

Бұл сұрақтарға жауапты психология ғылымының тарихынан ізdep, психологияның әр даму кезеңіне орай өзінің зерттеу пәніне деген көзқарасының өзгеріп бара жатқанын байқаған жөн. Психология өте ежелгі де, өте жас та ғылым. Мың жылдық тарихының барына қарамастан, оның бар болашағы әлі алда. Психологияның дербес ғылыми сала болып танылғанына енді ғана жүз жылдан асып барады, ал ол шұғылданған психологиялық ой, проблемалар тарих тұңғирығында бастау алған пәлсапамен бірге келе жатыр.

XIX ғ. соны - XX ғ. басында танымал ғалым Г. Эббингауз психология жөнінде қысқа да дәл былай деген: Психология тарих алдында ұланғайыр, ал тарихы өте қысқа. Психика зерттеулерінің тарихы деп отырғанымыз психология-ның фәлсападан бөлініп, жаратылыстанию ғылымдарымен ұштасып, өзінің эксперименттік зерттеулерін үйімдастыра бастаған дәүірі. Бұл XIX ғ. кейінгі ширегі болғанымен, психология бастаулары көз жетпес ғасырлар тереңінде өріс алды.

Пән атының өзі де грек тілінен аударғанда **психология** - жан туралы ғылым (психо - "жан", логос - "ғылым") дегенді аңғартады. Кең тараған түсініктеге жүгінсек, алғашқы психологиялық көзқарастар діни ұғымдарға байланысты дүниеге келген. Шынында да, ғылым тарихы көрсеткенідей, ежелгі грек философтарының алғашқы тұжырымдары адамды практикалық тану негізінде бастау білімдерін жинақтаған, жаңадан қалыптасып келе жатқан ғылыми ой-пікір бағыттарының жалпы дүние, соның ішінде жан жөніндегі діни-мифологиялық көзқарастарға қарсы қүресінде дамуын тапты. Осыдан, жан жөніндегі зерттеулер мен түсініктер психологияның пәндік аймағының кемелденуінде бірінші кезең болды да психология әуел бастан "жан" туралы ғылым деп танылды. Бірақ бұл жанның не зат екеніне жауап табу оңайға соқпады. Әр тарихи дәуірлерде ғалымдар бұл сөз мағынасын сан қылыш түсіндірді. Психика мәніне байланысты көзқарастардың қалыптасуы мен дамуы философияның өзекті мәселеісін - материя мен сана, заттық және рухани болмыстардың ара қатынасын шешуге тәуелді болып келді.

Дәл осы мәселенің шешімі төңірегінде бір-біріне тікелей қарсы философия бағыттары - **идеализм** мен **материализм** пайда болды. Идеалистер психиканы болмыс бастауы, өз бетінше жасайтын, материяға тәуелсіз, белгісіз бір зат деп қарастырды. Ал материалистік танымда психика - туынды, материяға тәуелді құбылыс.

Идеалистік бағыт өкілдері материяға қатысы жоқ ерекше рухани бастаманың барын мойындал, психиканың әрекеті тәнсіз, мәңгі жойылmas жанның көрінісі деп біледі. Ал барша заттасқан дүние мен процестер, оларша, біздің түйсігіміз бен елестеріміздің нәтижесі.

Идеализм бастауы адамдардың өз дene құрылымы мен қызметі жөнінде дұрыс танымы болмаған, психикалық құбылыстарды адам дүниеге келуімен тәнге еніп, оның өлуімен ұшып кететін жан және рух әрекеті деп ойлайтын заманда пайда болған. Жанды бастапқыда адамның әр түрлі мүшелерінде жасайтын ерекше бір жұқа зат не тіршілік иесі деп білген. Діннің пайда болуымен жан "о дүниемен" байланысты, көрінбейтін әрі мәңгі жасайтын, тәннің өзгеше бір екінші баламасы - рухтық зат деп танылды. Бар әлемнің бастаушысы идея, рух, сана, ал материя осылардан туындауды деп есептеген әртүрлі идеалистік бағыттар қанат жайды. Адам психикасы - рухани өмірдің көрінісі, сондықтан ол материалдық дүние заңдылықтарына бағынбайды деп санаған идеализм мен діни доктриналар адам жан дүниесін материалистік түрғыдан түсіндіруге үмтүлған ғылыми ой-пікірлерді көп ғасыр кейінгі ысырып таставды.

Жан жөніндегі танымдар қандай құбылыс - өзгеріс-терге енгенімен өмірлік іс-әрекеттің қозғауши күші - жан деген тұжырымға ешбір шуббә келтіре алмады. Тек XYIII ғ. психология білімінің дамуында Рене Декарт жаңа дәуір есігін ашты. Ол адамның ішкі мүшелері ғана емес, тіпті дene әрекетінің де жанға ешқандай қатысы болмайтыны жөнінде пікір айтып, дәлелдеді. Бұл жантану ғылымының кейінгі желісінде үлкен ықпал жасады. Декарт ғылымға екі түсінікті - **рефлекс** және **сананы** бірдей енгізді. Бірақ ол өз

тағылымында жан мен тәнді бір-біріне қарсы қойды, өзара тәуелсіз екі болмыс материя және рух жасайтынын үағыздады. Сондықтан да психология тарихында бұл Декарт тағылымы "дуализм" (екі тарапты) атауын алды. Дуалистер көзқарасында, психикалық табиғат ми қызметінің өнімі емес, мидан тыс, оған тәуелсіз, өз бетінше жасайтын құбылыс екені түсіндірліді. Бұл бағыт ғылымда **объективті идеализм** деп аталды.

Дуалистік тағлиматты арқау етіп XIX ғ. психология-сында **психофизиологиялық параллелизм** атанған идеалистік бағыт кең өріс алды. Бұл бағыттың мәні: психика және тән қатар, бірақ өзара тәуелсіз жасайды. Мұндай идеалистік көзқарасты дәріптеушілер Вундт, Эббингауз, Спенсер, Рибо, Джемс, т.б.

Шамамен осы дәуірде психология дені жөнінде жаңа түсініктер қылаң береді. Ойлау, сезу, қалау қабілеттеріне сана атауы беріліп, психика санамен бала-маластырылды. Осыдан жан психологиясы орнына **сана психологиясы** жүзеге келді. Бірақ сана көп уақытқа дейін басқа табиғи процестердің бәрінен оқшауланған ерекше құбылыс ретінде қаралды. Енді саналық өмір Алла жаратқан ақыл көрінісі немесе сананы құраған қарапайым элементтері бар субъективтік сезім нәтижесі деп есептелді. Бірақ идеалистік бағыттағылардың бәрін біріктірген жалпы пікір: психикалық болмыс - бұл ғылыми талдауға келмейтін, себебін түсіндіру мүмкін емес, тек қана өзіндік бақылаумен танылатын субъектив дүние екендігі. Мұндай түсінік кең етек алып, ал бұл бағыттағы идеализм **интроспекттік** (өзін-өзі бақылау) **сана тағылымы** атын алды. Осыдан сана өзімен өзі шектеліп, психика объектив болмыс пен субъектінің өзінен де толығымен ара байланысын үзді.

XIX ғ. екінші жартысында дербес ғылымға айналған психологияның дамуы өз алдына әртүрлі мақсаттарды белгілеп, әртүрлі зерттеу тәсілдерін қолданған, бір-бірін ауыстырып отырған теориялар таласында жүріп отырды. XIX ғ. аяғындағы барша теориялар, XX ғасырдағы біршама тағылымдар сананың осы интроспекттік психологиясы шенберінде зерттелді. Бұл теориялар бойынша психологиялық зерттеулердің бәрі қоршаған орта мен адам іс-әрекетіне байланыссыз жан толғаныстары мен көріністеріне негізделді. Ал сана мен ми арасындағы қатынас бұл теорияларда дуализм бағытында шешімін тапты.

Интроспекттік психология аймағындағы теориялар-дың бір-бірінен айырмашылығы сананы құрылымы, мазмұны және белсенділік дәрежесіне қарай әрқылы сипаттаудан болды, яғни бір сипаттама жетекші деп есептелінді. Осы тұрғыдан сана психологиясы өз зерттеулерін 5 бағытта алып барды:

- саналық элементтер теориясы (В. Вундт, Э. Титченер);
- саналық әрекеттер психологиясы (Ф. Брентано);
- саналық ағым (сел) теориясы (У. Джемс);
- дербес құрылым психологиясы (гештальтпсихология);
- суреттеме психологиясы (Дильтей).

Бұл теориялардың бәріне ортақ түсінік: қоршаған дүниемен белсенді қатынастағы адам орнына сана қойылып, оның бар іс-әрекеті сана белсенділігі деп танылды.

Психологияда эксперименттік әдістің орнығына қарамастан, бұл дәуірде аталған теориялардың бәріне тән ерекшелік - психикалық құбылыстардың мәнін түсіндіру емес, тек қана суреттеп нақтылау. 1879 ж. Вундт Лейпцигте алғашқы эксперименталды зертхана үйімдастырыды. Сана психологиясына эксперимент қою мүмкіндігі ашылды: зерттеуші белгілі жағдайлар жасап, онда психикалық процестердің өтуін бақылап отырды. Бірақ бұл бақылаулардың ерекшелігі адам өзінің ішкі жан-күйін, сезімін, ой толғанысын өзі бақылайды, осыдан мұндай зерттеуде интроспекттік аталған әдіс қолданылды.

XX ғ. екінші он жылдығында психологияның және бір бағыты пайда болып, оның өкілдері психологияның жаңа пәнін жариялады: ол психика да емес, сана да емес, ал сырттай бақыланатын, негізінен адам қозғалысының жиынтығы - **әрекет-қылыш** еді. Бұл бағыт **"бихевиоризм"** (ағылш. behaviour-қылыш) аталып, психология пәні жөніндегі түсініктер дамуының үшінші кезеңін қалады. Бихевиоризмнің ірге тасын қалаушы Дж. Уотсон психологияның міндеттін қоршаған ортаға бейімделуші тіршілік иесінің қылыш-әрекетін зерттеу деп білді. Тек бір онжылдықтың өзінде-ақ бихевиоризм бүкіл дүниеге тарап, психология ғылымының ықпалды бағыттарының біріне айналды.

Сонымен, психология өз даму жолында бастапқыда - жан туралы ғылым, кейін жансыз ғылым, ақырында санасыз ғылымға айналды. Әрине, қылыш-әрекетті бақылаумен объективтік деректерді зерттей аламыз, бірақ мұндай объективтік жалған, себебі біздің әрқандай әрекет-қылыштың астарында өзіміздің ой, сезім, ниеттеріміз жатыр. Сондықтан осы ой, сезім, ынта-ықыласты білмейінше, әрекет-қылышты тану мүмкін емес.

Психология пәнін нақтылауда болған дағдарыстар себебі аталған теориялардың негізге алған әдіснамалық тұжырымдарында болып отыр. Атап айтсақ, саналық психология болмыс пен сананың, объективтік дүние мен субъективтік болмыстың ара қатынасын идеалистік түрғыдан шешті.

Диалектикалық материализм түрғысынан материя алғашқы, ал сана екінші, одан туындаушы, яғни объектив дүниенің мидағы бейнесі. Осы түсінікке орай материалдық болмыс (заттар, дүние құбылыстары) пен идеалдық (заттық дүниенің сезім, ой т.б. түрінде бейнеленуі) бір-біріне тікелей қарама-қарсы. Бірақ бұл қайшылық салыстырмалы сипатта, себебі түйсік, ой, сезімдер т.б. материалдық органның мидың әрекеті, сыртқы тітіркендіру энергияларының сана өміріне айналуының нәтижесі. Психика, сана ми қызметінен ажырауы мүмкін емес, олардың басқа жасау тәсілі жоқ. Материя, психика және сананы бұлайша түсіну диалектикалық материализмнің дүние заттығы жөніндегі ережесімен түбегейлі сай болып тұр. Әлемде әр түрлі қасиеттерге ие, мәнгі қозғалыста болып, мәнгі жасаушы материядан басқа ешқандай бастау болуы мүмкін емес. Материяның қозғалысы бұл тек орын ауыстыру емес, оның қалаған өзгерімі, құбылуы, бір күйден екінші күйге тусуі.

Материяның дамуы - бұл оның қарапайым формадан жоғары формаға жетілуі, қарапайым қозғалыстан жоғары қозғалысқа өтуі. Алғашқыда тек органикалық емес материя, өлі табиғат болды. Дамудың белгілі бір сатысында, өзінің ұзаққа созылған эволюцияның нәтижесінде материя органикалық қасиеттерге ие болды, материя қозғалысының жаңа формасы мен жаңа қасиеті өмір, табиғат жынытығына енді. Табиғаттың даму процесінде өсімдіктер, жануарлар, келе-келе материяның ең жоғары туындысы санаға ие адам пайда болды. Ғылыми психология тірек еткен диалектикалық материализм категориялары жүйесінде **бейнелеу теориясы** басты маңызға ие. Себебі осы категорияға орай психиканың жалпылама және мәнді сипаты ашылады: әрқандай психикалық құбылыстар объектив шындықтың субъектив бейнеленуінің түрлі формалары мен деңгейлерін көрсетеді. Бейнелеу теориясы психология ғылымының мәнін анықтауда, оның әдістерін тандауда, деректер, түсініктер, тұжырымдар тобынан қажеттісін ажыратуда жалпы әдіснамалық бағдар рөлін атқарады.

Психикалық құбылыстың органикалық материя қасиеті ретінде сапалық ерекшелігі неде?

Барша материя бейнелеу қасиетіне ие. Психика - материя қасиеті, мидың қызметі болумен психика дамуының алғы шарты бейнелеудің ерекше формасы. Психика материяның даму желісінде, оның бір қозғалыс формасынан екіншісіне өзгеріп барады. Биологиялық эволюция барысында зандылықты пайда болып, психика сол эволюцияның маңызды фактор бірлігіне айналады. Бейнелеу қасиеті негізінде организмнің қоршаған ортамен кең салалы және сан алуан байланыстары түзіледі.

Сыртқы, заттасқан дүние болмайынша, тіршілік ие-сінің ішкі психикалық өмірі болуы мүмкін емес, яғни сана, психика өзінен тыс және тәуелсіз жасайтын танымды болмыстың бейнесі. Егер де осы қоршаған объектив шындық болмаса, санадағы оның бейнесі жөнінде әңгіме қозғау қажетсіз. Әрқандай психикалық акт нақты болмыстың бір бөлшегі әрі оның бейнесі болып табылады.

Сонымен, психиканың қызметі, біріншіден қоршаған дүние заттары мен құбылыстарының қасиеттерін, байланыс-тарын бейнелеу, екіншіден осының негізінде адам қылышы мен қызмет әрекетін реттестіру. Психиканы диалектика-материалистік түрғыдан қарастыру әрқандай ішкі жан-күйлік құбылыстардың өзімен өзі шектелмегенін, шындықтан бөлінбей, онымен түбегейлі әрі тығыз байланыста екенін танытады.

Диалектикалық материализм бағдарынан психоло-гиялық ғылыми білімдердің құрамы неден тұрады, яғни пәні не? Бұл - ең алдымен психикалық өмір деректері. Мысалы, психикалық дүние дерегі ретінде адамның тәжірибе топтау қабілеті - жад, есті

қарастырайық. Есте болсын, ғылыми жантану психологиялық құбылыстың тек суреттеп баяндаумен шектеле алмайды, оның міндегі түсіндіру, яғни осы деректер мен құбылыстардың заңдарды ашып, олардың мәнін айқындаپ беру. Әрқандай ғылым мақсаты зерттелетін процестер мен құбылыстар бағынатын объектив заңдарды белгілеу. Теориялық және эксперименталды зерттеулердің бәрі оны мақсатқа бағдарланған. Ғылыми танымның өзі құбылыстар арасындағы мәнді, қажетті, тұрақты, қайталанып жүретін байланыс, қатынастардың білуден келіп шығады. Мысалы, ес өзінің қызметтік заңдылықтарына бағынады. Естің түрлері болатыны белгілі. Жақсы есте қалдыру қайталуға тәуелді екенін білеміз, байланыссыз материалға қарағанда, жоспарланғаны жеңіл әрі тез еске түсетіні мәлім.

Фылымдағы күрделі міндеттердің бірі - занылықты сипатқа ие байланыстар мен қатынастарды көре білу. Фылымдық қатал талап объективтік зандарды ашып қана қоймастан, олардың әрекеттік аймағы мен қолдану жағ-дайларын көрсете алу. Сондықтан да психология зерттеулерінің объектісі психологиялық деректер мен қатар психологиялық зан, занылықтар.

Сонымен бірге ескеретін жәйт, зандылық байла-ныстарды білу өздігінен зандылықтарды іске асыратын нақты тетіктерді ашып бере алмайды. Осыдан психологияның міндегі - психологиялық деректер мен зандылықтарды аша отырып, психологиялық іс-әрекетті қозғаушы механизмдерді де анықтап білу. Ал енді сол механизмнің қандайда да психологиялық процесті орындағайтын нақты анатомия-физиологиялық аппаратты іске қосуына байланыстылығынан, ол механизмнің табиғаты мен әрекетін психология басқа ғылымдармен бірлікте зерттейді.

Қорытындыласақ, жантану ғылымы психология - психика деректерін, зандылықтарын және механизмдерін зерттейтін білімдер саласы.

2. Қазіргі заман психологиясының міндеттері

Қазіргі кезеңде психология ғылымы алдында тұрған теориялық және практикалық міндеттердің сан қылышының орай үлкен қарқынмен дамуда. Психологияның негізгі міндеті психикалық іс-әрекетті оның даму барысымен байланыстыра зерттеу. Соңғы он жылдықтарда психологиялық зерттеулер аймағы біршама кеңейіп, жаңа ғылыми бағыттар мен салалар дүниеге келді. Психология ғылымының түсініктер қоры өзгерді, жаңа болжамдар мен тұжырымдар үздіксіз өрістеуде, психология бұрын кезікпеген эмпирикалық деректермен толығуда. Б. Ф. Ломов "Психологияның методологиялық және теориялық проблемалары" атты еңбегінде қазіргі заман ғылы-мының жағдайын сипаттай келе, "бұғінгі күнде психоло-гияның әдіснамалық проблемалары мен оның жалпы теориясын бұдан да былай терендеп зерттеудің қажеттігі күрт жоғарылады", - деп жазады. Психологияның зерттейтін құбылыстар әлемі ұланғайыр. Оның ішіне күрделілігі әр деңгейдегі адам қалпы мен қасиеттері, процестері, яғни сезім мүшелеріне әсер етуші объективтің қарапайым жеке белгілерінен бастап, жеке адам мотивтерінің тайталасы кіреді.

Жантану ғылымы үшін ең маңызды мәселелердің бірі - зерттелуші құбылыстардың мән-мағынасын ашып беру. Осыған байланысты әдіснамалық мәселелер туындейды.

Психикалық құбылыстардың мәнін тануда Б. Ф. Ломов өзінің еңбегінде психология ғылымының тірек категорияларын, олардың жүйелі өзара байланысын, жалпы-лығын, сонымен бірге бұл категориялардың өзіндік дербестікте екенін айқындағ берген. Фалым психологияның келесі **тірек категорияларын** атайды: бейнелеу категориясы, іс-әрекет категориясы, жеке адам категориясы, тіл-қатынас категориясы, сондай-ақ жалпылық мағынасына орай категория санына жататын түсініктер - "әлеуметтік" және "биологиялық". Адамның әлеуметтік және табиғат қасиет-терінің объектив байланыстарын, оның дамуындағы биологиялық және әлеуметтік себеп-салдарлық қатынастарды айқындау фалым міндеттерінің ең бір қыны.

Алғашқы он жылдықтарда психологияның теориялық (дүниетанымдық) тарапы басымдау болды. Ал қазіргі кезеңде оның қоғамдағы рөлі көп өзгеріске ұшырады. Ол енді білім жүйесіндегі, өндірістегі, мемлекеттік басқару, медицина, спорт және т.б. кәсіби практикалық қызметтің ерекше саласына айналып барады. Психология ғылымының

практикалық міндеттерді шешуге араласуынан оның теориясының даму жағдайлары да біршама өзгерді. Шешімі психологиялық біліктілікті қажет еткен міндеттер адамдық фактор маңызының жоғарылауынан қофам өмірінің барша тарапында әр қылыш формада пайда болуда. "Адамдық фактор" дегеніміз әрбір азамат тұлғаға тән болып, олардың нақты іс-әрекетінде көрініс беретін әлеуметтік-психологиялық, психо-логиялық және психофизиологиялық қасиеттердің кең ауқымы.

Біз бұл жерде осы күнгі қофамдық тәжірибелің психодиагностика алдына қойған талаптарының бәрін талдау міндеттін алмай (өйткені, адам араласқан жердің бәріндегі мың сан міндет), бала психикасының дамуына байланысты психологияның маңызын қысқа атап өтпекпіз. Халықты білімдемдіру жүйесінің барша бөліктерінде (мектепке дейінгі, орта, жалпы білім беруші, орта арнаулы, жоғары мектеп) психологиямен сабактар проблемалар шексіз. Психикалық құбылыстардың жүйесін түгелімен қарапайым түйсіктен бастап, жеке адам психикалық қасиеттеріне дейін - оларды басқарушы объектив занылықтарды ашу үшін зерттеу, оқу мен тәрбиенің теориялық негізін, қофамдық міндеттерін, ұйымдастыру формаларын анықтап белгілеуде орасан маңызды ие.

Психология ғылымының қолданбалық мәнін қофам түсініп, қабылдауынан халықта білім беру мекемелерінде кең психологиялық қызмет тармақтарын іске қосу идеясы өз қолдауын тапты. Қазіргі күнде бұл қызмет қалыптасып, дамуда, ол келешекте ғылым мен оның нәтижелерін практикаға ендіруде дәнекер жүйе болуы көміл.

3. Психологияның ғылымдар жүйесіндегі орны

Психологияның басқа ғылымдарда пайдалану мүмкіндіктерін және көрісінше, психология олардың нәтижелерін өзіне қалай қолданатынын жете түсінуге болады. Әр түрлі тарихи дәуірлердегі ғылымдар арасындағы психологияның орны жантаным білімдерінің даму деңгейі мен сараптау схемасынан келіп шығады. Атап айту керек, қофамның рухани даму тарихында бірде бір білім саласы ғылымдар жүйесіндегі өз оның психология сияқты жіңінен өзгерту түрған емес. Қазіргі күнде академик Б. М. Кедров ұсынған сарап әдісі қабылданған. Бұл әдіс ғылымдар арасындағы мазмұндық жақындықта орай көп тарапты байланыстарға негізделген. Ұсынылған схема - шындарына жаратылыстану, әлеуметтік және философиялық ғылымдар қонақтаған - үш бұрыш формасында. Ғылымдардың негізгі тобының мұндай орналасуы олардың пәні мен әдістерінің психология пәні мен әдістеріне нақты жақындығынан. Зерттеу барысында қойылған міндеттерге орай психология өз бағытын бұрыш шындарының біріне бұрып отырады.

Психологияның жалпы ғылыми білімдер жүйесіндегі қызметі - зерттеу объективті адам болған барша ғылым салаларының жетістіктерін біріктіріп, байланыстыру.

Психологияның аталған ғылымдық үш бұрышпен байланысының мазмұндық сипаты қандай?

Психологияның негізгі міндетті психикалық іс-әрекет заныңда барысында зерттеп, тану. Осы заның арқылы объектив дүниенің адам миында қалай бейнеленетіні, осыған орай оның әрекеттері қалай реттелетіні, психикалық қызметтің дамуы мен жеке адамның психикалық қасиеттері қалай қалыптасқаны айқындалады. Психиканың объектив шындық бейнесі екені белгілі, сондықтан психологиялық зерттеулер ең алдымен психикалық құбылыстардың адамның объектив өмір шарттары мен қызметтіне тәуелділігін тануға бағытталуы тиіс. Сонымен бірге, адамдардың әрқандай іс-әрекеті барлық уақытта адам өмірінің объектив жағдайларымен байланысып қалмастан, оның субъектив мезеттерімен де қатынаста болады. Ғылыми психология барша психикалық құбылыстардың (қаншама курделі болмасын) материалдық негізі бас миы қыртысындағы уақытша байланыстар жүйесі болатындығына арқа сүйей отырып, субъектив және объектив жағдайлардың өзара ықпалды болатынын шынайы занылықты дәлелдеуге негіздел бере алады. Осы байланыстардың түзілуі және олардың қызметтес болуынан психикалық құбылыстар адам іс-әрекетіне ықпал жасап, оны реттеп, бағыттайты, шындықты санада бейнелеуде адамға өз әсерін тигізеді.

Сонымен, психикалық құбылыстардың адам өмірі мен әрекеттің объектив жағдайларына тәуелді занылықтарын аша отырып, психология осы әсерлердің мидағы

бейнелену механизмдерін де айқындайды. Осыған орай, психология физиологиямен, дәлірек айтсақ, жоғары жүйке қызметі физиологиясымен өте жақын байланыста болуы сөзсіз.

Психологияның дербес ғылымға айналуында оның XIX ғ. басталған жаратылыстану ғылымдарымен бірлікте зерттелуі үлкен маңызға ие болды. Осы байланыстың нәтижесінде психологияға экспериментальдық әдіс енді. (Г. Фехнер), рефлекторлық теория ашылды (И. М. Сеченов, И. П. Павлов). Қазіргі заман психология проблемаларының зерттелуіне Ч. Дарвиннің эволюциялық теориясы да үлкен ықпалын тигізіп, тіршілік иелерінің құбылмалы орта жағдайларына икемделудегі психиканың рөлін анықтауға, жоғары психикалық әрекет формаларының қарапайым түрлерден туындастырылуын түсінуге мүмкіндік берді.

Психолог жеткілікті дәрежеде өсімдіктер мен жануар-лар тіршілігіндегі өрекшеліктерді айыра білуі қажет. Әсіресе, біртекті сулы ортада жасаған бір жасушалылардың клеткалы өмір түрпательнан қоршаған ортада белсенді бағдар-бағыттылықты талап ететін құрылыштағы тіршілік иесі - көп жасушалылардың күрделі өмір формасына өтудегі өзгерістерін анықтап білген жөн. Жәндіктер дүниесі мен жоғары омыртқалылардың тіршілік принциптері арасындағы айырма-шылықтарды да білгеннің маңызы үлкен. Икемделудің жалпы биологиялық принциптерін білмей, жануарлар қылық-әрекеттерінің ерекше бітістерін дәл түсіну мүмкін емес, ал онсыз адамның күрделі формадағы психикалық әрекеттерін ұғы биологиялық тұғырынан айырылады. Сонымен бірге естен шығармайтын жәйт, психология ғылымының пәндік негізін құрайтын деректерді ешуақытта биологиялық дерек-термен баламаластыруға болмайды.

Психология үшін оның қоғамдық ғылымдармен байланысы үлкен маңызға ие. Тарих, экономика, этнография, әлеуметтану, өнертану, заң және т.б. зерттеулеріндегі проблемалар әрдайым психологиямен тікелей байланысты. Көп жағдайда адамдардың жеке және ұжымдық әрекеттерінің механизмі, әрекет, әдет, әлеуметтік бағыт, тәртіп-талап стереотиптерінің қалыптасу зандылықтары жөніндегі білім-дерді пайдаланбай, кәйіп, сезім, психологиялық климатты танып білмей, жеке адамның өрекшеліктері мен психологиялық қасиеттерін, қабілетін, сезімін, мінезін, адам аралық қатынастарын зерттемей, әлеуметтік процестер мен құбылыштардың мәні толық ашылмайды, яғни, ықшамдап айтсақ, әлеуметтік процестерді зерттеуде психологиялық факторды ескеру занды қажеттілік. Психологиялық факторлар өздігінен әлеуметтік процестерді бағыттай алмайды, керісінше, олардың өзін осы қоғамдық процестерді талдау арқылы түсіну мүмкін. Адамның психикалық іс-әрекеттерінің негізгі формалары қоғамдық тарих шарттарына орай туындал, дәстүрлі объектив іс-әрекет жағдайында өрісін тауып, еңбекке, еңбек құралдары мен тілді қолдануға байланысты қалыптасады. Келтірілген пікірлер психологияның қоғамдық ғылымдармен болған байланысының маңыздылығын дәлелдей түр. Егер жануар қылық-әрекетінің қалыптасуы тіршіліктің биологиялық жағдайларына түбегейлі тәуелді болса, адам қы-лығының қалыптасуы қоғамдық тарих шарттарымен ажы-рамас байланыста. Ең алдымен психикалық әрекет-қы-лықтық адамға тән өрекшеліктерін зерттейтін психология ғылымы қоғамның негізгі зандарын қорытушы әлеуметтік ғылымдар деректерінсіз бір қадам да ілгерілей алмайды. Адамның психикалық әрекетіне арқау болатын қоғамдық шарттарды зейінділікпен көре білу психологияның берік ғылыми тұғырға орнығына мүмкіндік береді.

Психологияның педагогикамен байланысына аса назар аударған жөн. Әлбетте, бұл сабактастық бұрыннан да белгілі, кезінде К. Д. Ушинский: "Адамды жан-жақты тәрбиелеу үшін оны жан-жақты зерттеу қажет", - деген еді. Бұл арада психологияның практикалық маңызы нақты көрініп түр. Егер педагогика психологиялық құбылыштардың табиғаты жөніндегі білімдерге сүйенбесе, онда ол қара-дүрсін педагогикалық кеңестер мен көрсетпелер жиынтығына айналып, шын мәнінде ғылым болудан қалып, мұғалімге ешқандай жәрдем бере алмайды. Педагогиканың барша салаларының (жалпы теория, дидактика, пән әдістемесі, тәрбие теориясы) даму барысында психологиялық зерттеулерді қажет ететін проблемалар туындал отырады. Психикалық процесс журу зандылықтарын; білім, ептілік және дағдылардың қалыптасуын; адам қабілеттері мен мотивтерін, оның психикалық дамуын тұластай білу оқудың әр сатысындағы білім

мазмұнын анықтау, оқу мен тәрбиенің ең тиімді әдістерін нақтылау және т.б. сияқты өзекті педагогикалық проблемаларды шешуде келелі мағына-маңызға ие.

Қазіргі кезеңде нарықтық қоғам оқушысын неге үйрету керек? Ғылым топтаған асқар тау ақпарат қорынан мектеп үшін нендей білімді және оны қалай алу керек? - дегендегі мың сан проблема қордаланып тұр. Бұлардың бәріне шешім табу, адамның әр жас деңгейіндегі психикалық даму мүмкіндіктерін және олардың жедел шемдерін белгілеу педагогикалық психологияның міндеті.

Психологияның аса қажеттігі педагогиканың тәрбие проблемаларына орай байқалады. Тәрбиенің мақсаты даму жолындағы қоғам талаптарына сай жеке адамды қалыптастыру. Ал бұл мақсатқа жету жеке адамның қалыптасу заңдылықтарын: бағыт-бағдар, қабілет, қажеттілік, дүниетаным және т.б. зерттеуді қажет етеді. Айтылғандар қазіргі заман психологиясының ғылымдар тоғысында тұрғанының дәлелі, яғни психология бір жағында философия ғылымдары, екінші тарапында жаратылыстану ғылымдары, үшінші жағында әлеуметтік ғылымдар болған аралықта орналасқан.

Солай болса да, барша ғылымдармен байланыса, психология өз пәніне, өзінің теориялық принциптеріне және өзінің зерттеу әдістеріне иелігімен дербестенетінін ұмытпау керек. Дербес ғылым ретінде психология аймағында өзара байланысы сырт көзге байқала бермейтін біршама ерекше білім салалары ұштасып жатады, мысалы, психофизиология мен әлеуметтік психология. Бұлар, сырттай қарағанға "сыйыспайтындағы" болғанымен, бір ғылым саласынан, себебі олардың түпкі де түбегейлі міндеті бір - психикалық құбылыстың мәнін зерттеу. Психология қай ғылым саласымен байланысса да, оның зерттеу объектісі жалғыз-ақ: ол - адам, оның психикалық процестері, қалыптары және қасиеттері.

4. Психология салалары

Психологиялық білімдердің даму ерекшеліктері психо-логияның басқа ғылымдарға тәуелді байланысынан ғана емес. Көп жағдайда олар қоғамдық практиканың өрістеп жатқан қажеттерімен белгіленеді. Егер психология алғашқы уақытта теориялық тарабы басымдау, дүниетанымдық пән болса, ол қазіргі кезде өзінің танымдық қызметін сактай отырып, өндірісті, мемлекетті басқарудағы, білім беру жүйесіндегі, деңсаулық, заң мекемелеріндегі, мәдениеттегі, спорттағы және т.б. көсіби практикалық іс-әрекеттің бір саласына айналуда.

Сонымен, осы заман психологиясы көп тармақты білімдер жүйесі ретінде танылып, әртүрлі еңбек тәжіри-бесімен байланысада. Әдетте, психология салаларын жік-теудің негізгі принципі - **психиканың іс-әрекетте даму** принципі. Сондықтан, көбінесе психология салаларын топтастыру негізіне адамдардың әртүрлі еңбектік әрекеттері алынады. Осыған орай психология келесі салаларға бөлінеді.

Еңбек психологиясы адамның қоғамдық өнімге бағыт-талған әрекетінің психологиялық ерекшеліктерін, еңбекті ғылыми ұйымдастырудың психологиялық тараптарын зерттеумен бірге психология ғылымының дербес салаларына айналған білімдерге жіктеледі. Олардың ішінде: инженерлік психология, авиация психологиясы, ғарыштық психология т.б. бар.

Педагогикалық психологияның қызметі адамды оқыту мен тәрбиелеудің психологиялық заңдылықтарын ашу. Оның бөлімдері: оқу психологиясы, тәрбие психологиясы, сондай-ақ мұғалім психологиясы, дамуы жетімсіз балаларды оқыту-тәрбиелеу психологиясы.

Медициналық психология дәрігер қызметі мен сырқат адам мінез-құлығының психологиялық мәнін зерттейді. Ол психикалық құбылыстардың ми физиологиялық құрылым-дарымен байланысын айқындаушы **нейропсихология**; емдік дәрілердің адамның психикалық жағдайына ықпалын белгілеуші **фармакопсихология**; науқасты емдеуде қолданылатын психикалық әсерлерді зерттейтін **психотерапия**; психикалық алдын алу профилактика және психогигиена тарауларына бөлінеді.

Заң психологиясы құқық жүйесін іске асыруға байланысты психикалық мәселелерді қарастырады. Онда бірнеше салаларға жіктеледі: қылмыскер психологиясы,

үкім шығару-шы мен орындаушы психологиясы және т.б.

Әскери психология адамның соғыс жағдайындағы қылыш-әрекетін; қолбасшы мен оның билігіндегі сарbaz арасындағы қарым-қатынастың психологиялық тараптары, әскерді рухтандыруши үгіт-насихат психологиясының әдіс-терін және т.б. зерттейді.

Аталған топ қатарына спорт, сауда, ғылым және өнер шығармашылық психологиясы да кіреді.

Психология тармақтарын топтастыру негізіне дамудың психологиялық қырлары да алдыны мүмкін. Бұл жағдайда психологияның **даму принципі** іске асады. Осылан байланысты психология келесі салаларға бөлінеді:

Жас сатыларының психологиясы жеке адамның әртүрлі психикалық процестері мен психикалық қасиеттерінің онто-генезін зерттейді де келесі салаларды өз ішіне қамтиды: балалар психологиясы, жас өспірімдер психологиясы, ересек адамдар психологиясы мен кәрілік психологиясы (геронтология).

Даму қалыптан шыққандар психологиясы немесе арнайы психология: олигофренопсихология (ақыл-оый кемдер), сурдопсихология (керендер), тифлопсихология (загиптер).

Салыстырмалы психология - психикалық өмірдің филогенетикалық (біртұтас даму) формаларын зерттейді.

Психология салаларын топтастырудың және бір жолы - қоғам мен жеке адам арасында болған қатынастарды ескеру. Бұл әдіске орай "**Әлеуметтік психология**" атымен психология-ның көптеген салалары бірігеді. Әлеуметтік психология адамдардың әртүрлі үйімдасқан ресми немесе үйімдаспаған, бейресми топтарда көрініс беретін психикалық болмысын зерттеумен шұғылданады.

Жоғарыда келтірілген деректер психологияның қолдану аймағының кең екенінен хабар береді. Мұнда орындалатын міндеттердің де сипаты сан алуан: адамның қарапайым қабылдауын зерттеуден бастап, жалпы өріс алған күрделі психикалық құбылыстарды тануға дейін. Психология-лық бітістерді қазіргі заманның дүниежүзілік проблемаларына байланысты да (бейбітшілік үшін күрес, қоршаған ортаны қорғау, ғарышты игеру және т.б.), адамдардың күнделікті тұрмысына орай да (эмоциональдық қүйзелісті басу, адам аралық қақтығыстарды үйлестіру және т.б.) зерттеп, олар бойынша қажетті шешімдерге қол жеткізуге болады. Бұлай болуы орынды да, себебі аталған проблемалардың бәрі қалайда адамға байланысты болғандықтан, бізді ең алдымен оның психикалық жан дүниесі қызықтыратыны сөзсіз.

Барша психология салаларының ішінде айрықша орынды **жалпы психология** иеленетінін атап өткен жән. Бұл тараудың негізгі міндеті психологияның әдіснамалық проблемалары мен тарихын, психикалық құбылыстар пайда болуының, дамуының және болмысының жалпыланған зандылықтарын ғылыми нақтылау. Сонымен бірге жалпы психология танымдық және практикалық іс-әрекетті де зерттейді. Жалпы психология зерттеулерінің нәтижесі психология ғылымының барша салалары мен бөлімдерінің ірге тасы қызметін атқарады.

Жалпы психология курсында жантану ғылымының теориялық принциптері мен маңызды әдістері жөнінде таным беріліп, оның негізгі пәндік түсініктері сипатталады. Барластыру қолайлығымен бұл түсініктер үш негізгі категориялар төнірегінде топтастырылады: **психикалық процестер, психикалық қалыптар** мен **психикалық қасиеттер** немесе жеке адамның дара ерекшеліктері.

Қайталау және бақылау сұрақтары

1. Адам - ғылымдық зерттеу объекті болуының мәні неде?
2. Адам психологиясын зерттеудің ерекшелігі қандай?
3. Алғашқы тұрмыстық психология танымдарын жинақтау қалай жүрді?
4. Психология ғылымының қалыптасуындағы алғашқы кезеңге сипаттама беріңіз?
5. Р. Декарттың психологияға енгізген жаңалығы және ол сол кезеңдегі ғылымның дамуына қандай әсер етті?

6. Психология дамуында "Бихевиоризм" бағытының мәнін ашып беріңіз?
7. Диалектикалық материализм психология ғылымына қандай өзгерістер енгізді?
8. Психиканың рефлекторлық сипаты және онымен байланысты құбылыстарды ашып беріңіз?
9. Психология ғылымының міндеттерін айқындаушы фактор-ларды атаңыз?
10. Психологияның философия, жаратылыстану, әлеуметтік ғылым-дармен байланыс себептерінің сипаты қандай?
11. Психология салалары және оларды топтастыру принциplerі қандай?

2-дәрісбаян

ПСИХОЛОГИЯДА ҚАЛЫПТАСҚАН ҒЫЛЫМИ БАҒЫТ-БАҒДАРЛАР

- Жоспары:**
1. Психиканың рефлекторлық сипаты
 2. ХХ ғасырдың 20-30 жылдарындағы психология дағдарысы.
 3. Батыстық психологияның бүгінгі даму бағыты.
 4. Ғылыми психология принциптері мен жалпы зерттеу әдістері.

1. Психиканың рефлекторлық сипаты

Адам анатомиясын зерттеген жаратылысташылар мен дәрігерлер ежелгі дәүірлерде-ақ психикалық құбылыс-тардың ми қызметімен байланыстылығы жөнінде болжам айтқан, әрі психикалық сырқаттарды сол ми қызметінің бұзылу салдарынан деп топшылаған. Мұндай пікір, көзқарастарға жарақат немесе сырқаттан зақымданған адам бас миына бақылаулар негіз болған. Осында сырқаттарға кезікken адамның психикалық қызметі күрт бұзылысқа келеді: көзі көрмейді, құлақ естімейді, ес, ойлау, сөйлеу қабілеті кемиді, кейде өз қозғалысын басқара алмай қалады және т.б. Осы психикалық әрекет пен ми жұмысының арасындағы байланысты ашу психиканы ғылыми зерттеудегі алғашқы қадам ғана болды. Бұл әлі психикалық іс-әрекет негізінде қандай физиологиялық механизмдер жатқанын түсіндіріп бере алмайды.

Психологиядағы бұл ғылыми мәселе өз шешімін барша психикалық іс-әрекет түрлерінің рефлекторлық сипатына байланысты ғана табуы мүмкін. Бұл проблеманы айқындауда орыс ғалым-психологтары М. М. Сеченов (1829-1905) пен И. П. Павлов (1849-1936) көп еңбек сінірген. М. М. Сеченов өзінің әйгілі "Бас ми рефлекстері" (1863) еңбегінде рефлекторлық принципті адамның бас миы қызметіне, одан әрі барша психикалық іс-әрекетіне жая қолданды. Ол "адамның бүкіл саналы да санасыз (астарлы) өмірдегі әрекеттері өзінің туындауы жағынан рефлекстерге байланысты, немесе рефлекстік әдіс", - деп жазған. Бұл психиканы объективті түсінудегі алғашқы қадам еді. Бас миы рефлекстерін шүқшия талдай отырып, Сеченов оның басты үш байланыс бірлігін анықтады: бастапқы бірлік жүйке қозуы процесінде миға берілетін сыртқы тітіркендіргіштер; ортаңғы бірлік мидағы қозу және тежелу процестері және солардың нәтижесінде психикалық қалыптардың (түйсік, ой, сезім, т.б.) пайда болуы; ақырғы бірлік сыртқы қозғалыстар. Бұл тізбектегі ортаңғы бірліктің психикалық элементтері қалған екі шеткі (сыртқы тітіркендіргіштер мен жауапты әрекеттер) бірліктерсіз жасамайды. Соңдықтан да барша психикалық құбылыстар бүкіл рефлекторлық процестің бөлінбес құрамы. Сеченовтың рефлекс бірліктерінің ажыралмас байланысы жөніндегі тұжырымы психикалық іс-әрекетті ғылыми тұрғы-дан түсінуде үлкен маңызға ие болды. Психикалық қызметті сыртқы ықпалдардан да, адам қылыш-әрекеттерінен де бөліп қаруға болмайды. Психикалық құбылыс субъектінің жалғыз толғанысымен шектеліп қалмайды, егер олай болғанда, психикалық дүние (ой, ес, қиял т.б.) нақты өмірлік маңызға ие болмас еді.

Психикалық іс-әрекеттің рефлекторлық принципіне орай Сеченов - адам іс-әрекеті мен қылышы сыртқы әсерлердің себебінен туындаитыны жөнінде ғылыми психология үшін өте маңызды қорытынды жасады. Ол "Бастапқыда қандай да әрекеттің себебі әрдайым тысқы сезімдік қозуда, онсыз ешқандай ой өрістеуі мүмкін емес", - деп жазды. Сонымен бірге ғалым сыртқы жағдайлар әсерін үстірт түсінбеу қажеттігін ескерткен. Бұл арада әңгіме тек көрініп тұрған нақты тыс әсер жөнінде ғана емес, сыртқы жағдай әсерлері тобына адамның өткенде кезікken әсерлері, барша өмір тәжірибесі қамтылады. Осылайша И. М. Сеченов рефлекстің миға байланысты бірлігін оның табиғи бастауынан (сезім мүшелеріне әсер) және ақырынан (жауап қозғалыс-қимылдар) бөліп, оқшаулау орынсыз екенін көрсетіп берді.

Психикалық процестердің атқаратын міндеті қандай? Бұл әрекетті өзгермелі жағдайларға сай етіп отыру - **сигналдық** және **реттеу** қызметтері. Психикалық құбылыс жауап әрекетті өздігінен реттей алмайды. Бұл сыртқы дүние жөніндегі ақпарат келіп түсуші, сақталушы, және өндөлүші мидың белгілі бөлімдерінің қасиеті, қызметі.

Психикалық көріністер бұл мидың сыртқы және ішкі (организмнің физиологиялық жүйе ретіндегі қалпы) әсерлерге жауабы, яғни психикалық құбылыс - бұл нақ осы мезетте (түйсік, қабыл-дау) өткен тәжірибеде болған (ес), осы әсерлерді қорытын-дылап немесе олардың нәтижесін білуге жәрдемдескен (ойлау, қиялдау) тітіркендіргіштерге жауап әрекеттерді реттеуші механизм. И. М. Сеченов ғылымға психиканың **рефлекстігі** мен **іс-әрекеттің психикалық басқарылуы** жөніндегі идеяны қости.

Іс-әрекеттің рефлекторлық принциптері өзінің экспериментальдық негізdemесін И. П. Павлов және оның шәкірттерінің еңбектерінде тапты. И. П. Павлов Сеченовтың психикалық іс-әрекет мидың рефлекторлық қызметі екендігі туралы тағылымының дұрыстығын дәлелдеді, пси-хикалық құбылыстың негізгі физиологиялық заңдарын ашты, ғылымның жаңа саласы - жоғары нерв қызметінің физио-логиясы, шартты рефлекстер жөніндегі білімнің негізін қалады. Организмге әсер етуші тітіркендіргіштер мен оларға жауап реакциялар арасында уақытша байланыстар түзіледі. Осы байланыстарды пайда ету бас ми қыртыстарының ең маңызды қызметі. Уақытша жүйке байланысы ми қызметі ретінде психикалық іс-әрекеттің қай бірінің болмасын негізгі физиологиялық механизмі болып табылады. Миға қандай да бір тітіркендіргіш әсер етпей, ешбір психикалық құбылыс өздігінен туындаамайды. Әрқандай психикалық процесс пен қалаған уақытша байланыстың соңғы нәтижесі тыс әсерлерге жауап сипатындағы сырттай көрініс берген әрекет. Психикалық қызмет осыдан объективтік дүние заттары мен құбылыстарының әсерінен туындаған мидың рефлекторлық бейнелеу жұмысы. Келтірілген тұжырымдардың бәрі объек-тив шындықты бейнелеу механизмінің мәнін ашып отыр. Сонымен, жоғары жүйке қызметі жөніндегі тағлимат пси-хикалық құбылыстарды материалистік тұрғыдан түсіндірудің жаратылыштану ғылымымен сабактастанаң ірге тасы.

Уақытша жүйке байланысын әрқандай психикалық іс-әрекеттің физиологиялық механизмі деп танудың маңыздылығынан психологиялық құбылыстың физиологиялық құбылыстармен бірдейлігі келіп шықпайтынын есте сақтаған жөн. Психикалық іс-әрекет тек қана физиологиялық механизм сипатымен шектеліп қалмай, мидағы бейнеленген нақты дүние, яғни психикалық құбылыстың мазмұнымен байланысты. Жануарлар мен адамдардың сыртқы ортамен сабактастырының ми тарапынан басқарылып, реттелу заңдылықтары жөніндегі И. П. Павлов тұжырымдарының жиынтығы **екі сигналдық жүйе** теориясы деп аталады. Шартты рефлекс типі бойынша қылыш-әрекеттің өзгеруіне ықпал етуші зат бейнесі жануар үшін қандай да шартсыз тітіркендіргіштің сигналы қызметін атқарады. Жануарлар өз әрекет-қылышында И. П. Павлов **бірінші сигналдық жүйе** деп атаған физиологиялық тетікке тәуелді. Жануарлардың барша әрекет болмысы бірінші сигналдық жүйе деңгейінде орындалады.

Іс-әрекет пен қылышты бағыттап, реттеуде бірінші сигналдық жүйе адам өмірінде де үлкен маңызға ие. Бірақ адамның жануарлардан ерекшелігі, онда бірінші сигналдық жүйе мен қатар **екінші сигналдық жүйе** болады. Екінші сигналдық жүйенің болмысы, яғни "сигналдар сигналы", - деген сөз.

Сонымен, психика - ми қасиеті. Түйсік, ой, сана - ерекше тәсілмен үйымдасқан материяның ең жоғары өнім туындысы. Организмнің психикалық әрекеті көптеген дене мүшелерінің қызметі арқасында жүзеге келеді. Олардың бірі әсерлерді қабылдайды, екіншілері оларды сигналға айналдырып, іс-әрекетті жоспарлап, қадағалап отырады, ал үшіншілері - бұлшық еттерді әрекетке келтіреді. Осы курделі жұмыстардың бәрі қосылып, қоршаған ортада адамның жол тауып жүруінің белсенді құралы болмақ.

2. XX ғасырдың 20-30 жылдарындағы психология дағдарысы

XX ғ. басында өркендей бастаған ғылым мен өндіріс-экономикалық талаптарына орай сана (интроспекттік) психологиясының дағдарысы қылаң берді. Интроспекттік психология практикалық қолданба енгізулерді қажет еткен капиталистік өндіріс проблемалары алдында өз дәрменсіздігін байқатты. Оның субъектив әдістері қоғамның объектив қажеттіліктеріне сай келетін ұсыныстарға шамасы жетпеді. Осыдан психология зерттеулерін жаңа, объектив әдістер тұғырына орнықтыру жолдары іздестіріле бастады.

Сана психологиясының дағдарысы, сонымен бірге, ғасыр аяғында Францияда кең өріс алған невропатология және психиатрия саласындағы зерттеулердің нәтижесімен де

байланысты еді. Бұл зерттеулер адам психикасының кейде саналы басқарылмайтын құбылыстармен көрініс беретінін дәлелдеді. Мұндай бейсанға тәуелді әрекет-қылыштар эксперименталды және клиникалық талдауға алынды. Осының нәтижесінде психология сана жөніндегі ғылым емес деген пікір пайда болды.

Бұл дәүірдегі психологияның қарқынды дамуына Ч. Дарвиннің эволюциялық тағылымы да үлкен ықпал жасады. Бұл ілімге орай барша психологиялық дүние қоршаған орта мен тіршілік иесінің икемдесу әрекетінен ажырауы мүмкін емес деген тұжырым орнықты. Эволюциялық теория ықпалында интроспекция әдісін қолдану мүмкін емес бала мен хайуанат психикасын зерттеу етек алды.

Осылайша әртүрлі ықпалдар мен жағдайлар ғылымда бірнеше жаңа психологиялық теориялардың туындауына себепші болды. Жаңа теория өкілдері сана психологиясын психика жөніндегі жаңа тұжырымдамалармен толықтыру немесе оны ауыстыруды мақсат етіп қойды.

Бихевиоризм - XX ғ. американ психологиясының басты бағыты: ол психологияның мақсаты сананы тану емес, әрекет-қылышты зерттеу деп білді. Бихевиоризм теориясы негізінде адам мен хайуанндардың әрекет-қылышы сыртқы орта әсеріне (стимул) болған организмнің кері (сөз, эмоция арқылы) жауаптарының жиынтығы деген түсінік жатыр. XIX-XX ғ.ғ. тоғысында бихевиоризм психологиясы жаңуарлар психикасын эксперименттік талдауға салу нәтижесінде пайда болды. Мұнда адам психикасын зерттеуде қолданылатын өзін-өзі бақылау тәсілін пайдалану мүмкін болмағандықтан, эксперимент жасау әдісі іске қосылды. Бұл әдісті бихевиористер адам психикасын зерттеуге де қолданды. Бихевиоризмнің жалпы әдіснамалық алғы шарты позитивизм-нің философиялық принциптерінен шығады. Осы принцип-терге сәйкес ғылым тек бақылау жүргізіп отырған затын баяндауы тиіс, ал бақылауға тікелей берілмеген мәлімет-термен ішкі механизмдерді талдау алдамшы болады. Осыдан барып, бихевиоризм психологиясы сананы емес, әрекет-қылышты зерттеуі керек деген негізгі тезис тұжырымдады. Бихевиористер сана деп адамның тек басынан кешкен субъективті мағлұматтар жиынтығын айтады. Сана сыртқы дүниені бейнелейтін мидың нақты қызметі екенін олар мойындармайды, сөйтеді де психиканың материалдық субстратын құрайтын ми физиологиясына қарсы шығады. Бихевиоризм теориясын қалаушы - Э. Торндайк. Ал оның бағдарламасын жасап, "бихевиоризм" терминін енгізген Дж. Уотсон. Бихевиоризм тағлиматастың кризистік халға жетуі - сана, ойлау, ерік сияқты негізгі ұғымдарды психологиядан шығарып тастап, психиканың әлеуметтік жағын ескермеудінде.

Гештальтпсихология (нем. гештальт - бейне, құрылым, бір тұтас форма) - XX ғ. бас кезінде Германияда пайда болған идеалистік психологияның бір бағыты. Басты өкілдері: М. Верхаймер, В. Келлер, К. Кофман, К. Левин. Гештальт-психология механикалық жаратылыстану ғылымының жалпы дағдарысқа ұшырауына байланысты ассоциативті психология-ға қарсылық білдіру рухында туды. Гештальттылар "әлемент-тер психологиясына" қарсы әрбір психологиялық процестің біртұастығы мен өзіндік сапасын жақтады. Олар тұтастықты (гештальт) әлементтерден тіпті өзгеше жаңа, өзінің ішкі занұлығынан туып, өзгеріп отыратын, түсіндіріп болмайтын, тек баяндауға ғана келетін құбылыс деп пайымдайды. Гештальтпсихологияның тұтастық идеясы динамикалық ситуация мен оның формальды құрылымының бір бүтіндігі негізінде іс жүзіне асырылды. "Гештальт" ұғымын алғашқы ендірген Эренфельд. Оның айтуынша, бұл ұғым мынадай мазмұнды қамтиды: айталық, бірнеше дыбыс тітіркендіргіш-тері іркес-тіркес берілді дейік. Сонда, бұл дыбыстар бір-бірімен байланыссыз әсерлер ретінде қабылданбай, белгілі құрылымы бар, сол дыбыстардың "гештальты" болып табылатын "әуен" ретінде қабылданады.

Гештальтпсихология бағытының осал тараҧы психо-логиялық құбылыс бейне мен оны туыннататын нақты әрекет арасындағы байланысты жоққа шығарғандығы. Гештальттылар ұғымы бойынша бейне тек өз занұлықтарына бағынатын ерекше мәнді құбылыс саналды, оның нақты заттың дүние-мен байланысы сыр күйінде қала берді. Осы екі маңызды категориялардың (бейне мен нақты дүние) басын қосып, психологиялық болмысты талдаудың ортақ жүйесін бере алмағандықтан, гештальтпсихология ғылыми мектебі соғыс алды жылдарында тарады.

Генетикалық психология. Швейцария ғалымы Ж. Пиаженің генетикалық психология теориясы психология ғылымының кең өріс жайған бағыттарының бірі. Өз зерттеулерін негізге ала отырып, Ж. Пиаже генетикалық әдісті психологиялық болмысты тануда жетекші әдіснамалық принцип дәрежесіне көтерді.

Өз зерттеулерінде ғалым бала ақыл-есінің қалып-тасуына назар аудара отырып, ғылыми психологиядағы зерттеулер бала интеллектінің дамуын байқаудан басталып, сол арқылы ересектердегі интеллект табиғаты мен қызметтің білуғе болады деп пайымдады.

Пиаженің негізгі міндепті адам интеллектінің құрылымын зерттеу. Осы құрылымды ол қарапайым органикалық тіршіліктің эволюциялық даму барысында жеткен нәтижесі деп білді, яғни интеллекттік күрделі ақыл-естің жай психикалық элементтерден құралатының дәлелдемекші болды.

Пиаже тұжырымының ең үлкен қатесі - баланың біртұтас дамуын ескермesten, ақыл-естің өрістеге тұғырын интеллекттің өзінен іздеді, ал сананы дамытушы факторлар арасында ол қоғамдық тарихи әрекет болмысына ешқандай орын қалдырмады.

Пиаженің теориялық тұжырымдары жоғары деңгейдегі ойлау қабілеттерінің көзі өткендегі ой мүмкіндіктерінде болатының дәлелдеп бақты. Ой қабілеті өзінен-өзі бітбейтінін, ал даму адам қасиеті екенін, сол адамның адамгершілік қасиет қатысымен шындалған сайын оның санасының жан-жақты дамып, ойлау дәрежесінің көтерілетінін тіпті көре білмеді.

Генетикалық психология зерттеулеріндегі ең үлкен олқы-кемшілік: интеллект даму деңгейінің бірінен екіншісіне өтуде оқудың маңызы орынды бағаланбай, әлеуметтік-қоғамдық фактордың жеке адам қалыптасуындағы мәні жоққа шығарылды.

Фрейдизм Негізін австриялық психолог З. Фрейд қалаған, жеке адамның жан тәркінін, дамуын иррационализм (саналы дәлелі жоқ) мен мистика (тылсым құпия) сияқты психикалық факторларды саналы әрекетке тікелей қарсы қоюмен дәлелдеуге тырысқан психологиялық бағыт. Алғашқыда есі ауысу сырқатына тап болғандарды емдеу мен олардың сырқатының табиғатын түсіндіруге бағышталған бұл ілім кейін адам жөніндегі жалпы тағлимат дәрежесінде ұсынылды. Фрейдизм ілімінің негізгі сарыны: адам табиғаты астар санадағы психикалық құштер (олардың ішіндегі ең бастысы - либидо (жыныстық құмарлық) мен сол адамға жау әлеуметтік ортада тіршілік сақтау қажеттігі арасындағы мәнгі өшпес келіспестік пен арпалыста дамиды, қалыптасады.

Қоғам өзінің шектеулерімен адамды қүйзеліске түсіреді, оның санаға бағынбайтын құмарлықтарын басуға тырысады. Сондықтан бұл көніл шарпулары және сезім көріністері айналма жолдармен невротикалық белгілер түрінде жарықта шығады (тус көру; қате, жаңсақ сейлеу, жазу; қажет, бірақ ұнамсыз болғанды ұмыта қалу, ойланбай айтып салған оспақ әзіл, т.б.). Осыдан З. Фрейд адам іс-әрекетінің бәрі объектив болмыс туыннатқан сана басқарымында болмай, адамның өзі сезе бермейтін бейсана-дағы ықпалдар жетегінде жүреді деген тұжырымды бетке ұстайды. Санада ешқандай күш жоқ, яғни организм мен қоғам адамның саналы күтілмеген көніл шарпуларының илеміндегі қамыр. Фрейдизм, ақырында, адам қылышы қоғам-дық даму зандарына бағынбай, иррационал психикалық құштер ықпалында болуын дәрілтеуінен, адам әрекетінің бәрі агрессив, оны тәрбиемен өзгерту мүмкін емес деген реакцион идеяның арқауына айналды.

3. Батыстық психологияның бүгінгі даму бағыты

Ашық дағдарыс кезеңдерінде пайда болып, кейін елеулі өзгерістерге кезіккен айтарлықтай маңызды теориялық бағыттар (необихевиоризм, неофрейдизм, гештальтпсихология) 60 жылдардың басында өздерінің бұрынғы абыройынан айрыла бастады. Әрекет-қылышқа пен психиканы түсіндірудегі теориялық ішкі қайшылықтар олардың негізгі бастау позицияларын қайта қарастыруды талап етті. Бұл дағдарыстардың аса бір мәнді себебі - экспериментальды зерттеулер мен теориялар саласында жаңа өнімді көзқарас, бағыттардың туындауынан болды: танымдық іс-әрекет зерттеулері аймағында - **когнитивтік психология, гуманистік психология**, ми жөніндегі ғылымдар шенберінде адам санасын зерттеуге орай - **нейро-физиология, нейроморфология, нейропсихология**, қанат жайған және бір бағыт - **адам психологиясы** еді.

Осы ғылыми-теориялық бағыттардың қысқаша сипат-тамасына тоқталайық.

Қазіргі заман психологиясының аса маңызды артық-шылдығын танытқан ғылыми ағым **когнитивтік психология** болды. 60-жылдардың аяғында АҚШ-та бұл бағыт бихевиористердің әрекет-қылышқа талдауында психологиялық элементтерді елемеуі мен танымдық дамуды ескермеүіне қарсылық білдірумен ғылым сахнасына келген еді. Когнитивтік психология необихевиористер зерттеулерінің нәтижесінде пайда болып, белсенді мағлұмат жинау мен ақпарат өңдеуші адам организмі жүйелі құрылым деген танымды әрі жалғастырды, яғни адам әрқылы ақпараттарға ықпалды өсер етуге қабілетті: бөтен таңбалар формасына келтіре алады, одан әрі өңдеу үшін өз қажетіне керек ақпаратты бөліп алады немесе керексіз мәліметті жүйеден бүтіндей аластайды. Когнитивтік психологияның көрнекті өкілдері Дж. Брунер, Д. Норман, Л. Фестингер, Ф. Хайдер, У. Найсер, П. Лиднесей, Г. Саймон.

Бұл бағыттың бұл күнде бірнеше салалары бар. Солардың ішінде ең танымал болғаны **есептеу варианты**, мұнда танымдық процестер шектен тыс механистік негізде түсіндіріледі: психика сигналдарды өзгеріске келтіруші тұрақты қабілетке ие тетік күйінде қарастырылады. Әсіресе таным процесіндегі ішкі когнитивтік құрылымдар мен ізденуші организм белсенділігіне аса мән беріледі.

Когнитивтік психологияның негізгі зерттеу аймағы танымдық процестер - ес, тіл мен сөздің психологиялық қырлары, қабылдау, ойлау, зейін, қиял және танымдық даму. Бұл таным психологиясының әдістері жеке адамның көңіл-күйі мен себеп-түрткілерін, сонымен бірге әлеумет психологиясын зерттеуге де қолданылды. Адам танымының барлық формалары электрондық есептеу машиналарына ұқсастырымен ақпарат жинау және өңдеудің бір ізді блоктары ретінде бағаланды. Адамның ақпарат өңдеу, сақтау және пайдалануына байланысты танымдық белсенділігінің белгілі деңгей дәрежесінде көрінетіні жөнінде пікір пайда болды. Ес, қабылдау процестері, зейін, ойлау мен оның сөзбен не сөзден тыс берілетін бірліктері көптеген құрылымдық моделдерге келтірілді.

Дегенмен, когнитивтік психологияда танымдық процес-терді жете түсіндіре алған тұтас бір теория қалыптаса қоймады. Субъект проблемасынан алшақ тұрумен, когнитивтік психология психикалық әрекеттің иесі деп өсерленген бір дерексіз бастаушыны (гомункулюс) мойындауына мәжбүр болды. Когнитивтік психологияның бұдан былайғы өміршеш-дігі осы әдіснамалық қыыншылықтан құтылудың жолын табуға байланысты. Оны уақыт көрсете жатар.

Бихевиоризм мен психоанализ теорияларына тікелей қарсылырымен танылған ірі бағыттардың және бірі - бұл **гуманистік психология**. Гуманистік психологияның негізін қалаушылардың алдына қойған мақсаты - бихевиоризм мен психоанализді дәріптеушілердің адам мәселесіндегі ауытқу-ларын орнына келтіріп, шындыққа жақындау, өміршеш психологияны таңдап алу еді. Өз зерттеулерінің обьекті ретінде гуманист-психологтар салауатты, шығармашыл жеке адам түсінігін таңдады. Мұндай міндетті бұл уақытқа дейін ешбір психологиялық ғылыми мектеп өз мойнына артқан емес еді. Бұлар талдауындағы жеке адамның мақсаты - өзін-өзі кемелдендіру және мүмкіндіктерін өз күшімен ашып, жая білу.

Гуманистік бағыт көрнекті өкілдерінің бірі Абрахам Маслоу еді. Ол жеке адам психологиясын есі ауысқандарды зерттеумен білу мүмкін еместігін қадап айтқан. Маслоу адам іс-әрекетінің, адамның мінезі мен қылышының негізі сол адамның өзін-өзі таныту мен өз мүмкіншіліктерін ашуға деген ынта-ықласында деп есептеген. Өз мүмкіншіліктерін ашуға деген қажеттілік бірнеше қызметпен байланысты. Біріншіден, мұндай гуманистік қажеттілік - адамдарға, қоғамға тек жақсылық келтіруге ұмтылу (адам табиғатынан қайырымды). Ч. Дарвин теориясын өзінше түсіндірген Маслоу, тек жыртқыш та күшті хайуанаттар ғана өмір сүруге бейімді деген Ч. Дарвиннің үйарымымен келіспей, бұл жануардың негізгі инстинкті еместігін дәлелдеуге тырысты: тоқ арыстан көрінгенге тап бермейді. Оның жыртқыштың икемденудің амалсыз құралы. Маслоу жануардағы өз үрпағын жалғастыруға деген инстинкт адамдағыдан бірде кем еместігін, ал сол инстинкт оларды бір-біріне көмектесуге мәжбүрлейтінін талай баса айтқан.

Екіншіден, адам өз болмысына орай кемелденуі тиіс, яғни адам өзінің барша мүмкіндіктері мен қабілеттерін орнымен пайдаланып, өзіне жүктелген жоғары

адамгершілік борыштарды атқаруға міндетті. Ал мұндай міндетті атқару қажеттілігі, Маслоуше, тек дені сау, салауатты адамдарда туындейді. Есі кеткендер мен жүйке сырқатына шалдық-қандар өз алдына мұндай талап қоя алмайды. Сырқаттың өзі де адамның осы өз мүмкіншіліктерінен дұрыс та толық пайдалана алмай, қанағаттану рахатына бөленбegenінен болып отыр.

Гуманистік психология тұжырымының өзегі: адам өз бойында алғашқыдан қаланған, қолынан келетінінің бәрін жүзеге шығаруы тиіс. Егер онда құрттайынан актерлік байқалса ол актер болуға үмтүлуы тиіс, ойлау қабілеті дамыған болса ғалым болуға тырысуы қажет. Егер адам осыны істемесе, өмір жағдайлары бұған кедергі жасайтын болса, "болуы тиіс еді, неге болмады?" - деген шешімін таппай, өз бойы мен ойын-дағы бітпес дау-дамайға тап болып, жүйке сырқатына кезігеді.

Өз мүмкіншілігін ашудың мәні не? Маслоу пікірінше, бұл - тума құбылыс, адамның табиғи қасиеті. Әрбір адам қайырымдылық, адамгершілік, тілеквестікке деген қажетсінүмен дүниеге келеді. Бұлардың бәрі адам өзегінде, оның міндеті осы гуманистік қажеттерді іске асыруда белсенделік көрсету. Осы идеясымен Маслоу фрейдистер көзқарасына тікелей қарсы шықты (Фрейд адамның әлеуметтенуін оның негізгі инстинкттеріне шек қою деп білді).

Маслоу бірінен біріне курделене ауысып отыратын адам қажеттіліктерін жіктең, көрсетіп берді: 1) физиологиялық қажеттіліктер, 2) қорғаныс қажеттіліктері, 3) қоректағамдық қажеттіліктер; осылардың бәрінен жоғары адамгершілік (гуманоидтық) қажетсінулер, яғни 4) шындық, қарапайымдылық, әділдікті керек ету. Міне, осылардың бәрі өз мүмкіншіліктерін өз белсенделігімен іске асыруына байланысты адамда көрінетін жалпы қажеттіліктердің мазмұнын құрайды. Қажеттіліктерге орай Маслоудың осы тұжырымының біз үшін аса қызықты тарапы: өзіндік кемелдену адамға тума дарығанына қарамастан, алдыңғы үш топ қажеттіктер орындалған жағдайда ғана шын мәніндегі өз көрінісін береді. Дұрыс тұжырым, алайда Маслоу тағлиматы-ның қемшілігі де осы пікірде: егер кей адамдардың алғы үш топ қажеттіктерге орай қанағаттануы болмаса, онда әділдік, өз қадірін білу, сыйластық құсаған гуманистік қажеттіктер қалай қалыптасады? Бұл жағы Маслоу теориясында жұмбақ. Маслоу антропологиялық бағдар шырмауынан шыға алмай, қажеттіктердің әлеуметтік қорына мән бермеді.

Маслоу теориясының басты кемшілігі - оның биоло-гизаторлық пікірден аса алмағандығында, әлбетте, біздің қайырымды, игілікті болып дүниеге келетініміз, жаман болу біздің еркімізде еместігі - әрқайсысымыздың да көңілімізге қонымды. Бірақ инабаттылық қасиеттері табиғаттан берілмейтіндігін мойындаған жөн: қайырымды болып та туылатын адам жоқ, жатырынан жауыз болатын да пенде өзірге көргеніміз жоқ. Бұлардың бәрі өмір барысында қалып-тасады. Адамгершілік, этикалық қасиеттерді тума құбылыс деп тану - биологиязациялық дағдарысқа тірелудің басы.

4. Ғылыми психологияның принциптері мен жалпы зерттеу әдістері

1923 жылы бірінші Психоневрологиялық съезд шақырылып, онда психологияның міндеті қабылданған болатын. Орыс, кеңес психология ғылымының бой көтеруіне еңбек сінірген ғалымдар: Б. Г. Ананьев, П. П. Блонский, А. С. Выготский, А. В. Запорожье, К. Н. Корнилов, А. Н. Леонтьев, А. Р. Лурия, С. Л. Рубинштейн, А. А. Смирнов, Б. М. Теплов, Д. Н. Узнадзе және басқалар болды. Кеңестер Одағының психологиялық ой орталықтары Москва, Киев, Тбилиси қалаларындағы психологиялық ғылыми-зерттеу институттарында, сондай-ақ университеттер мен педагогикалық институттардың психология кафедраларында болды.

Психология ғылымының негізгі принциптері 30-жылдары жүйелестірілді. Олардың ішінде негізгілері: детер-минизм принципі, сана мен іс-әрекет бірлігі принципі, даму принципі.

Детерминизм принципі бойынша әрқандай психикалық құбылыс өмір салты, қоршаған орта әсерлеріне орай пайда болады, тіршілік жағдайының ауысыуымен психика да өзгеріске келеді. Хайуанаттар психикасының дамуы табиғи сұрыптаумен айғақталады да, ал адам санасының дамуы - түпкілігінде қоғамдық даму ережелерімен, өндіріс

әдістерінің даму заңдарымен анықталады. Сонымен, психиканың адам-дық қасиеттерге тән ерекшеліктері мен сананың пайда болуын және дамуын ғылыми тұрғыдан зерттеуге нақты негіз қаланды.

Психологиялық құбылыстарды себеп-салдарлы негізде қарастырудан интроспектік әдіснама және оның зерттеу әдістері ғылым сахнасынан ығыстырыла бастады. Енді психика өзімен өзі тұйықталған құрылым емес, ол сыртқы әсерлердің себебінен пайда болған құбылыс, ал оның салдарлы мәні тысқы іс-әрекетте көрініс береді деген тұжырым үstem болды. Өздік бақылау орнына объектив әдіс қолданымын тапты. Бұл әдіс психологиялық зерттеулерде а) адамға әсер етуші факторды анық білуге; б) осы әсерлердің сандық және сапалық сипаттамасын беруге; в) тысқы жауап, әрекет-қылыштарды белгілеп қалуға; г) тітіркендіргіш ықпал-дарды салыстыруға мүмкіндік берді.

Детерминизм принципі психикалық процестердің табиғи механизмдері қоғамдық-тариhi faktorлардың ықпалымен өзгеретіні, яғни адамның психикалық дамуына оның адамзат мәдениеті өнімін игеруі, қоғамдық қатынастарға араласуы маңызды ықпал жасайтыны жөніндегі концепцияға негіз болды.

Осы принцип негізінде қалыптасқан кеңес психо-логиясының және бір жаңалығы - қоршаған ортамен қатынаста тысқы дүниеге қарсы тұратын жай саналы адам емес, ол жасампаз, объектив дүниені белсенді қабылдаушы, керек болса өзгертуші адам. Әлеуметтік ықпалдарды қабыл-дау, мәдениет-руханият туындыларын игеру адамның сыртқы дүниемен белсенді араласуында, оның іс-әрекеті процесінде жүзеге келеді. Психология теориясы мен практикасында детерминизм принципінің іске асуы психика дамуы, оқу мен тәрбие проблемасының шешілуіне негіз болды. Осылан орай психикалық дамуға ықпал жасаушы күштер жөніндегі мәселе үлкен маңыз алып, даму теориясындағы детерминизм табиғатын түсіну осы мәселенің шешіміне тәуелді болды.

Психикалық дамудың қозғаушы күштерін сипаттау үшін детерминизмді бірізді қолдану процесінде психологтар әрдайым психика дамуында биологиялық және әлеуметтік факторлар ара қатынасы, ішкі зандалықтар мен сыртқы әсерлердің байланысы, даму мен оқудың сабактастығы жөніндегі сұрақтарға кезіге берді. Бұл мәселелердің көбі әлі өзінің нақты шешімін таппағанымен, олардың біртарапты материалистік негіздемесінің қабылдануы психика дамуының себеп-салдарлық принципін үстанғаннан болып отыр.

Психологиядағы детерминистік бағыттың іске асуы-ның және бір жолы психиканың ми қызметіне қатынасты мәселе екені жөніндегі шешімінен. Детерминизм – психикалық құбылыстарды түсіндіруде физиологиялық зандалықтарды қолданудың негізі болды.

Алғашқы кеңес психологиясында детерминистік бағыт арнайы принцип ретінде қарастырылмаған еді. 50 жылдары С. Л. Рубинштейн бұл принцип рөліне баса мән беріп, оның әдіснамалық маңызы барын тұжырымдап, алға тартты. С. Л. Рубинштейн детерминизм принципін психикалық құбылыстардың табиғаты мен мәнін талдау үшін қолданып, психикалық құбылыстарды материалдық дүниемен өзара байланыста қарастырды.

Сана мен іс-әрекет бірлігі принципі. Сана және іс-әрекет - жантану ғылымының өзекті категориялары. Бұл принциптің жүйелі зерттелуі 30 жылдары басталды. Алғашқы рет сана мен іс-әрекеттің бірлігі жөніндегі идеяны алға тартқан Л. С. Рубинштейн. Ол "іс-әрекет және сана назар аударылған объективінің екі, әртүрлі тарапы емес. Олар табиғи біртұтас; тенденциялық емес, бірлік" - деп жазған.

Сана мен іс-әрекет бірлігі принципі әрекеттің санасыз, ал сананың әрекет қатыспайынша қалыптаспайтының негіздейді. Мұндай көзқарастан сананы тану іс-әрекетті зерттеу арқылы ғана мүмкін екені дәлелденді. Өркандай ғылыми таным әрекет пен оның өнімін білуден олардың орындалу барысында көрінетін басқа психикалық процестерге өтуі қажет. Осылай, сана мен әрекет бірлігі принципі психологияның барша объектив әдістерінің негізіне айналды.

Ғылымға бұл принциптің енүі іс-әрекет теориясын дұрыс түсінуге бағыт берді. Осы кезге дейін психологияның қай бағыты болмасын, психиканы - ішкі құбылыс, ал әрекетті - сыртқы деп түсіндіретін. Ал сана мен әрекет бірлігі принципінен келетін болсақ, шынында да, психика, сана тек ішкі құбылыс болып қалмайды. Осылайша, әрекет те тек тысқы

көріністерімен танылыш қалмай, өзіне тән ішкі мазмұнға да ие, бірақ бұл қасиет оның бір тараптан толық сипатын бере алмайды. Сана мен әрекет бірлігінің мәні: тұлғаның санасы мен барша психикалық қасиеттері әрекетте көрініп қана шектелмей, сол әрекет процесінде қалыптасады.

Адамның ішкі де, сыртқы да әлемінің бастауы мен барша мазмұны осы іс-әрекетте. Осында пайымдаудан, сана мен психика әрекеттің ішкі сипатын құрап, ал әрекеттің сырттан бақылауға келетін әртүрлі қылыштық формасында көріну қасиеті сол психиканың мазмұн сипаты ретінде қарастырылуы әбден ықтимал (С. Л. Рубинштейн). Нәтижеде, психика жөнінде әңгіме қозғай отырып, психолог өз назарында бөлек, оқшауланған бір құбылышты ұстамай, оны іс-әрекеттің мәнді тараптары немесе ажыратылmas бөлектері деп қарастыруы тиіс. Яғни психика ішкі де, сыртқы да сипаттамаларына ие біртұтас жүйе, ал іс-әрекет болса, осы психикалық жүйені өзіне қамтып, оның қызмет атқаруына нәр беретін шексіз әлем.

Даму принципі. Даму категориясы философия ғылымының түсініктер жүйесінде жетекші маңызға ие. Даму идеясы Ч. Дарвиннің эволюциялық теориясының ықпалымен еніп, алғашқыда бала, кейін ересектер психологиясының қалыптасу негізіне айналды. Психика дамуы психика проблемаларын зерттеуде жалпы принциптік немесе әдістеме қызметін атқарады. Барша заңдылықтар, соның ішінде психикалық та, даму барысында қозғалыс пен өзгеруден туын-дап және жойылуына орай танылады (Л. С. Рубинштейн).

Ғылыми психология дамуды жеке адамның бүкіл өмір сүру процесінің негізгі тәсілі ретінде қабылдайды.

Жантану ғылымы үшін даму принципі ерекше маңызға ие, себебі оның зерттейтін объектісі психика - өзінің аса үлкен динамизмімен сипатталады. Барша психикалық болмыс нақты даму процесінде пайдалады, жасайды және өзгереді (Б. Ф. Ломов).

Психология әдістері. Ғылым - ең алдымен зерттеу ісі. Сондықтан, ғылым сипаттамасы тек оның пәнін анықтау-мен шектелмей, әдістер аймағын тануды да қамтиды. Әдістер дегеніміз ғылымның пәндік мазмұнын анықтаудың жолдары, тәсілдері. Ғылым әдістері жаңа заңдылықтарды аша отырып, сол ғылымның негізгі заңдылықтарына иек артады. Осыдан зерттеу әдістері ғылымның өзімен бірге дамып, өзгерістерге келіп отырады.

Зерттеу әдістері қандай да бір әдіснамалық талаптарға сай болады, мұндай ғылыми-психологиялық зерттеулерге қойылатын **талаптар** келесідей:

1. Құбылыштардың сыртқы көрінісі мен олардың ішкі табиғаты арасындағы толық сәйкестікті таба білу;
2. Психикалық құбылыштарды зерттеуде психо-физиоло-гиялық принципті негізге алу шарт, бірақ физиологиялық (биологиялық) білімдер мен факторларды көмекші құрал ретінде пайдалану қажет;
3. Психологиялық зерттеулердің, негізінен, адам әрекетін әлеуметтік-тариҳи талдау нәтижесіне арқа сүйеуі;
4. Психологиялық заңдылықтарды адамның психикасы, іс-әрекеті және оларды қозғаушы күштердің үздіксіз дамуы процесінде нақтылау.

Әрқандай ғылым сияқты психология да қылыш әдістер-дің тұтас жүйесін пайдаланады. Қазіргі заман ғылыми психо-логиясында әдістердің келесі 4 тобы қолданымын табуда:

Ұйымдастыру әдістері өз ішіне салыстыру әдісі (әрқандай топты жасы, қызметі т.б. бойынша салыстыра, зерттеу); лонгитюд әдісі (бір адамды не адамдар тобын ұзақ уақыт аралығында қайталап, зерттеп бару); комплекстік әдіс (зерттеуге әртүрлі ғылымдар өкілдері қатысып, бір объектіні жан-жақты, әртүрлі құралдармен зерттеу). Мұндай зерттеудің нәтижесінде сан қылыш құбылыштар мен байланыстар және тәуелді қатынастарды ашу мүмкіндігі туады. Мысалы, жеке адамның физиологиялық, психологиялық және әлеуметтік тұрғыдан даму байланысы.

Эмпирикалық әдістер. Бұл топқа енетіндер: бақылау мен өзіндік бақылау, эксперименталды (лабораториялық, табиғи, қалыптастыруши) әдістер; психологиялық болжас (психодиагностика): тест, анкета, сұрақ беру, социометрия, интервью, әңгімелесу әдістері; шығармашылық, іс-әрекет өнімдерін талдау әдістері; өмірбаянымен танысу

әдістері.

Деректерді өндөу әдістері: сандық (статистикалық) және сапалық (алынған материалды топқа жіктеу, талдау) әдістері.

Реттеу - түзету әдістері: аутотренинг, топ тренингі, психотерапиялық ықпал ету әдісі, оқу-үйрету әдісі.

Қайталау мен бекіту сұрақтары

1. XIX - XX ғасырлар тоғысындағы психология дағдарысының себептері неде?
2. Бихевиористер психологиясының мән-мағынасы қандай факторлармен байланысты болды?
3. Адамның интеллект құрылымын зерттеген генетикалық психологияның кемшіліктері қандай?
4. Қоғам мен сана арасындағы қатынасты фрейдизм қалай түсіндіреді?
5. Когнитивтік психологияның мәні не?
6. Гуманистік психология адамның өз мүмкіндіктерін қалай дәріптейді?
7. Ғылыми психология принципі - детерминизм психиканың дамуы мен қалыптасуын қандай факторларға байланыс-тырды?
8. Іс-әрекет теориясын түсінуде сана мен іс-әрекет бірлігі принципінің рөлі қандай болды?
9. Даму принципінің түсінігі қандай?
10. Психологияның негізгі зерттеу әдіс топтары қалай аталады?

3-дәрісбаян

ПСИХИКА ДАМУЫ

- Жоспары:**
1. Психикалық дамудың алғашқы қарапайым формалары.
 2. Жануарлардың тұма әрекет- қылышы.
 3. Жануарлар дағдысы.
 4. Жануарлардың интеллекттік қылышқ-әрекеті.

1. Психикалық дамудың алғашқы қарапайым формалары

Психиканың пайда болуы, яғни генезисі және оның дамуы туралы проблемалар өзара тығыз байланысты. Сондықтан да психика дамуы туралы жалпы көзқарас психиканың туындауы жөніндегі мәселенің теориялық ерекшеліктерімен сипатталады.

Аталған проблема бойынша ғылымда бірнеше теория-лық бағыт қалыптасқан. Ең алдымен бұлар арасында философия-лық ой-пікір тарихында Р. Декарт есімімен байланысты ғылыми елеуге түрарлық **"антропопсихизм"** бағдары. Оның мәні психиканың пайда болуы адамның келіп шығуымен байланысты. Психика тек адамға тән қасиет. Осылай пайымдаудан адам психикасының біз білетін тарихтан бұрынғы болмысы түгелдей жоққа шығарылды. Мұндай пікір қазіргі күнде де өз қолдауын табуда. Бұған қарама-қарсы, екінші теория **"панпсихизм"**, яғни бүкіл табиғаттың жан-рухани қасиетке иелігі жөніндегі ұғым. Бұл біріне бірі қайшы екі көзқарастың аралығында кеңірек өріс алған **"биопсихизм"** теориясы бар. Биопсихизмшілердің пікірі - психика жалпы материяның қасиеті емес, ал оның тек жанды бөлегіне ғана тән нәрсе. Қойылған проблеманың шешіміне орай өрістеген және бір көзқарас психика барша жанды материяның қасиеті емес, ал олардың арасындағы жүйеке жүйесіне ие болғандарына ғана тән құбылыс. Мұндай тұжырым **"нейропсихизм"** деп аталған.

Ғылыми психология аталған тұжырымдардың бірде-бірін толығымен құптаі алмайды. Оның дәлелдері тіпті басқаша психологияның туындауы жөніндегі мәселенің шешімін өмірдің өте күрделі формасы - психиканың туындауына себепші болған жағдайларды зерттеп танумен байланыстырады. Тіршіліктің пайда болуының негізгі шарты - қоршаған ортамен тұрақты зат алмасуға икемделген күрделі ақуызды молекулалардың түзілуі. Өздерінің тірлік қалпын сақтап қалу үшін олар қоршаған ортадан қорек заттарды сіңіріп, сонымен бірге қалыпты өміріне зиянды қорытылған қорек қалдықтарын сыртқа шығарып отырады. **Ассимиляция** және **диссимиляция** деп аталған бұл екі процесс зат айналымының құрамды бөлектері болумен күрделі ақуызды түзілімдердің негізгі жасау шарты болып табылады.

Бұл өте күрделі ақуызды молекулалар, **каоцерваттар**, пайдалы коректер мен оларды қорытуға немесе өміріне қауіп тұғызатын не зиянды әсерлерге жауап бергізетін ерекше қасиеттерге ие. Мысалы, мұндай молекулалар тек қоректік заттарға ғана емес, сол заттарды қорытуға себебін тигізетін жарық пен жылуға да ұнамды әрекетпен жауап береді. Ал шектен артық механикалық не химиялық қалыпты жасауына кедергі болатын әсерлерге қарсылық білдіреді. Зат алмасу процесіне қатысы жоқ, бейтарап әсерді тіпті елемейді.

Каоцерваттардың индиферент әсерлерді елемей, зат алмасу процесіне себепші әсерлерді сезу қасиеті **тітіркену** деп аталады, ал бұл тітіркену құбылысы органикалық емес материяның органикалық жағдайға ауысқанында көрінеді. Бұдан шығатын қорытынды әрқандай тірі организм сыртқы тітіркендіргіштерге таңдамалы қатынас жасап, тірі материя-ның **өзіндік реттеу** деп аталатын жаңа сапалық қасиетін танытады. Тітіркену - бұл биологиялық бейнелеудің ең қарапайым формасы болумен, өсімдік және жануарлар эволюциясының барша кезеңдеріндегі тірі организмдерге тән құбылыс, яғни бұл тірі организмнің барша биологиялық мәнді әсерлерге жауап беру қабілеті. Осылай, органикалық дүниеге өту барысында бейнеленудің сапалық жаңа формасы келіп шығады, әлбетте, бұл бейне айнадағыдай дәл сипатты бере алмайды. Солай да болса, осы бейне өзінің енжар, кездейсөк сипатынан арылып, тіршіліктің қажетті шартына айналды.

Тіршілікке маңызды әсерлерге болған тітіркену процестері, тітіркенудің жоғары

маманданған формаларының қалыптасуы және олардың ұрпақтан ұрпаққа беріліп отыруы **өсімдік дүниесі** деп аталған өмір кезеңінің сипатына айналады. Мысалы, күн жарығына орай өсімдік тамырының тереңдеуі, дарақ дінінің қисық болуы, өсімдіктің күн сәулесін бағуы сияқты құбылыстар бәрі осы биотикалық әсерлерден болған тітіркенудің нәтижесі. Өсімдік өмірі үшін мәнді және бір жағдай бар. Биотикалық әсерге қарқынды зат алмасумен жауап беруші өсімдіктер нақты зат алмасу кезінде өзге әсерлерді байқамайды. Олар қоршаған ортада белсенді бағыт-бағдар таңдай алмайды. Мысалы, адым жерде күн сәулесі жарқырап түсіп тұрғанымен, өзі тасада қалған өсімдік жасай алмайды.

Мұндай өмір сүрудің енжар формасынан тіршілік эволюциясының келесі кезеңі **жәндік-жануарлар дүниесі** айрықша сипатқа ие. Бұл кезеңдегі жалпы, ең қарапайым тіршіліктің даму барысында пайда болған бейнелеудің бастапқы формасы - **сезу** екені жөнінде ғылымдық болжам бар (А. Н. Леонтьев). Бұл болжам бойынша, ең қарапайым-дарынан бастап әрбір тірі организге тән құбылыс жануардың тек зат алмасуға қатысты биологиялық әсерлерге жауап беріп қоймaston, биологиялық мәнсіз не "бейтарап" әсерлерге де, егер олардың өмірлік қажеттілігі жөнінде хабар түссе, жауап бере алуы. Басқаша айтсақ, жануарлар, тіпті ең қарапайым-дары да, қоршаған ортада белсенді түрде бағыт-бағдар іздестіреді, өмірлік маңызды жағдайларды қарастырады, тәніректегі барша өзгерістерді байқастырады. Мұндай алғаш биологиялық маңызсыз, ал сонан соң өмір қажеттілігіне айналған әсерлерді бақылау қабілеті - **сезу** деп аталады. Сезу құбылысы психика-ның туындаудың объектив биологиялық белгі қызметін атқарады.

Тіршілікке қажет әсерлер туралы хабар тиісті мүшеге түсіүмен бейтарап тітіркендіргіштерді де қабылдай алатын сезу қасиеті өмір формасына түпкілікті өзгерістер енгізді. Ең бастысы, тіршілік иесі қоршаған ортада бағдарлау қабілетіне ие болып, онда болып жатқан әртүрлі өзгерістерге белсенді қатынас жасай отырып, өсімдіктерге тән емес, әрекет-қылыштың жеке-дара өзгермелі формаларын қалыптастыра бастады.

Алғашқы кезде мұндай жеке өзгермелі әрекет-қылыштың қалыптасуы өте баяу болды, солай да болса, бұл процесті эксперимент жағдайында (Брамштедт) байқауға қол жетті. Бір жасушалы жануарлар жылуды сезеді де, жарықты қабылдамайды. Сондықтан да олар бір жағы жарық, екіншісі қаранғы, сұы тендей жылы камерада бір қалыпты жайыла жасайды. Ал егер камерадағы судың бір бөлігін ғана жылытса, жануарлар сол бұрышқа келіп жиналады. Егер камераның сұық су тарапына ұзақ уақыт жарық түсіріп, жылы жағын қаранғыласа, жануарлар әрекеті өзгере бастайды, яғни енді біржасушалылар температураның көтерілуінен хабар беруші сигналға айналған жарықты сезе бастайды. Өсімдіктерден жануарларды ажырататын жекелеген әрекет-қылыш баяу өзгереді және пайда болған өзгерістер ұзақ уақыт сақталып, өте жай жойылады.

Жоғарыда баяндалған тітіркену, сезу процестері тек біржасушалылар өмірін қамтамасыз өте алады, ал олардың көпжасушалылар деңгейіне көтерілуімен пайда болатын тіршілікке бұлар жеткіліксіз.

Көпжасушалылар дәрежесіне өту - тіршілік жағдайын күрделендіріп жіберді. Қоршаған ортадағы бағыт-бағдар таңдаудың белсенділік рөлі артып, күрделі қозғалыстар мен қозудың жылдам жүрісін қамтамасыз өту қажеттілігі туын-дайды. Бұл көпжасушалылардың дene құрылымының күрде-ленуіне, тітіркенуді сезуге байланысты арнайы жасушалардың пайда болуына, бұлшық ет қысқарту-тарту жасушаларының түзілуі мен **торлы - тармақты** сипатқа ие жүйке жүйесінің дамуына әкелді.

Мұндай жүйке көрінісін, мысалы, медуза, актиния және теніз жұлдызшаларында байқауға болады. Бұл даму кезеңіне тән құбылыс: торлы жүйке жүйесіне орай қозу жүрісі бірқанша жылдамдасады. Бірақ, тіршілік дамуында ұнамды із қалдырғанымен, диффуздық жүйке жүйесінің кемшілігі де бар: қозу торлы жүйке тармақтарымен бұқіл дene бойлап тендей тараплады. Сондықтан сырттан келген әсерді қабылдап, өндеп және бейнелеп танитын жетекші органның болмағанынан бұл деңгейдегі тіршілік иесінің әрекет-қылышы шектеулі болатыны табиги фактор. Мұндай кемшілік бұдан әрі эволюциялық даму барысында, әсіресе құрылыштағы тіршілік формасына өтүмен, диффуздыққа қарағанда бір шама күрделірек **ганглиозды** жүйке жүйесінің қалыптасуымен шегерілді.

Құрылыштағы тіршілікке өту өмір жағдайларының едәуір күрделенуін туындаатты.

2. Жануарлардың тұма әрекет-қылышы

Жүйке жүйесі эволюциясының келесі кезеңі **ганглиоз-дық** (белгілі нүктелерге топтасқан) жүйке жүйесінің пайда болуымен (ең алдымен-құрттарда) байланысты. Мұндай жүйке жүйесі жоғары омыртқасыздарда, соның ішінде жән-діктерде, құشتі дамыды. Гангиоздық жүйкенің туындауы және оның көмегімен күрделі әрекет-қылыштардың қалыптасуы тіршілік эволюциясындағы өте маңызды ілгерілеу болды.

Енді қарапайым омыртқасыздардың өздерінде-ақ, өткен кезеңмен салыстырғанда, жүйке жүйесінің түбекейлі басқа құрылым принципін байқауға болады. Химиялық және сезімдік, қабылдағыш, жүйке талшықтары жәндіктің бас жағында топтасқан, олар арқылы жәндік химиялық, жылу, жарық өзгерістерін және сыртқы ортадағы дымқылды қабылдайды. Бұл сигналдар бас жүйке нүктесінде (ганглий) өнделіп, осыған байланысты әрекет-қылыш "бағдарламасы" денениң әр бөлігінде жайласқан жүйке тізбектері бойынша жайылады. Бұл арада торлы жүйке жүйесінен мүлде басқаша жаңа принцип іске қосылып, жүйке жүйесі бір орталықта бағынышты болды. Осыдан құрттың бас ұшы енді жетекші роль атқарып, оның басқа мүше бөлектеріндегі ганглийлер (жүйке талшықтарын біріктірген нүктелер) салыстырмалы, біршама дербестігін сақтайды. Мұның дәлелі егер құртты екіге бөліп тастасақ, оның бас бөлігі өзінің бір тәртіпті қоз-ғалысынан жаңылмай, топырақты үнгумен болады, ал қалған бөлігінің әрекетінде ешбір мән болмайды (әншейін қыбыр).

Жәндік денгейіндегі жүйке құрылымының күрделенуі бұрынғылармен салыстырғанда жетіліңкіреген, бірақ өте қарапайым әрекет-қылыштардың жаңа түрлерін пайда етті, сонымен бірге, бұрыннан қалыптасқан дағдыларды сақтап тұру мүмкіндігіне ие болды, яғни жануарда ес қасиетінің белгілері нышан берді.

Әрекет-қылыштың бұдан кейінгі дамуы тыстап келетін әр түрлі бөлшектенген ақпаратты қабылдауға арналған арнағы тән тетіктерінің пайда болуымен және жануарға қоршаған ортаның тұрақты, біргелкі, бірақ өте күрделі жағдайларына икемделуге жәрдем беретін құрамды бағдар-ламалардың өрістеуімен байланысты. Бұл әсіресе буынаяқтыларда нақты көрінеді. Мысалы, жәндіктердің көру қабылдағышы (фоторецептор) мындаған дербес көз ұялары (фасет) сипатты. Ал омыртқалылардың фоторецепторы зат бейнесін тұтастыққа келтіреді, ал сол бейненің дәлдігін көз қарашибірімен (хрусталик) реттей алады.

Күрделі фоторецептормен бірге жәндіктер мұртшалар ұшымен тактилдік-химиялық әсерлерді, ауыз қуысы және **аяқшаларымен** дәмді, аяқ не қанат қабыршақтарымен тербелістерді, тағы басқа да біз сезіле бермейтін құбылыс-тарды қабылдау қабілетіне ие болды. Жәндіктердің қабылдау аппараттарының көбі әлі күнгө дейін адам үшін жұмбак.

Жәндіктер әрекет-қылышының көбі тумадан беріліп, нәсілдік жолмен ұрпақтан ұрпаққа өтіп тұрады, яғни **инстинкттік** әрекет-қылыш формасына түседі. Мұндай тұма қасиет бағдарламасы мындаған әулет өмірінде жүйеленіп, дene құрылымы құсан, бірден бірге ауысып барады. Жәндіктердің тұма әрекет-қылыштарына мысал мың-сан. Кейде олар өте күрделі де қажетті, осыдан кей зерттеушілер бұл әрекеттерді саналы қызметтің көрінісі деп те есептеуде. Мысалы, маса өз жұмыртқаларын су бетіне салады, себебі құрғақ жерде олар жоқ болады. Ара болса, жұмыртқаларын аш болып қалмасы үшін көбелек құртының денесіне салады. Бұл үшін ол алдымен құрттың көкірек ганглийн зақымдал, оны әрекеттен айырады т.б. Осындай деректерден көп ғалымдар инстинкті ғылыми негізсіз саналы әрекетпен баламаластыруға ұрынды.

Бірақ, кейінгі көп зерттеулердің, эксперименттік із-деністердің нәтижесінде жануарлардың тұма қасиеттерінің санамен ешқандай да байланысы жоқтығы дәлелденді. Инстинктік қылыш белгілі, тұрақты жағдайларға байланысты әрекетке қосылатыны анықталды. Өмір жағдайлары мен оның қалыптасқан шарттары өзгеріске түсүмен тұма әрекеттер өз қолданымын таба алмай, "саналылығынан" айрылады. Мысалы, араның бір түрі әкелген қорегін ұя алдына қоя салып, ұя ішін тексеріп көруге кіреді де, қайта шыға, қорегін ұя ішіне сүйрей жөнеледі. Ал арнағы эксперимент барысында әкелінген қорек араның қойған орынынан басқа жерге сәл аударып қойылған еді, енді орнында жоқ қоректі іздеудің орнына, ара қайта ұшып, жаңадан қорек әкеліп, баяғы әрекетін қайталай бастады. Міне, осылай мәні жоқ ұя ішін "тексеру" етке сіңген тұма әрекет шексіз орындала береді.

Жәндіктер әрекетіндегі тума "инстинктік" бағдардың механикалық жаттанды екені, даму барысындағы шартты өмір жағдайларына орай туындалап, сырт көзге "саналы" болатыны осы мысалдан көрініп тұр.

Жәндіктердің бірдейіне өзгеріп тұратын қоршаған орта жағдайларында өмір жалғасын сақтауының себебі бар. Әдетте, олар шектен тыс сандағы түқым салады. Дүниеге келген үрпақтың азғана саны ғана жасау қабілетін алады, ал осының өзі-ақ жануар түрін сақтауға жеткілікті. Сонымен, жануардың инстинкті әрекет бағдарламасы санқылы шексіз тітіркендіргіштерді қабылдауға дайын емес, сондықтан олардың қоршаған орта әсерлерінің бәріне жауап беру (бейнелеу) мүмкіндігі шектелген. Инстинктік денгейдегі болмысты бейнелеу жеке әсер қасиеттерін немесе қасиет топтарын сезу қарапайым түйсіктік формага ие. Фылымда психика дамуының бұл кезеңін көптеген жануарлар түріне тән қарапайым **сезімдік психика кезеңі** деп атау қабылданған (А. Н. Леонтьев).

3. Жануарлардың дағдысы

Жануарлардың құрлықта өмір салтына өтуімен тіршілік жағдайлары да өте үлкен өзгеріске түсті, қоректену киындасты, орта құбылмалы, осыдан үдайы ауыспалы табиғат аймағында бағыт - бағдар алып жүру құрделенді. Сонымен бірге үрпақ жалғастыру типі де басқаша болды. Әр жануар түрі енді 1-2, кейде 3-5 үрпақ дүниеге келтіріп, солардың арасынан тірі қалғандары жануар түрі жалғасының негізі болды. Мұның бәрі тума, көп өзгеріске келе бермейтін инстинктік қылыштармен қатар жаңа **жеке ауыспалы немесе дағдылы** әрекет формаларының туындаудың қажет етті. Бұл қылыш түрінің нышандары жәндіктерде де бар, бірақ тіршілік даму эволюциясының бұдан былайға жүрісінде олар бірте-бірте басымдау орын иелей бастады.

Қоршаған ортада бағыт-бағдар таңдауды құрделендіру қажеттігі, ауыспалы орта жағдайында жаңа жеке бағыт-бағдар таңдау мүмкіндіктерінің пайда болуы мен өзгерген жағдайлар-да жаңа дара икемделу қабілеттерінің орнығы эволюциялық процесте бұрын тіпті болмаған жаңа жүйке тетіктегінен өркендеуіне келтірді. Бұл тетіктегі енді сырттан сигналдарды қабылдап, өндеп, дайын инстинкттік әрекетті іске қосып қоймастан, қабылданған ақпараттарды талдаудан өткізіп, өзгерген жағдайда қажетті жаңа жеке ауыспалы, дағдылы қылышқа орай жүйке байланыстарын түзіп отыратын болды.

Бұл құрылым эволюциялық үзақ жолды бейнелейтін тетік **бас миы** еді. Жануарлардың бас миы бірнеше қабат деңгейден тұрады. Ең тәменгі қабат ми дініне орналасып, жүйке түйіндері формасында организімнің ішкі қалпын реттеп барады. Бұл жүйке формасы негізінен ең қарапайым тіршілік иелерінде ғана қалыптасып, тума, жай әрекеттерді басқарады, ал оның қасиеттік дәрежесі инстинктік бағдар деңгейінің қызыметінен ажыратылуы шамалы, тіпті жоқ десе де болады. Мұндай түйіндік жүйке құрылымының мысалына бақа миы дәлел бола алады: ол қалыптасқан нәсілдік әрекеттерді іске қосумен, тұрақты қылыш формаларын бағдарлайды.

Жануарлардың жоғары ағзалық дамуына орай ган-глиозды аппарат үстіне құрделірек жүйке құрылымы жай-ғасады. Бұл құрылым ішіне алдымен ми қабығы асты жүйке түйіндері (таламо-стриалды), соң ежелгі (лимбикалық) қабық кіреді, ал жоғары омыртқалыларда қарқынмен дамып, тәменгі дәрежелі жүйке құрылымдарына жетекшілік ететін мидың үлкен жарым шарлары пайда болды. Ми қабығы асты жүйке тетіктегі жербауырлаушылар мен құстарда басымдау болып, кейін жеке, өзгерістерге икемді қылыштарды қамтамасыз ететін, бірақ әліде болса әрекеттің қарапайым тума формаларымен байланысты ежелгі қабық аппараттары дамыды. Олардың бәрі бұрынғыша жануарлардың өмірге келуімен қабаттаса туындалап, тіршілік иесінің тұрақты биологиялық жасау жағдайларына сәйкес келді.

Эволюциялық дамудың белгілі кезеңінде, аталған барша жүйке тетіктегінің жоғарысына, үлкен жарым шарлары жүйке жүйесінің келесі, ең жоғарғы деңгейі бас миының жаңа қабығы қосылды. Міне, осы мидағы бұрын болмаған қабық жануар қылышындағы жаңа формаларды реттеуге араласып, жетекші рөл атқаратын болды. Бас

миы қабығының қызметі сыртқы сигналдарды қабылдап, бұрыннан қалыптасқан әрекет бағдарламасын іске қосу, сонымен бірге ақпарат мазмұнын талдау, ондағы өзгерістерге сай өзін баптау, жаңа жүйке байланыстарын түзіп, ауысқан жағдайға икемді әрекет түрлерін дайындалап, қалыптастыру және оларды жадта сақтап қалу.

Ең жоғары омыртқалылар әволюциясының біздің заманымызға жақын дәуірлерінде күшті дамыған бас миы-ның үлкен жарымшаларының қабығы экологиялық жағ-дайлардың тікелей әсері астында қалыптасты. Дәл осы шарт ми қабығын тыскы ортадан келіп түсетін ақпаратты анализдеу мен синтездеудің өте қурделі формаларын қамтамасыз ететін және тікелей ауыспалы қылышты реттеуші аппаратқа айналдырыды. Бас миы қабығының жәрдемімен іске қосылатын жеке ауыспалы қылыш механизмі инстинкттік қылыш тетігіне қарағанда анағұрлым қурделі. Ол қурделіліктің мәні қоршаған орта шартына байланысты жануардың белсенді бағдар таңдауы нәтижесінде мәнді маңызға ие болып, өмірлік қажетті шарттардың пайда болуынан хабар еткен көп себептердің бірі (корек, қатер) қоршаған ортадан жануар тарарапынан бөліп алғынап, ол жаңа байланыстар түзуге қатысып, хайуанның көздеңген "мақсатына" жетуге, төніп келе жатқан қатерден сақтануға көмектесетін әрекет-қылыштың жаңа бағдарламаларын туындасты. Жануардың "мақсатқа" жету бағдарындағы мұндай едәуір қордалы қылыш-әрекетті кездейсоқ демей, оның мынсан шартты табиғат аясында белсенді бағыт-бағдар таңдай алуының нәтижесі деп таныған жөн. Бұл тұжырым экспериментті зерттеулерден келіп шыққан (Э. Толмен, К. Керч т.б.).

Омыртқалылар әрекетіндегі мұндай икемдесудің жаңа формаларының қалыптасуы екі әрекшелікке байланысты. Біріншісі бағыт-бағдар таңдау немесе іздену белсенді қозғалыс-пен біртұтас орындалады да, қажет болған қозғалыс түрін пайдалану сынама байқау әрекеттерінің алдында емес, олармен бірге қалыптасады; екіншісі жануардың бағдарлау әрекеттерінің сипаты мен қалыптасқан жаңа қылыштарының формалары бұрыннан келе жатқан, жануар тіршілігіне тығыз байланысты тұма қозғалыс түрлеріне түбегейлі тәуелді. Мысалы, шөп-коректі жануарлардың (сиыр, қой) бағдар таңдау әрекеті енжар, шектелген халде, қылыш өзгерісі өте баяу. Керісінше, өз жемін табиғи жағдайда жанталаса іздеуге бейімделген жабайы андардың бағыт-бағдар іріктеу әрекеті шалт, белсенді ізденіске негізделген, ауыспалы жағдайға сәйкес қылыштың жаңа түрлері едәуір жылдам қалыптасып отырады.

Тұма қылыш-әрекеттердің түрлері инстинктер мен жаңа қалыптасқан дағдылы әрекет формаларының арасындағы тығыз байланыс қазіргі кезең дамуындағы ең жоғары омыртқалылар үшін де тән нәрсе.

4. Жануарлардың интеллектік қылыш-әрекеті

Әволюциялық сатының шынында тұған омыртқа-лыларда өсіресе приматтарда – "интеллектуалды қылыш-әрекет" деп белгіленген жеке ауыспалы қылыштың жаңа формасы туындағы. Бұл психикалық құбылыстың ерекшелігі. Мұндай жағдайға байланысты қажетті бағыт-бағдар таңдау, сынама байқау қозғалыстарымен қабаттасып келмей, олардың алдында жүргізіле бастайды. Осыдан жануардың бұдан былайғы әрекетін күні бұрын болжастыратын жаңа айрықша (қарапайым қозғалысты өз ішіне қамтыған), қурделі психикалық әрекет-қылыш формасы бөлініп шықты. Сонымен, әволюциялық дамудың ең жоғары кезеңдерінде құрылымды әрекеттің қурделі түрлері қалыптаса бастайды: а) кезікken міндеттердің шешілу жолын тауып беруші, бағытталған зерттестіру әрекеті; б) мақсатқа жету үшін қажет икемді, ауыспалы қылыш бағдарламасын түзу, яғни орындалған істі бастапқы ниетпен салыстыру.

Бұл қурделі әрекет құрылымына тән сипат өзін-өзі реттеп, басқара алуы, яғни, егер бастаған әрекет қажетті мақсатқа жетсе, онда ол тоқтатылады, ал белгіленген іс орындалмайтын болса, жануар миына тиісті сигналдар беріліп, мәселені шешудің жолын іздестіру қайта басталады.

Жануарлардың бұл қылыш формасынан екі маңызды құбылысты байқауға болады: а) экстраполяциялық рефлекс (құбылыстың бір бөлігі бойынша жасалған қорытындыны сол құбылыстың екінші бөлегіне ауыстыра білу); б) естің қурделі түрлерінің дамуы. Осыдан кейбір жануарлар өз қылыш-әрекетінде заттың тікелей қабылдануымен шектеліп

қоймастан, сол заттың қозғалысын бақылай отырып, мүмкін болар өзгерісті алдын-ала тануға қабілетті. Алдын-ала білу әрекет-қылышының айрықша формасына ие экстраполяциялық рефлекс жеке ауыспалы қылыштың жоғары интеллектуал түрлерінің туындауына негіз болды.

Интеллекттік әрекет-қылыштың пайда болуына жағ-дай жасайтын және бір фактор - бұл қабылдау процесінің күрделене беруі мен ес беріктігінің үлғайуы. Мысалы, бір көрген затын тышқан 10-20 сек. дейін, ит 10 мин. дейін, маймыл 16-48 сағ. дейін есінде сақтау мүмкіндігіне ие екендігі дәлелденіп отыр (В. Келлер).

Интеллектуалды әрекеттің негізі, қазіргі заман зерттеулері бойынша, әрқиңи заттар арасындағы күрделі қатынастарды танып, бейнелей алуда. Жануар (жоғары дамыған) табигат нысандарының өзара байланыстарын сезе отырып, кезіккен жағдайдың нәтижесін алдын-ала білуге қабілетті (И. П. Павлов).

Сонымен, сүтқоректілерге тән интеллектуалды қы-лық-әрекет адам кейіптес маймылдарда ерекше дамуға жетіп, психика өрістеуінің ең жоғары шегін белгіледі. Бұдан әрі тек адамға тән, жаңа типтегі, тіпті басқаша психика әлемінің **адам санасының** даму тарихы басталады. Адам санасының бастауларын жануар психикасының ұзақ та күрделі даму процесінде байқаймыз. Егер осы даму жолына тұтастай назар салатын болсақ, оның негізгі кезендері мен басқарылу заңдылықтарын айқын болжай мүмкін. Жануарлар психикасының дамуы олардың биологиялық эволюциясымен бірге жүріп, осы процестің жалпы заңдарына бағынады. Психикалық кемелденудің әрбір жаңа басқышы жануарлар тіршілігінің соны тыскы шарттарына орай пайда болып, олардың дене құрылымының күрделенуінде жаңа қадам іспетті.

Біршама күрделі ортаға бейімделуден жануарлардың өте қарапайым жүйеке жүйесі мен арнайы сезімдік мүшелері-нің жіктелуі басталды. Осы негізде ортаның айырым қасиеттерін бейнелеу қабілеті **қарапайым сенсорлық психика** пайда болды. Ол әз кезегімен жануарлардың құрлық тіршілігіне өтуі, осыдан бас миң қабығының дамуы өмір субъектісіне заттарды тұтастай бейнелеуге мүмкіндік берген **перцептивтік** психикамен ауысты. Ақырында, қабылдау және қозғалыс органдарының жетіле түсуіне, мидың одан әрі күрделенуіне ықпал еткен тіршілік шарттарының қындаусы жануарларда заттардың объектив арақатынастарын заттасқан әрекет тобы түрінде сезіп, қабылдау мүмкіндіктерінің туындауына себепші болды. Сонымен, психика дамуы жануардың қоршаған ортаға бейімделу қажеттігімен анықталады да, психикалық бейнелеу осы бейімделу барысында қалыптасқан тиісті тән мүшелерінің қызметі. Жоғарыда сипатталған барша психикалық құбылыс-тардан өзгеше, басқаларға ұқсамас, өзіне тән белгілеріне ие бейнелеу формасы бұл - **адам санасы**. Бұл - ең жоғары даму сатысының белгісі сананың пайда болуы психиканы басқара-тын заңдардың өзгеруімен өзектес. Егер тіршілік әлемінің барша тарихында психиканың даму заңдылықтарына бас-шылық еткен жалпы **биологиялық эволюция заңдары** болса, адам психикасының дамуы **қоғамдық-тарихи даму заңдарымен** түсіндіріледі.

Қайталау және бекіту сұрақтары

1. Психиканың пайда болуына байланысты теориялық көзқарастар қандай?
2. Тіршілік иелеріндегі психикалық бейнелеудің кезендері мен деңгейлері қай сипатта болды?
3. Психика дамуында жүйке жүйесінің рөлі және оның дамуы мен жетілуі қалай өтті?
4. Инстинктік әрекет формаларының сипаты, пайда болуы мен мүмкіндіктері қай дәрежеде?
5. Жануардың жеке ауыспалы, дағдылы әрекет қылышының пайда болу себептері қандай?
6. Интеллектік әрекеттердің ерекшеліктері неде?

4-дәрісбаян

САНА ЖӘНЕ ӨЗІНДІК САНА

- Жоспары:**
1. Жануарлар мен адам психикасындағы айырмашылықтар.
 2. Еңбек және саналы іс-әрекет.
 3. Тіл және адам санасты.
 4. Саны және бейсана.
 5. Өзіндік сана

1. Жануар мен адам психикасындағы айырмашылықтар

Сонымен, тіршілік дамуы қоршаған болмыс, дүниені бейнелеуді қамтамасыз етуге арналған жануарлардың тән құрылымын пайда етіп, сол қызметке қажетті ағзаларды жіккө салды. Бейнелеу қызметінің сипаты неге тәуелді? Неліктен бір жағдайда ол жеке қасиеттерді қабылдайды да, екіншісінде затты тұтастай бейнелейді? Бұл жануарды қоршаған дүниемен байланыстыратын сол жануардың әрекет-қылышының объектив құрылышына тәуелді. Тіршілік жағдайы-ның өзгермелілігіне жауап бере отырып, жануардың деңе құрылышы мен әрекеті де өзгеріске келеді, соның салдарынан психикалық бейнелеудің жаңа формаларының туындауына себепші тән мүшелері мен олардың қызметі өзгерген биологиялық талаптарға орай икемдеседі. Жануар психикасы мен әрекетінің және адам іс-әрекеті мен санастының сапалық ерекшеліктері төмендегідей:

1. Жануарлар әрекет-қылышының бәрі адам іс-әре-кетінен өзінің тікелей биологиялық, табиғи сипатымен ажы-ратылады, яғни жануар әрекеті тек тіршілікке қажет затқа байланысты өрбіп, табиғатта болған инстинктік қатынас шенберінен аса алмайды. Осыған орай тіршілік иесінің шындықты психикалық бейнелеу мүмкіндігі шектеліп, өзіне биологиялық тараптан қажет болған заттардың қасиеттері мен сапаларын ғана қабылдау қабілеттеріне ие. Сондықтан да жануарларда заттарды сол күйінде тұрақты, объектив бейнелеу тәсілі қалыптаспаған. Қоршаған ортандың барша заттары олар үшін инстинктік қажет аймағында ғана танылуы мүмкін.

2. Жануардың өзі текес тіршілік түрлеріне қатынасы басқа тыскы объекттерге, нысандарға қатынасынан бөлек-тенбейді, яғни жануарларда қоғамдық сезімнің болмауына байланысты ғұл қатынас та биологиялық инстинкт си-патында болады. Жануарларда шын мәніндегі еңбек бөлісі атымен жоқ, ал олардың әртүрлі қызметті шеберлікпен орындағанда алып табиғи жағдай қажеттіліктеріне орай тұма берілген қасиет.

3. Жануарлардың өзара қатынас түрлері олардың "тіліндегі" ерекшеліктерді де анықтап отырады. Көбіне жа-нуарлар бір-біріне дыбыстар көмегімен әсер етеді. Мұндай процестің адамдардың тілдесу қатынастарына ұқсастығы қандай? Әлбетте, қандай да бір сыртқы ұқсастық бар. Бірақ олар ішкі мағыналық тарапынан бір бірінен мүлде басқаша. Адам тілдесу барысында объектив мазмұнды білдіріп, өзіне қаратылған ауызша сөзді әншейін бір дыбыс ретінде қабылданап қоймадан, қоршаған болмыс шындығын бейнелеген ақпарат деп таниды. Ал жануарлардың дыбыстық әрекеті белгілі мазмұнға сай сарапанбай, барша биологиялық қажеттіліктің бәріне бірдей қолданылады (коректі қажетсіну, үркү, қорғаныс т.б.) да, инстинктік, тұма бекіген қылыштар шегінен аса алмайды.

Адамның санастының пайда болуы мен оның сипаты психика дамуының ең жоғары, жаңа сатысынан дерек береді. Жануарларға тән психикалық бейнелеуден саналық бейнелеудің айырмашылығы ғұл заттар үшін шындық болмысты бейнелеу. Ишкі психикалық құбылыстардың болуы, әлемнің субъектив бейнеге енүі адам психикасының мәнгі зерттелетін сыры (А. Н. Леонтьев).

Сана психикасының ерекше сапалық формасы тіршілік эволюциясында өзінің ұзаққа созылған тарихына ие болғанымен, ол алғашқы рет еңбек пен қоғамдық қатынастарға түсken адамда ғана пайда болды. Адамның саналы әрекетінің **үш айрықша** белгісі бар. Олар: 1) адамның саналы іс-әрекеті биологиялық себеп-салдармен байланысы жоқ. Кейбір жағдайларда адам биологиялық қажеттікке бойұсын-бай, оған қарсы шығады. Мысалы, ерлік пен жан пидалылық-ка бару; 2) Адамның саналы әрекеті

жануарлардағыдан заттың сыртқы көрінісімен ғана қанағат-танбастан, оны тереңірек, жанжақты тануға бағытталады. Адам нақты көрнекіліктен абстрактық бейнелеуге өтіп, объектердің астарлы байланыс-тарына үніле көз жіберіп, тысқы бейне формасын ғана емес, тереңдегі заңдылықтарын тануға ұмтылады да соларға орай өз әрекет-қылышына бағыт таңдайды; 3) Жануар әрекет-қылышының биологиялық байланыспен бірге, туда беріліп отырса, адамның біліктері мен ептіліктері қоғамдық-тарих желісінде топталған адамзаттық тәжірибелі игеру үйрену негізінде қалыптасып, олар оқу арқылы үрпақтан үрпаққа жеткізіледі. Яғни адам иелігіндегі әрекет-қылышы тәсілдері оның өз тәжірибесінің өнімі емес, өткен әулеттің тарихи-қоғамдық іс-әрекетін игеруден. Адамдағы бұл құбылыс жануарлар болмысында тіпті де болуы мүмкін емес.

Жануар қылышынан мүлде өзгеше, **адамның саналы әрекетін қалыптастыратын шарттар**: 1) тіршіліктің әлеуметтік-тарихи сипаты; 2) өмірдің қоғамдық еңбекпен байланысы; 3) еңбек құралдарын дайындалап, пайдалана білу; 4) тілдік қатынастың пайда болуы.

2. Еңбек және саналы іс-әрекет

Сана - адамның барша психикалық қызметіне ортақ қасиетті бейнелеудің ерекше формасы.

Адамның жануардан түпкі ерекшелігі ол қаруды қолданып қана қоймастан, оны дайындау қабілетіне ие. Қару дайындаудың өзі-ақ ежелгі адамның іс-әрекетін түбегейлі өзгертуіп жіберді. Қару дайындау үшін болған әрекет енді биоло-гиялық қажеттілікпен (корек, жем қабылдау) ғана анықтал-майды. Бұл тұрғыдан ол қажетсіз, ал қару дайындаудың шын мән-мағынасы кейінгі аң аулау қажеттілігінен туындейді, яғни бұл іс орындалып жатқан әрекеттің тәсілін білүмен ғана емес, сол қарудың болашақта қолданылуын **болжай алуға да** байланысты. Қару дайындаудың қажетті шарты бола тұра, сол білік (болжастьру) сананың ең алғашқы көрінісі ретінде танылады, яғни **саналы іс-әрекеттің бірінші формасы**.

Қару дайындауға бағытталған іс-әрекет адамның қылыш құрылымын түбегейлі қайта қарастыруға алып келді. Жануар қылышы өз қажеттігін қанағаттандырудан әрі асқан емес. Ал қару дайындаушы адамның әрекет-қылышы курделі сипатқа ие болды. Тікелей қажеттілік қанағаттандыруға бағытталған әрекет ішінен мағынасы болашақта ғана көрінетін арнайы әрекеттер бөлініп шықты.

3. Тіл және адам санасы

Адамның курделі құрылған саналы әрекетінің қа-лыптасуына себепші болған екінші шарт - бұл тілдің туындауы еді. Тіл деп қоршаған дүние заттарын, олардың әрекетін, сапасын және объектілер арасындағы қатынастарды бейнелейтін белгілер жүйесін айтамыз. Сөз сөйлеуге қосыла, тілдесудің негізгі құралына айналды, соның арқасында адам ақпарат топтайды, білдіреді, адамдар әулеттің тәжірибесін үйреніп, игереді. Тілдің келіп шығуы жөнінде талай болжам-дар мен теориялар айтылған. Біреулер оны рухани өмір көрінісі дей келе, бір Алланың ісі деп таниды. Екіншілер тілді тіршілік дүние эволюциясының нәтижесі деп қарастырады. Ал, енді ғылыми түрде алатын болсақ, тілдің шығу негізін адамның қоғамдық еңбек қатынастарынан іздеңген жөн.

Тіл алғашқыда адамдарың еңбек процесінде қарым-қатынас жасау қажеттілігіне байланысты қалыптасты. Бірлікті тұрмыстық іс-әрекетке қатысты екінші біреуге көңіл-куй ғана емес, еңбекке байланысты заттар жөнінде де ақпарат білдіру қажеттігі туды. Ақпараттардың осы алғашқы белгілері: интонация, ишаралар және қарапайым дыбыстар болды. Тек көп мыңдаған жылдардың өтүімен дыбыс, тіл жалпы әрекеттен бөлініп, дербестігіне жетті.

Тіл - заттарды, олардың қозғалысы, сапасы және қатынастарын білдіретін таңбалар жүйесі, ақпарат жеткізуі құрал ретінде адамның саналы әрекетінің бұдан былайғы өркендеуінде үлкен маңызды ие болды. Осыдан тіл де, еңбекпен қатар, сана қалыптасуының негізгі себептерінің бірі.

Тілдің адам өміріне енүі іс-әрекетке өте мәнді болған **үш өзгеріс** енгізді:

-қоршаған орта заттары мен оқиғаларын жеке сөздер мен сөйлемдерге келтіріп, тіл

сол заттарды бөліп алып, оларға назар салып, есте қалдыруға мүмкіндік берді, яғни тіл біз танитын дүниені екі есе көбейтіп, ол жөніндегі ақиқатты жадқа бекіту мен адамның ішкі жан-дүние бейнелерін тұзуғе жәрдемдесті;

-тілдегі сөздер белгілі заттарды атап қана қоймастан, олардың мәнді қасиеттерін абстракт танып, қабылдануши затты тиісті категорияларға жатқызуға көмек берді. Осыдан, тілге байланысты дерексіздену мен қорытындылау процесі қамтамасыз етіліп, сөз енді тек тілдесу құралы ғана емес, бейнелеудің сезімдік дүниеден ақыл-сана әлеміне келтірілген ойлаудың да жабдығына айналды;

-тіл адамзаттың қоғамдық тарихында жинақталған ақпаратты жеткізудің бірден-бір құралы. Ғасырлар өтуімен қоғамдық тарихи тәжірибедегі күрделенген ақпаратты үрпақтан үрпаққа жеткізумен тіл адамға сол тәжірибелі игеріп, жеке басының қолынан келмейтін білім, ептілік пен әрекет тәсілдерін үйреніп алуына жол ашты. Осыдан тілдің пайда болуымен адамда, жануарларда болып көрмеген, психикалық дамудың түбегейлі жаңа типі өрістеді, тіл сана дамуының ең маңызды, шыныайы құралы болды.

Тіл адамның саналы іс-әрекетінің барша саласына қатысуымен, оның психикалық процестерінің ағымын жаңа деңгейге көтерді. Сондықтан да, тіл мен сөзді адамның бүкіл саналы өмірінің арқауы деп қараса да артық болmas.

Сонымен, сана өзімен қатар еңбек барысында пайда болған тілмен бірге жасайды, тілсіз сана жоқ. Сана адамның барша психикалық қызметіне ортақ қасиетті бейнелеудің ерекше формасы. Бүкіл психикалық әрекеттердің бір-біріне ықпалды өсерінің дамуы адамның қоршаған дүниені іштей бейнелеуін қамтамасыз етіп, оның дерексіз моделін тұзды.

Жоғарыда айтқанымыздай, жануарлар психикасы олардың сыртқы жағдайларға икемдесу әрекеттерінің бары-сында дамып барады, ал адамдардың дамуы мен өмірді қайта жаңғыртуы табиғатты қайта түрлендіру процесінде іске асады. Психологияны қызықтыратын жеке сана қоғамдық санамен біртұтас байланыста қалыптасып, өрістеп барады. Әрбір тұлға бейнелеудің саналық формасын қоғам өміріне нақты ара-ласуымен игереді: адам ретінде ол өмірден тыс, қоғамдық қатынас-тарынсыз жасай алмайды. Осы жасау формасына өтпей, ол адам қоғам мүшесі, азamat деңгейіне көтеріле алмайды.

Қорыта айтсақ, сана психиканы біріктіруші ең жоғары өмір әрекеті формасы, адамның еңбек әрекетіне орай басқалармен тұрақты тілдік қатынасқа келу арқасында қоғамдық тарихи шарттарға сай қалыптасуының нәтижесі.

Сана - бүл қоғамдық болмыс.

Сана құрылымында **төрт негізгі сипат** байқалады: (A. B. Петровский).

1) Сана қоршаған дүние жөніндегі білімдердің жи-ынтық бірлігі, оның құрылымына барша танымдық процестер енеді: түйсік, қабылдау, ес, ойлау, қиял.

2) Санада субъекті мен обьектінің айырмашылықтары бекиді. Органикалық әлем тарихында тек адам өзін басқа-лардан бөлектеп, олармен салыстыра алады. Жалғыз адам-ақ тіршілік иелері арасында өзін тануға, яғни психика әрекетінің бағытын өзіне бұруға қабілетті.

3) Мақсат болжастыру әрекетін қамтамасыз ете алады. Адам табиғат берген заттың формасын өзгертерді, сонымен бірге өзін өзгерту ісін зандық сипатқа ие саналы мақсатпен ұштастырып, іс-әрекетінің сипаты мен тәсілдерін алдын-ала белгілейді, ерік қүшіне бағындырады. Осыдан сана қызметі: мақсат қалыптастыру, себеп-салдарын анықтау, еріктік шешім қабылдау, іс-әрекеттің орындалу жолын айқындау т.б.

4) Сана құрылымында әрекетке орай қатынастар орнығады. Адам санасы міндетті түрде өз ішіне күрделі обьектив, ең алдымен адам қатысқан қоғамдық қатынас-тарды бейнелейтін сезімдер жүйесін қамтиды.

Сананың жоғарыда аталған бүкіл арнайы қасиеттерінің қалыптасуы мен көрініс беруінің міндетті шарты - тіл, сөз. Тіл - бүл қоғамдық тарихи тәжірибе немесе қоғамдық сананы бекіткен ерекше обьективтік жүйе. Нақты адам тарапынан қабылданған тіл сол адамның нақты санасының көрінісі.

4. Сана және бейсана

Адам өзінің ішкі дүниесін құрайтын көптеген білім-біліктерді, қатынас толғаныстарды әрдайым сезе бермейді. Содан бейсана әр адамның психикалық болмысының ажыралмас құрам бөлігі. Ежелден-ақ ғалымдар бейсананы қылық-әрекет, сырқат, нәсілдік, көніл-күй табиғаты, өнер, адам ара- қатынастар проблемаларын қарастыру мен топтауда ескерілуі қажет фактор екенін мойындаған. Бейсананың көп жағдайларды түсіндіруге қажет екенін білгенмен, оның ерекшеліктері мен заңдылықтарын танып білудің жолын ешкім ұсына алмады. Ғылымдағы бейсанаға орай бұл қалып З. Фрейд еңбектері арқасында өзгере бастады.

Бейсана проблемасының осы заманғы ғылыми түсінігі негізгі екі бағытқа бөлінеді: **психоанализ теориясы** (З. Фрейд) және астарлы **психикалық нұсқаулар теориясы**. Психоанализ бойынша сана мен бейсана психикалық әрекеттің бір-біріне тікелей қарсы, өзара сиыспайтын элементтері. Ал нұсқаулар теориясы, керісінше, психиканың тұтастық идеясын дәріптеумен, адам қасиеттерінің бірліктігі туралы түсінікті арқау етеді.

Бейсана табиғаты жөніндегі бүгінгі ғылыми пай-ымдаулар келесідей:

Ашық сана аймағында сыртқы қоршаған орта мен организмнің ішкі әлемінен бір уақытта келіп түсетін сигналдардың кішкене бір көлемі ғана өз бейнесін табады. Осы айқын санаға білінген сигналдарды ғана адам өз әрекет-қылышын басқару үшін пайдаланады (Р. М. Грановская). Ал қалған ақпарат - сигналдар да организм тарарапынан кейбір процестерді реттеу үшін қолданылады, бірақ оны адамның өзі әрдайым сезе біле бермейді, яғни ақпарат - сигналдар бейсанаға өткен. Бүгінгі ғылыми түсінікте сана мен бейсана үйлесімді бірлестік жағдайында қызмет жасайтыны қолдау табуда. Әрекет - қылыш бағдарын таңдауға немесе жаңа шешім қабылдауға кедергі болатын жағдайлар туындағанда астардағы білім - біліктер мен іс тәсілдері айқын сана шеңберіне шығып, мәселе шешуге араласады. Қойылған проблема өз жауабын табумен олар қайта астарға өтеді де, айқын сана келесі проблемаларды күту үшін босайды. Өмірдің әр мезетінде барша процестің құрттай бөлігі ғана саналы реттелуіне қарамастан, сана өз кезегінде бей жүретін процестерге де ықпалын тигізіп отырады. Бейсана айқын сананың тікелей қатысынсыз өтіп жатқан әрекеттерді реттеуге басқаруға қажет болған барша факторларды біріктіреді.

Бейсана аймағына, зерттеушілердің пайымына жүгін-сек, және басқа да құбылыстар жатады: үйқы кезіндегі психикалық әрекет (тұс, лунатик); тікелей байқалмаған тітіркендіргіштерге жауап әрекет (түшкіру, қалтырау); дағдыға айналған қозғалыс әрекеттер (домбыра тарту, гимнастика әрекеті); саналы мақсаты болмаған кейбір әрекеттік ықпалдар (сәлемдесу әдеті, жақсылық және жамандық ісіне кірісе кету) және т.б. Бейсананы психиканың тәменгі сатысы ретінде тану дұрыстыққа келмейді, себебі бұл адамға ғана тән ерекше психикалық құбылыс болумен, ол адам санасының қоғамдық шарттарына орай себепті пайда болып, онымен үзілмес байланыста тұрады.

5. Өзіндік сана

Адамның өзіне, өз "меніне" қызығуы ежелден-ақ зерттеушілердің ерекше назарын тартқан. Кім біледі, психо-логияның ғылымдық сатыға көтерілуінің өзі де осы қызығудан болар. Адам жан дүниесі, оның өзіндік санасы әрдайым тек ғалым-философтардың ой талғауында ғана болып қоймадан, оны жазушылар мен суреткерлер де өз шығармашылығына арқау өткен. Адам әрекет-қылышы барша уақытта оның өзі жөніндегі ұғымы мен бейнесі және болашақтан күткен образымен байланысып келген.

Адамның өзіндік санасы - шексіз, күрделі проблемалардан. Әрқандай тұлға сан қырлы өз "Мениңің" көптеген бейнесіне ие: дәл осы мезетте адам өзін қандай деп біледі, болашақтағы өзінің идеялық "Мені" жөнінде не ойлады, осы "Менді" басқалар қалайынша таниды. Таным субъекті болудан, адам өз санасы аясында зерттелуші объект.

Өзіндік сана дегеніміз не? Бұл мәселені зерттеуші ғалымдардың бірі И. С. Кон былайша түсіндіреді: "Әрбір дара адамның өзін өзі іс-әрекет субъекті ретінде тануға жәрдем ететін психикалық процестердің жиынтығы - **өзіндік сана** деп аталады, ал оның өзі жөніндегі өз ұғымдары белгілі бір **"Мен"** бейнесін құрайды".

"Меннің" психологиялық мәнін А. Г. Спиркин келесідей сипаттайды: "мен" түсінігі өз санасының нұрымен сәулелендіріп, өзін-өзі қабылдаған, таныған және сезген жеке

адамды білдіреді". "Мен" - психикалық өмірді реттеп баруши принцип, өзіндік бақылауды жүргізуши рухани күш; бізді өз мәніміз бойынша бүкіл әлемге, қоршаған адамдарға, ең бастысы, өз санамызды өз бағалауымыз берін танымымызға орай өзімізге ашып беретін әр адамның тұтастай болмысы.

"Мен" бейне - жеке адамның санасында бір қалыпта бекіп қалған түсінік не білік емес, ол өте қозғалмалы, өзгермелі "мен" күйінде қабылдануы мүмкін. Сонымен бірге, "мен" бейне әлеуметтік заңдарға, қоршаған адамдардың қалауына сай кемелденген, болашақ идеал "менді" де аңдатузы заңды. Және бір жағдайда бұл "мен" - қолынан келсе, "тау қопарып, теңіз жұтатын" фантастикалық тұлғаның бейнесіне сәйкес болуы да әбден ықтимал. Ал осы өзі жөніндегі қияли ұғымдар санада басымдау болып, әрі олар ниетtelгенді жүзеге асыру үшін қажетті әрекеттермен ұштаспаса, көздеген істің шырқы кетіп, сана қысынсыз өзгерістерге келеді, ақырында, қиялданған ниет пен шындық сәйкессіздігінен адам ауыр күйзеліске түседі.

"Мен" бейненің сәйкестік дәрежесі жеке адамның өзінің өз болмысын, мүмкіндітерін, басқа адамдар арасындағы өз беделін бағалай алуына байланысты келеді. Өзіндік бағаға орай адам өз әрекеттерін ретке келтіріп барады.

Саналы адам өз бағасын қалай шығарады? Әрбір адамның қоғамдық тұлғага айналуы бірлікті еңбек пен тіл қатынасының нәтижесі. Адамдағы барша қалыптасқан сапа мен қасиеттер басқа қауымдастық мүшелерімен қоғамдық өндіріс процесіне араласу және олармен ақпарат алмасу барысында дамып, кемеліне жетеді. Еңбек пен тіл қатынасына келумен адам өз істерін басқалардан күтілген бағамен салыстырып, тексеріп барады. Айналып келгенде, табиғи қажеттіктерді қанағаттандырубы лай тұрсын, өз мұддесіне орай орындалғанның бәрін, тіпті қара басының қамы үшін жасалған қарапайым заттың өзін адам басқаларға да арнайды. Адамда қалыптасқан өз "Менінің" бағасы-өзіндегі барды басқаларда көргенімен үздіксіз салыстырып барудың нәтижесі. Адам өзі жөнінде бірдене біле тұра, өзгелерге үңіле назар аударады, өзіндегіні олардан іздел, барластырады, сонымен бірге төнірегіндегілер өзінің қымыл әрекеттері мен қылыштарына сын көзben қарайтынын іштей сезінеді. Осының бәрі тұлғаның өзіндік құнын белгілеп, оның психологиялық кейпіне ықпал жасайды, яғни, әрбір адам төнірегінде көрінер не көрінбес сыншыл топ ұдайы онымен бірге. Ол топпен адамның санаспасына болмайды, себебі одан адам өзінің құндылықты бағыт-бағдарына қолдау-қуат алып, оның мұраттарын өз мұраттары етіп, оның ұмтылыс, қызығуларын өз бойына дарытып барады.

Адамның өзіндік бағасы оның өзіне қоятын талаптар денгейіне байланысты. **Талаптар денгейі** дегеніміз - адамның ниеттеген өз бағасының құны, яғни алдына қойған мақсаттың қындық дәрежесіне орай көрінетін "мен" бейнесінің сипаты. Адам алдында тұрған енді бір әрекетті қындық дәрежесіне орай таңдап алу мүмкіндігіне ие бола, өз бағасын көтерінкі етуге ұмтылады, осыдан екі жағдайдың: **бір тараптан** - жоғары табыстарға жетісу үшін талап денгейін жоғарылату, **екінші тараптан** - нәтижесіз қалмау үшін талаптарды женіл-дету - өзара қайшылығы пайда болады. Әрекет нәтижелі болып шықса, адам алдына қоятын талаптарын, әдетте, көтере түсіп, келесі, курделірек мәселелерді шешуге кіріседі, ал кері жағдайда - онайлау талаптарға ауысады. Адамның өз алдына қоятын талаптың дәлдігі іс-әрекетінің нақтылығына байланысты. Адам табиғаты, әдетте, өз қадірін белгілі деңгейде сақтап журу үшін өз алдына қоятын міндеттері мен мақсаттарының тіпті де күрделі, сонымен бірге, әбден женіл де болмағанын қалайды. Талаптар денгейінің белгілі бір қалыпқа түсүі іс-әрекеттің табысты не нәтижесіз болуын күні бұрын сезуден емес, керінше, өткен тәжірибедегі жетістіктер мен құлдырауларды ескере білу мен оларға онды, объектив баға берілуден.

Жеке адам талаптар деңгейінің әрекетшендігі мен мазмұндық сипатын жете танумен тұлғаның іс-әрекет, мінез-қылыштарының тұртқілерін терендей білуге және сол арқылы адамда ұнамды сапалар мен қасиеттерді баулудың жолдарын ашып, оған нәтижелі ықпал жасауға болады.

Қайталау және бекіту сұрақтары

1. Жануарлар мен адам психикасының айырмашылықтары неде?
2. Адам санасының қоғамдық тарихи сипаты қандай?

3. Адам санасының дамуындағы еңбек пен тілдің маңызы қандай болды?
4. Сана мен бейсананың айырмашылықтары неде?
5. Өзіндік сана дегеніміз не?
6. Саналы басқарылмаған көрсетпе-талаптар сипаты қандай?

5-дәрісбаян

ТӘН МЕН ЖАН

- Жоспары:**
1. Ми құрылымы мен қызметі.
 2. Мидың ақпаратты қабылдау, өндөу және сақтау қызметі.
 3. Мидың іс-әрекет бағдарламасын түзу, реттеу және бақылау қызметі.
 4. Ми қызметінің физиологиялық негіздері.

1. Ми құрылымы мен қызметі

Адамның психикалық әрекет заңдарын, оның желісі мен құрылым ерекшеліктерін айқын түсіну үшін жан әрекетін туыннатушы тән адам миының құрылымымен танысып, оның жан күйі көріністерінің сол тән бөлігімен қандай байланыста болатынын білу қажет.

Органикалық дүниенін ұзаққа созылған эволюция-сында қарапайым бір жасушалы жануарлардан адамға дейін қылыш-әрекеттің физиологиялық механизмдері үздіксіз жетілуде болды. Мысалы, бір жасушалы организмнің жалғыз-ақ жасушасы тіршілікке қажет барша қызметтерді (түйсік, қозғалыс, ас қорыту) орындаі алды. Бірақ оның мүмкіндік-тері шектеулі болды. Ал жоғары дамыған жануарларда арнайы қызмет орындаушы тән мүшелері дарапана бастады. Яғни бір жасушалар сигналдарды қабылдау қызметін атқарса, екіншілері бұлшық еттер мен әртүрлі без секрецияларын іске қосты. Қажеттілікке орай жеке мүшелер және олардың қызметі жіктелгенімен, организмнің біртұтас тіршілігі мен тән мүшелерінің өзара байланысын **орталық жүйке** жүйесі қамтамасыз етті.

Жүйке жүйесінің жалпы түзілімі барша омыртқа-лыларда бірдей. Бұл жүйенің негізгі элементі **жүйке жасуша-лары немесе нейрондар**. Нейрон жасуша тәнінен (**дендрит - қозу қабылдау**) және өсінділерден (**аксон - қозуды жеткізу**) құралады. Аксонның дендриттермен, не басқа жасуша денесімен байланысы **синапс** деп аталады. Синапс жүйке жүйесіндегі жаңа байланыстар механизмін түсіндіруде шешуші маңызға ие.

Орталық жүйке жүйесі **арқа** және **бас миынан** тұрады. Ми бөліктері сан алуан жүйке қызметін орындаиды. Олардың орналасу деңгейі жоғарылаған сайын, оның қызметі де күрделене түседі. Бәрінен тәмен жайласқан арқа миы, оның қызметі, бұлшық ет топтары мен ішкі мүшелер қызметін реттеу. Оның үстінде **мишықпен** бірге **сопақша ми** орналасқан. Сопақша ми дененің күрделі қызметтерін орайластыра басқарады (булшық ет топтары, дем алу, қан айналымы, ас қорыту және т.б. жұмыстарды біріктіру). Бұлардан жоғарылау орталық жүйке бөлігі күрделі қозғалыстар мен бүкіл дene қалпын реттеуге қатысатын **орта ми** жайғасқан. Сопақша ми мен орта ми бас миының **бағаналы бөлігін** құрайды. Орталық жүйке жүйесінің ең жоғары бөліктері бас миының **үлкен жарым шарларына** біріккен. Үлкен жарым шарлар құрамына **қабық асты түйіндері** деп аталатын терендегі жүйке клет-каларының тұтас жиынтығы кіреді. Жарым шарлардың үстіңгі бетінде жүйке жасушалар қабаты **бас миы қабығы** көмкеріл-ген. Бұл қабық қыртыс, сай, қатпар күйінде. Жақын манда жатқан **көру тәмпешіктері мен қабық асты түйіндері** қосылып **қабық асты** деп аталады. Ми қабығы қабық астымен қосыла рефлекторлық әрекеттің күрделі формаларын басқарады.

Жүйке жүйесінің барша бөлімдері өзара тығыз, ықпалды байланыста. Бірақ олардың әрқайсысының ролі бірдей емес. Арқа миы мен мидың бағаналы бөлігі - сопақша ми, орта мимен қосыла тума рефлекстер орталығына бірігеді. Арқа миында ең қарапайым рефлекстер орталығы (тізе рефлексі) бар. Дене мен аяқ-қол сүйек бұлшық еттерін реттейтін, ішкі мүшелер жұмыстарын басқарушы рефлектор-лық орталықтар да осы арқа миында.

Бас миының бағаналы бөлігі күрделі де тіршілікке өте қажет шартсыз рефлекстік әрекеттерді басқаратын орталық. Сору, шайнау және жұтыну рефлекстері осы тетік құрамын-дағы сопақша мидың жауап әрекет орталығынан бас-қарылады. Кейбір қорғаныс рефлекстерін (түшкіру, жөтел, жас ағу) де осындағы жүйке іске асырады.

Орта мида көз берілген құлақ қозуларын қозғалыс ай-мағына жеткізетін орталықтармен қатар көз қарашығын тарылтатын жүйке тетігі жайғасқан, бірақ бас миы бағаналы бөлігінің

қызметі бұнымен шектелмейді. Сопақша мида орналасқан дем алғыс, жүрек-тамыр мүшелерінің қызметін, сонымен бірге организмнің ішкі құрылым тұрақтылығын сақтаушы басқа да органдардың жұмысын реттеуши орталықтар ерекше маңызға ие. Өте күрделі қызметтер мишиққа жүктелген. Бұқіл сүйек - бұлшық ет жүйесіндегі әрекет: жұру, жүгіру, секіру т.б. кезіндегі дene тенденстігін сақтауға орай барша бұлшық еттерді басқару осы мишиқтың міндеті. Бас миының бағаналы бөлігі мен арқа мидың рефлекторлық қызметі организмнің жауап әрекеттерінің біршамасын қамтиды.

Дамыған жануарлардың рефлекторлық қызметінің формалары ауқымдылау да күрделірек. Қабық асты (үлкен жарым шарларының көру төмпешіктері мен қабық асты түйіндері) күрделі шартсыз рефлекстік қызметті қамтамасыз етеді. Көру төмпешіктері қабық асты сезгіш орталық, ал қабық асты түйіндері жүрісті реттеу қызметін атқарады.

Адамның саналы әрекетін реттеп, басқаратын орган - үлкен ми сынарының қабығы, сондықтан да адам психикасы мен үлкен ми сынарлары арасындағы байланыс, қатынас мәселесі маңызды проблемалардан, осыдан ғылымда **психика-лық қызметтердің ми қабығында мекенді болу** теориясы көтеріліп жүр. Жан процестерінің миға қатынасы, психикалық әрекеттің заттасқан негізі болған мидың жұмыс принциптері ғылым дамуының әр кезеңінде әрқылды сипатталды. Мұның себебі адамның психикалық процестеріне, олардың негізі миға деген түсінік, көзқарастардың біркелкі болмауынан еді.

"Психикалық қабілеттердің мекендігі" теориясын бірізді жолға түсіруге күш салған Ф. А. Галль (XIX ғ. басы) болды. Оның болжамынша, әртүрлі психикалық "қабілет-тердің" негізі осы қабілеттердің дамуымен өрбитін бас миң қабығындағы жүйке еттерінің кішігірім ауданшалары. Осылай тұжырымдаумен, ғалым көптеген қасиеттердің мекенін белгілеп берді. Мысалы: адальдық, ұқыптылық, махабbat т.б. Зерттеуші-нің пікірі бойынша әртүрлі қабілеттер адам миында нақты мекеніне ие және ол мекені бас сүйегіндегі шығындықты томпақтардан байқауға болады. Мұндай шығындық қабілет мекеніндегі қасиетке сай жүйке еттері көптеп өсіп, сыртқа тебу себебінен болады. Осы болжам негізінде "Френология" деген арнайы ғылым саласы пайда болып, мұнан былай адамның дара қабілеті оның бас сүйегіндегі төмпешіктерге қарай болжастьрылатын болды. Галль теориясы адам миң қызметінің мекендігі жөніндегі алғашқы материалистік түсініктен туған еді.

XIX ғ. 40 жылдары Галль френологиясына қарсы пікір топшылаған Флуранс болды. Ол бас ми бөліктерін алғып тастау тәжірибелерін жүргізу барысында ми қабығы мүмкіндіктерінің тендей екендігі туралы болжамға келді. Бұл тенденсінде себебі ғалым пікірінше, ми тұтастай, бірлікті қызмет атқаратын біртекті зат.

Ми қабығындағы қызмет мекендігі туралы осы за-манғы ғылыми түсінімнің негізін 1861 ж. сөйлеу орталығын ашумен француз ғалымы П. Броқа қалады. Кейін, 1873 ж. неміс ғалымы К. Вернике сөз ұқпау орталығын тапты. Өткен ғасырдың 70 жылдарынан бастап, сырқаттарды бақылаудың нәтижесінде ми қабығының шектелген ауданшаларының зақымдануы белгілі жан қызметтерінің жоғалуына әкеп соғатыны дәлелденді. Осылай орай бас миң қабығында нақты психикалық әрекетке жауапкерлі жүйке орталықтары белгіленді.

Бірінші дүниежүзілік соғыс кезінде миң зақымданған жарапыларды бақылау қорытындысын жасап, неміс психика-торы К. Клейст 1934 ж. ми қызметінің мекендік картасын жасады. Бұл картада күрделі психикалық әрекеттер бас миң қабығының нақты ауданшаларымен байланыстырылды. Бірақ көп салалы психикалық қызметтердің бас миң сынарларының белгілі нүктелерінде жайғасуы жөніндегі теориялық бағыт өзінің біршама шындыққа жанаспайтын-дығын көрсетті. Клиникалық бақылау деректерін талдай отырып, сөйлеу, жазу, оқу, есеп құсаған күрделі психикалық процестердегі ауытқулардың бас миң қабығының бір емес, әртүрлі аймақтарына да байланыстылығы дәлелденді. Керінше, шектеулі, бір ми бөлігінің зақымдануынан әртүрлі психика-лық процестер тобының да бұзылысқа келетіні байқалды. Мұның бәрі психикалық құбылыстардың мекенділігі туралы пікірдің мардымсыздығын ашып, зерттеуші-лерді психикалық құбылыстар біртұтас ми қызметінің нәтижесі дегенге ойыстырыды. Енді ғылымдағы сан жаңалықтар тізбегінде "антропокалиптизм" теориялық ұғым бас көтеріп, бірақ көп оздырмай, ол да өзінің негізсіздігін танытты.

Тек қана **гистологиялық** (адам, жануардың тери, ет құрылышы) зерттеулер мен

физиологиялық байқаулар бас миы қабығының күрделі дараланған аппарат екендігі, ми қабығының әрқилы аймақтарының құрылымы бір еместігі, ми қабығы құрамын түзуші нейрондардың әдейі "маманданғандығы", олардың арасынан тек арнайы тітіркен-діргіштерге немесе өте әсерлі белгілерге жауап қайтаратын-дары бар екені аян болды. Кейінгі зерттеулер бірнеше ми қабығы қабылдау, сезім орталықтарының барын дәлелдеді.

Үлкен ми сыңарларының бүкіл бет аймағын бірнеше көлемді бөліктерге жіктеу мүмкін. Бас миы аймақтары: ми сыңарларының сыртқы бөлігі - желке аймақ (қара-құс), ол алдыңғы тарапта тәбе (еңбек) аймақтарына жалғасады. Алдыңғы, аумағы бойынша ми сыңарларының ең үлкен бөлігі - маңдай аймағы адамда ғана жақсы дамыған. Осындай бөлектеулерге орай көру әсерлерінің анализі мен синтезі қабықтың желке аймағында (көру зонасы); есіту тітіркен-діргіштерінің анализі мен синтезі желке аймағының жоғары бөлігінде (есту зонасы); сезу және бұлшық ет-сүйек аппаратындағы тітіркенушілер - тәбе (еңбек) аймағының алғы бөлігінде орындалады.

Адам не жануар тіршілігінде қайбір тітіркену неғұр-лым маңызды болса, бас миы қабығының соғұрлым үлкен бөлігі осы тітіркенуді беретін сезім органына "жұмыс" істейді. Мысалы, кірпі тірлігі көбіне иіс сезуге тәуелді, сондықтан оның бас миы қабығында иіс сезу аймағы баршылық. Керісінше, иіс сезімін онша қажет етпейтін адам бас миында иіс зонасы кішігірім бөлікпен шектелген.

Ал анағұрлым күрделі психикалық әрекеттерге бай-ланысты ми қызметін бүтін, бір топ органдардың бірлігі, яғни күрделі қызметтік жүйе орындаиды (П. К. Анохин). Мысалы, жүріс не оқу (хат, кітап) сияқты күрделі қызметтер жүйке аймағының бөлінген бір көлемінде "мекендеуі" мүмкін емес. Тіпті қарапайым ырықсыз қозғалыстың өзі күрделі қызмет болып, өз ішіне сезімдік, сонымен бірге қозғағыш импульстердің тұтас бірлігін қамтиды.

Күрделі психикалық процестердің мидағы ұйым-дасуын жете түсіну үшін адам миы қызметі жөніндегі осы заманғы ғылыми деректерді білу қажет. Мұндай ұйымдасу принциптері көрнекті психолог - ғалым А. Р. Лурия тарапы-нан нақтыланған. Жантану үшін өте маңызды бас миы аппараттарының қызметімен байланысты үзлік принциптер келесідей:

Ақпаратты қабылдау мен өндеуді қамтамасыз етуші, өз әрекетінің бағдарламасын тұзу мен олардың тиімді қызметте болуын бақылайтын адамның бас миы құрылым-дары әрдайым бүтін бірлікте жұмыс етеді. Бірақ үзіл апарат өте күрделі әрі жеке дараланған бірнеше бөліктерден тұрады, енді осы көп бөліктердің бірі өзінің қалыпты ісінен ауытқыса, бүтін апараттың қызметіне зақымын тигізеді. Адам бас миында әдетте үш негізгі блок байқалады, олардың әрбірі психикалық әрекетте өзінің ерекше маңызына ие. Олардың **бірі** - ақпарат қабылданап, өндеуге; сонымен бірге бағдар тұзу процесі мен олардың іске асуын қадағалап баруға қажетті ми қабығының іс қуатына жәрдем береді. **Екінші** блок - адамға сыртқы қоршаған орта мен өз тәні мүшелерінен жетіп келген ақпараттардың қабылдануы, өнделуі және сақталуына байланысты процестерді жүргізеді. Ал **үшіншісі** - әрекет жоспарын түзеді, оның орындалуын реттеп, іске асырады және табысты нәтижеге жетуіне бақылау қояды. Аталған үш блок бас миының оқшауланған бөлімдерінде орналасып, олардың үйлесімді жұмысының арқасында ғана адамның саналы іс-әрекет тиімді бағытта өтеді. Сонымен, әр блоктың өзіне тән сипаттамасы бар. Бірінші блок - ми қабығына **куат беру блогы**, немесе **энергетикалық блок**. Әрекет-қылыш процестерінің өз деңгейінде орындалуы мен өзін-өзі реттеп беруі үшін ми қабығының қуатын қажетті дәрежеде тұрақты сақтау және қамтамасыз ету керек. Осындай қуат болған кезде ғана одан тиісті ақпараттарды таңдап, қабылдау; олардың ізін жадыда қалдыру, нақты әрекет мазмұны мен бағытын қалыптастырып, оның орындалуын бақылап баруы мүмкін. Үзлік принциптердің іске асуы үшін ми қабығының қозу мүмкіндігі жеткілікті деңгейде болуы қажет.

Блок құрамына енген бүкіл тетіктер тобы ми қабығының қалыпты жұмыс істеуінде үлкен маңызды ие. Оның мәні қабықтың тұрақты қуаты, негізінен, екі себепке орай қолдау табады. Бірінші себеп ми қабығының сергек қалпын сақтау үшін оған сыртқы орта ақпараты ізін үзбестен, легімен келіп, еніп жатуы лазымен. Мұндай тыскы әсер болмағанда, жануар мүлги бастайды, не үйқыға кетеді. Сонымен, ми қабығының сергектік көзі

организмнің шеткі аймақтарынан түсетін тұрақты тітіркендіргіштер, ал бұларды жеткізетін мидың жоғары бағанасты.

Ми қабығы қуатының тұрақтылығын қолдаушы екінші көз бұл организмнің ішкі зат алмасу процестері мен биологиялық қуаттар негізін құрайтын импульстерь. Мысалы, аштықтан хабар беруші организм қалпы жоғары баған және гипоталамус аппараттарымен реттеледі. Ми қабығына ретикулярлы формацияның (мидың белсенділік қуатын көтеруші нейрондар шоғы) жәрдемімен жеткізілген осы организм жағдайының импульстерь қабық қуатын төмендетпей, оның сергектігінің кепілі болады. Ми қабығында тіл, сөз арапасуымен тек адамға қатысты ең жоғары ниеттер мен қажеттіктерді пайда етуші ақпараттарға орай туындастын әрекет-қылыш бағдарламасының қуатын сақтауда маңызға ие болған үшінші көзді де **бәсендеуші ретикулярлық формацияны** атамай болмайды. Бұл ми тетігінің жұмысы адамның саналы әрекетімен пайда болатын құрделі ниет, ұмтылыс, қажетсінуге байланысты.

Сонымен, бірінші блок өз құрамына жоғары бағана, ретикулярлы формация және ежелгі қабықтарды қамтып, ми қабығының жалпы сергектігіне қуат берумен қозу істерін ұзақ мерзімге сақтауға мүмкіндік береді. Бұл блоктың жұмысы қайсы бір органдармен әдейі байланыста болмай, қабықтың жалпы қуатын ұстап тұрады.

2. Мидың ақпаратты қабылдау, өндөу және сақтау қызметі

Сонымен, бірінші блок ми қабығының қуатын ғана қамтамасыз етеді. Ал, енді әңгіме болатын, екінші блок сезім органдары сырттан жеткізген сигналдардың анализі мен синтезіне байланысты іс атқарып, адамға келіп түскен ақпаратты қабылдайды, өндейді және сақтайды. Оның құрамындағы аппараттар бас ми қабығының артқы (еңбек, шеке, желке, қарақұс) бөліктерінде орналасып, бірінші блокта жоқ арнайы қызметтік сипатқа ие. Осы тетіктер жүйесі арқылы ми көру, есіту және сезу сигналдарын қабылдайды, өндеп, бекітеді, алынған тәжірибелі іздерін есте қалдырады. Бұл блок аппараттарын қабылдаушы жүйенің орталық бөліктері деп қарастырса болады. Осы бөліктердің көрумен байланыстысы - желке, қарақұста, есіту бөлігі - шекеде, сезімдіктері - тәбе, еңбек аймағында орналасқан.

Қабылдаушы ақпараттардан шықкан талшықтар осы бөліктерге жетіп, біtedі; осы арада келіп жатқан көру, есту және сезу ақпараттары жіктеледі, "тіркеуге" алынады. Бұл зонада құрделі болған құрылымда бас қосып, бірігеді және кірігеді. Шеткі сезім органдарынан талшықтар жетіп, тікелей байланысатын қабық зоналары **алғашқы** немесе **құрастыруши аймақ** деп аталады да, осы құрастыруши аймақпен жанасып, қабысатын ми қабығы зоналары туынды немесе **құрастыру байланыс түзуші** аймақтар аталған.

Сезімдік қабықтың алғашқы аймақтары арнайы қызметтік белгілерді (көру, есіту, сезу) жіктеп, талдайды, яғни келіп түскен ақпаратты мәнді бөліктерге бөлшектесе, қабық бөліктерінің екінші, туынды зонасы біріктіру қызметін, немесе субъектке жеткен ақпараттың құрделі өндөуін жүргізеді.

Талдағыш блок ақпараттары алғашқы және екінші бөліктермен шектелмей, олардың жоғарысына қабықтың үшінші зона тетіктері қондырылған. Бас ми қабығының үшінші зонасы тек адамда ғана түзілетін арнайы ми қабығы құрылымдарының бірі. Қабықтың үшінші аймағы ұзақ дамудан жетіледі де, ми қабығына әртүрлі талдағыштардан келіп түскен ақпараттарды біріктіру оның негізгі қызметі. Бұл бөлік тетіктерінің зақымдануы, сырқатқа шалдығуы немесе әншейін шаршауынан адам сырттан келіп жатқан сигнал-дардың басын қосып, олардың құрделі бірлігін жасап, қорытынды шешім таба алмай, қызмет әрекет бабында адасады (кеңістікте онды-солын ажыратады, құрделі грамматикалық байланыстарды түсінбейді, көп қатынасты логикалық операцияларды орында алмайды).

3. Іс-әрекет бағдарламасын түзу, реттеу қызметі

және бақылау ми

Бас ми үшінші блогы адамның белсенді әре-кетінің бағдарламасын түзіп, оны реттеп және бақылап береді. Оның құрамына үлкен ми сыңарларының алғы өткізбектерінде орналасқан.

теріндегі мәндай аппараттары кіреді. Адамның саналы іс-әрекеті ақпаратты қабылдау мен өндеуден басталып, тиісті іс жоспарын түзіп, қажетті ниет қалыптастыру және түзілген іс-әрекеттік бағдарламаға орай тысқы (қозғалыс), ішкі (ой-ақыл) жұмыстарды орындаумен аяқталады. Бұл процестің іске асуы, керекті ниеттер мен ұмтылыстарды түзіп, сақтау және ниетке сай жасалған бағдарламаны орынды жерінде жүзеге келтіріп, бастапқы мақсат пен әрекет нәтижесін салыстыра, байқап бару үшін арнайы аппарат қажеттілік етеді.

Аталған қызметтердің бәрі мидың алдыңғы бөліктері мен олардың мәндай шектерінде іске асып отырады. Мидың артқы бөліктері сияқты, алдыңғылары да тәмен жайғасқан ретикулярлық формациямен тығыз байланысқан. Бұл арада қабықтың мәндай шектерінде туған импульстерді жеткізетін ретикулярлық формация талышқтары (өрлі және тәмен бағыттағы) өте қүшті дамып, шоғырланған. Осылардың арқасын-да қабықта қалыптасқан тілек - ниеттердің мазмұнына сай организмнің жалпы қалпы реттеліп, керек болса, өзгеріліп тұрады.

Мидың мәндай шектері ең алдымен организмнің белсенділігін көтеру қызметін атқарады, қабық қуатына дем беріп отырады. Қарқынды ақыл жұмысы ми қабығының көбірек қуатын керек етеді. Осында кездер мәндай шек-терінде бірдей қозып, бірлікті әрекет ететін бірнеше нұктелер пайда болады.

Мәндай аймағының зақымдануынан сырқаттар тілек ниеттерін ұзақ уақыт сақтай алмайды, әрекет бағдарын ұмытып қалады, бағдарламаға тұра болмаған импульстерге қарсы тұра алмай, әрекетті қажеттілікке орай басқара алмайды. Мұндай науқастар өз назарын алдында тұрған міндетке шоғыр-ландыра алмай, ойын басқа бірденеге ауыстырып жібереді.

Адам ми қабығының мәндай шегі әрқандай іс-әре-кеттің өз бетінше реттеу реттелу қабілетін қамтамасыз етеді.

Біз бас ми қызметін қамтамасыз етуші блоктардың қысқаша сипаттамасын бердік, ми қызметінің принциптеріне тоқтадық. Ал енді ми қызметіне қажет нақты механизмдерді түсіну үшін, адамның психикалық өмірінің негізінде жатқан физиологиялық тетіктер жөніндегі осы заманғы пайымдаулар сипатын таныған жөн.

4. Ми қызметінің физиологиялық негіздері

Жан әрекеттері негізінде жатқан мидың күрделі жұмыс формалары рефлекстер сипатында құрылған. Барлық рефлекстер екі үлкен шартты және шартсыз топқа бөлінеді. **Шартсыз рефлекстер** тұма, көп өзгеріске келе бермейді, бас ми қабығынан тәмен орналасқан жүйке жүйесінің бөліктері-мен іске асырылады. Мұндай рефлекстер организмнің қоршаған ортаға икемделуін шектелген жағдайларға байланыс-тырып, аздаған тітіркендіргіштерге жауап күйінде, тұрақты сипатқа ие болады. Сондықтан шартсыз рефлекстер жәрдемі-мен сырттың ауыспалы әсерлеріне онша икемсіз келетін организм әрекеттері ғана бастау алады. Ал қоршаған орта жағдайлары өте көп өзгере беретіндіктен, олармен бірге ауысып тұратын басқа да жауап әрекеттер формасы өте қажет.

Организмнің тіршілік барысында қалыптасатын жаңа өзгермелі әрекет жауаптар формасы - **шартты рефлекстер** аталып, олар жоғары дамыған жануарлар бас ми қабығында жасалады. Шартты рефлекстер түзілуде организм үшін бұрын мәнге ие болмаған тітіркену әсері енді организмге тікелей маңызды басқа тітіркендіргіштің сигналына айналады. Бұған дейін бейтарап әсер енді жаңа сигналдық қызметке ауысады.

Шартты рефлекстердің жасалуынан міда бұрын болмаған, жаңа **уақытша байланыстар** қалыпқа түседі. Бұл байланыстар жоғары жануарлар мен адамдарда психиканың бас тірегі болған үлкен ми сыңарларының қабығында орайласады. Зерттеулердің дәлелдегеніндей, жануарлар бас миңың қабығы алынумен, жаңа уақытша байланыстар мен бұрыннан барлары да жойылып кететіні белгілі. Ми қабығы алынған ит қозғалады, қоректенеді, бірақ иесін танымайды, төңірегіндегі заттарды ажырата алмайды.

Шартты рефлекстердің жасалу зандарын ашқан И. П. Павлов. Галымның зерттеулері нәтижесінде, шартты рефлекстер немесе түйікталған уақытша байланыстар үлкен ми сыңарлары қабығының қызметіне негіз болатыны дәлел-денді.

Сондықтан бас миының қызметі **түйіктауши әрекет** деп те аталады.

Сезім органдарына әсер етуші тітіркендіргіш бас миы қабығының белгілі бір аймақшасын қоздырады. Бұл қозу бір орында бекіп қалмай, қабық бетіне, жақын жердегі қабық астына түгелдей жайылады. Бұл **қозу иррадиациясы** барлық бағытта бірдей болмайды. Бас миы қабығында нақ мезетте ең көп қозу болған орын, тұрақты қозу көзі **доминанта** деп аталады. Егер бас миында тұрақты доминанта пайда болса, онда көрінген әрқылы әлсіз әсерлерден болған қозулар да осы күшті орталыққа қарай тартыла тарайды. Доминанта, мидағы ықпалды қозу орталығы жөніндегі теория көрнекті орыс физиологы А. А. Ухтомский еңбектерінің жемісі.

Шартты рефлекстердің жасалуы үшін күшті кедергі тітіркендіргіштердің болмауы үлken маңызға ие. Егер мұндай қолайсыз жағдай туа қалса (сабақ уақытында орынсыз шу, кино залындағы орынсыз сыйыр, т.б.), қалыптасудағы шартты байланыстардың түзілуі қындысады, ми қабығындағы байланыс жасаушы бөліктердің жұмысы тежеледі.

Шартты рефлекстердің түзілуі үшін бас миы қабығының белсенде әрекеттік қалпы да өте қажетті, яғни ор-ганизмнің жалпы сергектігі болған жөн.

Уақытша байланыстар түйіғы ми қабығының **бірік-тірушілік әрекеттінің** негізі. Сонымен бірге, шартты рефлекстердің жасалуы рефлекс туындалатын әсерді бөліп тануға байланысты, яғни ми қабығы синтездік жұмыспен қоса талдау қызметтерін орындаиды. Осы шартты рефлекстер негізінде жатқан ми қабығының талдау-біріктіру қызметі организмнің өмір жағдайларына икемдесуін қамтамасыз етеді.

Шартты рефлекстерге байланысты және бір маңызды мәселе бұл жүйке процестерінің жүрісі, үлken ми сыңар-ларындағы жүйке процестері нақты бір орында басталып, жүйке жүйесінің басқа бөліктеріне жайылады. Бұл құбылыс **иррадиация** деп аталады. Тарапу процесіне қарсы жүйке процесінің бір орында **шоғырлануы**. Жүйке процесінің екеуі де қозу және тежелу шоғырланады да, тарапады. Бұл үлken ми сыңарларындағы жүйке процестері қозғалысының негізгі формасы болумен, тітіркендіргіш әсерлердің қуатына тәуелді келеді.

Жүйке жүйесінің қызметінде маңызды факторлардың бірі жүйке процестерінің **өзара индукциясы**, яғни қозу мен тежелу бір-біріне күшешту не әлсірету ықпалында болады. Бас ми қабығының бір бөлігіндегі қозу төнірегіндегі ауданша-ларда тежелу процесін туындалады (**кері индукция**). Ал белгілі пунктегі тежелу оны қоршаған аймақта өзіне қарсы қозу процесін пайда етеді (**оң индукция**).

Өмірдің табиги жағдайында тітіркендіргіштер оқшау-ланып, дараланбайды. Әдетте, олар бір мезгілде не бір ізділік-пен көрінеді. Қалаған әсер тітіркендіргіштердің бір мезеттік тобы. Сондықтан қоршаған ортада үйлесім табу үшін ми көптеген әсерлерге бірдей жауап қайтару мен бір жүйені екіншісінен айыру мүмкіндігіне ие. Үлken ми сыңарларының жеке тітіркендіргіштердің бүтін топқа біріктіре алу мүмкіндігі - **бас ми қабығының жүйелеу қызметі** деп аталады.

Ми қабығы жұмысындағы жүйеліліктің маңызды көрінісі - **динамикалық стереотип** немесе тітіркендіргіштердің белгілі тобына болған жауаптардың бүтін жүйесі. Ми қабығының жүйелі жұмысы курделі әрекет түрлерінің орындалуына көмектесіп қоймaston, оған қоса жүйке байланыстарын түзуде үлken үнемділікке жеткізіп, ұзақ уақыт есте сақтауға жәрдемін тигізеді. Белгілі байланыстар жүйесіне ие адам қандай да бір заттың не құбылыстың бір элементі бойынша оны бүтіндей жаңғыртуға қабілетті келеді, ал өз кезегінде бұл қасиет білімдер мен дағдылар бекімін біршама жеңілдетеді.

Қайталау және бекіту сұрақтары

1. Қарапайым тіршілік иелерінің жүйке құрылымы қандай?
2. Бас миы әртүрлі бөліктерінің атқаратын қызметтері қалай айырылады?
3. Психикалық қызметтердің бас миында мекенді болуы жөніндегі проблеманың мәні nedе?
4. Ми бөліктері қызметтерінің тұтастық сипаттың қалай түсіндіресіз?
5. Бас миы тетіктерінің қызмет принциптері қандай?
6. Адам бас миындағы қуаттау блогының атқаратын қызметі не?
7. Ақпаратты қабылдау, өндеу және сақтау ми қызметі қалай орындалады?

8. Іс-әрекет бағдарламасын түзу, реттеу және бақылау ми бөлігінің сипаты қандай?
9. Ми қызметімен байланысты физиологиялық процестер қалай жүреді?

6-дәрісбаян

ІС-ӘРЕКЕТ ПСИХОЛОГИЯСЫ

- Жоспары:**
1. Іс-әрекет түсінігі және онымен байланысты психологиялық факторлар.
 2. Іс-әрекет құрылымы мен түрлері.
 3. Еңбек.

1. Іс-әрекет түсінігі және онымен байланысты психологиялық факторлар

Барша тіршілік иелері қоршаған дүниемен өмірлік маңызы бар байланыстар жасап, әрі оны қажетіне орай өзгертіп, өзінше бағыт-бағдар таңдауға қабілетті, яғни белсен-ділік көрсете алады. Тіршіліктің жалпылама сипатын қамты-ған адам қоғамындағы белсенділік өз ерекшелігіне орай айрықша көрініске ие. Бұл белсенділік көрінісі **іс-әрекет** деп аталады. Адам іс-әрекеті күрделі құбылыс. Оның қыртараптарын әртүрлі ғылымдар зерттейді: әлеуметтік мағынасын қоғамдық ғылымдар; физиологиялық механизмдерін - физиология пәні; ал психология - іс-әрекеттің психикалық болмысын танумен шүғылданады. Іс-әрекет психологиясын зерттеуде, әдетте, назарға жеке дара адамның іс-әрекеті алынады, ал кейінгі уақыттары психологиялық зерттеулердің обьектісіне бірлікті, ұжымдық іс-әрекет те алынып жүр.

Адам іс-әрекетінің нәтижесі - нақты бір өнім. Ал осы өнімді әрбір жеке адам көбіне өзі үшін емес, қоғам игілігі үшін өндіреді, жаратады. Өз кезегінде, осы қоғамның көптеген мүшелерінің өнімі әрбір жеке адамның мүддесін қамтамасыз етуге жұмсалады. Тіпті адам бір нәрсені тек өз қажеттігіне жасап жатқанның өзінде, ол өз еңбегінде басқалардан алған білімдерін қолданып, олардың тәжірибесін пайдаланады.

Іс-әрекет қоғамдық-тарихи категория. Шынында да, қалаған жеке іс-әрекет қоғам қызыметімен тығыз байланыста, әрбір тұлға - басқа адамдармен қарым-қатынаста. Жеке іс-әрекет қоғамдық іс-әрекеттің тетігі, нақты көріністегі бөлігі ретінде қарастырылады. Қоғамдық байланыстар мен қатынас-тардан тыс жеке, дара іс-әрекет жасалмайды. Жеке іс-әрекет қоғамдық іс-әрекеттің құрылымды бөлігі болғандықтан, оны зерттеп талдау да осы жеке әрекеттің қоғам өміріндегі рөлін білуден басталғаны жөн. Сондықтан жеке іс-әрекет белгілі қоғамның кезеңдік тарихи даму сатысындағы қалыптасқан нақты қоғамдық қатынастар жүйесімен байланыстырыла зерттелуі тиіс.

Қоғамдық қатынастар жеке адамдардың іс-әрекетінен тыс болуы мүмкін емес. Көрініше, іс-әрекеттің қайсысы болмасын қоғамдық қатынастардың іске ауысуын байқататын негізгі формалардың бірі. Белгілі қоғамдағы іс-әрекет түрлері сол қоғамдағы өндірістік күштердің даму деңгейі және қалыптасқан қоғамдық қатынастар жүйесімен анықталады. Іс-әрекетте ғана адам қоғамдық тұлға, азамат болып танылады.

Іс-әрекет әрдайым міндетті турде психика қатысуымен түзілетін субъектінің обьектімен байланысы. Қандай да бір іс-әрекетті орындау барысында адам бір нәрсені қабылдауы, есінде қалдыруы, ойлауы, оған зейін аударуы қажет; әрекет желісінде оның қандай да көңіл-куй шарпулары туындалап, ерік сапалары іске қосылады, ниет-ұстамдары мен қатынастары т.б. қалыптасады. Бұлардың ешбір іс-әрекет болуы мүмкін емес. Біз психикалық деп анықтап жүрген адамдағы процестер, қалыптар мен қасиеттердің бәрі осы іс-әрекет барысында қалыптасады, дамиды, көрініс береді.

Іс-әрекет қырларының ішінде психологияның зерттеу-тіні - іс-әрекеттің субъективтік жоспары, яғни әрекетшеш әдамның дүние шындығын өзінше бейнелеу деңгейі, түрі және формалары. Бұл бағытта психологияның қызықтыратын факторлар: тұртқі, мақсат қою, ерік жұмсау, эмоциялар білдіру т.б. қоғамдық қатынастарды субъектив бейнелеудің арнайы формалары. Субъективке байланыссыз іс-әрекет ешқандай психологиялық сипатқа ие емес. Ондай қасиет тек әрекет иесі - субъективте ғана болады.

Белгілі жағдайда адамды, нақты іс-әрекетке бағыт-тайтын ықпал қандай нәрсе? Адамды барша тіршілік иесі сияқты белсенді іс-әрекетке келтіретін күш - бұл **қажетсіні**, яғни индивидтің өзінің тіршілік және дамуының қажетті жағдайларына тәуелділігінің көрсеткіші.

Хайуаннтар әлемінде қажеттілікті қамтамасыз ету белсенділікке мәжбүр ететін

қандайда бір табиғи затқа байланысты (корек, ін, қарсы жынысты түр, т.б.). Ал адам қажеттіктері өндіріс пен мәдениеттің даму салдарынан туындыды. Егер жануарлар қажетсінуін табиғи (органи-калық) деп есептесек, онда адам қажеттігі табиғи қажеттікке үстеме, тікелей заттық мәні мен әрекетінен алшақтап, жанама түрге келген құбылыс. Мысалы, сәбидің **стол** басында отырып, **қасықпен** тағам қабылдауы оның жалғыз-ақ тамаққа деген қажетсінуінен емес. Столдың да, қасықтың да тіпті керегі жоқ. Бірақ қоғамда қабылданған тәрбие талаптарына орай аталған заттар негізгі табиғи қажеттілікті қамтамасыз ету үшін керек болған қосымша қоғамдық қажеттіліктер. Адамн-ың қылыш-әрекетінің формасы тікелей қажеттіліктен емес, ал сол қажеттілікті қанағаттандыру үшін қоғам тарапынан қабылданған әдістерге тәуелді.

Адамның өз қажеттіліктерін қамтамасыз етуде нақты қоғамда тарихи қалыптастан тәсілдерді пайдалануы осы қажеттілікті орындаудағы жеке және қоғамдық әрекеттің бірігүйнен айқын көруге болады. Бұл сондай-ақ әрбір жеке адамның өзінің ең қарапайым қажеттіліктерін қанағат-тандыру үшін қоғамдық еңбек бөлісі нәтижелерін пайдаланады (шаһарлықтар ауыл шаруашылық өнімдерін өсіруде, жинауда қатыспайды, бірақ өз өнімдерін айырбастау арқылы ауыл өнімдерін қажеттігіне пайдаланады). Қажетсіндең жеке және қоғамдық мұдделердің байланысты болуын әрбір адамның жеке көптеген қажеттіліктерінің өзі араласқан қоғам, ұжым, топ қажеттіліктерімен тығыз байланыста болуынан дег түсін-дірген орынды. Сондықтан да бір топқа саналы біріккен адамдардың қажеттіліктері де бірыңғай келеді (мысалы, отбасында, сыныпта, бригадада).

Қажеттіліктерді келіп шығу көзі және мазмұны бой-ынша бөлуге болады. Өз туындауына орай қажетсіндер табиғи және мәдени сипатқа ие. Табиғи қажеттілік адамға өз тіршілігін сақтау мен қуаттау және үрпақ жалғасы үшін керек (тағам, үйқы, сұықтан және ыстықтан сақтану т.б.). Табиғи қажеттіліктер қамтамасыз етілмесе, адам тіршілігі қүйзеліске түседі, не жойылады. Ал мәдени қажеттіліктер объектісіне қандай да табиғи қажеттіліктерді іске асыру үшін қолданыла-тын заттар (шанышқы, қасық т.б.), сондай-ақ басқа адамдар-мен қатынас үшін, қоғамдық өмірге араласу үшін керекті мүліктер. Мәдени қажеттіліктердің қамтамасыз етілмеуінен адам өлмейді, бірақ оның әлеуметтік болмысы жойылады.

Қоғамдық талаптар да мәдени қажеттіктердің сан алуандығына бастау береді. Әр топтарға араласа жүріп, жастар кең ауқымдағы мәдени қажетсіндерге ұшырайды: сәнді, заманына сай киімнен, кино кейіпкерлерінің суретінен бастап, мәнді әрі қызықты кітапқа дейін. Ал енді осы қажеттіктердің ішкі, субъектив бағасы адамның құндылық талғамы мен көзқарасына тәуелді болса, олардың сыртқы, объектив құны қажеттіктердің адам өмір сүріп жатқан қоғам талаптарына сай келуіне байланысты.

Мазмұндық сипаты бойынша қажеттіліктер заттасқан құндылық (тағам, киім, баспана, тұрмыстық мүліктер т.б.) және рухани құндылық - қоғамдық сана өнімдеріне тәуелдік-тен шығатын (ой, пікір алмасу қажеттігі, ақпарат қажетсіну, ән-куй тындал, сұлулықты сезіну керектігі т.б.) құндылықтар болып бөлінеді. Адам қажеттіліктерінің бәрі өзара тығыз байланысты. Заттық қажетсіндер орнына келмей, рухани қажеттілік қанағатын таппайды.

Алайда, қажеттілік өздігінен саналы әрекет туындана алмайды, болған күнде де инстинктік не ойсыз қылышқа себеп болуы мүмкін. Мақсат бағдарлы іс-әрекет түзілуі үшін қажеттілік сол қажеттілікті қамтамасыз етуге керек болған затпен сәйкестендірілуі тиіс. Саналы танылған және қабылданған қажеттілік әрекет-қылышқтың тұрткісіне айналады. Ис-әрекеттің психологиялық тұрғыдан талдануында тұрткі және мақсат түсініктеріне үлкен мән беріледі. Тұрткі болмаған, сондай-ақ мақсат бағдарсыз әрекет тіпті болуы мүмкін емес. Тұрткі мен мақсат іс-әрекеттің бағдарын анықтайтын сілтеу-көрсеткіш қызметін атқарып, сол әрекетті орындауда субъективге керек болған күш-куат мөлшерін де айқындауға жәрдемін береді. Осы тұрткі мақсатты іс-әрекет барысында өрістейтін, қалыптастарын психикалық процестер мен қалып, қасиеттердің бәрін жүйелестіріп, үйімдастырады.

Адам іс-әрекеті, қылышы жөнінде сөз қозғалғанда, алдымен назарға алынатын нәрсе - әрекетке итермелеші субъектив толғаныс ықпалдары. Осы тұрткі ықпалдар адам әрекет-қылышының қозғаушы күші, себебі. Жалпыланған түрде тұрткі объектив

зандылықты қажетсінудің психикалық бейнесі. Қажетсінуден адам әрекет-қылышы белгілі түрге, формаға енеді.

Бірақ, әрекетке келтіруші ішкі субъектив ықпал бола тұрып, тұрткі іс-әрекеттің нақты сипатын анықтап бере алмайды. Бір Тұрткінің әрқилы іс-әрекетте жүзеге асуы мүмкін емес. Қажеттілік пен оны қанағаттандыру әдістерінің арасында бір жақты, қатып қалған байланыс жоқ. Қандай да бір белгілі тұрткіге орай туындаған іс-әрекеттің қандай күйде болатынын мақсат анықтайды. Естен шығармайтын жәйт: бір тұрткі негізінде әрқилы мақсаттар қойылуы мүмкін. Тұрткі жалпы әрекетке итермелесе, мақсат нақты қызметті белгі-лейді. Тұрткі әрекетке келтіруші қажеттілікке байланысты, ал мақсат әрекет бағытталған және сол әрекет барысында өнімге айналатын затқа байланысты.

Іс-әрекеттің мақсаты дегеніміз - сол іс-әрекеттің болашақ нәтижесін күні бұрын санада болжау. Осы болжау, яғни мақсат, заң ретінде адам әрекетінің сипаты мен әдісін анықтап береді. Мақсат, сонымен, алдын ала бейнелеудің құралы. Мақсат жеке орындалатын қызметке тыстан келіп қосылмайды, оны сол әрекетті іске асыруши адамның өзі белгілейді. Бұл процеске нақты адамның оқу, тәрбие барысында игерген қоғамдық тәжірибесі қосылады. Белгілен-ген мақсат қызмет барысында іске асады. Сонымен бірге іс-әрекеттің күрделілігі мақсат пен іс-әрекет объектінің арасын-дағы жақын сәйкестікке, әрекетті орындауға қажет құрал-жабдықтың болуына байланысты.

Әдетте, адам іс-әрекет процесінде бір емес, ал бір топ өзара тәуелді мақсаттар жүйесін негіздеуі мүмкін. Мысалы, оқушы алгебрадан нақты бір есеп шығарды, мұндағы ең жақын мақсат - тапсырманы дұрыс орындау, ал енді мұнан былайғы мақсаттардың бәрі қашық, жанама, бірақ қажетті: алгебраны үйрену, математиканы игеру - сауатты адам болу, білгір маман болып жетісу. Осыдан мақсаттар жақын арада іске асатын не ұзақта көзделген сипатымен бөлінеді. Егер адам тек жақын мақсаттарды басшылықта алса, оның іс-әрекетінің келешегі болмайды. Мұндай адамдар тар өрісті, үлкен қыындықтарға төзімсіз келеді. Ал үлкен, ауқымды себептерді жетекшілікке алған адам өз жұмысының ізгі, басты мақсатына жету жолында жақын мақсаттарды керекті саты, кезеңдік міндет деп қарастырады. Мұндай адамдарды қыын-шылықтар жұмыстан бездіре алмайды, керісінше, белгіленген міндеттерді іске асыру жолында ынтастын күшайтے түседі.

Психологияның зерттейтін міндеттерінің және бірі - бұл сезімдік қабылдау, саналық және басқа да психикалық процестердің нақты іс-әрекет жағдайындағы жүрісін, өзгерісін бақылау. Осының нәтижесінде мақсат тұрткі өте жетілген әрекет-қылыш реттегіші болып қоймадан, сол әрекет процесіне араласатын психикалық құбылыстарды белгілі жүйеде үйімдастыруши да. Осы мақсат пен тұрткіге байланысты қабылдаудағы таңдамалылық, зейін ерекшелігі, естегі қажет ақпаратты жіктеп алу т.б. іске асады.

Іс-әрекетті психологиялық талдаудың нәтижесінде сол әрекеттің объектісі болған заттар, әрекет шарттары мен құрал-жабдықтарының адам басында бейнелік құбылысқа айналып, осы құбылыс өз кезегінде әрекетті орындауға қатысатын дene мүшелеріне қалайынша жетекшілік ықпал жасайтыны айқындалады. Іс-әрекетті зерттей отырып, психология шындықты субъектив бейнелеудің формаларын, денгейін және қозғалыс-өзгерісін және сол әрекетті психикалық реттеп отырудың механизмдерін айқындауы тиіс. Сонымен бірге, психология әрқандай іс-әрекеттің оны орындаушы субъектегі психикалық процестерге, қалыптарға, қасиеттерге және жалпы адамзаттың дамуына әсер, ықпалын зерттейді.

Жантану проблемалары қатарында өз түсініктемесін күтетін мәселе: іс-әрекеттің санадағы жоспары мен оның нақты орындалу процесі арасындағы байланыстың іске асуы. Бұл үшін әлі орындалмаған әрекет нәтижесінің саналық бейнелену табиғатын біліп алу қажет. Мұндай таным қоршаған дүниеде орыны бар құбылыстар заңдылықтарына орай топталады. Адам осы заңдылықтарды аша отырып, өз іс-әрекетінде қолданады. Бұл жағдайда сыртқы заттараң әрекет ішкі саналық әрекетке ауысады. Объектіге бағытталған заттың әрекет бір сәтке идеалдық операцияларға келтіріледі. Сыртқы нақты іс-әрекеттің саналық ішкі әрекетке айналуы **интериоризация** деп аталады. Бұл құбылысты келесідей көрнекілікке келтіруге болады: алдымен адам заттен кейір әрекетке келеді; бұл сырт әрекет затты қолына алып, олай-бұлай қарастырады; кейін әрекет санаға өтеді де,

психикалық әрекетке айналады. Әрекет бұл жолда қысқарады, біршама жойылады не өзгеріске үшінрайды. Мысалы, баланың есеп-санасы үйренуі: алғашқыда таяқшаларды ығыстырумен санайды, кейін - алдында жатқан таяқшаларға қарап тұрып санайды, ақырында - санақ нақты затпен де, оған байланысты әрекетпен де қатысы жоқ дерексіз сана әрекетіне айналады. Енді әрекет объектісі - сан мен сөз. Интериоризация-ның арқасында адам психикасы нақты мезгілде көздің алдында жоқ заттармен де әрекеттік байланысқа келе алады, яғни адам сезімдік бейнеден саналық бейне түзу дәрежесіне өтеді.

Сонымен, адам іс-әрекетінде сол әрекеттің ішкі және сыртқы мазмұны тығыз байланысқан. Сыртқы, затпен байланысты - қоршаған дүниеге ықпал етудегі адам әрекеті - ішкі (психикалық) әрекетпен анықталады да реттеледі.

Сыртқы заттасқан әрекетті әрдайым ішкі психикалық әрекеттің тысқы көрінісі (**экстериоризация**) деп қарастыру мүмкін, себебі адам өзінің нақты әрекетінде алдын ала санада жоспарланған ойды іске асырады. Сыртқы әрекет ішкі жоспар қадағалаудың болады. Адам орындан жатқан әрекетін ойында бейне не ой түрінде қабылданған жоспармен салыстырып отырады. Міне осыдан жантану ғылымы іс-әрекеттің сырттай көрінісін зерттей отырып, оның ішкі мазмұнын ашады, дәлірек айтсақ, психиканың іс-әрекеттегі нақты рөлін түсіндіреді.

2. ИС-АРЕКЕТ ҚҰРЫЛЫМЫ МЕН ТҮРЛЕРІ

Іс-әрекет құрылымы жөніндегі проблема жантану теориясының дамуы мен көптеген практикалық міндеттердің тиімді шешімін табуда үлкен маңызға ие. Іс-әрекет құрылымы жөніндегі алғашқы теориялық пайымдаулар әрекет элементтерімен байланыстырылды. Бұл қарапайым элементтер ретінде әрекеттің ең жай түрлері: алу, қою, көтеру қабылдау (Ф. Тейлер, Д. Джильберт). Әрқандай іс-әрекет осы элементтердің бір ізді тізбегі.

Инженерлік психологияның дамуымен іс-әрекеті тұрақталған алгоритмдер сипатындағы құбылыс деп тану кең өріс алды. Осыған орай элементтер жөніндегі түсінікте және олардың әрекет орындау әдістерімен байланысы туралы көзқарас та басқаша болды. Әлбетте, әрекетті алгоритмдік құрылым сияқты тану іс-әрекеттің орындалу барысын талдауда өте қажет, ал бірақ осы әрекеттің психологияны қызықтыратын тарапы, яғни субъективтік мазмұны мұндай жағдайда назарға ілінбей қалады.

Психологиялық тұрғыдан іс-әрекет өте құрделі, көп өлшемді де деңгейлі, ұдайы даму - өзгерістегі құбылыс. Ал осы құбылысты әрқыл ғылыми тұжырымдарға негізделген теориялық бағыттар, әдette, жеке элементтерге белініп, оларды өзара байланыссыз зерттеуде. Мысалы, бір тұжырым бойынша іс-әрекет бірізді өзара ауысып отыратын қимылдар жиынтығы делінсе, екіншісі - іс-әрекеттің тұртқілік қырына үлкен мән береді, ал үшінші бірі - іс-әрекетті реттеп беруші механизмдерді талдауға көп назар аударады. Іс-әрекетті онымен қоса жүретін физиологиялық процестермен де байланыстыра талдау концепциясы да жоқ емес. Әлбетте, аталған ғылыми бағыттардың бәрінің де өзіндік маңыздылығы орасан, әрбірі өте құнды нәтижеге жеткізіп, бірін-бірі толықтырып отырады. Бірақ олардың әрқайсысы өз алдына әмбебап сипатқа ие емес.

Сонымен, **іс-әрекет - адамның қоршаған дүниемен өзара ықпалды байланысының қозғалысты жүйесі**. Осы жүйеде психикалық бейне пайда болып, объекті күйіне енеді, ол іс-әрекеттің саналы қабылданған мақсаты болып табылады. Белгілі мақсаттың болуынан әрқандай белсенділікті іс-әрекет деп санауга болады. Ал іс-әрекеттің бүкіл басқа тараптарының бәрі - сеп-турткі, іс-әрекетті жоспарлау, ағым-дағы ақпаратты өңдеу, шешім қабылдау бірде сезілсе, көбіне еске алына бермейді. Алынған қүнде де толық болмауы, кейде тіпті қате де болуы әбден мүмкін. Іс-әрекет қай деңгейде танылмасын, саналы мақсат оның қажетті белгісі.

Жеке адамның әрекеті еңбек іс-әрекетінің қандай да бір көрінісі ретінде қалыптасқан. **Белгілі бір қоғамдық қызметке бағытталған әрекет жиынтығы еңбектік іс-әрекеттің белгілі бір түрін құрайды**. Ал еңбектік іс-әрекет әрдайым белгілі өнімге арналатындықтан, адам әрекеті де тиісті нәтижені көздейді. Адам әрекетінің саналы әрі мақсатты болуы - адамның басқа жануарлар дүниесінен ажырау белгісі. Бірақ мақсат

қаншама маңызды болғанымен, оның бір өзі әрекеттің толық мәнін таныта алмайды. Іс-әрекет бағдар-ланған мақсат өзінің біршама қашықтығымен елнеді. Сондықтан оған жетем дегенше адам бір-біріне байланысты, ізбе-із келетін әлденеше жеке міндеттерді орындауна тұра келеді. Бұл міндеттермен байланысты әрекеттер **операциялар** деп аталады. Әрқандай мақсат көздеңген іс-әрекет орындалу барысының әр мезетіне орай іске асып отыратын осы операциялардан құралады. Адам іс-әрекеті әрқылы және әр деңгейдегі әрекеттердің жәрдемімен жүзеге келеді. Ал осы жай бір міндетті іске асыруға қажет болған біршама біткен іс-әрекеттің әрбір элементі **әрекет** деп аталады. Затқа бағдар-ланған осы әрекет **қимылдар** бірікпесінен жасалады. Олар: алу, орын ауыстыру, босату. Сапалық жағынан үл қимылдар әлді-әлсіз, дәл-жаңсақ, жылдам-шабан, епті-епсіз, бағдарлы-бағдар-сыз болуы мүмкін.

Затқа бағдарланған қимылдардан басқа адам іс-әрекетінде денені қалыпты ұстау, қозғау және тілдесуге қажетті қимылдар да болады. Сонымен, әрқандай заттық әрекет белгілі қимылдар жүйесімен қамтамасыз етіледі. Ал үл қимылдар әрекеттің мақсатына, заттың қасиетіне және әрекет шарттарына байланысты. Белгілі әрекеттің орын-далуында қатысатын қимылдар өздігінен не бір дene мүшесі-нің қандай да қозғалысқа келуінен емес, адамның жеке ниетіне, қозғалысты міндетке орай іріктеуіне, орындалатын қимылға деген қатынасына қарай іске араластырылады. Ниет өзгерісі қозғалыс ауқымын да бұрып жібереді.

Адам қимылның шын мәні мен жетілгендігі сол қимылды қажет еткен саналы әрекетке тікелей байланысты.

Әрекетті құрайтын қимылдар тобы белгіленген мақсатқа орай басқарылады және реттеледі. Дәл осы орындалатын әрекеттің нәтижесі қойылған мақсат тұрғысы-нан бағаланады, қажет болса оған түзетулер ендіріледі. Адамның көздеңген мақсаты нақты осы мезетте көрінбей, ол ендігі орындалатын әрекеттің жемісі. Сондықтан, мақсат адам миында іс-әрекеттің болашақтағы нәтижелік бейнесі не әрекетшеш моделі болып із береді. Осы болашақтағы ниет бейнесі әрекеттің нақты нәтижесімен салыстырылады.

Әрқандай жаңа іске кірісде адам істің орындалу тәсілдерін білмегендіктен, мақсатқа бағытталған бүтін әрекетті де, оның элементтерін де ойланып, саналы барластырып орындауына тұра келеді. Ал бірнеше қайталай отырып, адам мақсатқа бағышталған әрекетті енді саналы күш-жігерін жұмсамай-ақ орындау мүмкіншілігіне қол жеткізеді. Саналы әрекеттің орындалу барысында кейбір қимыл элементтердің сана аймағынан шығып, өздігінен орындалуы әрекеттің **автоматтануы** деп аталады.

Жаттығу, үйрену нәтижесінде қалыптасатын адамның саналы іс-әрекеті бірліктерінің автоматты түрде орындалуы - **дағды** атамасын алған. Әңгіме әрекет емес, сана қатысының орындалатын қимылдар жөнінде, себебі адамның қалаған қалыпты іс-әрекеті сана басқаруымен болатыны белгілі. Бір міндетке байланысты әрекетті екі не одан да көп қайталу барысында адам сол әрекетті орындау әдістерін қолдану үшін ойланып-толғанбай, бүтін іс-әрекет элементтерінің бірінен екіншісіне жеңіл ауысып отырады, яғни кейбір әрекет-қимылдар дағдылық қасиетке айналып, автоматтанған орындалу қалпына түсіп, енді адам жеке қимылдарын реттеп отыру борышынан арылып, өзінің саналы әрекетін күрделірек жүктемелерді атқаруға бағыттайды.

Адамның қай әрекеті болмасын үш тараптан тұрады: **қимылдық, сезімдік** және **саналық**, бұлардың әрбірі өзіне сәйкес қызмет атқарады, ол қызметтер: **орындау, бақылау** және **реттеу**.

Әрекет құрылымындағы бірліктердің біршама авто-маттанып, дағды қалыптасуынан келесі тәсілдер өзгеріске келеді:

а) әрекет орындалуы - майда қимыл-қозғалыстар біртұтас әрекетке бірігеді, артық, қажетсіз қозғалыстар жойылып, қимыл жеделдей түседі;

ә) әрекетке сезімдік бақылау - қимылды көзбен бақылау бұлшық еттер бақылауымен ауысады, әрекет нәтижесін бақылауға қажетті бағыт-бағдар сараптау қабілеті дамиды;

б) әрекетті санамен реттеп бару - зейіннің әрекет тәсілдерінен сол әрекеттің орындалу жағдайлары мен нәтижелеріне ауысуы. Осыдан әрекеттегі кейбір есеп-қисаптық санаға байланысты шешімдер бірлікті әрі ықшам қабылданады. Келесі қимылға

көшүге болған ішкі дайындық алдыңғы әрекеттің орындалуымен бірге жүргізіліп, жаңа әрекетке өту арнайы жоспарсыз-ақ орындалады.

Дағды қалыптасуда адамның жеке басының ерекше-ліктері үлкен маңызды ие. Құрделі, бірақ бір типті дағдылар бір адамда жеңіл орнығып, екіншісінде қындау қалыптасады. Сондықтан да дағды қалыптастыру үшін жаттығулар саналы іріктеліп, әрекеттің тұтастай орындалуы немесе оның құрделі бөліктері арнайы қайталай және бекіту әдістерін пайдалануды талап етеді. Ал әр жағдайлары нақты әдістер саны мен түрі бекітіліс дағды әрекеті мен сол әрекетті игеруші адамның ерекшеліктеріне байланысты.

Дағды әрекет мазмұнына орай **әртүрлі** болады:

- 1) қимыл-әрекеттік дағды (спортсмендер әрекет-терінің бекуі);
2) сезімдік (түр-түс тану, балалардың алғашқы әріп тануы т.б.);

3) интеллектуалды дағдылар (есеп, оқу, жаттау т.б.). Бұлардан басқа аралық дағдылар да айырылады: сезімдік-қимыл дағдысы (жазу, сурет салу, сыйзу); сезімдік-ой дағдысы (математикалық ұғымдармен жұмыс істеу).

Әрқандай жаңа дағды адамда бұрыннан қалыптасқан дағдылар жүйесінде пайда болады. Олардың бірі жаңа дағдыға тіреқ, қолдау көрсетсе, кейбірі кедергі етеді. Осыдан дағды интерференциясы және дағды көшуі деген ұғымдар қалыптасқан. **Интерференция** - бұл дағдылардың өзара кедергілік әсері, яғни бұрыннан орнықкан дағдылар жаңа дағдыға тәжеу береді немесе оның тиімділігін кемітеді. Ал бұрыннан игерілген әрекет дағдыларының енді қалыптасатын қимыл-әрекеттерге ұнамды ықпал жасап, олардың орнығын жылдамдатуы дағдылардың **көшуі** деп аталады. Дағды көшуі - бұрынғы әрекеттер мен енді орнығатын қимылдар арасында ортақ ұқсастық болудан. Әрқандай жаңа әрекеттерді игеруде адам бұрынғы тәжірибесіне сүйенеді, сондықтан оның қалыпты ептіліктері жаңа дағдыларды жеңіл әрі жылдам қабылдауына жәрдем береді. Ал егер жаттығу қимылдары ұзақ мерзім қайталанып, орындалып отырмаса, дағдылар бірте-бірте жойыла бастайды. Осыдан қызмет бабы автомат-танған әрекеттерге тәуелді мамандар (ұшқыштар, гимнастар т.б.) өз кәсіби кейіпін тұрақты ұстая үшін арнайы қимыл-әрекеттерді үдайы орындал жүруі өте қажетті.

Дағдылардан тыс, іс-әрекеттің қажетті бірлігі - ептілік. **Ептілік** - бұл білімдер мен дағдылардың нақты әрекетте көрінуі. Жаңа жағдайлар немесе жаңа обьектермен қатынасқа келе, адам өзінің бұрыннан игерген білімдері мен дағдыларын іске қосады, яғни осы дағдылардың жаңа жағдайға көшу - көшпеуі ептілікке байланысты.

Ептіліктер өз мазмұнына орай дағдыларға қарағанда ауқымдырақ, себебі олар әрекеттің түрлі баламаларын қолдануға мүмкіндік береді. Психологияда ептіліктің келесі түрлері анықталған: а) танымдық, ә) жалпы еңбектік, б) құрама-техникалық, в) ұйымдастыру-технологиялық, г) қызметтік-бақылау (Е. А. Милерян).

Қандай да бір әрекетті орындауға байланысты жай ептіліктер кездейсоқ еліктеуден қалыптасуы мүмкін. Ал іс-әрекет неғұрлым құрделенген сайын ептіліктердің пайда болуы білімге, обьекті мазмұнына, обьекті мен субъекті арасын-дағы әрекеттік байланыстарды танып, салыстыра алуға тәуелді.

Автоматтасқан әрекеттердің және бір түрі - бұл **әдет**. Дағды мен әдет арасындағы негізгі ерекшелік: дағды - әрекеті сана қатысының үйреншікті қалыптасқан қимылдар арқылы іске қосу, ал әдет - қандай да бір әрекетті орындауды қажетсіну немесе адамдың қасиетке айналдыру. Мысалға, баланың қол жуу, сәлемдесу т.б. әрекеттері. Әдет адамды қандай да әрекет түрлерін тұрақты орындал жүруге бейімдестіреді, олар пайдалы да зиянды болуы мүмкін. Сондықтан балада алғашқыдан пайдалы әдеттер қалыптасуы үшін белгілі бағыттан ауытқымай, тұрақты талаптарға негізделген тәрбие жұмыстарын үзбеу қажет.

Адамда әрқылды іс-әрекет түрлерінің пайда болуы мен дамуы құрделі де ұзаққа созылған процесс. Бүкіл өмір барысында бірін бірі ауыстырып, өзара тығыз байланыста жүріп отыратын үш іс-әрекет түрі бар: ойын, оқу және еңбек. Олар бір-бірінен іс-әрекеттің ақырғы нәтижесі, ұйымдастыру және сеп-түрткілері бойынша ажыратылады. Бала белсенділігі бір ізді, даму барысындағы тәрбиелік ықпалдарға орай саналы, мақсат бағдарлы іс-әрекетке айнала бастайды. Өмірінің алғашқы кезеңінде-ақ ол іс-әрекеттің қарапайым формаларын қалыптастырады. Солардың ең біріншілерінен - **ойын** өмірдің

тамаша құбылыстарынан, бір қарағанға пайдасыз, бірақ өте қажетті іс-әрекет. Адам ойынының мәні - дүниені бейнелей отырып, оған өзгеріс ендіруге ұмтылу. Адамның осы қабілеті алғашқыда ойында пайда болып, осы ойында қалыптасады, әрі орнығады. Ойында баланың дүниеге ықпал жасау қажеттігі туындауды ойынның жалпы маңызы да осы. Ойын еңбекпен байланысты, бірақ одан өзгеше. Еңбек пен ойынның ортақтығы да, әрекшелігі де ең алдымен оларды жүзеге келтіретін сеп-түрткілер мазмұнында.

Ойын және еңбектік іс-әрекеттің арасындағы айыр-машылық әрекетте болған қатынастың әрекшелігінде. Ойын барысында адам өз қызығуы мен қажетсінуіне орай әрекетке келеді, ал еңбекке адамды оның қалауы емес, практикалық мүддесі мәжбүрледі. Ойын қатысушылары қандай да түрмистық не қоғамдық қажеттілікке тәуелді емес, ал еңбек-ке байланысты іс-әрекет орындан жатқан адам, мысалы, дәрігер сырқатты емдеуде өзінің көсіби не қызметтік міндеп-терін атқарады, ал бала "дәрігерлікі" қызықтаудан, сол кәсіпті ұнатудан ойнайды. Ойын арқылы бала өз мүмкін-шілдіктеріне орай қажеттіліктері мен талаптарын іске асырып отырады. Ойынға байланысты бала нақты жағдайды өз сана-сында қиялға айналдырып, сол ситуациядағы сезімдері мен эмоцияларын іске қосады. Белгілі рәлді ойнай отырып, бала бөтеннің болмысына түсіп қана қоймастан, өз болмысын байқатады, кенейтеді, тереңдете түседі. Осылай бала өзінің тек қиялын ғана дамытпай, ойлау, ерік, тіпті жеке адамдық қасиеттерін баули түседі. Ойындық іс-әрекет бала тілінің шығуымен қарқынды дами бастайды, осыдан сәби қоршаған дүние ортасынан өз "менін" бөлектеу қабілетіне жетіседі.

Сонымен, ойын баланы заттар мен құбылыстар мәнін тануға, әртүрлі құмылдар мен әрекеттерді орындау ептіліктерін игеруге жаттықтырып, өзін тек әрекет субъекті емес, енді адам аралық қатынастар субъекті дәрежесінде сезуге жетелейді.

Оқу. Тарихи даму барысында еңбек формалары үздіксіз жетілуде және курделенуде. Осыдан еңбектік іс-әрекетке қажет білімдер мен дағдыларды еңбек процесінің өзінде игеру анағұрлым қыындықтарға соқтыруды. Соңдықтан адамды алдағы еңбектік іс-әрекеттерге дайындау мақсаты осы іс-әрекеттің ерекше түрі оқудың өз алдына бөлініп шығуын керек етті. Бұл еңбек түрі - оқу басқа адамдардың өткендегі жинақтаған тәжірибесінің қорытылған нәтижелерін үйренуге бағысталады. Адамзат бұл үшін өсіп келе жатқан әулет өмірінің ерекше кезеңін белгілеп, оқудың арнайы да негізгі іс-әрекеттің танытатын жағдайларды жасады.

Әрбір адамның өмір бойы бірізді ауысып отыратын іс-әрекеттерінің ортасында оқу өз орнын иелеп, ойыннан кейінгі, енбектен алдыңғы процестік мағынаға ие болады. Оқу ойыннан түбегейлі әрекшеленіп, еңбектік іс-әрекетке жақындасты. Оқу барысында еңбек процесіндегідей адам тапсырмалар орындауды, талаптарға бойынады, міндеп-термен байланысқа келеді. Оқудағы жалпы нұсқаулар мен талаптар енді ойындық емес, еңбектік сипатқа ие болады. Сонымен, оқудағы негізгі мақсат - бұл адамды болашақтағы дербес еңбек қызметіне дайындау, ал міндепті - өткен әулет тәжірибесінің жалпыланған нәтижесін үфу, игеру. Оқу білімді ұсыну және игеруге бағытталған екі тарапты процесс бола тұрып, окушы мен мұғалімнің өзара ықпалды іс-әрекет-терінің байланысынан құралады. Оқу - мұғалім ұсынған білімдерді енжар қабылдап қана қою емес, оларды саналы еңбек процесінде өзіндік құрал дәрежесінде пайдалану үшін белсенді игеру.

Оқу құрылымы келесі бірліктерден тұрады: төңі-ректегі заттар мен құбылыстардың қасиеттері жөніндегі ақпараттар, яғни **білімдер**; іс-әрекеттің негізгі түрлерін құрайтын тәсілдер мен құмылдар, яғни **дағдылар**, іс-әрекет мақсаттары мен жағдайларына орай тәсілдер мен құмылдарды дұрыс тандауға арналған ақпараттарды қолдана білу, яғни **ептіліктер**. Сонымен, оқу дегеніміз адамның өз әрекетін саналы мақсатқа бағындыра басқаруы немесе белгілі білім, ептілік және дағдыларды игеруі. Оқу үшін саналы сеп-түрткілердің болуы үлкен маңызға ие. Хайуанаттардағы оқу әрекетінің мүмкін еместігі нақ осыдан. Тіпті адамдағы оқу жұмысының өзі де әрекет-қылышты саналы реттестіру кезеңіне, яғни 6-7 жастарға тұра келеді.

Оқу іс-әрекеті қалыптасуының негізгі шарты балада білім, ептілік және дағдыларды игеруге деген саналы сеп-түрткілердің оянуынан. Бала дамуына қоғамдық ықпал жасаушылар әрдайым ересектер. Адамзаттың қоғамдық тәжірибесін бала әрекет-қылышы мен іс-әрекетін бағыттауға арналған белсенді процесс - **оқыту** деп аталады. Ал осы

процестің жеке адам қасиеттері мен сапаларын қалыптас-тыруға бағытталуы - **тәрбие ұғымын** туындағы. Оқыту мен тәрбие жұмыстарын ұйымдастыру және жүргізу педагогика ғылыминың зерттеу аймағы.

3. Еңбек сипаты

Адамзат іс-әрекетінің тарихи қалыпты түрі - **еңбек**. Еңбек жалпы психологиялық емес, әлеуметтік категория. Сондықтан да оның зандылықтарын қоғамдық ғылымдар зерттейді. Ал психологиялық түрғыдан зерттелетін нәрсе жалпы еңбек емес, еңбектік іс-әрекеттің психологиялық бірліктері. Еңбек - белгілі нәтижеге жету үшін бағытталған, белгілі мақсатқа орай ерік күшін қосумен реттелуші мақсатты бағдарлы, саналы іс-әрекет. Басты ниетке байланысты нәтижеге жетісу шарасы болумен бірге еңбек - жеке адам қалыптастырудың негізгі жолы да. Еңбек процесінде субъекті өнімі ғана пайда болып қоймадан, сол субъекттің өзі де осы еңбекте кемелденеді. Еңбектенуден адам қабілеті дамиды, оның мінезі тұрақтанады.

Еңбектік қызметтің психологиялық ерекшеліктері ең алдымен оның қоғамдық пайдалы өнім жасауға бағытталған іс-әрекет болуында. Еңбек процесіндегі әрекеттердің бәрі тұтасымен ең соңғы кезеңге, қорытынды нәтижеге тәуелді болуы еңбектік сеп-түрткілерге өзіндік сипат береді: мақсат іс-әрекеттің өзінде көрінбей, оның өнімінен байқалады. Ал еңбектің қоғамдық бөлшектенуі бұл ерекшелікті айқындаі түседі. Әрқандай адам өз қажеттігін қанағаттандыру үшін барша заттарды өндіре алмағандығынан, адам әрекетінің сеп-түрткісі оның өз іс-әрекетінің өнімімен емес, басқа тұлғалардың қоғамдық қызметінің өнімімен байланыста болады.

Еңбек желісінде тек еңбек құралдары ғана емес, адамның сол еңбекке деген қатынасы да үлкен мәнге ие. Адам еңбегінің түрткілері де нақ осы қатынастан. Адамның еңбекке бағытталған субъектив қатынасы санада бейнеленетін объектив қоғамдық қатынастарға тәуелді. Әдетте, еңбек адамның қалыпты қажеттігі. Еңбек ету - өзінді іс-әрекетте көрсете білу. Әрқандай нақты іс-әрекеттегідей, еңбекте адамның барша қасиеттері мен сапалары қатысып, көрініс береді. Әрқандай еңбек түрінде өзіне сай еңбек құралдары қолданымын таба білуі қажет, адам міндеті сол құралдарды қолдану тәсілдерін игеру. Ал бұл үшін жүйелі білім мен дағдылардың рөлі күшті. Мұнсыз ешқандай еңбек болуы мүмкін емес.

Баланың әрқандай даму кезеңдеріне сай еңбек әртүрлі болады. Бүгінгі нақты іс-әрекет ендігі іс-әрекеттің дайындығы: тиісті қажеттіліктер дамиды, танымдық мүмкіндіктері мен әрекет-қылышқа ерекшеліктері ашылады. Осыған орай психологияда **іс-әрекеттің жетекші түрі ұғымы** қалыптасқан. Қай жас кезеңінде болмасын іс-әрекеттің үш түрі де (оыйн, оқу, еңбек) өз маңызына ие, бірақ белгілі бір кезеңде олардың әрқайсысына деген қажетсіну әртүрлі, өзіндік мазмұнға ие. Ал осылардың ішінде жас кезеңіне байланысты бала психикасына маңызды өзгерістер енгізіп, ондағы танымдық процестер мен жеке адамдық қасиеттердің қалыптасуына ықпал жасай алатыны ғана іс-әрекеттің жетекші түрі деп есептелінеді.

Мектепке дейінгі жастағы бала үшін (оның еңбек-тенуге де, оқуға да ықласы болғанымен) мұндағы әрекет түрі - оыйн. Ал мектепте (бірінші сыныптағылардың оыйн-құмарлығы басылмаса да) оку еңбегі басым келеді. Кемелденген сайын еңбектің рөлі арта түседі. Жетекші қызметпен шүғылдану барысында субъекті дамуымен қатар келесі жас кезеңіне сай жаңа жетекші іс-әрекет қалыптасып барады. Осы жетекші іс-әрекет түрімен айналысса, бала өзінде әлеуметтік ортамен болатын жаңа қатынастарды, жаңа білімдер қоры мен оларды игерудің әдістерін үйреніп, өзінің танымдық аймағы мен психологиялық құрылымын өзгеріске келтіреді. Бұл түрғыдан іс-әрекеттің барлық түрлері де теңдей мәнді де маңызды.

Қайталау және бекіту сұрақтары

- Адам белсенділігінің мәні неде?
- Іс-әрекеттің қоғамдық категория болуының негізі неде?

3. Іс-әрекетке байланысты психология нені зерттейді?
 4. Адамды іс-әрекетке бағыттаушы күш - қажеттілік, мақсат, мотивтерін қалай түсінесіз?
 5. Іс-әрекеттің мақсаты деген не?
 6. Психологиялық процестің динамикасы дегенді қалай түсінесіз?
 7. Заттық әрекет пен саналық әрекеттің арақатынасы қандай?
 8. Іс-әрекет құрылымына байланысты қандай теориялық пайымдаулар болады?
 9. Іс-әрекеттегі әрекет, қимыл-қозғалыстардың мәні неде?
 10. Әрекет пен ниет байланысы қандай?
 11. Іс-әрекет қалыптасуында дағдының қандай маңызы бар?
 12. Ептіліктер деп қандай әрекеттерді атаймыз?
 13. Әдеттің қалыптасу негізі неде?
-
14. Негізгі әрекет түрлері арасындағы ұқсастық пен айырмашылықтардың сипаты қандай?
 15. Оқу әрекеті құрылымының бірліктері қандай?
 16. Еңбек - әлеуметтік категория дегенді қалай түсінесіз?
 17. Адамның еңбекке бағытталған субъектив қатынасының объектив қоғамдық қатынастарға тәуелділігін қалай түсінесіз?
 18. "Іс-әрекеттің жетекші түрі" ұғымының мағынасы неде?

7-дәрісбаян

АДАМ АРАЛЫҚ ҚАТЫНАСТАР ПСИХОЛОГИЯСЫ

- Жоспары:**
1. Адам аралық қатынастар жөнінде жалпы түсінік.
 2. Адамдардың бірін-бірі қабылдауы мен түсінуі.
 3. Таным мен түсінісүдегі қателіктер себебі.

1. Адам аралық қатынастар жөнінде жалпы түсінік

Адам аралық қатынас дегеніміз - қарапайым да күрделі проблема. Құнделікті тұрмысымыздың осы қатынассыз жасауымыз мүмкін емес.

Адам арасындағы **қатынастардың түрі келесідей**: жеке және қызметтік, дара және топтық, тең құқықты және тәуелді, қарама-қарсылықты және дау-дамайлы. Жеке қатынастар екі адам арасындағы сүйіспеншілік пен жек-көрушіліктен, сыйластық пен араздықтан, сенім мен кү-діктенуден тұрады. Мұндай сипаттағы қатынастардың пайда болуы әр жеке адамның қоғамдағы орыны мен міндеттіне тәуелді емес. Мысалы, бала өз ата-анасын сыйлауы да, жеккөрүі де мүмкін; өз қызметтін ойдағыдан атқарып жүрген мұғалім бір шәкіртіне үлкен сүйіспеншілік танытса, екіншісін көргісі келмейді.

Қызметтік қатынастар әлеуметтік топ не мекеме мүшелері арасында олардың сол топтағы құқы не міндет-теріне орай қалыптасады.

Егер ара қатынастар әрбір адамның меншікті қажет-тері сипатында қаралса, олар **жеке қатынастар** атандып, ал ара қатынас тұтастай жүйелікке сүйеніп, екі, одан да көп адамдардың сипаттамасы ретінде қабылданса, **топтық қатынастар** деп аталады.

Тең құқықты қатынастар - қатынас мүшелерінің құқықтары мен міндеттері теңгерілген жерде, ал **тәуелді** қатынастар құқықтары мен міндеттері бірдей болмаған жағдайларда қалыптасады.

Адамдар арасында қарама-қарсылық болмай, өз-ара терен сыйластық жайлаған ортада **үйлесімді** қатынастар нышан береді.

Топ ішінде кейбір тұлғалардың ұнамды ниеттері екінші біреулердің келенсіз ниеттерімен тоғысқан шақтарда **қарама-қарсылықты** қатынастар бой тіктеиді.

Адамдардың бір-біріне деген өшпенділігі болған жерде **дау-дамайлы**, жанжалды қатынастар өрбиді.

Адамдар арасындағы, тіпті кейде бір тұлғаның да бойынан көрінетін адамдық қатынастар түрі міне осындағы. Бұл қатынастардың бәрі өмірде адамдардың бір-біріне беретін бағалары мен мінездемелерінде, әр адамның басқаға бағытталған іс-әрекет, қылығында, өзара байланысқан ойы мен сезімінде көрініс береді.

Тұрақты да келелі қатынастар жүйесі қалыптаспаған ортада адамның өрелі өмір сүруі өте қыын, себебі әр-бір жеке адамның да, топ пен ұжымның да қоғамдағы болмысын осы қатынастар айқындаиды. Балалық шақта орнықкан адам аралық қатынастарға орай адам азаматтық қасиеттерін тіктеиді. Ересектердің төнірегіндегілермен қатынасынан сол ортаның көңіл-күйін айқындалып, алға қойылған мұрат-мақсаттардың сәтті орындалуы не кедергіге ұшырауы мүмкін.

Адам аралық қатынастардан туындастын ең қыын да қолайсыз құбылыс - бұл **остракизм**, қоғамнан аласталу, яғни кейбір адамдардың көпшілік арасында сыйымсыздығынан ұжымдық қатынастан шеткерілеп қалуы. Мұндай адамдар көпшіліктің жек көрушілігіне тап болып, назардан тыс қалады, еленбейді. Осыдан өзі қатарларынан он қатынас таба алмай, ақырында адамгершілік қасиеттерінен айырылып, қауымдық өмір тіршілігінен айрылғандар да кездеседі.

Адам аралық қатынастардың ерекшелігі олардың **эмодионалды** болуында. Адам өзі тектеспен араласа отырып, бір-біріне болған айрықша сезімдер мен ықластарға кезігеді. Жеке аралық қатынастар, әдетте, субъектив сипатта болып, әр адамның шын мәніндегі тұлғалық он не теріс қасиеттеріне сай келе бермейді. Олар әрқашан адамның көңіл-күйіне байланысты, бір адамның екіншісіне деген сезім толғанысы-ның ауысуымен өзгеріске келіп тұрады. Көңіл-күйдің бір сәттік болуынан, жеке қатынастар құбылмалы келеді: бүгінгі тәп-тәуір сыйлы қатынас күн өтпей-ақ кері сипатқа енүі баршаға аян

құбылыс.

Қызметтік қатынастар жеке қатынастарға қарағанда біршама тұрақты, олар, әдетте, көніл-күйге байланысты өзгере бермейді. Мұндай қатынастардың әрбір тұлғаның көніл-күйіне бағына бермейтіндігінен, оларды **ресми** қатынас-тар деп те атайды, яғни мұндай өзара байланыстар қатынасқа түсken адамдардың әрқайсысының жеке ерекшеліктері мен психологиялық кейпіне тәуелді болмауы қажет.

Бірақ өмірде жеке және қызметтік қатынастар өзара кірге байланысқан, сондықтан оларды нақты айырып, таза күйінде қарастыру мүмкін емес. Біріншіден, әр адам өзінің даралығымен қызметтік қатынастарға әрқашан ерекше мән мен сән беріп отырады; екіншіден, әрқандай тұлға нақты қатынастарға өзінің жеке ниет, ой, толғаныс және сезімдерімен кіріседі, ал бұлардың бәрі адамның басқалармен болған қызметтік қатынасына әсерін тигізбей қоймайды.

Қарама-қарсылықты қатынастар негізінде толық үйлесім болмағанымен, оған қатысқан адамдар бір-бірінің әрекеті мен ниетін түгелдей шектемейді. Бірде келіссе, бірде қарсы тұрып, алға қойған мақсатқа жетуі жолында қажетті қатынасын үзбейді. Қатынас түгелдей елемеу мен дау-дамайға бармайды.

Кейде екі адам бір ортада бола тұрып, бір-біріне деген ыстық та, сұық та шырай сезінбейді, яғни өзара қатынас жасауға ешқандай қажеттілікті таппайды, мұндайда олар арасындағы қатынас **бейтараптық** сипат алады.

Қоғамдық-әлеуметтік жағдайларға байланысты бір ортаға түсіп қалған адамдардың бірі екіншісінен өзін алшақ ұстая қажеттігі де туындал қалады. Мұндай кезде адамдар бір-біріне тікелей жек көрушілік танытып, арадағы мәселе бойынша ешбір келісім мүмкіндігін таба алмайды да, іздемейді де. Мұның бәрі ортадағы **жанжалды қатынастың** ушығуынан.

Адамдар арасындағы және бір ерекше қатынастар түрі - бұл екі ұшты, **амбивалентті қатынастар**. Мұндай ара байланыстың себебі бір адамдағы екіншіге деген өзара тікелей қарсы екі бірдей әмоцияның: жек көрушілік пен құрметтің қосарлана жүруі. Осыдан мұндай қатынастағы адамдар өздерінің көніл төркінінде жатқан ниеттерінің нендей жағдайда екенін айырып алуында біраз қиналады.

Адамдар аралық қатынастар негізінде адамдардың бірімен-бірі өзара әрекетке, тілдесуге болған өмірлік қажеттілігі жатыр. Тұрмыстық не қоғамдық қажетсінуден бірін-бірі керексінген адамдар өзара қатынасқа келіп, ал ол болмаса бір-бірінен бейтарап қалады. Өмірлік маңызды қажеттіліктері бола тұрып, оларды қанағаттандыруда кедер-гілік ететін қалыптар да болады. Бұл жағдайда да қатынастар үзілмейді, бірақ мұндағы қатынастар өшпенделік не жек көрушілікпен үштасады.

Адамдар қажетсінуперінің арасында өз мәні бойынша ізгі адамгершілік сипатты байланыстар да болады. Мұндайды психологияда **альtruistіk қатынас** деп атайды. Альтруист адамдардың барша ойы, іс-әрекеті әрдайым тек жақсылыққа, қай жағдайда да жәрдем етуге бағышталады.

Адамдар арасындағы **үйлесімді қатынастар** өмірде сирек кездеседі, сондықтан мұндай қатынастарды адамдардың мәнгі арман еткен мұраты ретінде қарастырған жөн. Бұл қатынастар типіне тұрмыста кезігетін "сүйіспеншілік" қатынасты жатқызуға болады. Егер бір адамның екіншісіне психологиялық тартымы болса, бірін бірі адамгершілік сезіммен қабылдаса, екінші адамға қолынан келген жақсылығын аямаса, міне мұндай қатынасты - үйлесімді қатынас деп бағалау әбден жарасымды.

Адамдар аралық қатынастар сипатына ықпал етуші факторлардың бірі психологиялық **үйлестік** (үйлесімсіздік). Көп жағдайда адамдар өз қажеттіліктерін қанағаттандыру үшін бірін-бірі керек етеді, бірақ көзқарас, ниеттеріндегі болмашы айырмашылықтардан өзара қатынастарын қалыпқа түсіре алмайды. Мұндай толық психологиялық үйлесім таба алмаған жандар арасында біршама ұнамды қызметтік қатынас болғанымен, уақыт өтүмен бірте-бірте өрім түсken арақатынастағы жеке психологиялық үйлеспеушілік олардың ресми байланыстарының кедергісіне айналады.

Адамдар арасындағы қатынастардың өзгеруіне мүмкін болар себеп - бұл нақты адамдар қатынастарының туындал, дамитын әлеуметтік-психологиялық орта сипатының ауысуы. Екі немесе одан да көп адамдар бірін-бірі өте қажетсінеді, орталарында толық

психологиялық үйлестік болған, бірақ кенеттен өзгерген әлеуметтік-саяси жағдай оларды әртүрлі партиялар мен ағымдарға енуінен екі жікке бөліп тастайды. Мұндай жағдай жастарда кездесіп тұрады: өзара келісімді жас жұбайлардың өмірі кенет олармен психологиялық үйлесім таптаған жақын туысқандарының ықпалынан құрдымға кетеді. Мейлі, бұл жас жұбайлар арасындағы қатынас кейін ресми бекігенімен, тату-тәтті туысқандық қатынастар арасындағы шапағатты жалғасын табуы қыын.

Адамдар қатынасының орнығы немесе өзгеруіне және бір себепші фактор - бұл адамдардың **жас деңгейі**. Өмір бойы топтаған тұрмыстық-әлеуметтік тәжірибе адамға, оның төнірегіндегі жандарға, болып жатқан оқиғаларға әсерін тигізбей қоймайды. Жас деңгейі әртүрлі адамдардың бір оқиғаға болған бағасы бірінен бірі алшақ болуы әбден ықтимал, жастық айырма неғұрлым үлкен болса, психологиялық келіспеушілік те соншама болады. Мысалы, жастардың кімі, өнер талғамы үлкендерге ұнай бер-мейтініне бәріміз де күәміз. Бұл жағдай әулеттер арасындағы қатынастардың мән-мағынасына өз әсерін білдірмей қоймайды.

Ал осы төнірегіндегілермен болған өз қатынасының сипатын адам өзі сезе ала ма, не сезбей ме? Бұл сұраққа жауап бірнеше жағдайларға тіреледі. Біріншіден, бұл нақты адамның ой-өріс (сана-сезімі) даму деңгейіне байланысты. Ақыл-есі біршама жетілген адамдар өздерінің төнірегіндегі-лермен қатынасын жақсы түсініп, дұрыс қабылдайды. Адам аралық қатынастарды орынды сезіну және бағалау жоғары дамыған **рефлекстік қабілетті** керек етеді (қоршаған ортадан келіп түскен ақпараттық сигналдарды жан-жақты мәндік байланысымен қабылдап, жауап бере алу).

Екіншіден, бұл адамның жасына тәуелді. Егделер балаларға қарағанда өзара қатынасты дәлірек пайымдайды, ұнамды не біржақты келенсіз қатынастарды онай бағалап, бейтарап қатынасты да орынды сезінеді. Өмірде екіұшты немесе амбиваленттік және өз ішіне ұнамды да, жағымсыз да сипаттарды бірдей қамтыған қарама-қарсылықты қатынастарды бағалау құрделірек келеді.

Адамдар арасындағы қатынастар сол қатынастардың нақты адам өміріндегі маңызына қарай да бағаланады. Қарым-қатынас адам үшін неғұрлым маңызды болса, оның бағалануында соғұрлым дәлсіздіктер жіберілуі мүмкін. Өзінің төнірегіндегілермен байланысына аса үлкен мән берген адамдар, арақатынастарының ұнамды тараптарын асыра мақтауға бейім келеді. Керінше, кімде кіммен ұнамсыз қатынаста болса, адам ондайда қарсыласын түбін түсіре жамандауға ниеттенеді де тұрады.

Әрқылы адамдардың өзара қатынастарын тануда көптеген жеке дара ерекшеліктер бар. Кейбір ой-сезімі толысқан, парасатты адамдар өзара қатынастарды жан-жақты пайымдаумен, дұрыс қабылдауға қабілетті, екінші біреулердің жалпы он пікір айтуға тіпті өрісі жетпейді, ал үшіншілер төнірегіндегілердің өзіне деген бағасын бірде дұрыс түсінсе, бірде оған сана-сезімі жетпей қалады.

Адам аралық қатынастар толық қалыптастып, орнық-қаннан былай біркелкі тұрақты қалыпқа келеді. Егер де қатынастарға тән осы қасиет болмағанда, адамзаттық қауымдар: мемлекет, мекеме және топтар түзілмес еді. Себебі қауымдық бірлестіктердің негізі жалпы адамдардың өзара қатынасының тұрақтылығымен біртекті болжамға келуінде. Ал жеке тұлғалар арасындағы өзара байланыстар тұрақтылық дәрежесінің біршама кемдігімен ерекшелінеді.

Үлкен әлеуметтік топтардағы қызметтік, ресми қатынастар өзінің күшті мұзғымастырымен байқалады, кіші топтағы байланыстар да біршама осылай. Ірілі-кішілі қауымдастықтардағы қарым-қатынастар көптеген өмірлік маңызы зор факторларға тәуелді, сондықтан адамдар мұндай жағдайдағы қатынастарды өзгерте бергенде онша құптамайды. Егер күнара субъектердің ниетіне орай тәнкерістер бола берсе, қоғам аласалыраны таусылмай кетері баршаға аян.

Жеке адамдар арасындағы қарым-қатынастар ете нәзік те үзілгіш келеді, себебі нақты тұлғалар арасындағы қатынастар сол қатынас иелерінің құбылмалы көңіл-күйіне тәуелді. Ұақыттың өтуімен, жастың егде тартуымен аралық қатынастар тұрақталғанда түседі, балалық пен жас өспірім шақтағы адамдар арасындағы бұрқасын жол таңдау бұл кездे сабасына келе бастайды, адамның ішкі дүниесі сабыр тауып, кездейсоқ қатынас, байланыстарға құлай түспей, өз қалауын таңдай алу қабілетіне жетеді. Қатынастардың

тұрақталуының және бір жөні адамдар бірін бірі жете танып, бірінің қылышына екіншісі көнігіп, өзара үйлесімге бейімделуі.

Адамдардың алғашқы танысуынан олар арасындағы бұдан былайғы қатынастардың қай сипатта боларын аңғара салу өте қыын. Көп жағдайда, тым жақсы басталған таныстық қапелімде үзіледі, ал кейде тіпті басқаша да болады: алғашқысында әйтеуір бірденеден ұнатпай жүрген адамына бара-бара үлкен құрметпен қатынас көрсеткендер де аз емес. Мұндай жағдайлар адамдардың бір біріне алғашқы танысуда берген бағалары мен қабылдауына байланысты психологиялық зандылықтарға орай туындаиды.

Нақты мезеттегі адамдар арасында болатын қатынас-тардың сипаты көптеген шарттарға тәуелді, мысалы, адамның денсаулығы мен психологиялық кейпі. Ден сау, көңіл көтерінкі болса, төңірегінде гілермен қатынас та әп-әдемі, үйлесе түседі. Көңіл-куйге жайлы жағдай болса, қатынасың одан әрі бекі түседі, ал қандай да әбігер күйде түзілген қатынас көбіне баянды болмайды.

Адамдар арасындағы қатынастар олардың жеке мінез-құлышына да байланысты. Әрдайым ұнамды арақатынас-тардың орнығына адамдағы қайырымдылық, ак көңіл-дік, үйіршеңдік, достық пен ұжымшылдық қасиеттер пайдалы. Ал сенімсіздік, күмәншілдік, өшпендейлік, тұйықтық пен өзімшіл-дік - қалыпты қатынастар орнығына кері әсерін тигізеді.

Ой-өрісі кең дамыған, тәжірибесі бар адамдар өз қатынас-тарын менгерे алады, бірақ бұл көптің қолынан келе бермейтін іс, себебі көп жағдайда аралық қатынастардың мәнін соларды түзуші адамдардың өздері де түсіне бермейді, ал түсінбеген затты саналы басқару мүмкін емес.

Жас ұлғайған сайын қатынастар тек тұрақталып қана қоймастан, адамның оларды басқару қабілеті де артады. Мұндайда адамға жәрдемге келетін оның даралық ерекшеліктеріне қосымша өмірлік тәжірибесі. Әрқашан адам аралық қатынастарды жеңіл де ұтымды реттейтін - адамдар арасында кәсіби қызмет бабымен жұмыс жүргізетін, сендерге әңгіме айта біletін, әлеуметтік жетекшілікке ынғайлы мамандар болады, мысалы: саясаткер, мекеме және өндіріс басшылары, мұғалімдер, дәрігерлер мен актерлер. Адам аралық қатынас-тарға ықпал жасай білу қабілетін қатынастар психологиясын үздіксіз үйрену арқылы жетілдіре, дамытып баруға болады.

2. Адамдардың бірін-бірі қабылдауы мен түсінуі

Адамдар арасындағы қатынастардың қалыптастасуы, әдетте, олардың бірін-бірі қабылдай алуы, түсінуі және бағалауына байланысты, яғни тілдесу нәтижесінде бір адамның екіншісінің образы жөнінде топшылаған ой-пікірі. Екінші адамның тұлғалық образын оның сырт пішіні мен психологиясын және әрекет-құлышын байланыстыра, салыс-тырып тануға болады. Ал психологиялық бейне әр адамның қажетсінуінен, құлыш мотивтерінен, мінез бітістерінен, әрқандай өмірлік жағдайлардағы көңіл-куй толғаныстары мен әрекеттерінен көрінеді. Бұлардың бәрі "Ат кісінесіп, адам сөйлесіп" дегендегі әңгімелесу барысында назарға алынып, санада жіктеліп, бекиді де адамның жеке, нақты бағасын беруге негіз болады.

Бөгде адамның бейнесін қалыптастыру арқылы біз оған болған қатынасымыздың сипатын айқындаймыз, оның даралық ерекшеліктерін тануға мүмкіндік аламыз. Адамды жөнімен танып, дұрыс бағасын беріп, оның әрекет-құлышының мақсаттары мен тұртқілерін айқындалап, ол тарапынан болып қалар жауапты әрекеттерді күні бұрын болжастыра, біз бұлардың бәрін өз қажеттіліктеріміз және мұдделерімізben салыстырамыз, әңгімелесудің қолайлы жолдарын болжас-тырамыз, осы арқылы екі тарапқа да ортақ ниеттерді табумен тұлғалар арасындағы қызметтік қатынастарға кірісеміз. Сонымен, қызықтырған адамның мінез бітістерін біліп алып, енді оған бағытталған өз әрекет-құлышы түрі ол адамның даралық қасиеттеріне сәйкес болғаны жөн. Осының нәтижесінде екі адам ортасында толық өзара түсінік, жайлы да берік аралық қатынастар орнығады.

Адамның эмоционалдық жағдайын бағалай отырып, біз оның нақты көңіл-куйіне сәйкес қарым-қатынасты дамытып, терендейте түсуге мүмкіндік аламыз және өзіміздің,

оның және төнірегіндегілердің мүдделеріне орай ол адамға тиімді психологиялық ықпал етудің жолдарын іздестіріп, пайдаланамыз. Егер біз қатысқан адамдарымыздың әртүрлі тұрмыстық жағдайлардағы әрекет-қылышын күні бұрын болжастыра алсақ, оның мінез-құлышын қажетті бағытта басқаруға және онымен ұнамды адам аралық қатынастар алып баруға қосымша мүмкіндіктерге ие боламыз.

Бөгде адамның тұлғалық дәрежесі жөнінде біз оның дene құрылымы, психологиялық және қылыш-әрекеттік белгілері бойынша топшылаймыз. Бұл белгілер адамның сырт көрінісінен, киімінен, әрекет-қылышынан, сөзінен, бет әлпеті мен ым-ишарасынан байқалады. Адамның сырт көрінісі мен психологиялық бейнесі арасында тікелей де толық байланыс болмағанымен, бұлардың екеуі қандай да өзара ықпалды қатынаста. Өрқандай адам жөніндегі біздің бірінші пайымдауымыз осы сырт келбет пен сөз, қылыш-әрінісінен туынтайтының ғылым ежелден-ақ адам мінезі мен дene құрылышының өзара байланысты екенін дәлелдеген (Э. Кречмер, У. Шелдон т.б.). Дене құрылымы ерекше бітіске ие болған адамдар, мінезі жағынан да өзара ұқсамас. Осы тұрғыдан барша адамдар үш типке жатады: **астеник, пикник, атлетик**. Пикник типтес адамдар - көнілді, үйіршен, әңгімешіл, әрқандай қынышылыққа жасымайды; астеник адамдар - көбіне түйік, онашалғанды ұнатауды, ұдайы ойға шомып жүреді; ал атлетиктер - ұстамсыз, дүлей келеді.

Адамның ішкі жан дүниесі оның сөзі мен тілінен айқын көрінеді. Қандай сөздер мен тіркестерді қолдануына қарап, сөз ырғагы мен әуенін талдай отырып, сөйлеу процесіндегі тыныстары мен жеделдігіне орай жеке адамның әрекшеліктерін байқаймыз. Адамның сөйлеу мәнерінің біразы тума беріледі де, көбі оқу-тәрбие барысында пайда болады.

Кейбір қатынастарға байланысты адамдардың психо-логиялық бейнесі тұрақты келеді де, көбіне ауыспалы болады. Адамның сырт көрінісіне орай оның образы біршама өзгеріссіз сақталады. Осыдан біз адамды көпшілік ішінде ажыратады. Және бір тұрақты сақталатын қасиеттер - адам мінезі, қылыш-әрекеті мен әдеттері. Осылар бойынша санамызды жасалған образдар арқылы біз көп заманнан ажырасқан адамымызды танимыз.

Кейде кездейсоқ ұшырасқан адамымыз көптен таныс сияқты болып көрінеді. Ал тілдесе келе, оның әрекет-қылышына мән бере, тіпті басқа біреу екеніне көз жеткіземіз. Кейде, керісінше, алғашқыда танымасақ та, адамның мінез бітістерінен, әрекет-қылышынан бұрыннан бізге таныс белгілерді байқап, жақындасуға тырысамыз. Осыдан, біздің санамызды бекіген адам бейнесінде үлкен рөл ойнайтын - **мінез бітістері**, екінші орында - **адамның сырт көріністері**.

Уақыт ағымына берілмей, ұзак мерзім сақталатын белгілер - адамның қажетсінулері, әрекет-қылыш мотивтері мен қызығулары. Бұлар бойынша біз адамды тануымыз мүмкін, бірақ бұл үшін аталған белгілер сол адамның сырт көрінісі мен мінезінен біраз байқалуы тиіс.

Жоғарыда бөгде адамды тану, білу мүмкіндігін әңгімеледік, ал енді адам **өзін-өзі** сарапқа сала ала ма, жоқ па деген сұраққа жауап ізделік. Бұған он да, кері де жауап айту мүмкін. Егер адам өзін-өзі түк танымаса, онда оның қауым ортасындағы әрекет-қылыштары алдын ала өзіндік болжастыруға келмей, тұрақсыз кейіпке енер еді. Сонымен бірге, мұндай адамның қатынас қылышы мен іс-әрекеттері ақыл оралымынан алшақ, төнірегіндегілердің ісімен сәйкестік таппайды. Егер адам өз әрекетін сырт көзben бағалай алмаса, оның іс-қадамдары кейбір жағдайларда оғаш көрінеді. Егде адам бала сияқты былдырласа немесе бала жасына келмей үлкеннің ұстамдығын танытса, төнірегіндегілер мұндайларды не жай күлкіге алады, не сыйқы-мазақа телиди.

Екінші тараптан, егер адам өзі жөнінде бәрін біле берсе, онда өмірге деген қызығушылықтың да қажеті болмай қалары сөзсіз, себебі саналы адамның бар өмірлік болмысы осы өзін тануға деген жоғары ынта-ықыластан нәр алады. Адамның қалыпты өмірі үшін өзін-өзі біле алмасық та, аса көп білу де сиыспайтын құбылыстар.

Адам өзінің шындыққа келетін сырт көрінісінен басқа өзінің мінез бітістері жөнінде де азды-көпті мәліметке ие, бірақ бұл мәліметтер көбіне адамның өзі жөніндегі ұнамды пайымдауларды қамтиды. Сонымен бірге, адам өзінің кейбір әлеуметтік талапқа сай қажетсінулері мен әрекет-қылышының түрткілерін тануға бейім. Ал өз санасының

астарында жатқан немесе моральдық тыйымдарға байланысты санаға жат психологиялық бітістерін тіпті де білмейді.

Адам өзі жөніндегі шындықты басқалардың оның іс-әрекетіне болған қатынасынан байқауына болады. Өз әрекет-тері мен сол әрекеттерге берген басқалар бағасын салыстыра, адам жанама түрде өзі қасиеттері мен сапаларын болжас-тыруына болады.

Іс-әрекетте нәтижеге жетсе, мақтау алып, не сәт-сіздікке ұшырап, сырттың жоғары немесе ұнамсыз бағасына кезігүмен әр жеке адам өзінің қабілет деңгейін сезеді. Өмірде жетіскен ісіне қанағаттануын, болмаса қанағаттанбауын ішкі, ниеттегі психологиялық бейнемен салыстыра алса, адам өз қажетсінулері мен мотивтерінің оң не теріс бағытын дұрыс та толық тани алады.

Есте ұстайтын жәйт, өз бағанды қорытындылауда толығымен басқалар пікіріне құлай түсуге болмайды. Себебі өзіңіз ұнамды қатынастағы адамдар сізді асыра мақтауға дайын тұрса, қалай да жек көретін адамдар сізде бірде-бір ұнамды қасиет көре алмауы мүмкін. Сонымен бірге, әр адам өзінің афферент жағдайындағы әрекетін тіпті де білмеуі мүмкін, себебі мұндай саналық басқарудан айрылған кезде, адам өзіне, басқалар реакциясына объектив баға беріп, әрекетін байқастыру қабілетінен айрылады.

Адамның өзін-өзі тануы төнірегіндегілердің қабылдауы мен бағасына тығыз байланысты, кенірек айттар болсақ, барша адамдардың өзара түсінісіне тәуелді. Құнделікті тұрмыстық қатынастар, тілдесу негізінде адамның психо-логиялық бейнесін тұзу үшін келесі **тәсілдер** қолданылады: *бітіс тану, алғашқы әсерлену, жаңалықты әсерлену, ықтималды болжай әсерлену, асыра сілтей әсерлену, жеке адамның бітістерді біріктіре әсерлену* (Р. С. Немов).

Адам образын жасаудың ең көп тараған тәсілі бұл **бітіс тану**. Оның мәні: адам төнірегіндегілерді өзіне тән қасиеттер мен сапалар тұрғысынан бағалайды, яғни өз мінез бітістерін екінші біреулерге таңады, оның қылық-әрекетін түсінгісі келіп, өзін сол адамның орнына қоя салады. Мұндай тәсіл бір адамға біткен мінезді екінші адамға таңа салуда да көрінеді. Осылайынша, басқалардың мінез, әрекет-қылық бітістерін өзімізді қызықтырған адамға тану арқылы да нақты тұлға жөнінде бір жөнді психологиялық мәлімет топтастыруымызға болады.

Алғашқы әсер тәсілі бөгде адамды бірінші көргеннен қалыптасатын образды бекіту үшін қолданылады. Бұл құбылыстың болуы адамға байланысты алғашқы әсердің кейінгі әсерлерге қарағанда күштірек сезілуінен. Назарға алынған адам жөнінде көп, әртүрлі ақпаратты бірінен кейін бірі бір ізді қабылдау кезінде біздің санамызда ең алғашқы мәлімет тұрақталып қалатыны ғылымда дәлелденген.

Ал енді жеткізіліп жатқан ақпараттағы адам қасиет-терінің тізімі молдау болып, мәлімет бөліктерін хабарлау барысында біршама уақыт үзілісі болса, алғашқы ақпарат соңына қарай ұмытылады. Бұл жағдайда алғашқы әсерленуге қарсы құбылыс - **жаңалықты әсерлену** тәсілі іске кіріседі, яғни талдауға түсken адамның образы ол жөніндегі ең соңғы мәліметке орай құрылады.

Ықтималды болжай әсерлену деп келесі құбылысты түсінеміз: адам миы болашақ оқиғаларды алдын ала болжастыру қабілетіне ие. Осыдан тұлға басталған іс-әрекеттің бағдарын, қарқындылығы мен ақырғы нәтижесін күні бұрын жоспарлайды. Өлі қолда жоқ бүтін затты оның бөлектері бойынша ойда белгілі бір формаға келтіріп, жанжақты сипаттамасын бере алады.

Оқиғалар мен құбылыстарды дәл болжастыру қажет-тілігі адамдардың өзара түсінуі мен бірін-бірі қабылдауында өте қажет. Мысалы, адамға тән белгілі бітістері бойынша оның әлі белгісіз, бірақ онда болуы тиіс қасиеттерін де анықтауымыз мүмкін: батыр адам әрқашан адал да аңғал болатынына ешбір күмәндандаймыз, сондай-ақ, қорқақ- әрдайым өтірікші, мәдениетті - ой-өрісі кен, қайырымды - үйіршен, сенгіш, өшпендей адам - әрқашан тұйық, күмәншіл келеді. Егер өмір жағдайлары адамның әлі белгісіз қасиеттері жөніндегі біздің болжамызызды растайтын болса, онда болжастыруға деген біздің сенімізді бекіте түседі не керісінше де болуы мүмкін. Адамның болжастыру қабілетіне өмірлік тәжірибе өзі түзетулер енгізіп, нақтылап барады.

Асыра сілтей әсері адам жөніндегі алғашқы бағаның кейінгілеріне күшті ықпал етуінен пайда болады. Мұндай әсерден бірінші берілген мінездеме қатып қалған,

өзгермес күйге түседі. Егер қандай да адам бір көруден бізге ұнамды тарапынан танылып қалса, кейін де біз осы бағамыздан танбай, басқа бір сын көзқарастарды ол адамға жолатпауға тырысамыз. Керісінше де болуы мүмкін: алғашқы тілдесуден ұнамаған адам соң қай күйге түсіп жолықса да, баяғы жек көрушілгімізден арылуымыз қыын, санамызда қалыптасқан алғашқы келенсіз образ басқаларын ығыстырып, өз орнын бермеуге тырысады.

Психологиялық бейне жасауда ең күрделі де маңызды тәсіл - жеке адамның **бітістерді біріктіре әсерлену** құбылысы. Оның мәні мынада: әрбір адам сан-қылыш тұлғалармен көп мәрте кездесе жүріп, қабылдау және бағалаумен жадында олардың сырт көрінісі, психологиялық және әрекет-қылышы туралы пайымдау бекітеді. Көп қайталап кездескен бұл әсерлер бірігеді де, солардың ішінде бірі, мысалы, адамның сырт келбеті белгілі бір психологиялық ішкі қасиетпен ұштастырылады. Осы біріккен образ негізінде екінші бір адамды кездестіргенімізде, одан оның сырт пішініне қарап, өзіміздің санамызда орнықкан осы пішінге сәйкес қасиетті іздестіреміз. Мысалы, қабағы тұксиген адамдар көбіне түйік, ауыр мінезді келеді. Міне осы жалпылай, біріктіре түзген ішкі бейнемізді қабағы тұксиген нақты адамдардың бәріне бірдей баламалай саламыз. Адамдардың психологиясындағы жалпылық олардың іс-әрекетінде жалпылай кездеседі, ал іс-әрекеттегі жалпы қасиеттер адамдардың жалпы сырт тұлғалық бейнесінен көрінеді. Осылай жалпылай біріктіріп, образ жасау қасиеті жас өспірімдік шақтан орнығып, кейін өмір бойы түзетулермен реттеліп барады. Осы тәсілді жақсы игеруден адам психологиясы құрылымының бір белгісі: әрекет-қылышы, дүниетанымы немесе мінезі - бойынша сол адамның басқа да қасиеттерін бағалаушы адам өзінде қалыптасқан бірікпе образ арқылы ашуға бейімделеді. Егер осы бірікпе образ жасау тәсілі адамның сырт көрінісі мен ішкі дүниесі арасындағы байланыстың шындыққа жақын екенін дәлелдей алса, онда бұл адамдарды бағалауда, олардың әрекет-қылышын күні бұрын болжастыруда таптырмас құралға айналады, ал кері жағдайда жаңсақ әңгімелерге тап қылады.

Бөгде адамның тұлғалық ерекшеліктерін тануда жеке-дара және кәсіби ерекшеліктер көп рөл ойнайды. Қайырым-ды, мейірман, әсерлі адам басқаларды жеңіл түсінеді, қабылдайды, себебі мұндай адамдар, әдетте үлкен де бай қатынас тәжірибесіне ие болумен, басқалардан әрқашан жақсылық қасиеттерді іздестіруге бейім келеді, ал өз өмір жолы сәтсіздікten қаланып, көшілікпен тіл табыса алмаған адам басқалардың да онды образын жасауға қабілетсіз келеді.

Кең әлеумет ортасында жүрген кәсіп, қызмет иелері (педагог, дәрігер, экономист, саясаткер, әдебиетші, өнер адамы) тәнірегіндегілерді дұрыс бағалап, қасиеттеріне сәйкес қабылдай біледі.

3. Таным мен түсінісүдегі қателіктер себебі

Бірін бірі түсінісүде адамдар көбіне шектен тыс өзімшіл, субъективті, асығыс қорытынды жасауға бейімшіл келеді.

Адамның өзімшілдігі оның тәнірегіндегілерге баға берудегі өз қабілетін асыра дәріптеуінен келіп шығады. Өзінің кейбір істерге байланысты ой-өрісі мен ептіліктерінің мұлтік-сіз жұмыс атқаруға жарайтынын пайдаланып, адам сипаттауда да сол қабілетім жеткілікті дегендей жаңсақ ойдың арбауында қалып қояды да, нәтижеде назарға алған адамы жөнінде қате пікірге тап келеді. Ал онысын өзі сезбейді де, мойындармайды. Мұның түпкі себебі - заттар мен жан дүниелі адамдарға болған қатынастардың өзіндік ерекшеліктерін білмеуден.

Субъектив қателіктің мәні: нақты кезеңдегі өзінің психологиялық кейпіне назар салмастан, адам нақты көріп түрғаны мен естігеніне сеніп қалады, ал көз бен құлақ қабылдауы әрқашан адамның жеке көңіл-куйнің жағдайына тәуелді. Қандай да адамды қабылдауымыз біздің өзіміздің сол мезеттегі жан толғанысымыз, көңіл шарпуымыз беруге болмайды.

Ситуативтік қателік мәні: басқаны бағалай және қабылдай отырып, тұлға өз қабылдау процесінің қандай жағдайда етіп жатқанын ескермеуі және сол жағдайдың оның өзінің әрекет-қылышы мен бақылауындағы адамның болмысына нендей әсер етіп жатқанын байқамауы мүмкін. Ал адам өзінің бақылау астында екенін сезсе, өзінің әдеттегі, қалыпты қылыштарын бүрмалап көрсетуге тырысады. Бақылаушының өзі де нақты жағдайларға орай өз әрекетінің формасын өзгертерді. Мысалы, дәрігердің сырқатты өзінің қызмет кабинетінде қабылдауы мен сол адамды кездейсоқ көшеде не демалыс орнында кездестіріп, тануы үлкен өзгешеліктерге ие. Осыдан психологиялық образ қалыптастыру процесіне ситуацияға орай реттеу мен түзетулер ендіріп тұрған шеп болмайды.

Асығыс қорытынды жасауға байланысты **қателік мәні:** бақыланушы адам жөніндегі пікір мүмкін болған мәлімет-тердің бәрі жинақталмай, үстірт беріледі. Мұндай қателік болмауы үшін төңірегіндегілерді түсінуге ниет еткен әрбір адам өзін үстамдылықпен, болжамы нақты деректермен айқындалмағанша, бақылауға алынған тұлға жөнінде ой топшылаудан аулақ болғаны жөн.

Қателіктердің және бір тобы **жалған қарапайым-дылықтан** келіп шығады. Мұндай қателік өзін өзі шын мәнінде кім екенін білмейтін, қоғамдық беделі жоқ, аңғырт адамдарда болады. Бұл типтегі жандар төңірегіндегілердің ішкі жан дүниесі мен әрекет-қылышының мәнін түсінуге қабілеті жетпегенінен, өзін дүниеден хабарсыз, не болса, соған сенгіш кейіпте танытып, кім болса, соның арбауына түсіп кете береді.

Қайталау және бекіту сұрақтары

1. Адамаралық қатынастардың пайда болу және даму себептері неде?
2. Адамдар арасындағы қатынастардың түрі қандай?
3. Остранизм деп адамдар арасындағы қай қатынастарды атایмыз?
4. Қатынастардың эмоционалдығын қалай түсінесіз?
5. Жеке және ресми қатынастар айырмашылығы неде және олардың өзара ықпалын қалай түсінеміз?
6. Үйлесімді қатынастардың мәні не?
7. Қарама-қарсылықты қатынастар төркінінде не жатыр?
8. Амбивалентті қатынастар мазмұны неде?
9. Альтруист болған жақсы ма, не қажетсіз құбылыс па?
10. Адам аралық қатынастарға ықпал етуші факторлар қандай?
11. Адамның өзін-өзі сезінуі неге байланысты?
12. Адамдар қауымдастырының түзілу себебі неліктен?
13. Адамаралық қатынастардың орнығы мен түзілу себептері қандай?
14. Адамдардың бірін-бірі қабылдауы мен түсінісуіне себепші факторлар қандай?
15. Адам үшін өзін-өзі танудың қандай маңызы бар және ол қалай жүзеге асады?
16. Адам образын жасау тәсілдері қандай?
17. Таным мен түсінісудегі қателіктер неліктен туындаиды?

8-дәрісбаян

ТІЛДЕСУ ПСИХОЛОГИЯСЫ

- Жоспары:**
1. Тіл қатынасы жөнінде түсінік.
 2. Тілдесу - ақпарат алмасу құралы. Сөйлеу.
 3. Сөз (сөйлеу) қызметтері.
 4. Сөйлеудің түрлері

1. Тіл қатынасы жөнінде түсінік

Адамның қоғамдық болмысы жан-жақты әрі көп деңгейлі аралық қатынастардан құралатынын жоғарыда әңгіме еткенбіз. Ал осы қатынастар арасында өзінің ерекше мәні мен құрылымы жағынан танылатын құбылыс - бұл тілдестік қатынастар. Тілдесу барысында адамдар өзара әрекеттік байланысқа келіп, тұрмыс-еңбек тәсілдері мен нәтижелерін, әрекетке орай туындаған болжамдар мен идеяларын, ниеттерін, қызығулары мен сезімдерін және т.б. өзара бөліседі, алмасады. Тілдестік қатынас біршама дербес құбылыс ретінде қабылдануымен, субъекті белсенделілігінің ерекше бір формасы ретінде көрінеді. Тілдесу қызметінің нәтижесі - өзгерілген, болмаса қайта жасалған дүниелік не идеалдық өнім емес, ол адам мен адамның, адам мен қауым арасында орнықкан байланыс қатынасы. Бұл ретте әңгіме тек бірдің екіншіге бағытталған жай әрекеті, не оның ықпалы жөнінде емес, ал өзара, бір-біріне болған әсері туралы. Тілдесу үшін міндетті түрде әрқайсысы өз алдына субъекті мағынаға ие ең кемінде екі адам болуы қажет.

Қазіргі кезде жалпы психология мәселелерінің көптеген шешімі осы тілдестік қатынастарды зерттеуге байланысты болып отыр. Себебі психологиялық бейненің бір формадан екіншісіне өтуі (мыс.: түйсікті сезімге, сезімнің ойға, ойдың сөзге т.с.с.), адам психикасындағы ашық сана аймағы мен бейсана байланысы, адам көніл шарпуларының ерекшеліктері, жеке адам зандылықтары т.б. осы тілдестік қатынастың негізінде жасалады.

Тілдесу деген не? Тілдесу - біркелік іс-әрекет қа-жеттігінен туындаған адамдар арасындағы байланыстардың даму көзі. Тіл қатынасы негізінен әңгімелесушілердің өзара ақпарат алмасуынан қалыптасады. Бұл ақпарат алмасу тіл қатынасының коммуникативтік сипатын құрайды. Тілдесудің екінші тарапы - сөйлеушілердің өзара ықпалы, яғни сөйлесу барысындағы сөз алмасу ғана емес, сонымен қатар бір бірінің әрекетін, қылышын танып, оны өзгеріске келтіруі, жауап беруі. Үшінші, ақырғы, тарапы тіл қатынасы сөйлесу арқылы адамдардың бірін бірі қабылдап, өздерінің психологиялық бейнесін түзуі.

Сонымен, біртұтас тілдесу процесінде үш бағытты байқаймыз: **коммуникативті** (ақпарат алмасу), **интерактивті** (өзара ықпалды әрекетке келу) және **перцептивті** (адамның бірін бірі қабылдап, түсінісу). Осы үш, бір-біріне байланысты тілдесудің қырлары бірлікті қызмет орындауымен сол қызметке араласқан адамдардың өзара қатынасын үйімдастырудың әдістерін құрайды.

Тілдесу мен іс-әрекет өзара тығыз байланысты екені сөзсіз. Бірақ, әңгімеге арқау болып отырған тілдесу қызметі іс-әрекеттің бір бөлігі ме, не бұл екеуі өз алдына дербестігі бар, тендей құбылыс па? - деген сұрақ туындаиды. Бірлікті іс-әрекет барысында адам қажетсінуден міндетті түрде басқа адамдармен қауым түзеді, сөйлеседі, пікір алысады, яғни байланысқа келіп, өзара түсінісмен ақпарат алысып, беріседі. Бұл жағдайда тілдесу қызметі іс-әрекеттің бір бөлігі сипатында қарастырылады, бірақ адам мұнымен шектеліп қалмайды. Тілдесе отырып адам басқаларға өзінің ерекшеліктерін, даралық қасиеттерін танытады (қазақтың "аузын ашса, көмекейі көрінеді" деген қанатты сөзі осыдан). Өндірілген зат (құрылған үй, отырғызылған ағаш, жазылған кітап, орындалған өн) бұл, бір жағынан, іс-әрекет нысаны, ал екінші жағынан - адамның өзін-өзі қоғамдық тұлға ретінде көрсетуінің қажетті құралы, себебі өнім басқалардың мұддесіне бағытталған. Осы зат арқылы адамдар арасындағы қатынас тіке емес, жанама сипат алады да, өндіруші мен пайдаланушыға тендей ортақ тіл байланысын туындалады.

Сонымен, іс-әрекет - тілдік қатынастың бір бөлігі, ал сезім іс-әрекеттің құрам бөлігі, ал екеуі қосылып барша жағдайларда тұтас бірлікті құрайды.

Тілдесу әрекетінің сипаты, аймағы мен әдістері оған қатынасқан адамдардың әлеуметтік қызметтерімен, қоғамдық қатынаста тұтқан орынымен, қандай да қауымға мүшелігімен анықталады да өндіріс, өнім алмасу және оны пайдалануға байланысты жағдайларға, сондай-ақ қоғамда орнықан зандар, ережелер, талаптарға сай әлеуметтік мекемелер тарапынан реттеліп барады.

Шынында да, қай тарапынан болмасын тілдесу процесіне қатыспайтын адамға тән психикалық құбылыс-тарды атау өте қыын. Іс-әрекетпен біртұтас байланысқан осы тілдесу арқылы адам бүкіл қоғам жаратқан тәжірибелі игереді. Жеке адам дамуы тұрғысынан тілдесу барысында біріне-бірі қайшы екі диалектикалық бағыт өзара байланысқа келеді: бір жағынан, жеке адам қоғам өміріне араласады, адамзат топтаған тәжірибелі игереді, ал екінші жағынан - адамның даралығы айқындалады.

2. Тілдесу - ақпарат алмасу құралы. Сөйлеу

Тілдесудің жеке адам деңгейіндегі сипаты өз алдына. Бұл жағдайдағы оның қызметі **ұш түрге** бөлінеді: **ақпараттық** тілдесу, **реттеу** тілдестігі және **сезім білдіру** тілдестігі. Осыдан **тілдестік қатынастың ұш түрлі мазмұны** ашылады: **ақпарат алмасу, адам аралық өзара ықпал және адамдардың бірін-бірі түсінуі**.

Коммуникативтік процесте, **біріншіден**, ақпарат бір жақты біреуден біреуге жеткізіліп қалмастан, екеу арасын-дағы хабар алмасуы, яғни бір адамның өз ақпаратының мазмұнына сәйкес екіншісі жауап хабар алуға бағытталған әрекеті үздіксіз жүріп жатады. Егер осы ақпарат тілдесу барысында түсінімді қабылданса ғана, тілдескен адамдар үшін өз мәнділігіне ие болады.

Екіншіден, адамдар арасындағы ақпарат алмасу сипаты қоғамда қабылданған таңбалар жүйесі негізінде адамдардың бір біріне ықпалды әсер ете алына байланысты келеді. Бұл жағдайдағы коммуникативтік ықпал бір адамның екіншісіне жасаған психологиялық әсеріне теңгеріледі.

Үшіншіден, ақпарат алмасудың нәтижесі болған коммуникативтік ықпал тілдесуге қатысқандардың тіл жүйе-сіндегі таңбаларды теңдей таныса ғана пайда болады. Бірақ, ескеретін жәйт, бір сәзге тән мағынаның өзін біле тұра, адамдардың бірін бірі түсініспейтін жағдайлары болады, мұның себебі сол адамдардың әртүрлі әлеуметтік, саяси, жас ерекшеліктерінің болуында.

Төртіншіден, адамдар өзара сөйлесу барысында ерекше тіл қатынастары кедергісіне ұшырауы мүмкін. Бұл, бір жағынан, әңгімелесушілердің өзара сұхбат өзегін түсіне алмауынан, яғни әртүрлі көзқараста, нанымда, пікірде болуы-нан, екінші жағынан, кедергілер сөйлесушілердің даралық психологиялық бітістерінен немесе екеу арасындағы тілдесуге мүмкіндік бермейтін адам аралық қатынастардың белең алуынан туынрайды.

Ақпараттың қайсысы болмасын **таңбалар жүйесі** арқылы беріледі. Біздің қолдануымыздағы бұл таңбалар - дыбыс, сөз, сөйлеу. Сөйлеу мен ойлау генетикалық бай-ланыста, қоғамдық еңбек желісінде, адамзаттың әлеуметтік-тарихи дамуында қалыптасты. Сөйлеу процесі санамен реттеледі де, өз кезегінде, адамдар арасындағы тілдесуде қалыптасады. Сананың негізгі қызметі болмысты өрнектермен бейнелесе, сөз бен тіл сол болмысты арнайы қабылданған таңбалармен белгілейді. Болмыс бейнесінің белгісі (таңбасы) ретінде сөйлеу де тілмен бірлікті байланыста. Сөйлеу - тілдесу әрекеті, тіл негізінде мағына білдіру, ықпал жасау, ақпарат беру, яғни сөйлеу - әрекеттегі сана мен ойдың көрініс формасы.

Сонымен, сөйлеу - тек адамға тән тіл қатынасының ең жетілген формасы. Бұл қатынас айтуши және тыңдаушының міндепті түрде болуымен жасалады. Айтуши ойды жеткізуғе қажет болған сөздерді іріктеп, грамматика ережелеріне сай оларды байланыстырады, артикуляция ағзаларын іске қосу-мен дыбыстайды. Тыңдаушы сөзді қабылдап, онымен өрнек-телген ойды түсінуге әрекет жасайды. Айтуши мен тыңдаушы арасындағы сөз түсіністігімен белгілі ойды қабылдау үшін, сол ойды өрнектеуге бағытталған екі тұлғаға да ортақ сөздерді жүйелестіру құралы мен ережелері болуы шарт. Мұндай құрал және ережелер тобы сипатында көптеген әулеттердің өмір барысында өзара сөйлесуден қалыптасқан белгілі бір үлттық тіл қызмет етеді.

Тіл - сөйлесу құралдарының қатаң қалыпқа келтіріл-ген жүйесі, ал сөйлеу - ой мен

сезімді жеткізуге арналған тілдің екеуара қатынасты әрекеттік қолданымы. Тілдің өзінде мағына-ой болмайды, ол тек ойды өрнектеуге арналған әртүрлі таңба-белгілердің жиынтығынан тұрады. Ал осы қордан сөйлеу үшін қажетті белгілі тілдік құралдар (дыбыстар, сөздер, ережеге сай сөз тіркестері мен сөйлемдер, әуен, ырғақ т.б.) іріктеліп алынған шақтағана, ой білдіру мүмкіндігіне ие боламыз.

3. Сөз (сөйлеу) қызметтері

Сөз негізінен екі қызметті атқарады: **коммуникативтік, сигнификативтік**. Осы қызметтеріне орай сөз тілдесу құралы және ой мен сананың көріну формасы ретінде танылады.

Сөздің негізгі сипаты оның мағынасында, семанти-калық мазмұнында екені баршаға белгілі. Баяндалып жатқан сөзді тыңдағанымызда біздің назарымыз оның мәндік мазмұнына аударылады. Адам тілінің әрбір дара сөзі қандай да бір затты өрнектейді, оны атаумен біздің санамызда нақты бір заттың не құбылыстың бейнесі пайда болады. Осынысы-мен де адам тілі жануарлардың қысқа мерзімді, қылыштық күйін білдіретін аффектік "тілінен" ажыратылады. Жануарлар "тілі" ешқашан да нақты бір затты белгілі дыбыстық өрнекпен таңбаламайды, таныта алмайды. Сөздің бұл қызметі - **сигнификативтік** қызмет деп аталады. Сөздің белгілеу қызметі нақты ұлт өкіліне түсінікті сөздерден құралған тілдің қызметі. Осы қызмет нәтижесінде адам әртүрлі заттардың бейнесін жанама түрде санада тұрғыза алады, заттардың өзі жоқ болған кезде де олармен іс-әрекеттік қатынасқа түсে алады. Осыдан адам танымы есelenіп байиды, яғни адам өзіндік сана қорында заттың тікелей бейнесін сақтап, таниды, оған қоса сол заттың таңбалық баламасымен де байланысқа келеді.

Сөздің және бір, күрделірек қызметі бар. Ол арқылы заттарды талдап, олардың мәнді қасиеттерін ажыратып, заттарды белгілі категорияларға топтастыру мүмкіншілігіне ие боламыз. Осыдан сөз дерексіздендіру мен нақтылау құралына айналып, қоршаған дүние заттарына байланысты теренде жатқан байланыстар мен қатынастарды бейнелеуге қолданылады. Сөздің бұл екінші қызметі "**сөз мағынасы**" терминімен белгіленеді. Сөзді игеру арқылы нақты заттар араласатын адамзаттың көп ғасырлы тарихында қалыптасқан байланыстар мен қатынастарды танимыз, зерттеп, үйренеміз. Сейлесудің және бір қызметі - **коммуникативтік** өрнектеу құралдары мен ықпал жасау құралдарының бірлігінен орындалады. Өрнекке, яғни дыбыстардың бірігіп, сөз және сөйлем формасына келуінен әлі сөйлеу шықпайды. Сөйлеу - заттық негізі бар мағына болғанда ғана іске асады. Әрқандай сөздің (сөйлеу) белгілі зат жөнінде баяны болып, екінші біреуге бағытталса ғана, өзінің коммуникативтік қызметіне сай болады. Сөйлеудің мағыналық мазмұнының өзегі - өрнектеген заты. Бірақ, нақты белсенді сөйлесу барысында сөз өзінің белгілегенінен тыс көп хабарды жеткізе алады, себебі сөз ағымы сезімдік әрекеттермен толығады: ым, ишара т.б.

Адам тіліндегі **көңіл-күй көрінісі** ұлken маңызға ие. Сөзді тек ақыл-ой көрінісі деп тану оның өрісін өте тарылтып жібереді. Сөзде, әсіресе оның ауызша түрінде көңіл-күй танытатын көптеген сөйлеу бірліктері қосылады: іркініс, ырғақ, әуен; жазба түрінде - тыныс белгілері, сөз орыны т.б. Сөйлеу барысында біз тек білген ақпаратымызды ғана хабарлаумен тынбастан, әңгіме арқауына болған, әңгіме тыңдаушыға болған өз көңіл толғаныс, қатынастарымызды білдіреміз. Сөз неғұрлым өрнекті, әсерлі болған сайын, одан сөйлеушінің келбеті, болмысы дәл әрі нақты көрінеді.

Сөз бір нәрсе жайында баяндаумен **бірге ықпал жасау құралы да** болып қызмет етеді. Адам тілінің ықпалдық қызметі - өте мәнді құбылыстардан. Ол тікелей әрекет-қылышты өзгертуегенімен, қалайда тыңдаушының ой-санасына, сезіміне қандай да өзгеріс ендіреді. Сөйлеу - әлеуметтік міндетті орындау, тіл қатынасының құралы бола түрып, саналы ықпал қызметін орындауды.

Сөйлеу процесінің негізгі тірері - түсіну, түсінісу. Сөз қоғамнан тыс болуы мүмкін емес, сөйлеу тілдесуге арналған және тілдесуде пайда болатын әлеуметтік өнім.

Сейлеу саналы әрекетке айналуы үшін әңгіме арқылы шешілетін мәселе және оның мақсаты анық болуы қажет. Сонымен бірге, әңгіме барысындағы міндеттің шешімі сол әңгіме жүріп жатқан жағдайға да байланысты. Бұл жағдай әңгіме өзегі болған зат пен

әңгіме бағышталған тындаушы қауымының сипатымен анықталады. Әңгіме мақсаттары мен жағдайларын бірлікте қарастыра отырып, адам не айту керек, қалай айту керек екендігін барластырады, осыдан өз сөзін алдына қойған міндеттін шешуге жарайтын саналы әрекетке айналдырады.

4. Сөйлеу түрлері

Сонымен, сөйлеу - тіл көмегімен түзілген адам аралық қатынас құралы. Сөйлеудің келесі түрлері болады: сыртқы және ішкі сөйлеу. Сыртқы сөйлеу өз кезегінде ауызша, жазбаша болып, ал ауызша - монологтық және диалогтық болып бөлінеді.

Сөйлеудің барша түрлері өзара ықпалды қатынас түзеді. Сөйлеу түрлерінің бәріне бірдей сипат - олардың сөздік дыбысталуында. Бірақ олардың әрбірінің өзіндік ерекшеліктері бар. Тіл қатысынсыз және заттасқан тілдік процесс болмай, ешқандай ой, ойлау болуы мүмкін емес. Ауызша да, әсіресе жазба сөздің дайындығы сөйлеудің іштей, адамның өзінен-өзі, құбірлеп айтып шығуынан басталады, мұны ғылымда **ішкі сөйлеу** деп атайды.

Жоғарыда атағанымыздай, **сыртқы сөйлеу** ауызша және жазбаша болады. Жазбаша сөйлеуде тілдік қатынас мәтін арқылы жанама болады. Жазба сөйлеудің, ауызшаға қарағанда, мазмұны жинақты келеді. Сөйлеудің жазба түрі жазба белгілер негізінде орындалады. Қазіргі кездегі көп тілдердің дыбыстары әріптермен өрнектеледі. **Жазба сөйлеу** - естүмен қабылданатын тілдік дыбыстардың, көрумен танылатын әріптер мен адамның тілдік әрекеттерінің курделі байланысынан құралатын процесс. Осыдан, жазба сөйлеудің ауызша сөйлеуден кейін пайда болып, әрі соның негізінде қалыптасатынын түсінеміз.

Біреудің дыбыстауынан құлағымызға жеткен сөз **ауызша сөйлеу** деп аталағы. Ауызша сөйлеуде көністік және уақытқа байланысты біраз шектеулер болады. Әдетте, әңгімелесушілер бірін бірі көріп тұрады немесе дауыс жететіндей алшақтықта болуы мүмкін. Осы жағдайларға орай сөйлеудің сипаты өзгеріске түседі. Мысалы, телефонмен сөйлескенде сөз қысқа, жедел сұрақ-жауап кейінде байқалады. Тындаушы сұрақ қойып, оған жауап алуы мүмкін емес телерадиодағы сөйлеу тіпті басқаша.

Ауызша сөйлеу - **диалогтық** және **монологтық** түрде болады. **Диалогтық сөйлеу** әңгімелесушілердің өзара қысқа сөз алысуы, түзілетін сөйлемнің құрылымы толық болмауымен ерекшеленеді. Өзара түсіністік мұндайда бұрынғы әңгіме желісінен, тақырып барысынан және іс-әрекет мазмұнына орай жетіледі. Ауызша сөз, әдетте, әңгімелесуге қосылған адамның ниет ықыласына, болмаса қоршаған орта ықпалдарына орай жасалған жауап ретінде жүзеге асады.

Монологтық сөйлеу ұзаққа созылады, ортаға қыс-тырма сөздер қосылмайды, алдын ала көп дайындықты талап етеді. Әдетте бұл кең көлемді, күні бұрын ой желісіне салынып, қорытылған баян (мысалы, баяндама, шығып сөйлеулер, дәрісбаяндар т.б.). Дайындық барысында мұндай баяндардың кей жерлері бірнеше рет іштеген қайталаңады, жоспары қайта түзілістерге түседі, орынды сөздер, сөз тіркестері мен сөйлемдер іріктеліп, таңдалады, көп жағдайда ауызша сөйлеудің жоспары жазбаша түзіледі. Монологтық сөз құрылымы жағынан курделі болып, ой толықтығымен көрінеді, баяндалуы бір ізді, қатаң логикалық талаптарға бағынады. Монологтық сөйлеу диалогтыққа қарағанда қындау, сондықтан оның толық формасы адамзат тарихында кейінірек қалыптасқан. Ал мұндай сөйлеу түрін оқушыларда қалыптастыру үшін мұғалімдер арнайы міндеттерді жүзеге келтіре отырып, еркін әрі мәнді сөйлеу тәрбиесін бүкіл оқу процесінде үзбестен жүргізіп барады.

Бұрын атағанымыздай, қалаған ақпаратты екінші адамға жеткізу үшін таңбалар, не таңбалар жүйесін қол-данамыз. Осыған орай тілдестік қатынас процесінде **вер-балды** (таңба ретінде - сөз, баян) және **вербалды емес** (таңба ретінде - сөзден тыс белгі, ишаралар) байланыстар қолданылады.

Вербалды тілдесуде таңбалық жүйе ретінде сөз (сөйлеу) қабылданған. Мұндайда сөйлеу - лексикалық және синтаксистік екі принципті қамтыған дыбысты тіл, яғни фонетикалық белгілер жүйесін түсінеміз. Сөйлеу - тілдестік байланыстың ең өнімді әмбебап құралы, себебі мұның жәрдемімен берілген ақпарат мағыналық толықтығын

жоғалтпайды. Сөз бен сөйлеу арқылы ақпарат таңбалық бекімін тауып, қажет кезде мағыналық шешімге келеді (кодирование, декодирование). Әңгімелесудің ерекше түрі ретінде диалогтық сөйлеуде хабарлаушылар рөлі бір ізді алмасып отырады, осыған орай біз не жөнінде әңгіме болып жатқанын түсінеміз.

Сөйлеу арқылы тек қана ақпарат "жүрісі" орындалып қалмастан, әңгімелесушілер арасындағы бір біріне деген ықпал да жасалады, яғни өзара бағыт бағдар көрсете отырып, олар бір-бірінің іс-әрекет қылышытарын үйлестіруге не өзгертуге тырысады.

Әңгіме мағынасын жеткізу мен қабылдау барысын-дағы адамдардың сөз саптау сипаты әртүрлі. Хабарлаушы үшін ақпарат мағынасы сөйлеуден бұрын келеді, себебі ол алдымен мақсат қойып, кейін оны сөзбен баламалайды. Ал тыңдаушы үшін қабылданатын ақпараттың мәні, оны сөзге келтірумен бірге ұфылады (Я. Яноушек).

Хабарлаушының айтқан ой мағынасының тыңдау-шыға түсінікті болғандығы тыңдаушы хабарлаушы роліне еніп, өз сөзімен қабылданған ақпараттың түсінікті екендігі жайлы белгі бергенде ғана айқындалады.

Тілдесудің мазмұндылығы, оның барысындағы әңгіме-лесушілердің бір-біріне ықпал жасауынан көрінеді. Ал бұл өзара ықпал жасау процесін айқын түсіну үшін тілдестік қатынас әрекетінің құрылымын ғана біліп қою жеткіліксіз, бұл орайда әңгімелесуге негіз болған тұртқілер, тілдесу мақсаттары мен ниеттерін де талдай тану үлкен маңызға ие. Бұл үшін тілдесу барысында сөз бен сөйлеуден тыс қолданылатын белгілерді ажырата алған жөн. Сөзбаян қаншалықты әмбебап болғанымен, оның толық мәні тілдестік әрекет жүйесінің сөзден тыс ишара белгілермен толық-тырылғанда ғана ашылады. Осыдан вербалды емес (сөзден тыс) тілдесу проблемасы туындаиды.

Вербалды емес тілдесуде ең алдымен көру - қозғалыс жүйесіне байланысты өз ішіне ым, ишара, пантонима т.б. қамтыған белгілер тобы өте маңызды. Әрқилы дene мүшелерінің (бет, бас, қол ұшы, иық т.б.) жалпы қозғалысқа келуі адамның көңіл-куй көрінісін беріп, тілдестік қатынасқа көркем-көріктік нәр береді. Ал бұл ишара белгілер әртүрлі мәдениет иелерінде, яғни әртүрлі ұлт өкілдерінде бірдей емес. Мысалы, қазақ келіспесе басын шайқайды, ал болгарлар басын изейтін көрінеді.

Вербалды тілдесуге "қосымша" ретінде **паралингвис-тикалық** және **экстраграфикалық** белгілер жүйесі де қолданылады. **Паралингвис-тикалық** қосымшалар - бұл дауыс ырғағы, әуені, ал **экстраграфикалық** дегеніміз сөз барысындағы іркіліс, сонымен бірге жөтелу, жылау, кулу.

Қорыта айтқанда, сөздік емес тілдесудің қай түрі де сөз алысу барысында өте маңызды жәрдемші (кейде дербес) роль атқара отырып, сөз мәнісін күшейту не кемітумен бірге, әңгімелесуге қатысқандардың ниеттерін білдіреді. Сөзбен бірге қолдана отырып, вербалды емес белгілер де адамдардың өзара байланысты қызмет әрекетін үйлемдастыру үшін қажетті ақпарат алмасуын қамтамасыз етеді.

Ишара, емеурін, қымыл әліппесін білетін адам қарсы-ластарының, әріптестерінің сырын еш қиналмай-ақ ұфып, қандай жағдайда қалай өсер етудің жолдарын пайдаланады, өз мүддесін жүзеге асыру үшін түрлі әрекеттерге барады. Тіпті адамның бетіне қарағанда, қай нүктенің қалай өсер ететінін, қай тұстан қандай қуат келетінін іштей түсініп, қалауына орай нәтижеге жетуге әбден болады. Тек пиғыл, ниет таза болсын. Адамның ойлау мазмұнынан төгілетін пайда, зиянның өлшемі шексіз. Әрбір сөз, әрбір әліппенің өз саны, өз жүйесі бар, әрбір әріптің өз иесі бар. Біреуді жөн-жосықсыз ренжіту, қиянат жасау, қалай болса, солай сөйлеудің түпкі тамырында магнитті толқындар жасырынған. "Жақсы сөз - жарым ырыс", "Жылды-жылды сейлесен, жылан інінен шығады", "Жүйелі сөз жүйесін табады, жүйесіз сөз иесін табады" дейді. Науқасты сөзбен құлан таза айықтыруға болады, сөзбен өлтіріп жіберуге, тыптыратпай тастауға болады. Сөз төркінін түсінгендер мұны жақсы біледі.

Қайталау және бекіту сұрақтары

1. Тілдесудің адам өміріндегі маңызы қандай?
2. Тілдесудің мәні неде?
3. Тілдесу процесінің қай бағыттарын білесіз?
4. Тілдесу және жалпы іс-әрекет арақатынастары қандай?
5. Тілдесу әрекетінің сипаты немен анықталады?
6. Тілдесу қызметтері қандай және олардың әр-қайсысы қандай ерекшеліктермен сипатталады?
7. Коммуникативті процесс белгілері қандай?
8. Тілдесудегі ақпарат жүйесін таңбалau дегенді қалай түсінесіз?
9. Тіл мен сөйлеудің айырмашылығы неде?
10. Сигнификативтік қызмет дегенді қалай түсінесіз?
11. Сөйлесу қызметін атқаруға ықпал жасаушы факторлар қандай?
12. Сөйлеу түрлері және олардың жеке сипаттары немен ажыралады?

ЖЕКЕ АДАМНЫҢ ТАНЫМДЫҚ АЙМАҒЫ

9-дәрісбаян

ЗЕЙІН

- Жоспары:**
1. Зейін жөнінде түсінік.
 2. Зейін түрлері.
 3. Зейіннің физиологиялық негізі.
 4. Зейіннің негізгі қасиеттері.

1. Зейін жөнінде түсінік

Психикалық іс-әрекеттің мақсат бағдарлы және нәтижелі болуы үшін адам ең алдымен өзінің ой-санасын істеп жатқан әрекеті мен сол әрекет нысанына тоқтата білуі қажет. Әдемі сурет салуға бекінген баланы көз алыңызға келтіріңіз. Сурет затын, оның түр-түсі мен қағазға қалай орналасуын ойластырамын деп, жас суретшінің жұмысқа шомғаны сонша, тіпті ата-аналарының оған қаратса айтқан сөздерін мүлде аңғарар емес. Мұндайда бала зейіннің істеп жатқан әрекетіне шоғырлады, назарын қажетті заттарына аударды, басқа заттардың бәріне аландамастан, өз керегімен шұғылданды дейміз.

Келтірілген мысал адамның бір мезгілде әрқандай заттар туралы ойлап, әртүрлі іспен бірдей шұғылдана алмайтынының дәлелі. Сондықтан да оның санасы белгілі мезеттің әрбір бөлігінде өзіне қажет болған заттар мен құбылыстардың маңызды да мәнді тараптарына бағытталады.

Ой-сананың **бағытталуы** деп ең алдымен психикалық әрекеттің таңдамалылық сипатын, нақты обьекті күні бұрын ниетті іріктеуін, не оған мән бермеуін айтамыз. Бағытталу түсінігі сонымен бірге іс-әрекеттің біршама уақыт аралығында өз сипатын сақтап тұра алу қасиетін де қамтиды. Зейінді болу үшін қандай да бір істің түрін таңдал қана алу жеткіліксіз, сол таңдауды тұрақтатып, сақтап қалу қажет. Мысалы, педагогикалық процесте оқушылар зейіннін, анау не, мынау зат не деп, іске бағыттау онша қындық тудырмайды, әңгіме төркіні сол зейін бағытын қажетті уақыт аралығында сақтап тұру.

Зейін сөзі сонымен бірге біздің ой-санамыздың белгілі іс-әрекетке **шоғырлануы** мен **шому** мағынасын да білдіреді. Адам алдында тұрған міндет неғұрлым қын болса, зейін де соғұрлым күшті әрі өткір болып, ал жұмыс қындығы болмағанда, зейін салудың күші де кемірек келеді.

Өз кезегінде зейін шоғырлануы ой-сананы қажетсіз обьектердің бәрінен **аудыстыра** алумен де байланысты. Зейін күші толығымен нақты бір істің шешіміне бағышталған шақта, төңіректегі қалған заттардың бәрі біз үшін елес күйінде байқалады.

Сонымен, қандай да бір затқа зейін қоюымыздан, ол зат біздің санамыздың төрінен орын теуіп, қалған дүние деректерінің бәрі сана аймағының шектеріне ығыстырылады. Осыған орай зейін аударылған заттың санамызыдағы бейнесі нақты айқындалып, ол жөніндегі елестер мен ойлар іс-әрекет мақсатына жеткенше, санамызда бекіген халде сақталады. Осыдан, зейін **іс-әрекетті бақылау** және **реттеу** қызметін де атқарады.

Зейін, әдетте, адамның бет, дene қалпы мен қозғалыс-тарында көрінеді. Сырттай-ақ зейінді тыңдал отырған оқушыны зейінсізінен айыруға болады. Ал кей жағдайларда зейін қоршаған дүние емес, адам санасындағы ойлар мен бейнелерге де бағытталады. Мұндай жағдайдағы зейін **интеллектуалды** деп аталып, ол **сезімдік** зейіннен біраз өзгеше келеді. Ал ой-сана дene қозғалыстарына бағытталатын болса, онда сөз арқауына **қимылдық** зейін алынады. Мұның бәрі зейіннің дербес танымдық, өз мазмұнына ие болмай, өзге танымдық процестердің қосалқы қызметтерін атқаратынын дәлелдейді.

Зейіннің мұндай қызықты да қайшылықты қасиет-тері ғалымдар назарына түсіп, оның пайда болуы мен мәнін әрқылды пайымдауға негіз берді. Зейін табиғатын түсіндіруде Н. Н. Ланге ғылымда қалыптасқан келесі тұжырымдар тобын алға тартады:

1. Зейін қимылдық икемделудің нәтижесі. Мұндай пікір келесі негізде туындаған: зейіннің бір заттан екінші затқа ауысуы бұлшық ет қозғалыстарының мүмкін емес, қимыл нәтижесінде ғана сезім ағзалары қабылдау үшін тиімді жағдайларға икемдеседі.

2. Зейін сана аумағының шектеулі болуынан туындаиды. Сана аумағы мен ауқымының қандай мәнге ие екенін түсіндіріп жатпастан, И. Герберт пен У. Гамильтон күшті елестердің әлсіз елестерді ығыстыратынын немесе тежейтінін алға тартады.

3. Зейін көңіл-күй нәтижесі. Ағылшын психоло-гиясында кең өрісті дамыған бұл теория зейіннің алға қойылған ниетке тәуелділігіне негізделеді. Дж. Миль "ұнамды немесе жағымсыз сезімге, не идеяға бөлекен мен сол факторларға зейінді қатынас екеуі де бір нәрсе" - деп тұжырымдайды.

4. Зейін өткен тәжірибелің нәтижесі, яғни адам білген, таныған затына ғана ден қояды.

5. Зейін рухтық сананың ерекше белсенділік қабілеті. Зейін құбылысының ғажайыптығына таң қалған кей психологтар оны пайда болуы түсіндіруге келмейтін әу бастан бар белсенді қабілетпен баламалайды.

6. Зейін жүйке тітіркендіргіштері күшейуінің нәтижесі. Бұл гипотезаға орай зейін орталық жүйке жүйесінің мекенді тітіркену қабілетінің ұлғаюынан пайда болады деп түсіндірледі.

7. Жүйкелік тежелу теориясы зейіннің негізгі себебін төмендегіше пайымдайды: алғашқы физиологиялық жүйке процесінде қаланған елестер соңғы басқа елестер мен қозғалыстардың физиологиялық процестерінен басымдау келеді, осыдан сананың ерекше шоғырлануы туындаиды.

Қазіргі заман психологтарының зейінді түсіндіруге байланысты пайымдаулары П. Я. Гальперин еңбектерінде көлтірілген. Олар келесідей:

Зейін бағыттау-зерттеушілік іс-әрекеттің бір кезеңі, осыдан зейін адам психикасында нақты бір мезетте пайда болған бейнелер мен ой мазмұнын тұрақтатуға бағытталған психологиялық әрекет;

Өз қызметі бойынша зейін осы мазмұнға қойылған бақылау. Әр адам әрекеті бағыттау, орындау және бақылау бөліктерінен тұрады. Осы тізбектегі үшінші іс зейін арқылы орындалады;

Белгілі өнім шығаруға бағытталған әрекеттен ерекше зейіннің, яғни бағыттаудың, өз алдына нәтижесі болмайды;

Психикалық бақылау әрекеті ретінде танылған құбылыс тұрғысынан зейіннің әрбір нақты көрінісі жаңа ақыл-ес ептіліктерінің пайда болу ізімен туындаиды.

Аталған теориялар нақты деректерге негізделгені сөзсіз, бірақ әрқайсысы өздері ұстанған зейін белгілерін асыра көтеріп, қалғандарын елемеуге тырысады. Ал, шын-дыққа жүгінсек, зейіннің мән-мағынасын оған байланысты барша қасиеттер мен сапаларды өзара біріктіре талдау негізінде түсіну мүмкін. Осы тұрғыдан қазіргі уақытта зейіннің келесідей анықтамасы қабылданған.

Зейін - бұл кісінің сезімдік, ақыл-ес және қымылдық белсенділігін көтеруге қажет дүниелік не идеалды нысанға сананың бағытталуы және шоғырлануы.

2. Зейін түрлері

Өзінің пайда болуы мен іске асу жағынан, әдетте, зейін ырықсыз және ырықты болып екі түрге бөлінеді. **Ырықсыз зейін** - ең қарапайым және адамда алғашқы көрінетін психикалық процесс, оны сонымен бірге енжар, еріксіз деп те атайды, себебі ол адамның алдына қойған мақсатына тәуелсіз туындаиды әрі әрекетке қосылады. Орындалып жатқан іс адамды өзінің қызықтылығы және тосындылығымен еріксіз баурап алады. Үріккесінде зейіннің пайда болу себептері әртүрлі, олар іс-әрекет иесінің дене-тәндік, психофизиологиялық және психикалық кейіп-қалпымен байланысты келіп, өзара ықпалды қатынасынан туындаиды. Ол себептерді бірнеше категорияға келтіріп қарастыру мүмкін.

Бірінші себептер категориясына тітіркендіргіш әсердің сипаты мен сапасы жатады. Олардың ішінде ең алдымен ескеретініміз әсер **күші мен қарқындылығы**. Елестетіңіз: окушы жазба жұмысын орындаپ отыр, оның жұмысқа құныққаны сонша, көшедегі не үйдегі анау-мынау жеңіл сыйдыр-шуды тіпті аңғарар емес. Ал кенеттен өз столынан түсіп кетіп, "тарс" ете қалған заттың дыбысы, оны еріксіз мойын бұруға мәжбүр етеді. Әрдайым күшті тітіркену әсері, айқай-шу, көз қарықтырап жарық, екпінді соққы, ащы иіс, дәм біздің зейінімізді еріксіз тартады. Мұндайдағы зейініміздің аударылуы әсердің шектен тыс

куштілігінен емес, сол әсердің қалыпты жағдайға орайлас не орайсыздығынан. Мысалы, үйде ванна құбырларындағы ұдайы болып тұратын су гүлін күндіз тіпті байқамаймыз да аңғармаймыз, ал сол гүл түнде күшейіп кететіндей, кейде үйқы бермейді.

Аталған себептер тобына тітіркендіргіш әсердің **жаңалығы мен тосындылығы** да кіреді. Бұл тұрғыдан жаңалық деп бұрын білмеген, көрмеген зат, құбылыстар әсерін ғана емес, сонымен бірге бірдейіне ықпалында болып жүрген әсерлеріміздің физикалық қасиеттерінің өзгерісі немесе орын ауысуынан туындаған тітіркендіргіштерді танимыз.

Адамның **көніл-күйіне, мұқтаждық-қажетсінуіне** сәйкес тыскы тітіркендіруші әсерлер ырықсыз зейін туыннатушы себептердің үшінші тобын құрайды. Мысалы, аш адам мен тоқ адамның тағам жөніндегі әңгімені, болмаса оның ісі мен дәмін қабылдауы бірдей емес.

Зейін себептерінің, төртінші тобы тұлғаның жалпы **бағыт-бағдарына** байланысты. Міне осыдан, көше бойлап келе жатып, аула тазалаушының назары қоқысқа түседі, тәртіп сақшысы - орынсыз тұрған машинаны аңғарады, ал архитек-тор не суретші - ежелгі ғимараттың сәніне сүйсінеді. Адамның бағыт-бағдары сонымен бірге оның бұрынғы тәжірибесі мен қалыптасқан сезімдік күйіне де байланысты. Ырықсыз зейіннің аса маңызды себептері, сонымен, бізді қызықтырып, эмоционалды кейпімізді өзгеріске түсіретін заттар, жағдайлар, құбылыстар.

Ырықты зейіннің ырықсыз зейіннен ерекшелігі оның саналы мақсатқа тәуелді келуі. Зейіннің бұл түрі адам еркімен тығыз байланыста болып, оның енбектік күш салуарының нәтижесінде пайда болады, сондықтан да ырықты зейін **ерікті, белсенді, ниеттелген** деп те сипатталады. Қандай да бір шешімді қабылдай отырып, біз іске кірісеміз, сол іс біз үшін сол мезетте ұнамаса да оған саналы зейін қойып, оны орын-дауга өзімізді мәжбүрлейміз. Ырықты зейіннің басты қызметі - психикалық процесс ағымын белсенді түрде реттеп бару.

Ырықты зейін себептері биологиялық емес, **әлеу-меттік:** ол тәнмен бірге берілмейді, сәбидің ересектермен қатынасқа келу барысында қалыптасады. Л. С. Выготский зерттеулері анықтағандай, зейін қызметі алғашқы даму кезеңінде сәби мен ересек адам арасында бөлінген: ересек қоршаған ортадан нысанды бөле көрсетіп, оны сөзбен баламалайды, ал бала ым, ишараны байқаумен, затты танып, не сөзді қайталап, сигналға жауап қайырады. Осылайынша, қажетті затты бала тыскы өрістен бөліп алады. Кейін жас бала өз бетінше мақсат қоюға үйренеді. Ырықты зейін дамуы сөз, сөйлеумен тікелей байланысты. Баладағы ырықты зейіннің қалыптасуы алғашқыда оның өз қылыш-әрекетін үлкендердің ауызша нұсқауларына бағындыруына тәуелді, ал содан соң, тіл қабілетінің артуымен өз әрекетін өзінің ауызша талапта-рына көндіруіне байланысты.

Сапалық жағынан ырықсыз зейіннен үлкен айыр-машылығы болғанымен, ырықты зейін де адам сезімдері, қызығулары және бұрынғы тәжірибесімен орайлас келеді. Бірақ бұл факторлардың ырықты зейін кезіндегі әсері тікелей емес, жанама, яғни ортаға саналы белгіленген мақсат енеді. Енді зейін тікелей әрекетке аударылмай, оның мақсаттық мәні мен кейінгі нәтижесіне бұрылады. Ал іс-әрекет болса, өздігінен емес, оның осы мақсат жолында қажеттілігінен ғана адамды қызықтырады.

Ғалым-психологтардың кейбірі ырықты зейін секілді мақсат бағдарлы, бастапқы еріктік күш салуды талап ететін зейіннің және бір түрін айырып қарастырады. Бұл зейін түрінде адам толығымен іс-әрекетке шомады, оған енді әрекеттің нәтижесі ғана емес, сол әрекеттің өзі де мәнді әрі қызғылышты болып көрінеді. Мұндай зейін түрін орыс тілді әдебиеттерде "послепроизвольный" (Н. Ф. Добрынин) деп атаса, қазақ тіліндегі оқулықтарда **"үйреншікті зейін"** атауымен баламаланған (Қ. Жарықбаев, А. Алдамұратов). Қай іс-әрекет болмасын алғашқы кезде оны игеру қаншама маңдай тер төккізіп, қиналысқа түсіріп, зорлануға душар ететіні белгілі, ал кейін үйрене келе, дағдыланудан әрекеттің нәтижесі ғана емес, оның өзі де адамды өзінен өзі баурап, әдемі орын-далуынан көнілді қуаныш сезімге бөлейді. Әрекет енді әдейі қайталап, еске түсіріп тұруды, ерік күшін қосуды қажет ете бермейді, өзінен өзі орындалып жатқандай болып көрінеді.

Үйреншікті зейін өзінің саналы мақсат пен қызығу-ларға тәуелділігінен ырықсыз зейіннен ажыратылса, еріктік күштер қатысынсыз жүзеге асуынан ырықты зейіннен

ерекшеленеді.

Педагогикалық процеске орай үйреншікті зейін үлкен маңызға ие. Оқу, тәрбие барысында шәкірттердің зейінін бір қалыпты ұстау үшін педагог олардың ерік күшіне арқа сүйегені қажет те жөн. Бірақ бұл балаларды шаршатады. Сондықтан шебер педагог балаларды өздерінің бой, ой қуатын босқа сарп етпей, жұмыс істеуі үшін сабакты қызығылдықты, тартымды, ойын әдісімен өтуге тырысады. Оқушы сабакта біреудің тапсырысымен іс қылып жатырмын деген ойдан аулақтап, өмірімнің қызықты бір мезетін өтудемін дегендей сезімнен еңбек ләззатына бөленуі керек.

Үйреншікті зейін өзінің ұзақ уақыт тұрақтылығы, үстемелі ақыл-ой қызметімен және жоғары еңбектік нәтижесімен сипатталады.

3. Зейіннің физиологиялық негізі

Зейіннің физиологиялық тетіктер арқылы қажетті де мәнді әсерлерді тандауы белсенді ми қызметінің және жалпы тәннің сергектігі арасындағы байланысынан болады.

Адамның сергектік деңгейін оның сырт кейпін бақылай танумен бірге мидағы әлсіз ток қуатын анықтайтын электроэнцефалограф (ЭЭГ) аппараты арқылы да білуге болады. Әдетте, сергектік 5 күйде көрініс беретіні дәлелденген: **терен үйқы, қалғып-мұлғу жағдайы, сабырлы сергектік, белсенді сергектік, шектен тыс сергектік**. Тиімді зейін тек сабырлы және белсенді сергектік жағдайында болуы мүмкін, ал басқа кейіп кездерінде зейін сапасы кеміп, кейбір қызметтерін ғана орындаған алуы ықтимал. Мысалы, мұлгіген жағдайда адам бір не екі әсерге ғана жауап беріп, қалған тітіркендіргіштерді тіпті сезбейді. Сондықтан да шаршаған ана ешбір әсерді елеместен, терен үйқыға берілуі мүмкін, ал нәрестесінің сәл ғана дауысынан оянып кетері сөзсіз.

Зейін маханизмдерінің іске қосылуында **бағдарлауышы рефлекстің** рөлі өте күшті. Бұл құбылыстың негізі - адамдар мен жануарлар ағзасының сыртқы орта өзгерістеріне сай тума қалыптасқан жауап бере алу қабілеті. Мысалы, сәл ғана сыйырдың өзінен мысық елең етіп, дыбыс шыққан тараңқа құлағын түреді. Қызықты да жауапкерлі жұмысқа шомған окушылар кенет есік ашылудан, жұмыстарын қоя салып, назарын есік жаққа еріксіз аударады. Бұл рефлексті **И. П. Павлов "немене?" рефлексі** деп атаған.

Зейіннің таңдамалылығы ағзада болып тұратын құрделі процестермен байланысты. Әдетте, қоршаған орта арасынан қажетті әсерлерді сарапал алуда екі топ ағза тетіктері іске қосылады: перифериялық (шеткі) және орта-лық. **Перифериялық** механизмдерге сезім (түйсік) мүше-лерінің икемдесу әрекеті жатады. Әлсіз дыбысты ұғуға орай адам дыбыс шыққан тараңқа мойын бұрады, сонымен бір уақытта сезімталдығын күшешту үшін тиісті бұлшық еттер құлақ жарғағын кереді. Ал күшті дыбыста жарғақ кернеуі босаңсып, миға өтетін жағымсыз әсерді басады.

Зейіннің **орталық** тетіктері бір жүйке ошақтарының қозуына байланысты басқа жүйке көздерінің тежелуі негізінде іске қосылып барады. Туындау әсері күшті болған қозу өзімен бір уақытта жүріп жатқан әлсіздеу процесті басып, психикалық іс-әрекеттің бағыт-бағдарын айқындалп отырады. Сонымен бірге, бір-біріне қуат қосатын бір уақыттағы әлденеше тітіркендіргіштердің бірігіп, әрекетке түсі де мүмкін. Қозулардың мұндай өзара байланысты ықпалы қажет болған әсерді таңдалап, психикалық әрекеттің белгілі бағытта жүруіне негіз қалайды.

Зейін әрекетінің физиологиялық көрінісін түсінуде дәлелдеп, кейін И. П. Павлов кең қолданған **жүйке процестерінің индукция заңы** үлкен маңызға ие. Бұл заңға орай бас ми қабығының бір аймағында туындаған қозу оның басқа бөлектерінде тежелу пайда етеді (**бір мезгілді индукция**) немесе мидың сол бөлігіндегі тежелумен орын ауысады (**бірізді индукция**), себебі нақ қозу пайда болған аймақ өзінің сол қозу үшін тиімді жағдайымен ерекшеленеді, сондықтан да бұл арада әсерлер жіктеліп, сарапталады, жаңа шартты байланыстар түзіледі, яғни бұл аймақ нақ сол мезетте - үлкен ми сыңарларының жасампаз, шығармашыл бөлігі сипатына ие. Ал мидың басқа бөлектерінің қызметі бұл уақытта адамның астар саналы немесе автоматтандырылған әрекетімен байланысып жатады.

Зейіннің физиологиялық негіздерін айқындауда **доминанта принципі** (А. А. Ухтомский) де жетекші мәнге ие. "Доминанта" түсінігі нақты бір мезетте жүйке орталық-

Ч. Шеррингтон ғылыми

тарының қызметіне ықпал жасап, уақытша үстемдік етумен психикалық болмысқа бағыт-бағдар беретін қозу ошағын білдіреді. Доминантаның ерекшеліктеріне байланысты жүйке жүйесіне беріліп тұрған импульстер бірігеді әрі жинақталады, сонымен бірге басқа орталықтардың белсенділігі шектеліп, қозу ошағының әрекеті күшіне түседі. Үстем қозу көзінің пайда болуына тек тітіркендіргіштің күші ғана емес, бұрын болған әсерлердің және жүйке байланыстарының өткен тәжірибеден қалыптасқан іздері де негіз бола алады.

Бірақ жүйке қозғалысының индукция заңы да, доминанта жөніндегі тағылиммат та динамикадағы зейін құбы-лысын, әсіресе оның ырықты сипатын толық ашып бере алмайды. Оның себебі адамдарда жануарларға тән болмаған өз зейінін мақсат бағдарлы басқара алу қабілетінің болуында. Мақсат қою мен оны нақтыладап отырудан зейін туындауды, тұрақталады және ауысып тұрады. Қозудың басымдау ошағының пайда болуын бірінші және екінші сигналдық жүйкелердің өзара ықпалды байланысымен түсіндірген жөн, себебі қозу тілдік (екінші) сигналдың таңдамалы иррадиация-сымен бірінші сигнал жүйесіне өтеді. Өз кезегінде, алғашқы тітіркендіргіштер сөздік баламаға келіп, мақсатты нақтылауға себін тигізеді де қажетті қозу көзінің одан әрі күш алуына көмектеседі.

Сонымен, зейін табиғаты өзара бір-біріне тәуелді байланыста болған ми құрылымының біртұтас жүйесінің іс-әрекетімен байланысты, бірақ олардың зейін түрлерін реттеудегі ролі бірқалыпты емес.

4. Зейіннің негізгі қасиеттері

Айтқанымыздай, зейін сананың белгілі нысанмен байланысын байқатып, оған бағытталуын білдіреді. Осы бағытталу ерекшеліктері зейін қасиеттерін айқындауды. Бұл қасиеттер тобына зейіннің тұрақтылығы, шоғырлануы, бөлінуі, ауысуы және көлемі кіреді. **Тұрақтылық** - зейіннің уақыт аралығына байланысты сипаты болып, оның белгілі бір нысанға көзделу мерзімінің ұзақтығын андатады. Тұрақтылық - перифериялық (шеткі) және орталық жүйке факторларына тәуелді. Эксперименттік зерттеулерге қарағанда, зейін белгілі уақыт аралығында қайталанып отыратын ырықсыз тербеліс сипатында болады. Бұл тербелістердің уақыт ұзақтығы 2-3 секундтен 12 секундқа дейін созылуы мүмкін (Н. Ланге). Мысалы, сағат тықылына зейін қоятын болсақ, бірде ол тықыл естіліп, бірде байқалмайтынын сеземіз. Ал күрделі объектерге назар аударсақ, ондағы тербелістер басқаша - заттың кейде бір бөлігі, екіншіде басқа бөлігі фигура түрінде елестейді. Бірақ ескеретін жәйт: шын мәнінде, зейіннің өте қысқа уақыт аралығындағы майда тербелістері жалпыланған занылышы сипатына ие емес. Бір жағдайда зейін жиі, ауыспалы қысқа тербелістерге келетін болса, ендігі бір жағдайларда ұзақ мерзімді тұрақтылығымен сипатталады.

Қазіргі күнде дәлелденгендей, зейін тұрақтылығының ең бір мәнді шарты - назардағы нысанның жаңа тараптары мен байланыстарының ашылу мүмкіндігінің болуы. Алға қойылған мақсатқа орай зат көзге алынып, оның бөліктерінің өзара байланыстары мен бір-біріне кірігулерінің жаңа қырларын ашатын болсақ, зейін ұзақ уақыт өзінің тұрақтылығын жоғалттайды. Ал назарға алынған заттың мазмұны одан әрі зерттеуде өзінің жаңа ерекшеліктерін таныту мүмкіндігіне ие болмаса, зейін күйзеліске келіп, аландауға түседі. Басқаша айтсақ, қандай да бір нысанға бағытталған зейіннің тұрақты болуы сананың қозғалысты қалпына байланысты. Көздеңен нысанымыз дамуда болып, өзінің жаңа мазмұнымен ашылып баруы қажетті.

Егер де зейін барша жағдайларда тұрақсыздығымен көрініс тапса, онда қандай да ақыл-ой жұмысы болуы мүмкін емес. Кезегінде, затты тануға ақыл-ой әрекетінің араласуымен зейін тұрақтылығы күшіне түседі. Сонымен бірге, зейін тұрақтылығы біршама жағдайларға байланысты болып келеді. Олардың ішінде: материал ерекшелігі, оның қыындық деңгейі, бұрыннан таныс, не белгісіз болуы, түсініктілігі, субъектінің оған деген қатынасы, сондай-ақ зерттеуші-үйренушінің даралық қасиеттері.

Зейіннің шоғырлануы - оның белгілі бір нысанға бағытталып, онда топталу күші мен дәрежесі, яғни психикалық немесе саналы іс-әрекеттің толығымен қажетті нүктеге шөгүі. Зейіннің шоғырлануы ми қабығындағы қозу ошағының доминанттық қызметімен тікелей байланысты (Н. А. Ухтомский). Дәлірек айтсақ, шоғырлану нысанды

ошақтағы қозудың және сонымен бір уақытта жүретін бас ми қабығындағы басқа аймақтардың тежелуінің салдарынан келіп шығады.

Зейіннің бөлінуі деп адамның өз зейіннің ауқымында бір уақытта бірнеше әртүрлі нысандарда ұстай алу қабілетін түсінеміз. Осы қабілетіне орай әр адам бір мезгілде бірнеше әрекеттерді өз зейінінде ұстап, орындау мүмкіндігіне ие. Мысалы, әйгілі Юлий Цезарь бір уақытта өзара байланыспаған жеті іспен шұғылдана алады екен. Ал Наполеон өз көмекшілеріне бір уақыт ішінде жеті ресми құжат бойынша көрсетпе беріп, жаздыратын қабілетке ие болыпты. Бірақ өмір тәжірибесі көрсеткендей, адам тек қана бір істі, кейде екі істі саналы орындау мүмкіндігіне ие. Бұл жағдайда орындалып жатқан жұмыстың бірі саналы зейінді талап етпейтіндей, автоматтандырылған дәрежеде болуы қажет. Егер бұл шарт сақталмаса, іс-әрекеттерді біріктіріп орындау мүмкін емес.

Зейіннің ауысы зейіннің бір нысандан екіншісіне саналы және байыпты өтуін білдіреді. Зейіннің ауысу қасиетінен біз қоршаған ортаның өзгермелі, құрделі жағдайында жылдам бағыт-бағдар тауып отыру мүмкіндігіне иеміз. Зейін ауыстырудың женіл не қыын болуы әр адамға әртүрлі болып, белгілі шарттарға тәуелді келеді (алдыңғы әрекет пен кейінгі әрекеттің ара байланысы, олардың әрқайсысына болған субъектінің қатынасы). Орындалатын қызмет неғұрлым қызықты болса, оған зейіннің ауысы да оңай, ал іске қөніл соқпаса, оған ден қою да женіл соқпайды. Зейіннің ауыспалылығы саналы, көп қайталанған жаттығуды талап ететін қасиеттердің қатарына жатады.

Зейін көлемі - ерекше құбылыс. Адам бір уақытта әртүрлі заттар жөнінде тендей ойлап, әрқилы жұмыстарды орындауы мүмкін емес. Осыдан сырттан келіп жатқан ақпараттарды адам өзінің өндеу мүмкіндіктеріне орай топ-тап, жіктейді. Сондай-ақ, адамның бір уақытта өзара бай-ланысы жоқ бірнеше нысандарды қабылдау мүмкіндігі де шектеулі. Осы шектер арасын танып, қабылдауы - адам зейіннің көлемін білдіреді.

Зейін көлемін зерттеу үшін адамға бір уақытта талдануы қажет бір топ элементтер ұсынылып (сан, әріп т.б.), солардың ішінен саналы есте қалғаны есептеледі. Мұндай есепті жүргізу үшін **такситоскоп** аппараты қолданылады.

Зейін көлемі өзгермелі құбылыс. Зейін аймағына түсетін элементтер саны олардың мазмұндық біртұастығына және олар арасындағы байланыстарды саналы түсінуге тәуелді келеді. Осыдан, педагогикалық қызметте оқу материалын жүйелестіріп беруге мән аударып, оқушылар зейіннің көлеміне нұқсан келтірмеуді ойластырған жөн.

Зейіннің аландаушылығы - бұл зейіннің бір нысандан екіншісіне ырықсыз ауысы. Мұндай ауысу қандай да іспен шұғылданып отырған адамға тыс тітіркендіргіш әсерлердің ықпал етуінен туынтайтының аландау сыртқы және ішкі болып бөлінеді. **Сыртқы аландаушылық** - субъектіге тыскы, қоршаған орта жағдайларының әсер етіп, ырықты зейіннің ырықсыз зейінге ауысынан болады. Әсіресе адамды аландататын жағдайлар - заттар мен құбылыстардың кенеттен пайда болып, күшті өзгермелі әрі жедел әсер етуіне байланысты. Сондықтан оқушылардың сабак дайындау барысында оларды негізгі ісінен аландататын заттар мен әсерлерді болдырмауға тырысу қажет. Зейіннің **ішкі аландауы** көніл-күй, толғаныс нәтижесінде туынтайтының іске қызықпаудан, жауапкершілікті сезінбеуден келіп шығады. Шәкірт өзінің оқу жұмысымен байыпты әрі тиімді шұғылдануы үшін оның болмысындағы сабактан аландататын көніл күйзелістерін (ашу, ыза, қорқу т.б.) басып отыру керек. Сонымен бірге оқушыларда аландаушылықты кеміту үшін оларда білімге, оны игеруге деген ұмтылыс пен қызығушылықты тәрбиелеп бару өте маңызды қызмет.

Зейіннің шашыраңқылығы деп адамның ұзақ уақыт аралығында өз зейіні мен назарын нақты затқа бағыттай алмауын айтамыз. Шашыраңқылықтың екі түрі белгілі: **жалған** және **шын**.

Жалған шашыраңқылық - адамның бір іске өте беріліп, өзін тікелей қоршаған заттар мен құбылыстар әсеріне елеңдемеуі. Мұндай шашыраңқылық әсіресе шығармашылық жұмыстармен шұғылданатын адамдарда көп кездеседі. Адамның ішкі жан-күйі бағытталуынан болатын шашыраңқылықтың қызметке онша зияны жоқ, солайда болса, оның қоршаған ортада бағдар алып журуінде біраз кедергі жасайды.

Адамға көп нұқсан келтіретін зейіннің түрі - **шын шашыраңқылық**. Мұндай құбылысқа кезіккен адамның өзі ырықты зейінін қандай да бір затқа не әрекетке бағыттап,

тоқтата алуы қындаиды, оның көп ерік күшін жұмсауына тұра келеді. Зейін шашыранқы адамның ырықты зейіні тұрақсыз, аландайға берілгіш келеді. Шын шашыранқылықтың физиологиялық себебі - ішкі тежелу күшінің кемдігінен. Сөз сигналдарының әсерінен туындаитын қозулар жеңіл тарап кетіп, шоғырлануға келмейді. Осының салдарынан зейіні шашыранқы адамның ми қабығында қажет болған қозулардың тұрақсыз көздері орнығады.

Шын шашыранқы зейіннің себептері әртүрлі. Бұлар-ды біліп қою әр мұғалім үшін міндетті талап. Бұлар: 1) жүйке жүйесінің жалпы зақымдануы; 2) қан аздылық; 3) мұрын, тамақ сырқаттарынан миға оттегінің жеткілікті келіп түспеуі; 4) дене мен ой шаршауынан; 5) көңіл-күй күйзелістери.

Шын шашыранқылықтың және бір себебі - мидың күшті әсерлерге көп душар болуынан. Осыдан оқу жылы барысында баланы көп кино көруден, шектен тыс думанды жиылыштардан сактандыру қажет. Шын шашыранқылық тұрақты қызығулардың кемдігінен де болады. Кейбір оқушы-лар жағдайына қарамастан бірден көп іске араласады (спортуйрмесі, кітапхана, ән-күй, тағы-тағысындар), бірақ ешбірімен де ыждағатты шұғылдана алмайды. Осыдан бала зейін шашыранқылығына ұшырып, онды оқи алмайды. Шын шашыранқылық отбасында дұрыс тәрбиенің болмауынан да туындаиды: сабақ дайындау режимінің бұзылуы, ойын мен демалыстың реттелмеуі, еңбектік міндеттерден ажырауы, тілегінің бәрін орындаі беру. Мұғалімнің келеңсіз әрекетінен болатын сабақтағы салғырттық пен енжарлық - оқушылар-дағы шын шашыранқылықтың және бір себебі.

Қайталау және бекіту сұрақтары

1. Зейін дегеніміз не?
2. Зейіннің адам өміріндегі маңызы қандай?
3. Зейіннің санаға байланысты қызметтері қандай?
4. Ғылымда зейін табиғаты қалай түсіндіріледі?
5. Ұрықсыз зейіннің өзіндік сипаты немен белгіленеді?
6. Ұрықты зейіннің ерекшеліктері неде?
7. Үйреншікті зейін деп қай құбылысты атайды?
8. Зейіннің физиологиялық негіздерін айқындаитын фактор-лар қандай?
9. Зейіннің негізгі қасиеттері қандай?
10. Зейін шашыранқылығы қандай себептерден туындаиды?

10-дәрісбаян

ТҮЙСІК

- Жоспары:**
1. Түйсік түсінігі.
 2. Түйсіктер жөнінде ғылыми көзқарастар.
 3. Түйсіктер рефлекторлығы
 4. Түйсік түрлері.
 5. Түйсіктер қасиеті.

1. Түйсік түсінігі

Қоршаған орта мен өз тәніміз жөніндегі біліктердің негізгі көзі - біздің түйсіктеріміз. Олар қоршаған орта мен ағза қалпы жөніндегі ақпараттардың міға жетіп, адамның төніректегі дүние ортасы мен өз тәніне байланысты бағыт-бағдар түзуіне қажетті негізгі өзек, арнаны құрайды. Егер осы өзектер жабық болып, сезім мүшелері керекті ақпараттарды жеткізіп тұрмағанда, ешқандай саналы өмір жөнінде әнгіме ету мүмкін болmas еді. Деректерден белгілі болғандай, тұрақты ақпарат көзінен айрылған адам мүлгіген кейіпке түседі. Мұндай жағдай адамда кенеттен көру, есту, иіс сезу қабілетінен айрылып немесе сана сезімі қандай да сырқатқа байланысты шектелсе, көрініс береді. Бұл кейіпте адам алғашқыда үйқы құрсауына шырмалып, кейін төзіп болmas құйзеліске үшырайды.

Көптеген байқаулардың көрсеткеніндей, ерте балалық шақта керендей пен зағильтікten жеткілікті ақпарат ала алмау-дан адамның психикалық дамуы құрт тоқтайды. Егер соқыр-керең болып туған баланы немесе ерте жастан мұндай халге душар болған субъектіні арнайы оқытып, кемістіктердің орнын толтырудың жолдары мен әдістерін үретпесе, олар-дың психикалық дамуы өрістей алмай, өз бетінше кемелденуі біржола жойылады.

2. Түйсіктер жөнінде ғылыми көзқарастар

Түйсіктер адамға қоршаған орта мен өз тәнінің сигналдарын қабылдап, олардың қасиеттері мен белгілерін бейнелеуге мүмкіндік береді. Олар адамды төніректегі дүниемен байланыстырып, негізгі таным көзі ретінде қызмет етеді, солар арқасында адамның даму мүмкіндігі ашылады. Бірақ аталған тұжырымдардың айдан-анықтығына қарамас-тан, философия тарихында олар бірнеше рет күмәндікпен сынға алынды. Идеалист философтар түйсікті біздің саналы өміріміздің емес, ол табиғаттан берілген, сыртқы әсерлерге тәуелсіз санамызың ішкі қалпы, ақыл-ой қабілетіміз, - деп топшылаған.

Рационализм философиясының негізіне алынған мұндай көзқарас мәні: психикалық процестер күрделі тарихи дамудың жемісі емес, сана мен ақылдың қоғамдық болмысқа қатысы жоқ, олардың бәрі адам рухының түсіндіріп болmas, тұма берілген қасиеті. Идеалистік тұжырымдарды қолдаушы философтар мен психологтар түйсіктердің адамды сыртқы дүниемен байланыстыратыны жөніндегі күмәнсіз ережені жоққа шығарып, олардың адамды қоршаған дүниеден бөлектеп, екі араға ажыратқыш дуал болып түседі деген қисынға келмейтін пікірдің дұрыстығын дәлелдегісі келеді.

Бұл көзқарасты кезінде философ-идеалистер (Д. Беркли, Д. Юм, Э. Max) ұсынып, ал оның негізінде психологтар (Мюллер, Г. Гельмгольц) "сезім мүшелерінің ерекше энергиясы" деген теорияны нақтылады. Бұл теорияның астарында сезім мүшелерінің әрқайсысы (көз, құлақ, тері, тіл) сыртқы дүние әсерлерін бейнелемейді, нақты шындық процестерден хабар бермейді, болғаны - сырттан өзіндік процестерді қоздыруышы ықпалдарды ғана қабылдайды деген пікір жатыр. Бұған идеалистердің келтіретін дәлелі: көзге қандай да әсер болса, жарқыл туындастынын, құлақта механикалық не электрлі әсерден ызың пайда болатынын алға тартады. Осыдан, сезім мүшелері сыртқы әсерлерді бейнелемей, олардан тек қозу күшін алады, ал адам қоршаған дүниенің объектив әсерлеріне үшірамай, сезім мүшелерінің әрекетін бейнелейтін өзінің субъектив кейіпін ғана тани алады дегендегей қорытынды пайымдайды. Бұл сезім көзі-түйсік адамды қоршаған дүниемен байланыстыrmай, олар арасын ажыратса түседі деген сөз. **Субъектив**

идеализм негізіне алынған бұл қорытынды адам тек өзін ғана тануға қабілетті, ол өзінен басқа болмыс барлығын дәлелдейтін ешқандай дерек көзіне ие емес деген кертарапта теорияға арқау болды.

Субъектив идеализм теориясы адамның сыртқы дүниені обьектив бейнелеу мүмкіндігі жөніндегі ғылыми көзқарасқа тікелей қарсы. Сезім мүшелерінің эволюциясын зерделі зерттеу нәтижесінде ұзаққа созылған тарихи дамудың жемісі ретінде обьектив болмыстағы материя қозғалысының формаларын қабылдайтын органдардың (рецепторлар), дыбыстық тербелістерге жауап қатушы тери рецепторларының, сондай-ақ белгілі диапазондағы электро-магниттік толқындарды бейнелеуші көру рецепторларының қалыптасқаны белгілі болып отыр. Организм эволюциясын зерттеу арқылы ғылым адам психикасы сезім органдарының өзіндік ерекше энергиясымен қатынас жасамай, әрқандай сыртқы энергия-ларды қабылдап, оған жауап беретін ерекше сезім мүшесімен байланысқа келетінін дәлелдеді. Ал, құлақ не кезде қандай да әсерден ызың не жарқылдың пайда болуы сол қабылдаушы аппараттың жоғарғы "мамандандырылғанын", сонымен бірге өздерінің жұмыс атқару сипатына тұра келмеген әсерлерге жауап қатпайтынын көрсетеді.

Әртүрлі сезім органдары қызметінің жоғарғы дә-режеде жіктелуі олар негізінде ерекше құрылым – "рецептор-лардың" болуынан ғана емес, сондай-ақ шеткі сезім органдары қабылдаған сигналдарды орталық жүйке аппаратына жеткізуі жоғары дәрежеде "маманданып", жетілген нейрон-дарға да байланысты.

3. Түйсіктердің физиологиялық негізі

Сонымен, түйсік - дүние хақындағы біздің барша білімдеріміздің бастау көзі. Сезім мүшелеріне әсер етуші обьектив заттар мен құбылыстар **тітіркендіргіштер** деп аталады да, ал олардың әсерінен сезім мүшелерінде туындастырылған. Тітіркенуден, өз кезегінде, жүйке тарамдарында қозу пайда болады. Түйсік жүйке жүйесінің қандай да тітіркендіргішке жауапты реакциясы ретінде туындалады. Түйсік жүйке жүйесінің қандай да тітіркендіргішке жауапты реакциясы ретінде туындалады, әрқандай психикалық құбылыс секілді рефлекторлық сипатқа ие.

Түйсіктің физиологиялық механизмі - арнайы жүйке тетігі **талдағыш** қызметі. Әр талдағыш үш **бөліктен** тұрады: 1) сыртқы энергияны жүйке процесіне қосуышы дененің шеткі бөліктерінде жайласқан **рецепторлар**; 2) қозуды орталық жүйке бөлігіне жеткізуі **афференттік** немесе сезімтал жүйкелер; 3) шеткі бөліктен жеткен жүйке импульстарын **өндеуші талдағыштың** ми қабығындағы бөліктері. Анализатор-лардың ми қабығы аймағында нақты рецептор жасуша-ларына сай арнайы мекендері болады. Түйсік пайда болуы үшін барша талдағыштардың тұтастай, бірлікті қызметі қажет. Сонымен бірге олар енжар қабылдаушы ғана емес, тітіркендіргіштердің әсеріне орай икемді өзгеріске келе беретін мүше, мұндай өзгерістерге қажет талдағыштар өз құрылымында қозғаушы тетіктерге де ие. Мысалы, тери қабатына инемен әсер етілсе, ол жер діріл қағатыны байқалады, осындағы тітіркендіргіштерден тамыр тартылуы, тери жиырылуы, көз аудару, мойын бұру, қол қағыстары және т.б. бәрі де түйсік реакцияларына байланысты туындастырылған.

Сонымен, түйсіктер тіпті де енжар процесс емес, олардың белсенділігі ерекше. Бұл процестердің бәрінің де белсенділік сипаты түйсіктердің өзінше жауап әрекетке келу қасиетінен туындалады.

4. Түйсік түрлері

Түйсіктер сезім мүшелерімізге байланысты **көру** түйсігі, **дәм** түйсігі, **иіс** түйсігі, **тері** түйсігі, **кинестетикалық**, **вибрациялық** және **органикалық** болып бірнеше түрге бөлінеді. Ежелден-ақ адам өзінің сыртқы бес сезім мүшесіне орай көру, есту, сипау, иіс және дәм түйсіктерін ажыратқан. Қазіргі кезде сыртқы және ішкі ортаны рецепторда бейнелейтін 20-дан астам түрлі талдағыштар бары белгілі. А. Р. Лурияның пайымдауынша, түйсіктер негізгі екі принцип бойынша жіктеледі: а) **жүйелі-генетикалық** (қызметіне орай), б) **құрылым күрделілігі мен деңгейіне** байланысты.

Түйсіктердің ең маңызды түрлерін үш топқа жіктеу қабылданған: **инteroцептік**,

проприоцептік, экстероцептік.

Интероцептік түйсіктер дененің ішкі процестеріне байланысты, яғни ішек, қарын, жүрек, қан тамырлары мен басқа да ішкі құрылым қатпарларындағы тітіркенулерді миға жеткізіп отырады. Түйсіктердің бұл тобы тірі ағзаларда пайда болу жағынан ең ежелгілердің әрі өте қарапайым түрі. Интероцептік түйсіктердің пайда болуы мен олардың жүрісін түсіндіріп білу өте қыын, сонымен бірге нақты қозу нұктесіне ие емес, яғни диффуздық күйде болады, осыдан бұлар адамның көніл-күй қалпына жақындау келеді.

Проприоцептік түйсіктер дененің көністіктері қалпы жөніндегі ақпараттармен қатамасыз етіп, адам қозғалысының сезімдік негізін құрап, оларды реттеп отырады. Бұл түйсіктер тобының шеткі рецепторлары бұлшық еттер мен буындарда ерекше жүйке тәндері формасында берілген (тельца Паччини). Осы жүйкелік тәндерде пайда болатын қозулар бұлшық еттер созылғанда, буындар қалпы өзгергенде туындастын түйсіктерді бейнелейді. Аталған топқа, сонымен бірге, ерекше қасиеттерге ие тенденстік және тұрақтылық түйсіктері де кіреді. Олардың перифериялық рецепторлары ішкі құлақтың шенберлі сайларында жайласқан.

Экстероцептік түйсіктер ең үлкен түйсіктер тобын құрайды. Бұл түйсіктердің қызметі сыртқы дүние ақпаратын адам сезіміне жеткізу және қоршаған ортамен үздіксіз бай-ланысты орнату. Барша экстероцептік түйсіктер тобы шартты түрде аралық және түйісу түйсіктері деп аталған екі бөлікке жіктеледі.

Түйісу түйсіктері әсерлердің дene бетіне немесе сезу мүшелеріне тікелей жанасуынан іске қосылады. Мұндай түйсіктердің мысалы ретінде тері сезуі мен дәм сезуін келтіруге болады.

Аралық түйсіктері тітіркендіргіштердің сезімтал мүше-лерге біршама қашықтықтан әсер етуінен туындаиды. Бұл топқа жататындар: иіс сезу, есіту және көру түйсіктері.

Генетикалық жіктеуге байланысты түйсіктердің екі топқа бөлу көзделген: 1) **протопатикалық** - өте қарапайым, шарпулы (аффекті), толық жіктеліп, мекенделмеген органикалық сезімдер (ашығу, шөлдеу және т.б.); 2) **эпикритикалық** - жоғарғы дәрежеде жіктеуге келетін, себеп-салдарлы және рационалды (санамен барластырылатын), яғни адамның негізгі сезім мүшелерінде пайда болатын түйсіктер.

5. Түйсік қасиеттері

Түйсіктердің әрқандай түрі өздерінің жеке ерекшелік-терімен ғана ажыратылып қоймастан, өзара ортақ қасиеттерге ие. Мұндай қасиеттер: түйсік сапасы, түйсік қарқыны, түйсік ұзақтығы және түйсіктің көністік мекендігі.

Түйсік сапасы - нақты түйсік түрінің оны басқа түйсіктерден ажырататын және сол түйсік шенберінде көрініс беретін дара негізгі ерекшелігі. Түйсіктердің осы сапалық көп түрлілігі материя қозғалыс формаларының шексіз саналуан-дығын дәлелдейді.

Түйсік қарқыны - түйсіктің сандық сипатын білдіре отырып, өз кезегінде әсер етуші тітіркендіргіштің күші және рецептордың қызметтік жағдайымен анықталады.

Түйсік ұзақтығы - түйсіктің уақыт аралығына байла-нысты сипаты. Бұл қасиет сезім мүшесінің қызметке жарамдылық қалпымен анықталады да, негізінен, тітір-кендіргіш әсерінің уақыт созынқылығы мен қарқынына байланысты келеді. Тітіркендіргіштердің сезімдік мүшеге әсер етуімен түйсік пайда бола қалмайды, ол үшін біршама жасырын (латенттік) уақыт өтуі қажет. Әртүрлі түйсіктің латенттік уақыты әрқылы: мысалы, сипай сезу түйсіктері үшін 130 мс, ауырсыну түйсіктеріне - 370, ал дәм түйсіктері үшін 50 мс өзі де жеткілікті.

Түйсіктің тітіркендіргіш әсерінің басталуымен бірге туындастының дай, оның сөнуі де әсер аяғына тұра келеді. Түйсіктің мұндай инерциясы әсерден соң да біршама уақыт өз жалғасын тауып жатады. Қарсыда жарқырап тұрған шам кенеттен сөне қалса, көз алдыңызда шам орнындағы жарқылдың біраз уақыт елестеуі осы құбылыстан.

Түйсіктер үшін тітіркендіргіштің **көністік мекендігі** де тән қасиет. Әрқандай тітіркендіргіш әсері дene бетінде, жалпы көністікте белгілі мекенге ие. Сондықтан түйісу түй-сіктері тітіркендіргіштер әсер еткен дene бөлігіне тұра келеді.

Түйсік табалдырықтары. Сезімталдық. Бұл психологиялық түсініктер түйсіктердің сандық өлшеміне бай-ланысты қасиеттерінен. Адамның сезім мүшелері - өте

нәзік қызмет тетіктері. Мысалы, адам көзі бір шақырымнан 1/1000 шамаға тең жарық сигналын байқайды. Ал осы бізді тітіркен-діруге келтіретін энергияның соншалықты аздығын мынадан сезуге болады, онымен 1 куб.см. суды 1 градусқа көтеру үшін 60000 жыл қажет екен.

Алайда, көрінген тітіркендіргіш түйсік туындарпайды. Оның пайда болуы үшін тітіркендіргіш белгілі бір сандық деңгейге көтерілуі керек. Түйсік пайда етуші тітіркендіргіш әсердің ең аз мөлшері **түйсіктің табалдырық шыңы** деп аталады. Осындай әсер деңгейіне жетпеген тітіркендіргіштер түйсік табалдырығынан тыста қалады. Мұның мысалы ретінде біздің денемізге әр мезетте түсіп, қонып жатқан көзге көрінбес шан, тозаң түйіршіктерін келтіруге болады.

Табалдырық шыңы деңгейі **сезімталдық шың** шамасын көрсетеді. Түйсік тудыруши тітіркендіргіш неғұрлым әлсіздеу келсе, яғни түйсік табалдырығы төмен болса, сезім мүшелдігің бұл әсерлерді қабылдауы соғұрлым жоғары болады. Сезімталдық шың тек төмен табалдырықпен ғана шектелмейді, оған түйсіктің жоғары табалдырығы да маңызға ие. Сезімнің жоғары табалдырығы деп әліде өзіне сай сезім туғыза алатын тітіркендіргіштің ең шекке жеткен күшін айтамыз. Біздің рецепторларымызға әсер етуші сол құштердің одан әрі көтерілуі дene мүшелерінде ауырсыну пайда етеді (шектен тыс дауыс құлақты жарып жібереді, аса құشتі жарқыл көзді тұндырып, кейін жарыққа қарай алмаймыз). Табалдырық шың (төмен, жоғары) шамасы жағдайларға байланысты өзгеріп отырады: қызмет түрі, адамның жасы, сезім мүшелерінің қызметтік қалпы, тітіркендіру әсерінің күші мен уақыт арасы және т.б.).

Икемделу құбылысы. Ескеретін жәйт, біздің сезім мүшелеріміздің сыртқы әсерлерге жауабы, оларды қабылдау мүмкіндігі өзгермелі, сондықтан жоғарыда әңгіме еткен сезу табалдырықтары өте кең шектерде ауысып отырады. Мысалы, қаранғылықта біздің көру сезіміміз әсерлене түседі де, ал құشتі жарықта оның сезгіштігі бәсендейді. Мұны қаранғы бөлмеден жарыққа шыққанда не жарықтан күнгірт жайға енгенде байқаймыз. Бірінші жағдайда көз қамасып, түк көрмей қалады, көздің құشتі жарыққа үйренісуі үшін біраз уақыт қажет болады, ал екінші жағдайда - керісінше, аса жарық жерден жарығы солғын бөлмеге кірген адам алғашқыда көруден қалып, енді осы жағдайға икемделуі үшін оған 20-30м уақыт керек. Бұл келтірілген мысалдарымыз біздің көру сезіміміздің қоршаған орта жағдайына орай өзгеріске енетінінің дәлелі. Мұндай құбылыс сезім органдарымыздың беріне де тән. Осыдан, сезім мүшелерінің тітіркендіргіштерге біртінде икемделуін адаптация деп атайды.

Түйсіктердің өзара ықпал жасау қасиеті Түйсіктердің қарқындылығы тек қана нақты тітір-кендіргіштердің күші мен икемделу деңгейіне тәуелді болып қалмастан, бір уақытта сезім мүшелеріне әсер етіп жатқан басқа да тітіркендіргіштерге байланысты. Басқа сезу мүшелеріне түсіп жатқан әсерлерден түйсік анализа-торларының өзгеріске келуі - **түйсіктердің өзара ықпалы** деп аталады. Мысалы, құشتі дыбыстық әсер (ысқырық) көру түйсігін арттырады. Кейбір істердің көру мен есту сезімдерін көтеруі не әлсіретуі ғылымда дәллендеген (С. В. Кравцов). Түйсікке байланысты талдағыштар жоғары немесе төменгі деңгейде бір-біріне жүйелі ықпал жасап отырады. Өзара ықпалды өрекетте әлсіз тітіркендіргіштер, талдағыштар сезімін жоғарылатады, ал құشتі тітіркендіргіштер әлсіретеді - бұл жалпы зандалық.

Талдағыштардың өзара ықпалды әсерінен сезгіш-тіктің артуы - **сенсибиализация** деп аталады. Сезгіштік деңгейі-нің жоғарылауы **екі сипатта** көрініс береді (А. Р. Лурия):
1) ұзаққа созылған, тұрақты, ағзадағы қалыпты өзгеріс-терге байланысты;
2) уақытша, субъекті кейпіне, физиологиялық не психологиялық себептерге орай тосыннан болған әсерлерден туынтайтының көзге түсінген жарық мөлшері оның көру қабілетімен қатар, есту түсінінің де сезімталдығын арттыруға себеп болады. Әдетте, қызыл түс адамға ақ, қара түстерді дұрыс ажыратуға жәрдемдеседі.

Тітіркендіргіштер сезім мүшелерінің біреуінде ғана түйсік туғызудың орнына сол сәтте басқа түйсіктердің пайда болуына да жағдай жасайды, яғни қосарласқан түйсік пайда болады. Бұл құбылыс психологияда **синестезия** деп аталады. Мысалы, кейбір адамдар біреудің ас, тағам жөнінде әңгімесін есіти отырып, бұған қоса түрлі дәмдер мен дастархан бетіндегі түрлі түстерді де сезінуі мүмкін.

Синестезия құбылысы - ағза талдағыштарының өзара тұрақты байланыстырылғы мен объектив дүниені бейнелеудегі сезімдер тұтастырының және бір дәлелі.

Қайталу және бекіту сұрақтары

1. Түйсік қызметін қалай түсінеміз?
2. Түйсіктер табиғатына орай қандай теориялар қалыптасқан?
3. Түйсіктердің рефлекторлық сипатын қалай түсінесіз?
4. Түйсік түрлерінің ажыратылуы неге байланысты?
5. Түйсіктердің қандай жалпы қасиеттерін білесіз?

11-дәрісбаян

ҚАБЫЛДАУ

- Жоспары:**
1. Қабылдау түсінігі.
 2. Түйсік пен қабылдау арақатынасы.
 3. Қабылдау қасиеттері.
 4. Қабылдаудың физиологиялық негіздері.
 5. Қабылдау формалары.
 6. Бақылау және қабылдауға тәрбиелеу.

1. Қабылдау түсінігі

Жоғарыда айтқанымыздай, түйсіктер қарапайым бей-нелеудің жеке формаларының шеңберінен шыға алмайды. Ал сыртқы дүниені бейнелеудің шындықты процесі бұл формалардан анағұрлым бай келеді. Адам бірінен бірі бөлектеніп, дербес оқшауланған түр не түс, дыбыс не ііс сезімдерімен шектелмей, заттар мен формалар, күрделі құрылымдар мен жағдайлар әлемінде жасайды, субъекті нендей затты қабылдамасын, оны түйсіктер жиынтығы демей, тұтас бейне деп таниды. Бұл бейнелерді қабылдауда адам бөлектенген түйсіктер шегінен асып, сезім мүшелерінің бірлікті қызметіне арқа сүйеумен біртұтас күрделі жүйеге өтеді. Біріктірудің мұндай түрі бір сезімдік қызмет аймағында да (суретке қарай, біз әртүрлі көру әсерлерін бір, бүтін бейнеге біріктіреміз, сондай-ақ, бірнеше сезімдік қызмет ауқымымен (апельсинді тану үшін біз көру, сипай сезу, дәм, бұларға қоса жеміс жөніндегі білімдерімізді байланыстырамыз) орындалуы мүмкін. Осындай психикалық біріктірудің нәтижесінде ғана дербес түйсіктер біртұтас қабылдауға айналып, дара белгілер мен қасиеттерді бейнелеуден тұтас заттар мен жағдаяттарды тануға ойысамыз.

Бұрыннан белгілі заттарды (кітап, үй) танудың ешбір қыындығы жоқ - қажетті пікірге келу үшін адам қабыл-данатын объектінің бір-екі белгісін біріктірсе, жетіп жатыр. Ал жаңа немесе бейтаныс заттардың қабылданып, танылуы әлдеқайда күрделірек әрі көптеген формалардың бір-біріне қатынасын ұғы негізінде орындалады. Мұндай заттардың толық қабылдануы олардың мәнді тараптарын айыра білу, онша қажетті болмаған белгілерін елемеу арқылы түсінікті болған бөлшектерін біртұтас заттық мағынаға келтіру сияқты күрделі талдау-біріктіру жұмыстың нәтижесінде іске асады.

Қабылдау - аса көп талдап, біріктіру қызметін керек ететін құрылымды әрі белсенді психикалық әрекет. Бұл күрделілік пен белсенділік келесі жәйттерден көрінеді. Ең алдымен, ақпарат ағымы - бұл сезім мүшелері жәй тітіркенуінің нәтижесінде қозулардың шеткі қабылдаушы мүшелерден миға жетуі ғана емес. Қабылдау қызметіне қозғалыс әрекеттері де қосылады (мәнді тетіктерін байқастыру үшін заттарды тұртіп көру мен көзбен шолып шығу; дауыс ағымындағы мәнді ерекшеліктерді анықтау мақсатында тиісті дыбыстарды өуендең не күбірлей қайталау). Сондықтан да, психикалық қабылдау процесін субъектінің затты тануға бағытталған тікелей іс-әрекеті деп қарастырған жөн.

Сонымен бірге, қабылдау өткен тәжірибе іздерін жаңғыртуға да байланысты. Осыған орай субъекті өзіне келіп жеткен ақпаратты бұрыннан бар біліктерімен салыстырады, мәнді белгілерін айырады, жаңа ақпараттың болар маңызы жөнінде болжам жасайды; қабылданған затты тиісті категориялар тобына жатқызу жөнінде үйғарым қабылдайды. Былайша айтқанда, субъектінің танымдық іс-әрекеті көрнекілік пен ойластыру негізінде өтіп, қабылданатын объекті неғұрлым бейтаныс әрі күрделі болса, ондағы көрнекілік басымдау келеді.

Міне сондықтан да, қабылдау барысындағы іс-әрекет ешқашан да бір сезім қызметінің аймағымен шектелмей, бірнеше сезім мүшелерінің жұмысы нәтижесінде қалып-тасады. Және бір, маңызды жағдаят: заттың санада қабылдануы еш уақытта қарапайым, жәй деңгейде орындалуы мүмкін емес, ол психикалық іс-әрекеттің ең жоғары сатысы - тілмен тікелей байланысты. Адам затқа жәй назар аударып, оның қасиеттерін енжар танып қоймastaн, олар ішіндегі мәнді деп есептегендерін айыра талдай және біріктіре, заттық бейнеге келтіріп, оны сөзбен баламаластырады, соның арқасында заттың

қасиеттері мен сапаларын терендете тани отырып, белгілі категориялар тобына қосады. Мысалы, адам уақыт көрсететін механизімді қабылдай, танып, оны "сағат" сөзімен атайды, әрі осы механизм үшін онша қажетті маңызға ие болмаған сағаттың түрі, түсі, көлемі сияқты белгілерге мән бермесстен, оның негізгі қызметтік қасиеті - уақыт көрсетуге айыра зейін аударады. Сонымен қатар, бір сәтте адам қабылданып жатқан затын белгілі категорияға жатқызып, сырттай ұқсас болған басқа категория заттарынан (барометр, компас) айырады. Осының бәрі субъектінің қабылдау іс-әрекеті өзінің психологиялық құрылымы бойынша бейнелі ой ісіне жақын екендігін дәлелдейді.

Сонымен, **қабылдау** - бұл заттар мен құбылыстардың өз қасиеттері және бөлшектерімен бірге, сезім мүшелеріне тікелей әсер етуінің нәтижесінде тұтас түрде бейнеленуі.

2. Түйсік пен қабылдау арақатынасы

Түйсік пен қабылдау өзара тығыз байланысқан жан құбылыстары. Бұлардың екеуі де біздің санамыздан тәуелсіз жасап, түйсік мүшелеріміздің әсерленуінен туындаитын объектив шындықтың сезімдік бейнесі. Бұл тараптан түйсік пен қабылдау өзара жақын келеді. Бірақ **қабылдау** - нақты затты немесе құбылысты сезімдік тануға негізделеді, қабыл-дауда біз көз алдымызға белгілі мағынаға толы адамдар, заттар, құбылыстар әлемін көлтіреміз және олардың бәрінің де өзара күрделі, әрқылдықтына түскенін байқап, білеміз. Осы қатынастар арқасында күесі мен қатысушысы өзіміз болған мәнді де маңызды жағдайлар түзіледі. Ал **түйсік** болса - қоршаған орта әсерінен болатын, бірақ толық жетілмеген, нақты заттың кейіпке келмеген жеке сезімдік қасиеттердің бейнеленуі. Бұл тұрғыдан түйсік пен қабылдау сананың екі әртүрлі формалары немесе заттың дүниеге деген екі бір-біріне ұқсамаған қатынастарын білдіреді. Осыдан, түйсік пен қабылдау өзара бірлікте де, сондай-ақ өзіндік ерекшеліктеріне ие. Олар психикалық бейнелеудің **сезімдік** - **қабылдау** деңгейін құрайды. Бұл деңгейде әңгіме біздің сезім мүшелерімізге заттар мен құбылыстардың тікелей әсер етуінен пайда болатын бейнелер жөнінде болуы мүмкін.

3. Қабылдаудың қасиеттері

Қабылдаудың заттық тектілігі. Қабылдаудың бұл қасиеті оның объектив болмыстық көрінісімен түсіндіріледі, яғни сыртқы дүниeden алынатын ақпарат көзі осы объектив дүниенің өзінде болуы. Заттай қабылдау адамның тұма қасиеті емес, ол өмір бойы қалыптасып, іс-әрекеттің барша саласында бағыттау-реттеу қызметтің атқарады. Қоршаған дүниені заттай тану сол затпен жанасу барысындағы қозғалыс процестерінің негізінде орнығады (И. М. Сеченов). Қозғалыс болмаған жерде біздің қабылдауымыз заттық қасиетінен айрылып, сыртқы ортамен байланысқа келе алмаған болар еді.

Қабылдаудың заттық негізді болуы әрекет-қылышты реттеуде үлкен маңызға ие. Әдетте, біз нақты нысанды басқалардан түрі мен сипатына қарай бөлмейміз, біз үшін бұл жағдайда ең қажетті оның тұрмыстық қажеттілікке жарайтын негізгі қасиеттері. Мысалы, пышақ кесуге жараса - пышақ, болмаса әншайін металл. Қабылдаудағы басты міндет - осы қасиеттерді тану.

Қабылдаудың тұтастығы. Түйсік, жоғарыда айт-қанымыздай, заттардың жеке қасиеттерінен ақпарат жинауға қажет, ал қабылдауда сол заттардың қарапайым бөлшектері жөніндегі біліктірі арқылы тұтастай бейне жаратамыз.

Түйсік құрайтын бөліктөр өзара өте тығыз әрі күшті байланысқан, мұны біз сезім мүшелерімізге кейбір заттардың бір қасиеті немесе бөлігі ғана әсер етуден-ақ біздің санамызда сол заттың күрделі бейнесі туындаиды (мақпал, мәрмәр тас). Мұндай танымның негізінде біздің бұрынғы тәжірибеліде көру мен сипай сезу арасындағы шартты рефлексті қалыптас-қан байланыстар жатыр.

Тұтастық - қабылдаудың құрылымды болуымен бай-ланысты. Қабылдау көп жағдайда біздің мезеттік **түйсіну-лерімізге** тұра келе бермейді, әрі сол түйсіктердің қарапайым қосындысынан жасалмайды. Адам, әдетте, нақты түйсінуден дербестеніп, дерексізденген қорытынды құрылымды қабылдайды, ал бұл қорытындыға келу біршама уақыт өтуін талап қылады. Егер сіз қандай да бір өуенді тыңдай қалсаңыз, алғашқы естіген нотаңыз келесі нота берілгенше құлағыныңдан кетпей қояды. Әдетте, тыңдаушы үшін ән-

куй бірінен соң бірі келетін ноталарымен емес, біртұтас әуенімен мәнді.

Қабылдаудың тұтастығы мен құрылымдығы бейне-ленуші қоршаған дүние нысандарының шындыққа сай өзіндік ерекшеліктерінен туындаиды.

Қабылдау тұрақтылығы (константтығы). Қабылдау тұрақтылығы деп өзгерген жағдайларға қарамастан заттың кейбір қасиеттерінің бір текті сақталуын айтамыз. Өзгерістер орынын толықтыру қабілетіне ие қабылдаушы талдағыштардан құрылатын тұрақтылыққа орай біз қоршаған дүние заттарын бір қалыпты күйінде танып, білеміз. Көбіне заттардың түрі, көлемі мен формасы мызғымас қалпында бейнеленеді.

Қабылдаудың мағыналылығы. Қабылданған нысан тұтас, оның мәні сөзбен беріледі, мазмұны тұжырымдалады. Қабылдау мағынасының қарапайым түрі - **тану**. Тану жалпылап тану немесе **талғаусыз** тану және **даралап** тану болып бөлінеді. Жалпылап тануда нәрселердің жай-жапсары терең біліне бермейді, ал даралап тануда заттар мен құбылыстарды айыру анық әрі толық түрде өтеді.

Апперцепция. Қабылдау процесі тек тітіркенуден ғана пайда болмай, субъектінің өзіне де байланысты көрініс береді. Қабылдайтын көз, құлақ емес, әрекетшөң адам, сондықтан қабылданған бейне мазмұны қабылдаушы тұлға ерекшелік-терімен де сипатталады. Қабылдау нәтижесінің жеке адам психикалық өміріне, оның тұлғалық ерекшеліктеріне тәуелділігі **апперцепция** деп аталады. Қабылдау барысында адамның өткен өмір тәжірибесі үлкен рөл ойнайды. Сондықтан да бір заттың өзін әрқылды адалдар (біліміне, тәжірибесіне, тәрбиеленген ортасына, жасына, үлтүнена, қызметтік дәрежесіне, т.т. орай) әртүрлі қабылдайды.

Қабылдау мазмұны адамның алдына қойған мақсат, мүддесіне де орайлас келеді. Ниет, көңіл шарпуларының ықпалымен қабылдау мазмұны уақытша өзгеріске де түсіү мүмкін. Мұндай уақытша апперцепция адамның әртүрлі алдануы - **иллюзия** салдарынан жаңсақ пікірлер туғызатын жағдайларда болады.

Жүйке жүйесінің ауруға шалдығына байланысты жалған, теріс, бұрманған бейнелер туындаиды. Мұн-дайдағы қабылдау **галлюцинация** деп аталады.

4. Қабылдаудың физиологиялық негіздері

Қабылдау да түйсік секілді рефлекторлы процесс. Оның негізінде қоршаған орта заттары мен құбылыста-рының рецепторларға әсер етуінен үлкен ми сыңарлары қабығында пайда болған шартты рефлекстер мен уақытша жүйке байланыстары жатыр. Ми қабығы бөлектеріне келіп түсken құрамды тітіркендіргіштер күрделі талдаудан өтіп, бірігіп жатады. Қабылдау нысаны талдау арқылы жалпы ортадан (фон) бөліп алынады, сонымен бірге оның барша қасиеттері біртұтас сапалық бейнеге біріктіріледі.

Түйсікпен салыстырғанда қабылдау процесі ми қызметінің ең жоғары талдану-бірігу формасы. Талдау болмай, қабылданатын зат не құбылыстың мән жайына жету мүмкін емес. Мысалы, түсініксіз тілдегі аузыша баянның басы мен аяғын андау мүмкін емес, тұтасқан дыбыстық сарын. Ал енді осы баянды түсініп, қабылдау үшін оны бөлек тіркестер мен сөздерге мағынасына орай жіктеу қажет, яғни естіп тұрғанымызды дұрыс қабылдауымыз үшін талдаумен бір уақытта біріктіру әрекеті де жүріп жатады. Осының арқасында біз дараланған дыбыстарды ғана қабылдап қоймaston, тұтас сөздер мен сөз тіркестерін үғамыз. Мұндағы бірігім уақытша жүйке байланыстарының түзілуімен жасалып отыр. Жалпы қабылдау жүйке байланыстарының екі түріне негізделген: бірінші байланыс түрі талдағыш төңірегінде түзілген де, екіншісіне - талдағыштар арасындағы байланыс-тар себепті. Бірінші жүйке байланысы ағзаға бір текті құрамды тітіркендіргіштердің әсер етуінен болады, мысалы, есту талдағышына әсер етуші жеке дыбыстардың ерекше бірікпесінен пайда болған ән-күй біртұтас күрделі тітіркен-діргіш ретінде қабылданады. Үлкен ми сыңарларында өтетін бірігу процесі мен күрделі синтездің болуынан.

Құрамды тітіркендіргіштердің әсерінен түзілетін жүйке байланыстарының екінші түрі - әртүрлі талдағыштардың аралық байланысынан, заттар немесе кеңістікті қабылдау, көру, қозғалыс, сипап-сезу және басқа да түй-сіктердің өзара байланысынан жүзеге келеді (И. П. Сеченев). Адамдағы үлкен ассоциацияларға нақты зат не кеңістіктегі қатынастарды белгілейтін сөздің дыбыстық бейнесі қосылады. Заттардың көлемі мен жайласу аралығын қабылдауда көру түйсігі бүлшық еттер түйсігімен байланыспай болмайды.

Қабылдау негізінде жатқан уақытша жүйке байла-ныстары объектив дүние заттары мен құбылыстарының шындық арақатынастарының болуынан туындейдьы. Әртүрлі талдағыштар арасында орнықан байланыстардың жәрдемі-мен біз арнайы талдағышты болмаған заттар мен құбылыстар қасиеттерін де қабылдап, бейнелей аламыз (мысалы, зат аумағы, меншікті салмақ және т.б.). Түйсікке қарағанда қабылдау барысында біздің дүниені тереңірек қабылдап, дәлірек тануымыз осыдан.

Сонымен, қабылдау сынды бейне түзуші күрделі процесс негізінде бір талдағыштың өзіндегі және талдағыштар аралық байланыстар жататынын андадық. Осы байланыстар арқылы біз тітіркендіргіштерді жете танып, күрделі тұтастық құраған зат қасиеттерінің өзара ықпалды әрекеттерін ескереміз.

5. Қабылдау формалары

Ғылым болмыс жасауының екі түрлі формасы бар деп санайды. Олар - кеңістік пен уақыт. Бұл формалар шексіз. Уақыт пен кеңістікті түйсіну адамның тіршілік етуіне қолайлы жағдай жасап, дұрыс бағдар көрсетеді. Сол арқылы адам объектив дүниені бейнелегендеге өзінің өмір суретін ортасы жайында қажетті мәліметтерді біліп, тіршілік ету жағдайына бейімделеді.

Кеңістік нысандарын қабылдау - күрделі процесс. Дүниедегі заттардың барлығы кеңістікте орналасқан. Олардың әрқайсысының белгілі түр-түрпаты бар: ұзын-қысқа, енді-енсіз, биік-аласа, ұлкен-кіші т.б. Олар бізден түрлі қашықтықта орналасқан. Кеңістіктегі заттардың көлемін бір көзben **монокулярлық** - көру нәрселердің терендігі жөнінде дәл мағлұмат бере алмайды. **Бинокулярлық** көруде екі көзге түсетін кескін қосылып, нәрсенің бедері айқын сезіліп, бір кескінге айналады. Осылайша көріп, қабылдауда заттар тұтасып, олардың қашықтығы, қоршауы, шамасы, түр-түсі, рельеф-бедері әртарапты байқалып, анық та нақты бейнеге түседі.

Қашықтық пен заттар көлемін қабылдауда көздің **конвергенциясы**, яғни екі көзben көретін затқа бір көздей болып әрекет етіп, жақын жердегі нәрселерді ажыратудан байқалады. Ал алыстағы нәрселерге қарауда олардың екі бөлініп кетуі **дивергенция** делінеді. Көздің түрліше қашықтық-тағы заттарды көруге бейімделу қабілеті **аккомодация** (көз үйрену) деп аталынады. Қашықтықтағы нәрселерді қабылдау адамның өмір тәжірибесімен байланысты. Кеңістікті қабылдау жас кезден басталады. Бұл ретте, орман ішінде өскен бала мен кең далада өскен баланың кеңістікті қабылдауы түрліше болып келеді.

Заттың бағытын қабылдау көздің торлы қабығындағы сөулеленумен қатар дene қозғалысының жағдайына да байланысты. Адам заттардың бағытын тік тұрып, не отырып, көлбеу жағдайда ғана дұрыс қабылдайды. Кеңістікті дұрыс қабылдаудың көлік жүргізуілер, ұшқыштар мен ғарыш-керлер, суретшілер мен өскери қызметкерлер, дәлдік аппарат жасайтын мамандар үшін маңызы зор.

Уақыт та - материя өмір сүруінің объектив формасы. Дүниедегі материя мен заттардың бәрі де кеңістік пен уақыт ішінде қозғалыста болып, оларда қабылдау бірнеше құрылым бірліктері арқылы, құбылыстың белгілі бір ырғағымен өтеді, қарқын дәрежесімен өлшенеді. Қарқын - уақыттың бірізді тездігінің не баяулығының көрсеткіші.

Уақытты қабылдауда субъективті мезеттер ерекше орын алады. Өткен шақ жылдам, қысқа мерзімде өткен сияқты. Оны дәүір, кезең, ғасыр, жылдармен өлшейді. Соған орай өткен уақыттар көмескі болып қабылданады. Осы шақ та ғасыр, жыл, ай, күн, сағатпен өлшенеді. Бұл нақтылы ізben қабылданады. Өткен шақтың тез өтуі, келер шақтың ұзақ болып көрінуі субъектив жағдайларға байланысты. Уақыт қызықты болса, тез өтеді, қызықсыз болса, ұзаққа созылады.

6. Бақылау және қабылдауға тәрбиеу

Қабылдау **ниеттелмеген** (ырықсыз) және **ниеттелген** (ырықты) болып екіге бөлінеді. Ниеттелмеген қабылдауда алдын ала белгіленген мақсат не міндепті көзdemейміз, ол сыртқы орта ықпалынан туындейдьы. Ал ниеттелген қабылдау, керісінше, өуел бастан алға қойылған міндеппен реттеліп, қажетті зат немесе құбылысқа назар аудару мақсаты қойы-лады. Ниетті қабылдау қандай да іс-әрекетке қосылып, оның

орындалу барысында жүзеге асады. Бірақ кейде қабылдау өз бетінше біршама дербес әрекет сипатына да ие болуы мүмкін.

Өз алдына қабылдау дербес іс-әрекет түрінде бақылау процесінде көрінеді. **Бақылау** - бұл қабылдау обьектісіне түскен құбылысты немесе онда жүріп жатқан өзгерістерді белгілі мақсатпен, жоспарлы және ұзақ уақыт аралығында назарда ұстап, зерттеп беру.

Бақылау - адамның қоршаған дүниені сезімдік тануы-ның белсенді формасы. Дербес бағдарлы мақсаты бар іс-әрекет ретінде бақылау алғашқыдан-ақ оның бағытын айқындайтын мақсаты мен міндеттерін сөзбен өрнектеуден басталады. Бақылаудың табысты болуы оның алдына қойылған міндеттің өте анық әрі түсінікті болуына тәуелді. Жоспар-лы ниетtelіп, ұзақ мерзімге созылатындықтан және танымдық мақсатты қабылдау болғандықтан бақылау жұмысы арнайы дайындықты керек етеді (бақыланатын материалмен алдын ала танысу, суреттерін көзден өткізу, заттың сипаттамасымен танысу т.б.). Дайындық барысында аса қажет жұмыстар: бақылау міндеттін түсініп алу, бақылау барысында орындала-тын талаптарды жете тану, күні бұрын бақылаудың жоспары мен әдістерін анықтап алу. Бақылау белсенділігі, яғни бақылаушының зерттеу барысындағы ойлау қабілеті мен жедел қимыл әрекеті үлкен маңызға ие. Затпен айналыса, оған араласа, қатынас жасай отырып, адам бақылаудағы нысанның көп қырлары мен сырларын түбебегейлі біле алады. Әрине мұн-дай жұмыстың жоспарлы әрі бірізді, үздіксіз болғаны жән.

Затты жан-жақты әрі кең бақылау нәтижесінде зерттеуші анық, сонымен бірге жүйелі жұмыс белгілеп, бақылауындағы нысанның әрі бөлігін белгілі тәртіpte бірінен соң бірін қарастыру мүмкіндігіне жетіседі, осыдан ешнэрсе көзден таса қалмайды, бұрын қабылдап, танығанына қайта оралып, уақыт оздырмайды.

Бақылау ісіне болған адам қатынасы үлкен мәнгे ие. Ұзақ жаттығудың арқасында бақылағыштық қабілет дамиды, яғни адам бір көргенге көзге түспейтін, онша қажет еместей көрінетін заттың майда ерекшеліктерін байқауға үйренеді. Бақылағыштық қасиетті дарыту мақсатында келесі жаттығу-ларды орындау қажет: әртүрлі заттарды және олардың тараптарын салыстыру; зат бөліктері арасындағы байланыс пен өзара ықпалына назар аудару; бір қарағаннан заттар мен құбылыстардың көбірек қасиет, сапаларын қамту; елеусіз өзгерістерге де мән беріп, назар аудару; қабылданатын заттың мәнді тараптарын айыру.

Бақылағыштық қабілетті дамыту үшін қабылдаудың нәтижелі болуына қажетті келесі шарттар орындалып баруы тиіс: міндет анықтығы; алдын ала дайындық; жүйелілік; жоспарлы болуы т.б. Адам өмірі мен қызметінің барша саласында бақылағыштықтың маңызы үлкен. Ал адамның бұл қасиетінің қажетті деңгейде болуы үшін оны балалық жастан ойын мен оқу барысында тәрбиелеп бару керек.

Қайталау және бекіту сұрақтары

1. Қабылдау процесінің мазмұндық сипаты қандай?
2. Қабылдау құбылысына байланысты қандай қасиеттерді атай аласыз?
3. Түйсік пен қабылдаудың арақатынасы қандай?
4. Қабылдау физиологиялық түрғыдан қалай түсіндіріледі?
5. Қабылдаудың курделі формаларымен байланысты құбылыстар қандай?
6. Бақылау мен қабылдаудың өзара байланысының мәні неде?

12-дәрісбаян

ЕС

- Жоспары:**
1. Ес жөнінде түсінік.
 2. Ес теориялары.
 3. Ес түрлері.
 4. Ес процестері.

1. Ес жөнінде түсінік

Біздің әрбір толғанысымыз, әсерленуіміз бен әрекет-қылышымыз санамызда біршама уақыт (ұзақ, қысқа) сақта-лып, қажетті жағдайларда қайта жаңғыртуға келетін іздер салатыны баршаға мәлім. Осыдан, өткен тәжірибеліден қалған іздерді жадымызда қалдырып, сақтап, кейін бұрын білгендерімізді жойып алмасстан, оларды қайта танып, жаңғыртумен ақпарат топтауымыз ес деп аталағы.

Сонымен ес - бір-бірімен ұштасқан дара бөлектерден құралған күрделі психикалық процесс. Ес адамға өте қажет жан құбылысы. Оның арқасында субъекті жеке басының өмірлік тәжірибесін жинақтап, сақтап, соңғы пайдасына жаратады.

Жантану ғылыми, осыдан, өз алдына келесі мәселе-лерді шешу міндетін белгілейді: санадағы өткен тәжірибе іздері қаншама уақыт сақталуы мүмкін?; есте қалдырудың ұзақ не қысқа мерзімді болуы неліктен?; ес іздері қандай өзгерістерге түсіу мүмкін?; естің адам танымына ықпалы қандай?

Сұрақтарға жауап іздеуде психология өзінің алғашқы эксперименттерін осы ес проблемасын зерттеумен байланыс-тырды. Өткен ғасырдың 80-жылдары неміс психолог Г. Эббингауз ойлаумен байланысты болмаған таза ес заны-лықтарын ашты: мағынасыз әріп буындарын жаттай отырып, материалды есте қалдырудың негізгі шектерін белгіледі. Ал психиатр Э. Крепелина аталған тәсілді психикалық ауытқуы бар сырқарттардың есте қалдыру (жаттау) әрекетін тексеру үшін қолданды. Адам есінің бекуі және қайта жаңғыруымен бай-ланысты негізгі зандар Г. Э. Мюллер еңбектерінде жария етілді.

Алғашқы кездегі ес зерттеулері көбіне саналы іс-әре-кетпен байланыстырылды, ал XIX ғ. аяғы мен XX ғ. басында ғылыми іздену шенбері кеңеіле түсті, енді талдау аймағына есте сақтаудың жалпы табиғи, адамға да, жануарға да бірдей механизмдері алынды. Бұл түрғыдан зерттеу жүргізген американ психологі Торндайк жануарлардағы дағдылардың қалыптасу занылықтарын ашып берді. Бұл үшін ол жануар-ларды лабиринтте жол табуга жаттықтырып, одан қалып-тасатын дағдылардың бірізді беку процесін байқастырды. XX ғ. алғашқы он жылдығында ес процесін зерттеу жаңа ғылыми формада еніп, ол И. П. Павлов ашқан шартты рефлекстер әдісімен байланысты болды. Есте қалдыруға ықпал жасаушы жаңа шартты байланыстардың пайда болуы мен олардың сақталу жолдары осы И. П. Павлов жаңалығына орай белгіленді. Бұл кезеңге дейінгі психологиялық зерттеулер естің ең қарапайым процестерімен ғана шектелген еді.

Ал естің ең жоғары, адамға өз өмірінің қалаған кезінін жадқа түсіріп, оны пайдалануға мүмкіндік туғызатын ырықты және саналы формалары тек философтар тарапынан қарас-тырылып, олар естің табиғи формаларына қарсы қойылды да, жоғары сананың туындысы деп танылды. Сондықтан да естің жоғары формаларының пайда болуы мен даму себептерін айқындау философ-идеалисттер күн тәртібінде тіпті де қойылмады. (А. Бергсон)

Естің жоғары формаларының жүйелі зерттелуі орыс ғалымы Л. С. Выготский есімімен байланысты. Ол 20-жылдар аяғында өз шәкірттерімен бірлікте естің жоғары формалары-ның дамуы жөніндегі мәселені қозғай отырып, олардың әлеуметтік негізге ие психикалық іс-әрекеттің күрделі түрі екенін алғашқы рет дәлелдеді. Ұлы ғалымның ізбасарлары А. А. Смирнов және П. И. Зинченко естің саналы іс-әрекет-пен байланыстылығы жөніндегі жаңа, әрі мәнді зандарын ашып, есте қалдырудың алға қойылған мақсатқа тәуелді болатынын дәлелдеп-әрі күрделі материалды есте қалдырудың тәсілдерін белгілеп, ұстаз тағлиматын одан әрі толықтырды.

Ес психологиясын зерттеудің біршама нәтижелі болуына қарамастан, естің физиологиялық механизмдері мен өзіндік табиғаты көпке дейін сыр болып, философтар мен психологтар есті "материяның жалпы қасиеті" деуден аспады. Кейінгі 30 жыл ішінде ғана бұл ғылым бағытында кейбір саңлақтар көрініс берді. Бұл кезеңдегі зерттеулер нәтижесінде есте қалдыру, сақтау және жаңғырту тереңде жатқан био-химиялық өзгерістермен байланысты екені анықталып, оның РНК (рибонуклейн қышқылы) құрамындағы ауысуларға тәуелділігі және ес іздерін биохимиялық жолдармен екінші ағзаға егуге болатыны дәлелденді.

Ақырында, ес іздерін сақтауға қажетті ми аймағын табуға және есте қалдыру мен ұмытудың жүйкелік механизмдерін ашуға ниеттелген зерттеулер жарық көрді. Қазіргі күнде ес процесін тану психологиялық, физиологиялық және био-химиялық негіздердегі ізденістерге сүйенүде. Осыдан, адам есі - біртекті қарапайым қызыметтен құралмайтыны белгілі болып отыр. Оның құрамы сан - алуан. П. Линдсей мен Д. Норман естің бір-біріне ұқсамас 3 типі болатынын алға тартады:

1) сезімдік əсердің тікелей, нақты ізі; 2)
қысқа мерзімді ес; 3) ұзақ мерзімді ес.

Сезімдік əсердің тікелей, нақты ізі. Бұл ес жүйесі біздің сезім мүшеміз қабылдаған дүние көріністерін толық әрі дәл сақтауға жәрдем береді. Мұндай жолмен еске түсken қоршаған орта ақпараты есімізде өте қысқа мерзімге ғана орнығып, 0,1-0,5 сек. ішінде жойылып кетеді.

1. Қолыңызды 4 саусағаңызben қағып, кейін одан келген сезімнің қалайша өшетініне мән береніз: қағу тоқтағаннан соң да, болған қаққылау сезімі біршама уақыт сақталып барып, соң жойылады да, кейін тек қаққы әрекеті болғаны ғана есінізде қалады.

2. Көзіңізді біраз жұма тұрып, кейін сәл мезетте ашумен, қайта жұмының. Ашып-жұму арасында қас-қағымда көрген заттарыңыздың бейнесі нақ күйінде көз алдыңызда біраз сақталып, кейін жайымен жойыла бастайды.

3. Қалам не сұқ саусағыңызды көз алдыңызда онды-солды жүргізсеніз, қозғалған затқа оның бұлдыры сағымы ергенін байқайсыз.

Қысқа мерзімді есте жоғарыда баяндалған жүйедегі қарағанда материал басқаша тұрақтайты. Бұл жағдайда есте қалған бейне сезімдік денгейдегі толық көріністей болмай, оқиғаның қандай да бір шағын баламасына сәйкес келеді. Мысалы, сізге қаратылған ақпарат оны құрайтын дыбыстар жүйесінде қабылданбай, біртұтас сөздер қалпында еске алынады. Әдетте, ұсынылған материалдың ең мәнді деген 3-4 бірлігі немесе кейінгі элементтері ғана қабылданады. Саналы, ерік күшін қосумен сол қабылданған сөздік материалды бірнеше рет қайталай отырып, оны есте біршама ұзақ мерзім сақтауға болады. Ал сезімдік естегі нақты бейне қайталан-байды, ол секундке жетпей, жойылады да, ұзарта сақтауға келмейді.

Ұзақ мерзімді ес. Баршаға белгілідей, осы мезетте болған оқиға мен атам заманда жұз берген тарихи жағдайларды есте сақтаудың арасында айтарлықтай өзгешелік бар. Осыдан, ұзақ мерзімді ес - жадта сақтау жүйесінің маңызды да әрі күрделі түрі. Жоғарыда келтірілген 2 ес жүйесінің қамту аймағы өте шектелген: біріншісі - шағын уақытқа жұмыс істесе, екіншісі - материалдың кіші бір бөлігін ғана ұстап қалуға қабілетті. Ал ұзақ мерзімді естің уақыты да, қамту көлемі де шексіз. Бірнеше минуттан артық сақталғанның бәрі ұзақ мерзімді еске кіреді.

Ұзақ мерзімді еске байланысты қыыншылық - бұл санадағы ақпаратты іздестіріп, таңдал, қажеттісін таба білу. Ал есіміздегі мәліметтің көптігі соншалықты, оны санмен айғақтау мүмкін емес. Солай болса да, сана қорымыздан қажетті дерек дер кезінде шыға келетініне таңданбасқа болмайды.

Бірақ ұзақ мерзімді естің де аймақ көлемінің шегі барын мойында масқа болмайды, себебі ол өлшем мимен байланысты. Ғылымда дәлелденгендей, ми 10 млрд. Нейрон-нан тұрады, ал әрбір нейрон аса көп санды ақпарат сақтауға қабілетті. Бірақ әрбір жеке адам миінің есте қалдырып, сақтау мүмкіндігі оның биологиялық, әлеуметтік дамуына тәуелді.

2. Ес теориялары

Ес механизмдерін психологиялық зерттеу тарихы басқа психикалық құбылыстарды

үйренуден гөрі ертерек бастау алған. Алғашқы, кең етек алған естің ассоциативтік теориясы. Бұл теорияның мәні: дүние заттары мен құбылыс-тарының есте орнығы мен қайта жаңғыруы бірінен бірі бөлектенген күйде емес, өзара байланысты "топталған не тізбектелген" (Сеченов) қалыпта жүреді. Осы процеске тәуелді мида есте қалдыру мен қайта жаңғырудың физиологиялық негізі - уақытша жүйке байланыстары түзіледі. Мұндай байланыстар психологияда **ассоциациялар** деп аталған. Ассоциациялардың бірі заттардың уақыт пен кеңістіктегі қатынас бейнесінен, яғни **жанасу ассоциациясы**, екіншісі - олардың ұқсастығынан туған бейнеден, яғни **ұқсастық ассоциациясы**, үшіншісі - қарама-қарсылыққа негізделген **контрастық ассоциациясы**, төртіншісі - себеп-салдарлы қатынастардан туындастын **каузальдық ассоциация**. Бұл бағыттағы теорияны ұсынып, дамытқандар: Аристотель, Юм, Д. Джеймс, Спенсер, И. М. Сеченов, И. П. Павлов.

Естің нейрондық теориясы. Адам миының құпиялары көп жағынан әлі ашылар емес. Ол өте құрылымды. Осы құрделі ақызды жиынтықтың жаңа ақпарат топтап, оны сақтай алу қабілетін қазіргі құндегі психология онда жүріп жататын құрылымдық немесе химиялық өзгерістермен байланыстырып отыр. Бұл теорияның негізгі мәні мынада: есте қалдыру мидың әлектрлік белсендерлігімен, яғни мидағы химиялық не құрылымдық белсендерлік қандай да бір жолмен ағзадағы әлектр қуатын арттырады. Бұл үшін қолайлы ес іздерін іске қосатын жүйке тізбегі болуы шарт. Физиология заңдарына орай нейрон жеткізген импульстер **аксон** (қозуды жеткізу) арқылы бір жасушадан екіншісіне беріледі. Аксонның жасушамен тоғысқан жері **синапс** деп аталады. Жеке бір жасушаның өзіндегі осы синапстың саны мындаған. Синапс негізінен екі түрде қызмет етеді, бірі - қоздыруши, екіншісі - тежеуші. Сонымен, қысқа мерзімді не ұзақ мерзімді естің екеуі де бірдей қозушы немесе тежелуші жүйке элементтерінің бір-біріне әсерінен туындаиды. Айырмасы - қысқа мерзімді ес белгілі нейрондардың уақытша әлектрлік белсендерлігінен болады да ұзақ мерзімді ес нейрондардың тұрақты құрылымынан келіп шығады.

Естің биохимиялық теориясы. Нәсілдік негізде жатқан химиялық процестер ашылуымен ғылымда сол процестің есте қалдыруға ықпалы жоқ па деген ой пайда болды. Әр ағза үшін тән болған генетикалық ақпарат ДНК (дезоксирибонуклейн қышқылы) молекулаларында шоғырланады, ал оны тасымал-дау басқа (РНК) нуклейн қышқылының молекуласымен орындалады. ДНК ағзага тән әр жаңа генетикалық есті өзінде сақтайтындықтан, оның өзі немесе РНК игерілген тәжірибелені де бірден бірге өткізу мүмкін деген болжам жасалды. Эксперименттер нәтижесінде тәнді құрайтын молекуланың химиялық құрылымы тіршілік иесінің тәжірибе топтауымен өзгеріске келетін анықталды. Бұл келесі ҫұрақты туындаатты: үйрету барысында өзгерген РНК молекуласы жаңа пайда болған дағды жөніндегі мәліметті өзінде сақтай ма не сақтамай ма? Эксперимент барысы: жануар қажетті әрекетті орындауға үйретілген. Оның жүйке жүйесінің бір аймағы-нан РНК молекуласы бөліп алынды, кейін ол игерілген білікті екінші жануарға өткізу үшін жаңа ағзага егілді. Үйретілген жануардың РНК молекуласын қабылдаған екінші жануар (жалпақ құрт) алғашқысының дағдысын қайталап берді.

Тағы бір эксперимент. Планари құрттары бір бірін қорек етеді. Егер бір планариді белгілі бір әсерленуге үй-ретіп, оны турал, үйретілмеген екіншісіне жегізсе, онда кейінгі құрт та алғашқысының әрекетін қайталайтыны байқалған (Д. Мак-Коннел).

Аталған эксперимент тәжірибелерден естің ерекше іздері дене молекулаларындағы химиялық бірікпелерде таңбаланып (кодталып), организмде еркін қозғалыста болатыны және олардың бір жануардан екіншісіне ауыса-тыны толық дәлелденді.

3. Ес түрлері

Есте қалдыру және қайта жаңғырту үшін жұмсалатын әрекеттердің сипатына орай естің әр түрі келесі **негізгі үш өлшемге** сәйкес болуы шарт: 1) әрекеттегі басымдау болған психикалық белсендерліктің сипаты бойынша ес - **қозғалысты, сезімдік, бейнелі** және **сөз - логикалы** болып бөлінеді; 2) іс-әрекет мақсатына орай ес - **ырықты** және **ырықсыз** болуы мүмкін; 3) дүниелік іс-әрекеттегі рөлі мен орнына тәуелді жатталып, сақталу мерзімінің мөлшеріне байланысты - **қысқа** мерзімді, **ұзақ** мерзімді және **нақты**

қызметтік естер ажыратылады.

Қозғалысты ес - әрқилы қимыл-қозғалыстар мен олардың бірлікті жүйесін есте қалдырып, сақтап және қайта жаңғырту. Кейбір адамдарда осы ес түрі басқаларынан гөрі басымдау келеді. Ондайлар, мысалы, музикалы шығарманы дауыспен қайталай алмаса да, бимен көрсетуге шебер. Ал екінші біреулердің қозғалысты есі тіпті шабан. Бұл ес түрінің әрқандай енбектің дағдыларын қалыптастыруды, балалардың жүру, жазу әрекеттерінің қалыпқа түсүндегі және т.б. маңызы өте үлкен. Қозғалысты ес болмағанда, біз қажетті әрекет пен қимылдарымызды әрдайым жаңадан үйреніп баруымызға тұра келер еді. Жақсы дамыған қозғалысты ес адамның әрекет еп-тілігінен, енбектегі үқыптылығы мен "бармағынан өнер тамғанынан" көрінеді.

Сезімдік ес. Әдетте, қажеттеріміз бен қызығулары-мыздың, қоршаған ортамен қатынасымыздың қаншалықты тиімді не зиянды, ұнамды не жағымсыз орындалып жатқанын көңіл-куйімізben танытамыз. Осыдан, көңіл-куй есі адам өмірі мен іс-әрекетінде өте үлкен маңызға ие. Басымыздан өтіп, есімізде сақталған сезімдер әрқашан бізді әрекетке ынталандырады немесе өткенде жағымсыз әсерлерге тап келтірген оқиғалардан сақтандырады. Сізben қатынасқан адамның көңілін аулау, оқыған кітабыныздың кейіпкерімен қосылып, толғанысқа түсүніз осы сезімдік еске негізделген.

Бейнелі ес - елестерге, табиғат көріністеріне, сонымен бірге дыбыстар, дәмге негізделген жад іздері. Ол көру, есіту, сипай сезу, істік және дәмдік болып бөлінеді. Егер көру, есіту естері әрбір жете дамыған адамның өмірлік бағыт-бағдарында қалыптасады болса, онда сезімдік, істік пен дәмдік естер адамның кәсіптік қасиеттеріне жатады. Сәйкес түйсіктер сияқты мұндай ес түрлері іс-әрекет шарттарына орай қарқынды дамып, кейде кемістігі болған ес түрлерінің орнын толықтыруды керемет деңгейлерге көтерілуі мүмкін, мысалы, соқырдың денесімен сезінуі, естігіштігі, ал кереңнің көргіштігі, іскей, жанаса сезігіштігі т.б.

Сөздік-логикалы (мағыналы) ес мазмұнына біздің ой-өрісіміз кіреді. Ой тілсіз өрнектелмейді, сондықтан ой тек мағыналық ғана болмай, сөзді-логикалы болатыны осыдан. Біздің ойымыз әртүрлі тіл формаларымен берілетіндіктен, оны қайта жаңғырту материалдың тек негізгі мазмұнын жеткізумен не сөзбе-сөз қалтықсыз қайталануымен жүзеге асуы мүмкін. Егер кейінгі жағдайда жадқа алатының мағыналық өңдеуге түспейтін болса, онда оның өзгеріссіз жадталуы логикалы емес, механикалық жаттауға айналады.

Сөзді-логикалық, мағыналы есте басты мән екінші сигналдық жүйеде. Сондықтан да, қарапайым формадағы қозғалыс, бейнелі және эмоционалды естер жануарларда да байқалатын болса, мағыналы ес түрі адамға ғана тән қасиет. Сөзді-логикалы ес басқа ес түрлерінің дамуына арқа сүйей отырып, оларға жетекшілік етеді және өз дамуымен олардың жоғары деңгейге көтерілуіне ықпалын тигізеді. Оқу процесіндегі шәкірттің білім игеруі мен топтауы, негізінен, осы мағыналық еске байланысты.

Іс-әрекет мақсатына байланысты ес - ырықты, ырықсыз болып бөлінеді. Арнайы есте қалдыру не еске түсіру мақсаты болмаған психикалық процесс - ырықсыз көрініс беріп, ал егер бұл процесс мақсатты бағдарланған болса, ырықты сипатқа ие. Кейінгі жағдайда есте қалдыру мен қайта жаңғырту арнайы мнемикалық (жаттау, еске түсіру) әрекет-терге орай жүзеге келеді.

Ырықсыз не ырықты болудан ес дамуының бірізді, кезекпен келетін 2 деңгейі құралады. Адам өмір тәжіри-бесінің көбі ырықсыз ес жәрдемімен жинақталып, соның арқасында арнайы дайындықсыз-ақ қажетті болған тұр-мыстық біліктеріміздің қоры қалыптасады. Бірақ іс-әрекет барысында адамның өз іс-әрекеттерін басшылыққа алу қажеттігі де туындалған қалады. Бұл жағдайда іске ырықты ес қосылады да, осыдан бізге керекті болған материалды алға ниет қып белгілеумен жаттаймыз немесе еске түсіреміз.

Кейінгі жылдары зерттеушілер назары есте қалды-рудың бастапқы кезеңіне, сыртқы әсерлер іздері бекінгенге дейін өтетін процестерге аударылуда. Қандай да материал есте қалдырылуы үшін, ол субъекті тарарапынан тиісті дәрежеде өндөліп, игерілуі тиіс. Ал бұл үшін белгілі уақыт аралығы қажет, яғни сырттан түскен әсерлердің басы бірігетін уақыт. Бұл процесс - жаңа ғана болып өткен оқиғаның біздің субъектік санамызда бірден ұмытылмай, онда толғаныс пайда етуі: болып өткен оқиға енді жоқ болса да, біз

оның көріністерін елестетеміз, құлағымыздан шуы кете қоймайды. Мұндай процестер тұрақты болмайды, жойылып та кетеді, бірақ тәжірибе топтастыру механизмдерінің қызметінде үлкен рөл ойнағандықтан, ол есте қалдыру, бекіту және қайта жаңғырту үшін қажетті естің ерекше формасы ретінде - **қысқа мерзімді ес** деп танылған. Бұл ес түрі, жоғарыда көрсеткеніміздей, материалды аз уақыт аралығында ғана сақтау мүмкіншілігіне ие.

Нақты қызметтік ес адамның нақты іс-әрекет мезеті мен қажетіне орай қозғалыстар және қимылдарды орындаудың байланысты іске қосылады. Қандай да бір курделі әрекетті орындау үшін оны бөлшектеп алуымыз керек, кейін әрекеттің әр бөлігі бойынша нәтижеге келіп, екіншісіне өтеміз. Осы екі арадағы нәтиже сол мезеттегі қажеттігімен есімізде тұрады, ал ақырғы көзделген мақсатқа жақындаған сайын есіміздегі алдыңғы бөлік нәтижелері әрқайсысы өз кезегімен ұмытылып, естен шығып, келесі әрекет бөлігінің ақпаратына орын босатқандай болады. Орындалатын әрекет бөліктерінің көлемі мен аумағы әртүрлі, мысалы, балақай жеке әріпті қинала танудан бастаса, ересек адам, тіпті маман болса, кітап беті мазмұнын тұтастай қабылдауды мүмкін. Қызметтік естің жоғары деңгейде, нәтижелі болуы адамның **ниетті жаттығуларына** байланысты.

4. Ес процестері

Есте қалдыру. Есте қалдырудың бастапқы формасы - ырықсыз, ниетtelмен мемникалық әрекет, яғни мақсаты болмаған, арнайы тәсілдерді қолданбай-ақ жадта қалдыру. Бұл - болған әсерден ми қабығындағы кейбір қозу іздерінің санада бекіп қалуы. Ми қабығындағы әрқандай процесс соңында бекімі әр деңгейде болған із қалдырады.

Әмірде кездестіргендердің көбі адам есінде ырықсыз орнығады: тәніректегі заттар, құбылыстар мен тұрмыстық оқиғалар, адамдардың қылыштары, әншейін оқыла салған кітап мазмұны т.б., ал енді олардың әрқайсысының жадталуы бірдей емес. Әдетте, адам үшін өмірлік маңызды нәрселер, қызығулары мен қажеттіліктеріне орай және іс-әрекет мақсаты, міндетіне байланысты заттар мен оқиғалар женіл есте қалады. Тіпті ырықсыз есте қалдырудың өзі де таңда-малы сипатты, адамның тәнірекке қатынасының берік не әлсіз болуынан.

Ырықсыз есте қалдырудан адамның алдына мақсат қоюынан болатын ырықты, ниетtelген есті ажыратада білу керек. Мұндай есте ақпараттардың санада бекіп қалуы үшін адам арнайы тәсілдер қолданады, курделі ақыл-ой әрекетін пайдаланады. Оқу барысында ниетті есте қалдыру көп жағдайда жаттап алу формасында орындалады, яғни оқу материалы толық әрі мұлтіксіз жатталғанша, көп мәрте қайталанады. Жаттап алушы мақсат етіп қою маңызды рөл ойнап, ол есте қалдыру үшін болған барша іс-әрекеттің мәнін айқындайды. Осыдан, ырықты есте қалдыру ырықсыз, ниет-телмен міндеттік есте қалдыруға қарағанда анағұрлым өнімді келеді.

Әмір барысында біз қабылдайтын заттың көбі ал-дымызға қойған арнайы мақсаттарға негізделмесе, есте тұрмайды. Сонымен бірге, егер алға осы міндет қойылып, оны іске асыру үшін қажет болған шаралар орындалып барса, есте қалдыру тиімді нәтижеге жетіп, санада берік орнығады. Бұл жағдайда жалпы міндеттер белгіленумен бірге (тұтастай жаттап алу), жеке, арнайы міндеттердің де болғаны жөн. Мысалы, бір жағдайда негізгі, басты ой-пікірді есте қалдыру мақсаты тұrsa, екіншіде - сөзбе-сөз жаттап алу, ал үшінші бірде - деректерді тізбектей жаттау ниеті тұрады.

Түсінікті болатын да, есте қалатын да ең алдымен біздің іс-әрекетімізben тікелей байланыстағы заттар, құбылыстар. Бірақ біздің мақсатты әрекетіміздің мазмұнынан тыс, ырықсыз есте қалдыруға негіз болған әрекетке енбеген нәрселер көбіне ырықты есте қалдырудың бол-мағанынан ойда қала бермейді. Қалай болғанда да ес-керілетін жәйт: біздің жүйелі білімдеріміздің көбі арнайы әрекет-шаралардың нәтижесінде пайда болады, жинақталады. Мұндай ниетті әрекеттің басты мақсаты - қажетті материалды есте сақтап қалу. Есте қалдыру және тұрақтанған материалды қайта жаңғыртуға бағытталған мұндай әрекет **мемникалық әрекет** деп аталады. Мемникалық әрекетте адам өзіне ұсынылған материалдан қажетті бөлігін таңдап, оны есте қалдыру міндетін қояды. Барша жағдайда адам өзіне есте қалдыруға ұсынылған нысанды басқалардан айыра біліп, қосымша әсерлерге берілмей, қайта жаңғырту кезінде сол материал шеңберінен ауытқымауы

қажет. Мнемикалық әрекеттің таңдамалылығы осында. Материалды жаттап алу, оны есте сақтау және жатталғанды еске түсіру мақсатында өт-кендегілерді саналы сараптау - саналы іс-әрекеттің айрықша формасы болып саналады.

Механикалық және мағыналық есте қалдыру. Есте қалдырудың табысты болуы адамның жадында сақтауға қажетті болған материалының мағынасын толық түсіне білуіне тәуелді. Механикалық жаттауда сөздер, заттар, оқиғалар мен әрекеттер қабылдау негізіндегі ретімен, қандай да бір өзгеріссіз, сол қалпында есте орнығады. Мұндай есте қалдыру барысында адам жатталуға тиіс нәрселердің кеңістік пен уақыт ішіндегі өзара жақындығына сүйенеді. Ал мағыналы есте қалдыруға келетін болсақ, ол материал бөлшектері арасындағы көзден таса, ішкі логикалық байланыс-тарына негізделеді, яғни мұндай естің астарында екінші сигналды жүйенің жалпыланған байланыстары жатады. Осы-дан, мағыналы есте қалдыру оның механикалық түрінен өлдекайда тиімді келеді. Механикалық жаттау тиімдігі шамалы, көп еңбектеніп, сан мәрте қайталауды керек етеді; мұндай жолмен жатталғандар қажетті кезінде еске түсе бермейтіні де бар. Ал мағыналы жаттау адамды шектен тыс еңбектерден азат етіп, үлкен де нық нәтижелерге кенелуіне жол ашады.

Түсінімді және берік есте қалдырудың шарттары. Материалды түсініп, ұғы үшін әртүрлі әдістерді қолдануға болады. Игерілетін материалдың өзекті ой топтары бөліп алғынып, жоспар түрінде өрнектеледі. Жоспардың әрбір атамасы - мәтіннің белгілі бөлігінің жалпыланған тақырыбына айналады. Бір бөлшектен екіншісіне өте отырып, материалдың негізгі мағыналарының логикалық бірізді тізбегі құрылады. Мәтінді қайта жаңғырту кезінде қажетті материал жоспар тақырыбы төңірегіне шоғырланып, оны еске түсіру жөнілдейді. Жоспар түзуге машықтану адамды окуға, қызық-тырған мәселелердің ішкі байланысы мен тәртібін байқап баруға үйретеді. Жоспар түзіп жаттауға дағыланған окушылардың білімі жоспарсыз есте қалдыруға тырысқан шәкірт-тердің білімінен анағұрлым артық та берік болатыны сөзсіз.

Материалды ұғудың пайдалы әдісі - **салыстыру**, яғни заттар, құбылыстар мен оқиғалар арасындағы бір-біріне ұқсастық пен ерекшелікті тани білу. Мұғалім көп жағдайда балаларға жаңа танымды түсіндіруде оны өткендегілермен салыстырып отырады, осылайша ол жаңа материалды окушыларда қалыптасқан білім жүйесіне ендіріп барады.

Материалдың түсінімді болуы оның **нақтылығында**. Бұл үшін жалпы ережелер мен анықтамаларды нақты, күнде-лікті өмірде кездесетін есептер мен мәселелерді шешу, байқаулар мен дәрісханалық жұмыстар арқылы түсіндіріп бару қажет.

Есте берік қалдырудың жолы - **қайталарап тұру**. Бұл білім, ептілік, дағдыларды игерудің өте маңызды шарты. Бірақ мұндай іс-әрекет өнімді болуы үшін қайталау жұмыстары белгілі талаптарға сай орындалуы тиіс: қайталау белсенді және әртүрлі болуы лазыым (мысалдар келтіру, сұрақтарға жауап беру, схема сызу, таблица түзу, көрнекі құрал жасау т.б.). Белсенді қайталау барысында екінші сигналдық жүйе жанданып, материалды үғына түсінуге нәр береді.

Қайталаудың әртүрлі формада іске асуы, игерілетін материалдың өмірмен, күнделікті тұрмыстық **тәжірибемен** ұштасып баруы есте қалдырудың толыққандылығын қамтама-сыз етеді. Енжар қайталаудан пайда шамалы. Қайталау уақытын реттестіріп барған жөн. Уақытқа байланысты қайталау екі әдіспен орындалады: **жинақты** және **бөлшек-тенген**. **Бірінші** әдісте материал бір отырыста жатталады да, оның қайталауы үздіксіз, бірнеше рет орындалады. Мысалы, окушының өлеңді жаттап алуы үшін 12 қайталау қажет болса, ол сол мәтінді 12 рет оқып, толық есте қалдырмағанша, жұмысын үзбейді. Ал **бөлшектенген** қайталауда мәтіннің әр оқылу арасы бірқанша уақытпен ажыратылады. Бөлшектенген қайталау жинақты қайталаудан тиімділеу. Уақыт пен қуат үнемделеді, білім игерілуі мен жадта қалуы берік болады. Сондықтан да тәжірибелі мұғалімдер оку материалын бүкіл жыл бойы қайталарап баруға тырысады, бірақ жиі қайталау-лардан балалар жалықпасы үшін олардың түрін, формасын, әдістерін алмастырып отырады, өткен материалды жаңа байланыстарға қосып барады.

Психологияда жаттау әдістерінің **3 түрі** аталған: **тұтастай, шамалап, аралас**. **Бірінші** әдіс - материал мәтіні бастан аяқ, тұтастай бірнеше рет, толық игерілгенше қайталаанады. **Екіншісінде** - материал бірнеше бөлікке ажыра-тылады да, әрқайсысы өз

алдына бірнеше қайталанып, жатталады. *Ушинші әдіс* - аралас жаттауда тұтастай игеру және шамалап есте қалдырумен материал элементтері біріктіріледі. Бүтін материал алдымен толық, көлеміне орай бір, не бірнеше рет оқылады, кейін қыын тараулары бөліп алышып, өз алдына жатталады, ақырында бүтін мәтін қайтадан толық жаттауға түседі.

Есте қалдырудың нәтижелі болуы материал сипатына да тәуелді. Көрнекі-бейнелі нысан жалаң сөзден гөрі тәуір есте бекиді; мағыналы ұштасқан мәтін жеке, байланыссыз сөйлемдерге қарағанда оңай жаңғыртылады. Түсіндірме мәтіндермен салыстырғанда суреттеме мәтіндер оқушылар есінде тез орнығып, ұзақ сақталады.

Табысты есте қалдырудың және бір тиімді жолы қажет материалды **жүйелестіре білу**, яғни есте қалдыруға керек болған заттарды қандай да белгілері бойынша топқа жіктең, біріктіру, мысалы, түріне, көлеміне, формасына, оқиғалардың өту уақтына т.с.с.

Есте сақтау. Адам есінде қалдырғанды біршама уақыт аралығында есте сақтап тұру қабілетіне ие. Есте сақтау ес процесінің құрылымдық бөлігі ретінде өз занылыштықтарына бағынады. Есте сақтау **динамикалық** және **статикалық** түрде көріні мүмкін. Динамикалық есте сақтау мезетті қызметі есте орын иеленіп, ал статикалық - ұзақ мерзімді есте әрекет-ке келеді. Динамикалық есте сақтауда жатталған материал өзгеріске түс бермейді, ал тұрақты есте, керісінше, қайта құрылып, өндөледі.

Ұзақ мерзімді есте сақталатын материал сырттан үздіксіз келіп жатқан жаңа ақпараттардың әсерінен үдайы қайта жасалып жатады. Мұндай процесте естің жаңағанануы әртүрлі формада өтуі мүмкін: есте сақталған материалдың кейбір бөліктері жойылады, бірінің орнына екіншісі келеді, материалдың орналасу кезегі өзгеріске түсіп, қажет бір жалпылыққа келтіріледі. Бұның барлығы қайта жаңғырту кезінде байқалады. Ақпараттың сақталғаны және оның өзгеріске түскенін естің келесі екі процесінде анықтау мүмкін, бұлар - тану мен қайта жаңғырту.

Тану және қайта жаңғырту. Қандай да нысанды тану сол объекті қабылдау кезінде көрінеді, яғни объекттің қабылдануы адамда бұрыннан қалыптасқан ес немесе қиял елестері негізінде іске асырылады.

Затты не құбылысты тани отырып, біз оны белгілі бір категориялар тобына жатқызамыз. Тану өзінің дәлдігі және толықтығына орай әртүрлі дәрежеде болуы мүмкін. Танудың ең төменгі дәрежесі адамның алдындағы затты дәл біле алмай, тек шырамытуынан білінеді. Ал аса жоғары тану дәрежесі адамда қабылданатын зат бойынша ешқандай күмәні болмаған жағдайда байқалады; толық тануда субъекті қабылданып жатқан нәрсені қалтқысыз белгілі топқа жатқызып, онымен қандай жағдайда кез болғанын айтып бере алады немесе оны танитыны жөнінде қосымша айғақтар келтіреді.

Қайта жаңғыртудың танудан өзгешелігі: ол танудан соң іске асады немесе тіпті тікелей танусыз-ақ, одан тыс жүзеге келуі мүмкін. Сондықтан да бұрынғыны қайта жаңғырту процесі танудан гөрі күрделірек келеді. Мысалы, оқушы мәтінді қайта оқи отырып оңай таниды, ал кітап жабық болып, мәтінді тікелей көрмесе, ол, әлбетте, біраз қиналады.

Қайта жаңғырту материал бөліктерін өз кезегімен еске түсіру арқылы жүргізіледі, бұл жағдайда іске белсенді еріктік әрекет қосылады.

Материалды еске түсіруде жоспарлы берілген сұрақтардың көмегі үлкен. Сұрақтар баланы негізгі мақсатқа жетелеп, материал мәтіндері арасындағы уақытша байланыстарды қоздырып отырады. Кейде сұрақтар орынсыз қойылып, екішты болса, баланың материалды еске түсіруіне кедергілік етеді. Бұл мұғалімнің есінде әрдайым сақталғаны жөн. Қайта жаңғырту ырықты және ырықсыз орындалуы мүмкін. Еске түсіру - бұл әрқашан ырықты, ниетtelген әрекет: адам алдына күні бұрын еске түсіруді мақсат етіп қояды, ол үшін ой толғанысына батып, ерік күшін қосады. Ал ырықсыз жаңғырту өздігінен жүріп жататын процесс, оның негізінде дүние заттарының уақыт пен кеңістікте болған ұқсастық, сыйбайластық немесе қарама-қарсылық байланыстары жатады.

Қайта жаңғырту тікелей немесе жанама болып бөлінеді. Тікелей қайта жаңғыртуда аралық байланыстарды еске түсірудің қажеті болмайды (мысалы, көбейту кестесін жатқа айтып беру). Жанама қайта жаңғыртуда адам байланыс-тырушы аралық тетіктерді пайдаланады, олардың ішіне жаңғыртылуы тиіс материалға қатысы бар тірек сөздер, бейнелер, сезімдер мен әрекеттер кіреді.

Ұмыту. Ұмыту процесі еске түсіре алмау немесе тану мен қайталап айтып берудегі қателесуде көрінеді. Ұмытудың физиологиялық негізі - уақытша жүйке байланыстарын жандандыруға кедергі етуші ми қабығындағы тежелу әрекеттері. Қебінесе бұл жағдай материалды еске сақтап тұруға ниеттелген қайталаулардың уақытыны болмауынан туындаитын, ойда қалдыրғанды бірте-бірте сөндіріп баруши тежелу процесіне байланысты. Толық жаңғырта алу мен бүтіндей ұмыту аралығында психологияда "ес деңгейлері" деп аталған тану кезеңдері байқалады. Мұндай деңгейлер үшеу: 1) қайта жаңғыртушы ес; 2) тану есі; 3) тану мен жаңғыртуды жеңілдетуші ес. Мысалы, окушы өлеңді жаттап алды. Егер уақыт өтуімен шәкірт жаттағанын түгелдей жаңғырта, айтып берсе, онда балада бірінші деңгейдегі, ең жоғарғы естің болғаны; егер окушы жаттағанын айтып беруде көп қателессе, бірақ оны кітаптан немесе басқаның айтуында тани алса, екінші деңгейлі еске ие болғаны; егер окушы жаттағанын өз бетінше кітаптан да, басқаның еске салуымен де қайталап, айтып бере алмай, бірақ толық еске түсіріп, айтып беру үшін, қайта жаттауда аз уақытта нәтижеге ерісе алса, онда үшінші деңгейлі еске ие болғаны.

Ұмыту материал құрылымын түзуде, яғни жоспар-лауда, оның кейбір мәнді бөлшектерін назардан тыс қал-дыруда, жаңа жаттағандарын ескілерімен шатастыруда көрініс береді. Ұмытшақтықты жеңу үшін оның туындауына себепші келесі заңдылықтарды білу қажет:

1. Ұмытудың уақыт ішінде желісі әртүрлі. Жатталған-ның есте тұрмауы әсіресе материалды бірінші қабылдаудың ізін ала болады, ал кейін дейділеген ақпарат ұмытыла бермейді.

2. Қабылданған материалды қайталап бару жұмыс-тарын кейінге ысырып қоймай, дер мезгілінде орындалап тұрған жөн.

3. Қабылдаудың ізін ала ұмытылған материал бір-қанша уақыт өтуімен қайта еске оралады. Бұл құбылыс психологияда **реминисценция** деп аталған.

4. Материалдың тез ұмытылуы, оның түсініксіздігінен, мағынасына жете ене алмағандықтан да болады. Сондықтан әрдайым мұғалім ұсынылған материалдың жеткілікті деңгейде түсінімді болғанын анықтап алғаннан соң ғана оны есте қалдыруға байланысты жаттығуларға өткені дұрыс.

5. Адамның ұмытшақ болуының үлкен бір себебі- оның айналысқан материалының қызықты болмай, тұрмыс-тық қажеттілікпен байланыспауынан келіп шығады. Осыдан да ересек адамдардың көбі өз көсібіне, өмірлік қызығуларына орай өткен оқиғалар мен кезіккен ақпараттарды жадынан шығармайды.

6. Ұмыту желісі материал көлемі мен оны игеру қыыншылықтарына тікелей байланысты.

7. Ұмыту процесінің кем болуы үшін жаттау қызметі-нен кейінгі іс-әрекет алдыңғы жаттауға кедергі болмай, оны қайталауға байланысты жұмыстармен ұштастыруға мүмкіндік бергені орынды.

8. Ұмытшақтықа себепші көп факторлардың ішінде аса қатерлісі адам жүйке жүйесінің әртүрлі сырқаттарға шалдығуы мен бас құрылымының кездейсоқ соққылар мен жарақаттар алуы. Ұмыту қызмет бабымен шаршауға да бай-ланысты. Қажетті материалға назар аударуға кедергі келтіретін шектен тыс әсерлер де ұмытшақ болуға өз ықпалын тигізбей қоймайды.

Ұмытшақтықпен куресте жоғарыда келтірілген жаттау-дың ғылыми негізделген әдістерін білу көп жәрдемін тигізері сөзсіз. Бұл ұсыныстарды елемеуден материалды есте қалдыру мен есте сақтау үшін бекерге уақыт жойып, көп еңбек сарп етіп, ақырында межелеген нәтижеге жете алмай қалу екінің бірінде болатын жағдай.

Естің бұзылысы. Ес қызметінің қажетті деңгейінен кері ауытқуы астарында психологиялық талдауды қажет ететін әртүрлі жағдаяттар жатыр. Мидың психикалық қалпы ең алдымен ес бұзылысынан көрінеді. Мұндай ақыл-ес сырқаты көбіне ағымдағы оқиғаларды есте қалдыруға қажет болған ырықсыз (тікелей) естің бұзылуымен байланысты, яғни адам жаңа ғана көрген, білгенін қас қағым уақыт өтпей ұмытады, бірақ өткендегілерін түгелдей, жақсы болжастыра алады. Науқас адам атам заманда не оқығаны, қандай қызмет атқарғаны жөнінде жай-жапсарын қалдырмай еске түсіріп беруі

мүмкін, ал осы бүгін тамақтанды ма, жоқ па; қажет адамы-мен кездесті ме, кездеспеді ме - бұған жауап таба алмай, мұдіріп қалуы таң қалғандай. Бұл адамдағы қайта жаңғырту, еске түсіре, жадқа айтып беру қабілетінің жойылуы деген сөз.

Ес бұзылысы кейде өткендегі оқиғаларды да қайта тіктей алмаудан көрінеді: науқас адам өмірінде не болғаны-нан түк хабарсыз, бұрынғыны бүгінгісімен шатастырады, жыл, айларын алмастырады, яғни уақыт пен кеңістік өлшем-дерін таразылай алмайтын жағдайға түседі. Сонымен бірге, науқас адам санасында өте бір ұзақ уақытта болған қандай да бір оқиға, жағдай естен кетпестей орын тебуі мүмкін.

Кейбір жағдайларда ес өз желісінің (динамика) бұзылуынан да көрінеді: адам белгілі бір уақыт аралығында тәп тәуір жаттап, материалды қайта жаңғырта алса, ал қысқа бір мерзім өтүмен бұл қабілетінен айырыла қалады. Мұндай сырқатқа шалдыққандар кейде оқыған, білгендерін түгелімен еске түсіре, тәптіштеп айтып беріп отыrsa, біраздан соң әйтеуір жай нәрсені есіне түсіре алмай, қиналады. Мұндай жайлардан адам есі үзіліске түсіп, оның ой жүрісінің бұзылғанын байқаймыз.

Ес бұзылыстарын зерттеу ми сырқаттарының бел-гілерін дәл танып, болжастырумен бірге адамның өте күрделі ес қызметінің психологиялық тетіктеріне және жалпы ми табиғатына байланысты сырларды ашуға мүмкіндік береді.

Қайталау және бекіту сұрақтары

1. Қандай психикалық құбылысты ес деп атайды?
2. Ес табиғатын түсіндіруге байланысты жүргізілген зерттеулер мәні неде?
3. Естің қызметтік сапасына орай түрлері қандай?
4. Ес теорияларының әрқилы болуының негізі неге байланысты?
5. Жадта қалдыру, қайта жаңғырту үшін орындалған әрекеттердің сипатына орай ес қандай түрлерге бөлінеді?
6. Есте қалдыру формалары қандай?
7. Берік есте қалдыру үшін орындалатын шарттар қандай?
8. Тану және қайта жаңғыртудың мәні және олардың әрекшеліктері қандай?
9. Ұмыту деген не және ол қандай себептерден туындайды?
10. Ес бұзылысы неден көрінеді?

13-дәрісбаян

ОЙЛАУ

- Жоспары:**
1. Ойлау жөнінде түсінік.
 2. Ойлау жөніндегі теориялар.
 3. Ойлау формалары.
 4. Ой қызметтері.
 5. Ойлау әрекеті түрлері.
 6. Ойлау және жеке адам.

1. Ойлау жөнінде түсінік

Адам өзіне қоршаған ортадан келіп түскен ақпарат арқылы тек сыртқы дүние көріністерін нақтылап қоймастан, қабылданған заттың ішкі, мағыналық тараптарына да назар аударады, заттардың өздері жоқ болса да, олардың түркү мен қасиеттерін жобалап таниды, уақыт пен кеңістікке орай болмыс өзгерістерін болжастырады, ұшқыр ой қанатын ерттеп, әлем мен мәңгілікте шарықтайды. Мұның бәрі де ойлау процесіне байланысты адамзат мүмкіндігі. Жантану ғылымында **ойлау** - бұл *тұлғаның шындықты жалпылама және жанама бағытталған танымдық әрекеті*. Түйсік пен қабылдаудан бастау ала отырып, ойлау тікелей сезімдік біліктер аймағынан шығып, нақты қабылдаумен білуге мүмкін болмаған дүние құбылыстарын жанама қоры-тындылау арқылы біліп, танымдық шектерімізді кеңейтуде жәрдемдеседі. Мысалы, айна сыртында ілулі түрған термо-метрге қарап, күннің сұқыттығын байқаймыз.

Түйсік пен қабылдау құбылыстардың жеке тараптары-ның әр мезгілдегі кездейсоқ байланыстарын танытады. Ал ойлауда сол түйсіктер мен қабылдау деректері топтастырылады, салыстырылады, олардың арасындағы қатынастар ашылып, ажыратылады. Сезімдік негізде танылған заттар мен құбылыстардың қасиеттеріне сүйене отырып, ойлау арқылы заттардың тікелей көрінбеген, терендейгі жаңа қырлары мен сырларын топшылайды. Сонымен, ойлау қоршаған дүниенің мәнін жалпылай түсінуге, болмыстың зандылықты байланыс-тар мен қатынастар негізінде тануға мүмкіндік береді.

Заттар арасындағы байланыстар мен қатынастарды ашу - ойлаудың басты міндеті, осыдан-ақ ойлаудың болмыстың терендей тануға бағытталған ерекше сипаты көрінеді. Ойлау қатынастар мен байланыстарды ғана емес, сонымен бірге қасиеттер мен мәнді белгілейді; бірақ қатынастар тек ойлаумен ғана көрініп қоймайды. Шынында да, біздің қабылдаудағы танитынымыз дербес элементтердің жай қосындысы емес, осы деңгейдің өзінде де болмыс қасиеттері мен заттары өзара қатынасты бірлікте болып, ойлаудың дүниетанымдық қызметіне арқау болады. Бірақ қабылдауда заттар мен құбылыстардың қасиеттері біздің санамызға жеке-дара, кейде мәнсіз, кездейсоқ белгілерімен келіп түсіу мүмкін. Осыдан, ойлаудың міндеті кездейсоқ сәйкестіктерден ажыратып, нақты зандылықтарға негізделген мәнді, қажетті байланыстарды танып, аша білу.

Қажетті әрі мәнді байланыстарды аша отырып, назарға алғандардан кездейсоқтарын бөлумен ойлау жалқыдан жалпыға өтеді. Кеңістік пен уақыт аймағында шектелген, жеке-дара жағдайлардың кездейсоқ тоғысынан құралған байланыстар жалқылық сипатқа ие болады, ал әрқандай мән кездейсоқ жағдайлардың өзгерісіне қарамастан жалпы сипат-қа ие, ойлаудың қызметі осы мәнді байланыстарды ашумен, оларды қорытындылап, жалпыластыру; ойлау, осыдан, жалқыдан жалпыға, жалпыдан жалқыға бағытталған бай-ланыстарды тану жолындағы психикалық әрекет желісі. Сондықтан да ойлау жанама байланыстар мен қатынастарға негізделген объектив шындықтың қорытындысы.

Теориялық таным әрекеті ретінде ойлау ықпалды қимылмен тығыз байланысқан. Адам болмысқа әсер жасау арқылы оны түсінеді, дүниені өзгерте, қайта жасай отырып, оның мән-жайын терендей айырады. Осыдан ойлау әрекетпен немесе әрекет ойлаумен жай қосарлана журмейді, әрекет ойлаудың ең бастапқы формасы, яғни әрекет, қимыл болмаған жерде ойлау процесі де жоқ. Іс-тәжірибе, қимыл-әрекет ойлау дұрыстығы мен дәлдігінің негізі де, ақырғы нәтижесі де; жалпы іс-тәжірибеге тәуелділігін сақтаумен,

теориялық ойлау өзінің алғашқы әрі жеке, кездейсоқ практикалық жағдайларға бағыныштылығынан құтылады. Қорытынды түсінім мен жалпы шешімге келтіре алу мүмкіндігінен ойлаудың басқа психикалық процестерден өзгешелігі айтарлықтай. Бір мәселе бойынша қабылданған қорытынды нәтижесін тапқан жалғыз-ақ проблемаға тиісті орындалмай, бүкіл сол тақыллетті көптеген сұрақтарға жауап болған - теориялық шешім ретінде қабылданады. Жеке дерекке орай қабылданған ой, енді бір сұрақ аймағынан шығып, қорытындылық маңызға ие болумен, теорияға не теорияның құрамды бір бөлігіне айналады. Ойлау процесінде қандай да бір мәселе қайталай, жаңадан ашыла бермейді, онда жалпыланған түрде мәселе шешімдерінің принциптері айқындалып, практиканың болашақта кезігетін міндеттерінің орындалу жолдары болжастырылады, яғни ойлау арқылы жос-пар түзіледі. Осыдан, ойлауға байланысты адам практикаға жол көрсететін, әрекетке жетекші болған теорияға қол жеткізеді, объектив шындықты танытатын диалектика жолын ашады. Әрекет негізінде дамып, ойлау, ақырында, іс-қимыл-ды үйімдастыруға және оған басшылық етуге себін тигізді.

2. Ойлау жөніндегі теориялар

Ойлау проблемасы көп дәүірге дейін психология саласы болудан гөрі, философия мен логика нысаны болып келді. Сондақтан да ойлау процесін зерттеуде ғылым бағыттары арасындағы құрсақтар бірде толастамаған. Ойлау жөніндегі алғашқы бағыт классикалық сенсуализм тұжырымын негізге алып, алғаш сезімдік танымда болмаған дүние санада бейне-ленені мүмкін емес деген шешімді уағыздады. Алайда бұл теориялық тоқтам көбіне ойлауды ес, елес бейнелерінің бірлігі немесе ассоциация нәтижелері деп үстірт түсіндіреді. Бұлай топшылаудан өнімді де белсенді процесс ретінде танылмаған ойлау өз алдына дербес, процестік сипатынан айрылып, жақын кезеңдерге дейін ғылымда арнайы зерт-теулер аумағынан тыс қалды.

Қарама-қарсы бағытты ұстанған идеалист философтар ойлауды адам рухының айрықша, қарапайым бөлшектерге жіктелмейтін процесс формасы деп таныды. Біздің заманы-мызда ойлауды рухтың символдық белсенділігінің көрінісі ретінде тану **неоканттық** философияға негіз болып отыр. Ойлау - психикалық іс-әрекеттің ерекше түрі деп психология-да алғашқы жария еткен Вюрцбургтық ғылыми мектеп болды. Бұл бағытта өз тұжырымдарын эксперименталды дәлелдеуге үмтүлған XX ғасыр басындағы неміс психологтары (О. Кюлье, А. Месссер, К. Бюлер, Н. Ах) ойлауды одан әрі бөлшектенбес сана қызметі деп білді; оны сезімдік негіз бен сөздік өрнектен бөлекtedі, оны таза рухқа теліп, бұл мәселеде идеалистік тарапқа қолдау берді.

Сонымен ойлаудың ғылыми шешімі табылмай, бұл жөніндегі проблема тығырыққа тірелді. Енді жантану ғы-лымы алдында бұл құбылысты материалистік тұрғыдан түсініруден басқа жол қалмады. Мұндай түсінімнің мәні келесі-дей еді: ойлау - өз тамыры мен тарихына ие, заттасқан іс-әрекет формаларын сипаттайтын тарихи қалыптасқан құрал-жабдықтарға сүйенеді және тілдік жүйені негізгі құрал ретінде пайдаланады. Бұл міндеттерді атқару үшін шынайы ғылым ойлауды "рух көрінісіне" тенденстірмей, оны қоғамдық тарих желісінде қалыптасып, алғашқыда затпен тікелей байланысқан әрекет ретінде орындалатын, мәндік байланыс-қан және арақатынастағы тіл жүйесін пайдаланатын процесс, ал кейін ішкі "ақыл-ой қызметіне" айналып, қысқартылған формаға келетін сана әрекеті деп тануы қажет болды.

Адамның ойлау қызметі үшін сезімдік танымға қарағанда, сөйлеу мен тіл әлдеқайда маңызды. Ойлаудың ең жоғарғы формасы - сөзді-логикалы ой. Тек қана осы ой формасында адам тілдік таңбаларды қолданумен күрделі байланыстар мен қатынастарды бейнелейді, түсініктер қалыптастырып, қорытынды жасаумен күрделі теориялық мәселелерді шешеді. Адамның ойлау қызметі, қандай да формада орындалмасын, тіл қатысынсыз жүзеге келмейді. Ойлау процесі жануарларға да тән, бірақ олардың ой жүйесі көрнекілікке құрылып, белгілі мезетте көз алдында тұрған нақты заттармен ғана байланысты. Ал адам өз ойы арқылы танылуы тиіс нысаннан тікелей байланысын үзіп, оның қасиеттері мен сипаттарын тілдік белгілермен өрнектеп, тындаушыға жеткізе алады. Сонымен, ғылыми психология үшін сөз тек тілдесу қажетін орындал қана қоймaston, негізгі ойлау құралы да болып есептеледі.

Бірақ ойлау мен сөздің ажыралмас байланысынан ой мен сөзді бір нәрсе екен деп қарастыруға болмайды. Екеүінің төл табиғаты әрқандай. Мұның дәлелі: бір ойды әрқилы сөзбен өрнектеуіміз; қысылтаянда білдірейін деген ойымыз-ды жеткізуге сөз таба алмай күйзелуіміз; кейде көп сөйлеп, бірде-бір ойды жеткізе алмауымыз, т.с.с.

3. Ойлау формалары

Бір нәрсе туралы ойлағанда біз әрқашан да ұғымға сүйенеміз. **Ұғым дегеніміз** - зат немесе құбылыстың жалпы, сондай-ақ мәнді қасиеттерін бейнелейтін ой.

Ұғым - заттың бейнесі елестен ерекше. Мысалы, өзіміз тұратын үй жөніндегі түсінігімізде біз нақ сол үйді барлық ерекшеліктерімен (жаңа, қызыл кірпіштен, бес қабат) ойға келтіреміз. Ал: "Үй-адамның басспанасы" деп ойлайтын болсақ, біз белгілі бір үйді айтпай, кез келген үй, басспана жөнінде қорытылған ұғымды пайдаланамыз. Сондықтан ұғым елестен гөрі кенірек келеді. Көрнекі бейнеде көз алдымызға елестете алмайтындарымызды ұғым жәрдемімен өренектейміз Мысалы, біз мың бұрышы бар геометриялық фигураны ойша көре алмаймыз, бірақ "мың бұрыш" деген ұғым бар, біз практикада мұндай фигураның болуы мүмкін екендігін мойындаимыз.

Ұғымды сөзбен жеткізуге болады. Бірақ, ұғым мен сөз екеуі теңдес емес: 1) бір ұғымның өзін түрліше сөздермен айтуда болады ("самолет", "аэроплан") 2) бір сөздің өзі кейде әр түрлі ұғымдарды білдіреді: "Ат" - есім, "Ат" - жануар. 3) бір ұғымның өзі әр тілде "әрқандай" сөздермен беріледі (орысша-хлеб, қазақша-нан).

Заттар және құбылыстар олардың арасындағы бай-ланыстар мен қатынастар туралы ойды біз пікір формасында білеміз, мысалы: "далада жаңбыр жауып тұр": "оқушы есепті шешкен жоқ". Осыдан, **пікір дегеніміз ойлау формасы, мұнда бір нәрсе не мақулданады, не теріске шығарылады**. Пікірде, көбінесе, ұғымның мазмұны ашылады: "**Жантану - адамның психикалық өмірінің занылышықтары туралы ғылым**". "Жантану" ұғымының мазмұны осы пікірден көрінеді.

Бір немесе бірнеше пікір негізінде нақты бір қорытынды жасалады. Мысалы, біз екі пікір айтсақ: "Құс-жануар", "Жануарлар оттегісіз өмір сүре алмайды". Бірінші және екінші пікірлерге сүйене отырып, біз үшінші пікір айтамыз: демек – "Құстар оттегісіз өмір сүре алмайды".

Бір немесе бірнеше пікірден жаңа пікір шығаратын ойлау формасы - ой қорытындылары деп аталады. Ой қорытындыларының мысалы ретінде геометриялық теорема дәлелдерін алуға болады.

Ой қорытындылары **индуктивтік** және **дедуктивтік** болып келеді. **Индуктивтік** ой қорытындылары жеке фактілердің негізінде қорытынды жасау, жалпы пікір айту.

Дедуктивтік ой қорытындылары дегеніміз - жалпы ережеден жеке қорытынды жасау.

Қорытынды пікірге келудің екі түрі де - адамның айналадағы дүние туралы білімін көнегітүе көмектеседі.

Ой қорытындыларының объектив пікірлерге негізде-летін процесі **логикалық** ойлау деп, ал дұрыс ойлаудың формалары мен зандары туралы ғылым **логика** деп аталады. Логикалық ойлаудың ерекшелігі - қорытындылардың қисын-дылығында, олардың шындыққа сай келуінде. Логикалық ойлауға түскен құбылыс түсіндірледі, себептері мен салдар-лары катесіз анықталады. Ұғымдар арасындағы байланыстар мен қатынастар логикалық ойлау жолымен ашылады. Бұл байланыстар мен қатынастардың дұрыстығын теріске шығаруға болмайтыны пікірлерде көрсетіледі.

4. Ой қызметтері

Ой әрекеті барысында адам қоршаған дүниені танып, білу үшін ерекше ақыл қызметтерін орындаиды. Бұл нақты қызметтер өзара байланысқан, бірі-біріне ауысып отыратын ойлардың әрқилы әдістерінен құралады. Ұлардың негізгілері: талдау, біріктіру, салыстыру, дерексіздендіру, нақтылау және қорытындылау.

Талдау - бұл оймен бүтінді жіктеу немесе бүтіннен оның қырларын, әрекет не қатынас бірліктерін бөліп алу. Қарапайым формадағы талдау - әрқандай затты практикалық қажетікке орай құрама бөлшектерге ажырату. Мысалы, балаларды қандайда өсімдікпен таныстыруда оның құрамын көрсетуден байқаймыз (тамыры, сабагы,

жапырағы). Талдау **тәжірибелік** (ойлау - сөйлеу процесінде жүріп жатады) және **ақылдық** (теориялық) болып бөлінеді. Егер талдау жоғарыда аталған ой операцияларына ұштаспаса онда ол қате, механис-тік сипат алады. Мұндай талдау элементтері жас балаларда көтеп кездеседі: бала ойыншығын тез бұзуга ғана шебер, оны құрастыру, бөлшектерін салыстырып, қандайда қоры-тынды шығару - сәбидің ойына да келмейді.

Біріктіру - бұл әрқылды бөлшектер, қасиеттер мен әрекет-қимылдарды тұтас бірлікке топтастыру. Біріктіру операциясы талдау әдістеріне қарама-қарсы. Бұл қызмет барысында жеке заттар мен құбылыстар күрделі, бүтін құбылысқа қатысы бар бөлшек, элементтер тобы ретінде қарастырылады. Әрдайым біріктіру бөліктердің қарадүрсін жиынтығын не қосындысын андатпайды. Мысалы, автокөліктің жүздеген бөлшектерін құрастырғандағы мақсат металл үйін-дісін шығару емес, пайдалы әрекетке келетін машина тұрғызыу. Оттегі мен сутегін синтездей отырып жаңа сападағы зат - су алатынның баршага мәлім. Ой процесіндегі талдау мен біріктіру әрекеттері оқу жұмысында аса үлкен маңызға ие. Бала жекелеп талдаумен әріптерді тануға қол жеткізеді, ал кейін сол игерген әріптердің басын біріктіріп буын құрайды, буыннан - сөз, сөзден - сөйлем, сөйлемдерді біріктіріп - мәтін мазмұнын шығарады.

Талдау мен біріктіру ажыралмас бірлікте жүріп жатады. Әрдайым біртұтас бүтіндік сипатқа ие болған зат қана талдануы мүмкін. Біріктіру де талдауға негізделеді: қандай да бөліктер мен элементтерді бір бүтінге келтіру үшін, осы бөліктердің өзін және олардың белгілерін талдаудан танимыз. Ойлау барысында талдау мен біріктіру бірін-бірі ауыстырып, кезекпен алғы шепке шығып тұрады. Талдаудың не біріктірудің ойлау кезінде көбірек қажет болуы материал сипаты мен орындалатын жұмыстың шарттарына, сондай-ақ адамның ақыл-ой қабілетіне тәуелді.

Салыстыру - бұл әрқандай заттар мен құбылыс-тардың не ойлардың бөліктері арасындағы ұқсастықтар мен айырмашылықтарды білуге бағышталған ой әрекеті. Құнделікті тұрмыстық салыстырулар бір затты екіншісіне беттес-тіру арқылы жеңіл-ақ орындалады. Қеністіктері өлшеу мен салмақты таразылау да осы салыстырудың көрінісі. **Салыс-тыру тұрлары** келесідей: 1) **бір жақты** (бір белгісі бойынша, толық болмаған); 2) **көптарапты** (толық, барша белгілерін ескерумен); 3) **ұстірт және тереңдей**; 4) **тікелей және жанама**. Салыстыру белгілі бір байланыс не қатынас бойынша жүргізілуі шарт (форма, тұс-тұр, салмақ, ұзындық немесе уақыт). Іс-әрекетті терең әрі дәл тану үшін аса қажет ойлау қасиеті - бұл ұқсас әртүрлі заттардың айырмашылығын, өзара бөлек заттардың - ортақ, ұқсас тараптарын сезіне білу.

Дерексіздендіру - бұл зерттеліп жатқан нысанның қандайда бір белгісін бөліп алып, қалғандарын елемеу. Мысалы, біз көзге жағымды әсер еткен жасыл түсті ғана назарға ала отырып, ол түстес заттардың өзіне мән бере бермейміз. Бұл процестегі нысаннан бөліп қаралған тұр-тұс белгі заттың басқа қасиеттерінен оқшау қарастырылып, ойлаудың дербес элементіне айналады. Дерексіздену, яғни бір сапаның заттың негізінен бөлініп қаралуы талдау нәтижесінде жүзеге келеді. Дәл осы дерексіздендіру арқылы ұзындық, ендік, сандық, теңдік және құндылық т.б. түсініктері қалып-тасқан. Дерексіздендіру - танылуға қажет нәрсенің ерекшелігі және оны зерттеуде қойылған мақсатқа тәуелді күрделі процес. Аталған ойлау қызметінің жәрдемімен адам жалқы әрі нақты заттың шенберінде қалып қоймай, көп заттарға ортақ жалпы ұғым пайда етуге мүмкіндік алады. Сонымен бірге абстракция сезімдік ақпаратқа негізделеді, түсініктерден келген әсерлер болмаса, абстракт ой мазмұнынан жүрдай болып, мәнсіз баянның көзіне айналады. Дерексіздендіру тұрларынан - тікелей іс-әрекетке қосылған тәжірибелік, сезімдік немесе сыртқы түсініктермен берілген ең жоғары, жанама абстракциялауды бөліп қарастыруға болады.

Нақтылау - ойдың жалпы және дерексіз күйден мазмұн ашуға керек болған көрнекі зат пен деректі мысалға ойысуы. Адам әрдайым нақтылауды айтылған пікір басқаларға түсініксіз болса, жалпыланған қасиет, белгіні бір нәрсенің мысалында дәлелдеу қажеттігі туындағанда пайдаланады.

Қорыту - заттар мен құбылыстарды ортақ және мәнді белгілеріне орай ойда біріктіру. Мысалы, алма, алмұрт, өрік және т.б. ұқсастықтан олардың бәрін бір "жеміс" деген түсінікпен арнайы топтық категорияға қосамыз. Ой әрекеті қандай да нәтиже

топшылауға бағышталады. Мысалы, психолог адамдарды олардың даму барысындағы жалпы, ортақ заңдылықтарды ашу үшін зерттейді. Бірқатар заттар-дағы белгілі қасиеттер тобының әрбір жеке заттарда қайта-ланып келуі, олар арасында қандайда маңызды байланыстың барлығынан хабардар етеді. Солайда болса, қорытындылауда заттардың ерекше, жалқылық белгілерін шектемей, оларды мәнді, жалпыланған байланыстарды ашуға пайдалану қажет.

Қарапайым қорытындылау нысаннның жеке-дара, кездесісік белгілеріне негізделеді. Объектінің әртүрлі тараптары бойынша жан-жақты қорытындылануы біраз күрделірек. Ең күрделі қорытынды тек және түр белгілерінің нақты ажыратылып, заттың белгілі бір түсініктер жүйесіне келтірілуімен байланысты.

Аталған ой іс-әрекеттері өзара байланыссыз, дербес іске аспайды. Бұлардың негізінде жоғары деңгейдегі топтас-тыру, жүйелестіру қызметтері жатыр. Әрбір ойлау әрекеті өзіне сәйкес ақыл қызметіне арқау болады да адам ойының белсенділік, әрекетшеш, шығармашылық жаңғырту қабілетінің сипатын баса танытады. Адамның ойлау жұмысы әрқыл мезеттік қимыл-әрекеттерді қамтып, түрлі деңгей, формалар-да іске асып, ойлау түрлерінің сан-алуандығынан хабар береді.

5. Ой әрекеті түрлері

Психологияда ойлау түрлері мен оларды топтастыру проблемасы бірнеше бағытта шешімін табуда.

1. Көлемдік ауқымына орай ойлау әрекетінің түрлері - **дискурсивтік**: өз кезең, кезегімен өрістей дамыған ойлау процесі; **интуитивтік**: желісі қарқынды, кезеңдері нақтылан-баған, мазмұны толық ұғылмаған ойлау процесі.

2. Шешілуі қажет мәселелердің қайталанбастығы мен жаңалығына орай ойлау **шығармашыл** (өнімді) және қайта **жаңғыртушы** (қайта жасаушы) болады. Шығармашыл ойлау жаңа идеяларды туыннатуға бағытталады, оның нәтижесінде қандай да мәселе, проблеманың соны, қайталанбас шешімі табылып, не бұрыннан бар шешімнің жетілген әдісі жүзеге келеді. Шығармашыл ойлау барысында танымдық іс-әрекеттің төркін, ішкі мән-мағынасына, құнына, мақсатына сай жаңа ой-пікір құрылымдары пайда болады. Бұл арада іске асатын жаңалықтың **екі түрін** айыра білу қажет: 1) жалпы болмыс заңдылықтарына бейімделген, ғылымда бұрын бол-маған объективті жаңалық; 2) нақты тұлға ой-өрісінен бастау алған субъективті жаңалық. Шығармашыл ойдың дамуына **кедері** болатын факторлар: 1) шектен тыс сыншылдық; 2) шешім іздеудегі асығыстық; 3) ішкі шек қоюшылық (цензура); 4) регидшілдік (ескі білімдерді қолдануға әуесқойлық); 5) конформизм (сырт көзге мазақ болу қаупінен туындаған тар-тыншақтық). **Қайта жаңғыртушы** ой әрекетінің шығарма-шылдықтан айырмашылығы - дайын білімдермен ептілік-терді қолданып, ескі сүрлеумен жүре білу.

3. Шешілетін мәселелердің сипатына байланысты ой әркеті **теориялық** және **тәжірибелік** болып бөлінеді. Психологияда көп уақыттарға дейін нысандардың заңдылықтары мен қасиеттерін ашуға арналған ойдың теориялық қыры ғана ескеріліп, зерттеліп келді. Теориялық ақыл-ой әркеттері іске асырылуы тиіс практикалық іс-әрекеттердің бастауы, негізі деп түсіндірілді. Әрқандай теориялық оймен ұштаспаған әрекет ақылдық емес, тек дағдылық, одан әрі тума біткен деп сипатталды. Осының нәтижесінде бір-біріне тікелей қарсы екі ой әркеті жөнінде көзқарас бекіді: 1) әрқандай ақылдың қатысының орындалатын әрекет; 2) теориялық ойлау негізінде жүзеге келетін әрекет.

Және бір жағынан, практикалық ойлау объектив құбылыс деп қаралғаның өзінде де, ол сезімдік қимыл деңгейіндегі ой жұмысы сипатында ескерілді, сондықтан да тәжірибелік ақыл жұмысы қабылдау құбылысынан бөліктен-бей, тікелей затпен байланысқан қимылдарға теңгерілді. Алайда, өмірде тек "теоретиктер" ғана ой толғап қоймайды. Тәжірибелік ойлау - бұл сәби ойының бастау формасы емес, ересек адамның пісіп жетілген ойлау қабілеті (Б. М. Теплов). Шынында да, қунделікті тұрмысымызды терең ой толғау-ларын қажет ететін кейбір күрделі қызметтер туындағыны бәрімізге аян. Тәжірибелік ойлау мақсат белгілеумен, жоспар, жоба түзумен байланысты, кей кезде ойластыруға уақыт жетпей, ой жұмысы-мыз күрделене түсіп, басымыз шыр болатынын

байқап журміз. Бұның бәрі "теориялық ойдың" дәлелі емес де? Практиктің болжастыра (гипотеза) жұмыс қылу мүмкіндігі шектелген, оның дұрыстығын тексеріп отыруға өмір ағымы күтпейді. Адам ақылының ең жоғары деңгейіндегі көрінісін ұлы жасампаз практиктер Абылайхан мен Бауыржан Момышұлы және дана теоретиктер әл-Фараби мен Қаныш Сәтпаевтардың қызметтерінен тереңдей байқаймыз.

4. Ойлау түрлерін классификациялауға байланысты психологияда кең тараған бағыттардың бірі - шешілудің тиіс болған мәселенің мазмұнын негізге алу, осыдан ойлау:

1) **затты-әрекеттік;** 2) **көрнекі-бейнелі;** 3) **сөзді-логикалы** болып түрленеді.

Затты-әрекеттік ойлаудың көрініс сипаты: қалып-тасқан жағдайды жаңалай өзгертудегі ой ісі белгілі затқа тікелей бағытталған нақты әрекетпен бірге жүреді. Бұл ой формасы З жасқа дейінгі сәбілерге тән. Бұл кезеңде бала заттарды бірін біріне беттестіре салыстырады; ойыншығын бөлек-бөлек сындыра, бұзып талдайды; таяқшалары мен кубиктерін бір ортаға үйіп, біріктіреді; ойыншықтарын түр-түсіне орай қосып, қорытындылайды. Бұл ойлау формасы ересектер тәжірибесінде де көптеп кездеседі. Мысалы, үй жиңіздарын ауыстырғанда; бұрыннан таныс болмаған механизмдермен жұмыс істеген сынаушылар мен конструкторлар қызметінде, яғни нәтижесі әлі күнгірт болған әрекет-терді орындау барысында қолданымын табады.

Көрнекі-бейнелі ойлау заттар мен құбылыстардың тікелей өздері емес, олардың есте қалған елес, түрпаттарын пайымдаумен орындалады. Мұндай ойлауда заттың тұтастай сипаты толық әрі жан-жақты көрініс береді. Бұл түрғыдан көрнекті-бейнелі ойлау қиялдаумен жанасып кетеді.

Қарапайым формада көрнекі-бейнелі ойлау 4-7 жастағы балаларға тән. Бұл кезеңде таным тікелей әрекетпен емес, дейділеген нысанды қабылдап, көрнекі-бейнесін еске, көз алдына келтірумен байланысты. Баланың дәлелдеулері тікелей заттың өзіне негізделген қандайда ой жүргізуден бұрын сол заттың бейнесін есіне түсіреді, орындаитын ісі мен оның нәтижесін суреттеп, болжайды. Көрнекі-бейнелі ойлау арқылы өзі жоқ не көрінбейтін заттың кескін бедері түрғызылады. Осындай жолмен ғылымда атом ядроның схема сызбасы, жер шарының ішкі құрылымы танылған.

Сөзді-логикалы ойлау қызметі тілдік құралдарға сүйеніп, ойлау процесі өзінің тарихи және онтогенездік дамуының соңғы кезеңдерінде пайда болған. Сөзді-логикалы ойлау тікелей бейнеге ие болмаған түсініктерді, логикалық құрылымдарды пайдаланады (мысалы, құн, ададық, мақта-ныш т.с.с.). Осы ойлау түрінің арқасында адам жалпы заңдылықтарды ашып, қофамның даму желісін алдын ала болжап, сан алуан көрнекі материалды жалпыланған, қорытынды құйіне келтіреді.

Сонымен бірге ескеретін жәйт, ойлау қашшама дерек-сізденгенімен, ол көрнекі-сезімдік тәжірибеден бөлектенбейді. Әр адамдағы абстракт түсінік өзінің сезімдік бастауына ие, сонымен де ол нақты шындықпен байланысын үзбейді.

Ойлаудың барша түрлері өзара тығыз байланысқан. Қандай да тәжірибелік іске кірісу алдын біз оның нәтижелік бейнесін көз алдымызға келтіреміз, яғни болашақ істі теориялық болжастырамыз.

6. Ойлау және жеке адам

Әр адамда оның ақыл-қабілетіне орай өзіндік ойлау ерекшелігі болады. Осы ерекшеліктен әр түлғаның ақыл сапасы көрінеді. "Ақыл" түсінігінің ауқымы "ойлау" түсінігінен кеңірек келеді, себебі "ақылдылық" интеллект сияқты тек ойлау қабілетінен көрінбей, басқа да таным процестерінің тұтастай желісінен байқалады. Кей адамдар ойлауда көрнекі-бейнелерді көбірек пайдаланса, басқалар теориялық тұжырымдарды негізіне алып, ой жүгіртеді. Ой әрекетінің ерекшелігі сондай-ақ адам көніл-күйімен де, оның топтаған білімдері мен еңбек, тұрмыс тәжірибесіне де, өзінде қалыптастырған ойлау әдістеріне де тәуелді келеді.

Ойлау процесінің жеке кезеңдерін қарастыра отырып, әрқандай ой әрекетінің міндет, мақсат белгілеу, яғни бастап-қы кезеңдегі ойлаудың жеке, дара ерекшелігі адамның дербестігі мен белсенділігінен көрінетінін байқаймыз. Түлға-ның **ойлау дербестігі** оның жаңа мәселелер мен проблемаларды қоя біліп, оларды тың әдістермен шеше білуінде, ал бұл қабілет өз кезеңінде ойлаудың **белсенділігімен**, яғни кезікken

міндеттер мен мәселелерді өз бетінше шешуге ұмтылыс жасап, өзінше шешім жолдары мен құралдарын барластыра алumen байланысты. Ойлаудың мұндай ерекшелігі, әсіресе, мектеп алды жастағы балаларда көп байқалады, қызығушылығы басым болған 3-4 жастағы сәбілдер үлкен-дерге "неге олай?", "неге бұлай?" деген сұрақтарды жиі қояды.

Мәселе шешуге орай құбылыстар байланысын (ассо-циация) іздестіріп, болжам (гипотеза) жасауда ойлау қасиеті-нің **ауқымдығы**, яғни қойылған проблеманы тұтастай көре біліп, оған байланысты болмыс сырларын көптен қамтып, өткенді, қазіргі мен болашақ жағдайларды ұштастыра пайда-лана білу үлкен мәнге ие. Мұндай адамдарды көбіне "өрісі кең" деп сипаттаймыз.

Әрқандай шешім **сындарлы** ойға түсіп, жұрттың айтқанын не өз топшылауынды жалаң құптай салмай, терең сын талдауына келтіріп, "оң" не "қарсы" тараптарын таразылағанды талап етеді. Сындарлы ақыл сипаты адамның обьек-тив жағдайлар мен өз іс-әрекетіне орынды баға беру қабілеті-нен, нақты бағыт ұсынып, алға тартылған большамдарды жан-жақты өлшестіріп, оларды тексеру нәтижелерін обьектив бағалай алуынан келіп шығады. Сындарлы ой дамуының негізі әрбір тұлғаның терең білімділігі мен тәжірибесінде.

Шешім қорытындысын тексеру барысында және оның нәтижелерін практикаға ендіруде ойлау икемділігі үлкен маңызға ие. Ой икемділігі әрқандай субъекттің қандай да мәселе бойынша қатып қалған көрсетпелер мен бұрыннан қалыптасқан әдістердің құрсауында қалып қоймай, жағдай-лар өзгерісіне орай жылдам да жаңа шешімдерге келе алуын көрсетеді. Бұрыннан қабылданған ойлау және әрекет стерео-типтерінен (қайталанып тұратын әрекет-әрнек) құтылу өте қурделі, салмақ түсіретін, қажетті ойластыруды талап ететін процесс. Бұл адамды ой еркіндігіне, жаңашыл ойлауға арнайы тәрбиелеуді керек етеді.

Ойлаудың жеке дара ерекшеліктерін әңгімелей отырып, келесі жәйтті естен шығаруға болмайды: ой толғайтын мидың өзі емес, адам, біртұтас тұлға. Талай даналық ойлардың пайдасыз болжам деңгейінде қалып жатқанының күесіміз, сондықтан әрқандай ұшқыр ойдың жасампаз, белсенді әрекетпен ұштасқаны, әр адамның өз дарынды қызметін пайдалы, өнімді еңбек әрекетіне жұмсағаны жөн.

Қайталау және бекіту сұрақтары

1. Ойлау түсінігі нені білдіреді?
2. Ойлау және түйсік пен қабылдау араларындағы ерекшелік қандай?
3. Ойлау міндеті мен оның орындалу процесі қалай жүреді?
4. Ойлау процесіне орай материалистер мен идеалистер арасындағы қайшылықтар неден?
5. Ойлаудың формалары мен сипаты қандай?
6. Ойлау қызметтері жөнінде не білесіз?
7. Ойлау әрекеттерін топтастыру принциптері қандай?
8. Теориялық ойлау мен практикалық ой байланысы және олардың өзара ықпалы қалай жүреді?
9. Ойлау қабілетіне орай жеке адам ерекшеліктері қандай?
10. Ойлай білу мен ақылдылықтың бірлігі, айырмашылығы неде?

ҚИЯЛ

- Жоспары:**
1. Қиял жөнінде түсінік.
 2. Қиялдың физиологиялық негіздері.
 3. Қиял түрлері.
 4. Шығармашыл қиял әдістері.
 5. Қиял және жеке адам.

1. Қиял жөнінде түсінік

Адам санасындағы бейнелер бұрын қабылданған заттар мен құбылыстарды ғана қамтып қоймайды. Бейнелер мазмұнына ешқашан тікелей қабылданбаған, мысалы, тарих тұнғиығындағы немесе ұзақ болашақтағы суреттемелер; көріп, білмеген, тіпті болуы мүмкін емес оқиғалар, көрмеген мақұлыштар - енүі мүмкін. Бейнелер арқасында адам уақыт пен кеңістік аясындағы нақты болмыстан шығып, шексіздік әлеміне есік ашады. Адам тәжірибесін түрлендіруші және өзгеріске келтіруші тосын бейнелер қиялдың негізгі сипатын құрайды.

Әдетте, құнделікті өмірдегі қиял не фантазия мәні ғылымдағы осы сөздермен берілетін ұғымдардан басқашалау. Тұрмыста біз шындыққа сай келмейтін, практикалық маңыз-мағынаға ие болмағанның бәрін қиял не фантазия деп атай саламыз. Ал, шынында, қиял әрқандай шығармашылық іс-әрекеттің негізі ретінде көркем-өнер, ғылыми және техникалық ой туындыларына арқау болумен мәдени өмірдің барша салаларында көрінеді. Бұл тұрғыдан табиғаттың бергенінен өзгеше адам қолынан өнген өнер, мәдениет әлемінің бәрі дерлік қиял мен осы қиялға негізделген шығармашылықтың жемісі.

"Әрқандай бейне, мейлі ірі, мейлі кіші болсын, нақты қалыпқа келіп, орнықты шындыққа айналудың алдын ойда түзілген жаңа байланыстар мен қатынастар негізінде жасалған қиял түрінде іске асады" (Рибо). Алайда, қиял қандай түрде көрініс бермесін, (жеке адам қиялы, не ұжымдық қиял) өздік ерекшелігін жоймайды әрі тек өзіне тән ерекше мазмұнға ие. Қиял бейнелерінің естегі суреттемелерден негізгі айырмашылығы - олардың нақты болмысқа байланысты қатынасынан туындейды. Ес бейнелері-өткен тәжірибелің қайта жаңыруы, сондықтан да естің негізгі қызметі өткен тәжірибе нәтижелерін мүмкіндігінше өзгермеген формада сақтау, ал қиял процесінде қай бейне болмасын, өзгеріске түседі, осынысымен де қиял әрқандай шығармашылық ұмтылыштың міндетті шартын құрайды.

Сонымен бірге, қиял арқасында адам өз ісін бастамай тұрып-ақ, болашақ еңбегінің нәтижесін күні бұрын болжас-тыра алады. Қиял жәрдемімен болашақ нәтижені күтудің өзі адам еңбегінің жануарлар тұма қылығынан түпкілікті өзгешелігін танытады. Қиялдың алдағы іс-әрекет өнімін болжастируға мүмкіндік ашуы адамның еңбекке деген құлшынысына, мақсатқа жетудегі ынта-жігеріне қосымша қуат қосады.

Кейде фантазия кері ықпал да жасауы мүмкін. Алдағы күтілген жағымсыз жағдайлар немесе қауіп-қатер мен бақыт-сыздықтар адамды күшті күйзеліске тап қылып, оны нақты оқиғаға сай келмейтін, шектен тыс, орынсыз қимыл - әрекетке келтіреді. Мұның дәлелі - кенеттен болған өрт кезінде кей адамдар көрініп тұрған көмекті шыдаммен күтудің орнына көп қабат үйлердің жоғарғы қабаттарынан өзін тастап, мерт болғаны. Қиялдың зияны халықта "Қорықанға қос көрінеді" мәтелінде дәл айттылған. Қиялдың бүгінгі өмірден арқан бойы алда болып, болашақта күтілген кей оқиғаларды күні бұрын танытуы қиял мен ойлаудың арасында тығыз байланыстың барын білдіреді. Ойлау сияқты қиял да проблемалық жағдайда, жеке адам қажетсінінен, қоғамдық сананың даму деңгейіне сай туындейды. Мысалы, егер ежелгі дүние адамдары арасында жаратылыштың пайда болуын түсіндіру қажетінен діни бейнелер келіп шықса, бүгінгі күнде бұл үшін космостық келгінділердің фантастикалық көрініс-тері қолданылады.

Бірақ, қиял дүниені жалпылай және жанама таны-татын, ұғымдық мазмұнды негіз еткен ойлаудан ерекше-ленеді, себебі ол жарқын елестер түрінде көрініп, нақты бейнелі формада жасалады. Қиялда түзілетін нақты, дәл бейнелерде көбіне заттық болмыстан

алшақ теориялық ойлар ашылып отырады. Әрбір қаламгер, суреткер шығармашылық еңбегінде өз ойын басқаларға дерексізденген ұғымдармен емес, нақ бейнелермен түсіндіруге тырысады. Мұның дәлелі тымсал, өртегі, мақал-мәтелдер, әрқандай көркеменер туындысында біз көрнекі бейнемен ашылатын негізгі ой, идеяны іздестіретініміз табиғи нәрсе.

Қиялға тән және бір ерекше белгі - оның бастау деректері толық әрі дәл талдауға келмейтін, мазмұны өте күмілжі жағдайларды болжастыруды қолданылуы. Мұндай да белгілі деректерде қатаң заңдылықтарға негізделетін ойлауды қолдану қыын. Бұл тұрғыдан, қиял ойлаудың қандай да бір "орынбасар" формасы ретінде қызмет атқарады.

Ой мен қиялдың арасындағы тығыз байланысты атай отырып, К. Д. Ушинский: "Мықты, кемелденген қиял - ақылдылықтың нышаны", - деген.

Сонымен, **қиял** - алда құтілген проблемдік жағдайлар анық болмаған кездерде оқиғаның соңғы нәтижесін күні бұрын болжастырумен қандай да әрекет бағдарламасын түзуге жәрдемдесетін психикалық процесс.

Адам қиялдың бұрын көріп, білмеген заттар мен құбы-лыстарды өрнектеуге шебер. Дегенмен, сол ғажайып, әлемде жоқ нәрселердің бейнесі өзіміз күнделікті көріп, танып жүрген заттарымыздың құрылым элементтерінің қосындысы-нан жасалады. Қандай да жаңа жаңа (машина не үй) адам алдымен бұрыннан таныс, өзі пайдаланып жүрген бөлшектер мен материалдардан өз ойында құрайды. Сондықтан адамның білімі неғұрлым мол, өмір тәжірибесі ауқымды, өзі зерделі және сезімтал келсе, оның қиялдың ғажайып әрі қызық бейнелер жасауға бейім келеді.

Л. С. Рубинштейннің пікіріне зер салсақ, шығарма-шылдық қиялдың қуаты мен деңгейі келесі **екі белгімен** анықталады: 1) қиял туындысы мәндік және мәғиналық шарттардан асып кетпеуі лазы; 2) қиял өзіне негіз болған деректерден жаңа жаңа қайталанбастығымен ерекше-ленуі тиіс. Осы екі талапқа сай келмеген қай қиял да фантастика, бірақ Тәжірибелік жағынан пайдасыз.

Қиял маңызы орасан. Ол тек жазушыларға кейіпкерлер бейнесін жасауға не суретшіге болашақ картинасының сюжетін іздестіруге қажеттігімен ғана шектелмейді. Фантазия-сы болмаған ғалым құбылыс себептері жөнінде болжам (гипотеза) жасай алмайды; мұғалім дәріс барысын, шекірт-тердің оқуға деген қатынасын күні бұрын қияли талдамай, сабак дайындаі алмайды. Жалпы оқу процесінің өзі қиялсыз шектеулі болар еді, тарих, география, астрономия және басқа пәндер тек қиял қанатында ғана игеріледі.

2. Қиялдың физиологиялық негіздері

Барша психикалық процесстер секілді қиял да үлкен ми сыңарлары қабығының өнімі. Қиял бейнелері оң және сол ми сыңарының жұмысына байланысты пайда болады. **Оң ми сыңары** дүние көріністерін қарапайым түрге келтіріп, олардың біртұтастығы мен үйлесімділігінен, композициялық бірлестігі-нен хабар береді, осыдан адамда әрқылды бейнелер негізінде эстетикалық сезімдер өрістейді. Ал **сол тараптағы ми сыңары** келіп түскен ақпараттарды реттеп, оларды сөзбен өрнектеу қызметін атқарады, осыдан бейнене мен ой ажырамас бірлікте екенін байқаймыз. "Ақылдан ажыратылған фантазия құбыжық тудырады, ақылды арқау еткен фантазия - өнер атасы, ғажайыптар бұлағы" (Ф. Гойя).

Қиялдың физиологиялық негізі - жүйке байланыс-тарының іске қосылуы, бұзылуы, қайта түзілуі мен жаңа жүйелерге біргігі. Осының арқасында бұрынғы тәжірибеден өзгеше, бірақ одан мұлде ажырап кетпеген, жаңа бейнелер келіп шығады. Қиялдың сонша құрделі болуы, алдын ала оның мазмұндық сипаттың болжастырудың қыындығы, қиялдың көніл-күймен байланыстылығы қиял жасаушы тетіктердің тек ми қабығында ғана емес, мидың терен, тар бөліктерінде жайғасатының пайымдатады.

Сонымен бірге, мида пайда болған бейнелер шеткі процестердің қызметтерін өзгертумен, оларға реттеу ықпалын жасайды. Бұл тұрғыдан барша психикалық процестердің арасында қиял денедегі органикалық процестермен аса тығыз байланысқан әрі оларды өсерлі өзгерістерге келтіріп отырады. Қапелімде қиялына бірдене түсे кетіп, адамның өзінен өзі шошынып, терге малынып, қызырып-бозарып, дірілдей қалатының байқаған боларсыз. Осындай қиялдың өсерінен кей кездері адам өзін сырқатқа да үріндирады. Тіпті, дәрігерлік институттардың тәменгі сыйнып студенттері оқылыш жатқан

дәрістердің әсерінен қиялға еніп, өздерінде болмаған аурулардың белгілерін ізделп, әлек болады. Мұндай өзін-өзі қияли сендірудің салдарынан адам қатерлі жағдайға душар болуы мүмкін. Мажар психиатры Иштван Гарди осының дәлелі ретінде мынадай болған оқиғаны келтіреді: сұытқыштар зауытының жұмыскері рефрежератор машинаның қорабында қамалып қалады. Оның ойынша, сұытқыш жүйе іске қосылған болады. Күн өте, таңертең оны денесінің асқына сұынуынан өлген мәйіттінін тауып алғып, болған жағдайдың себептерін тексергенде, рефражератор сұытқыш жүйеге қосылмағанын, ол өлім сұықтан емес, сұытқыш ішінде адамның тоңып өлетінін қиялданап, соны күтуден болғаны анықталған.

Кейде психологиялық ауытқудан сырқатқа шалдығудың себебі маман, өрнек тұтқан адамдардың сөзін дұрыс қабылдамаудан да болады. Ойланбай айтып салған дәрігердің бір ауыз сөзі шипа іздел алдына келген адамда ауыр сырқат күмәнін туғызған жағдайлар болған. Осы күмәннің кесірінен кешегі сап-сау адамда сырқат белгілері қозып, **ятрогендік** деп аталатын науқас өршіп кеткен.

Осындағы психикалық зақымдану кейбір ойсыз, педа-гогикалық мәдениеті кем мұғалімдердің окушыға айтылған ескертулерінен де туындаиды. Осының салдарынан жас шәкіртте **дидактогендік** ауру мендейді, яғни бала мұғалімді көруден қорқып, қалтырай бастайды, тақтаға шықса күмілжіп, сөйлей алмайды, оқу жұмысын орындау қабілетінен айрылады.

Сонымен бірге, қиял бейнелерін орынды, дұрыс қолдану арқылы адам денесінде жүріп жатқан табиғи процес-терді басқарып, дамытуға да болады. Шынында да, әжеңіздің дайындаған майлы құртының қышқыл дәмін қиялданап, есінізге алғып көрініші, сол бойда тап сол құрт аузыңызға түскендей, сілекейініз шұбырып береді. Қызығы, сол сілекейді өзінізге өзініз бұйырып, ағыза алмайсыз.

Қиял күшін арқау еткен француз аптекарі Эмиль Куэ "Саналы сендіру арқылы өзін өзі басқару мектебі" деп аталған жаңа емдеу әдісін ашқан. Сырқат адам өзіне қолайлы жағдайда жайғасып (жатып не отырған күйі), өзін ешқандай сырқаты жоқтай сезініп, 20-30 мәрте өзін өзі сендірудің келесідей формуласын қайталайды: "Мен тәуір боламын, мен тәуірмін... . Сырқат бәсендеді. Сырқат кетті... ". Бірнеше минутқа созылған осындағы сеанстер күніне 3-4 рет, әсіресе үйқыға кетер алдындағы сабырға түсіп, босаңсыған күйде орындалады. Осы күндегі **аутогендік** емдеу әдісі осы Эмиль Куэ жаңалығына негізделген.

Адам өзінің ішкі дene мүшелерінің қалпын елес-тетумен қатар, қиял арқылы өз дene мүшелерінің қимылын да (қол, аяқ, асқазан, жүрек соғысы және т.б.) қажетті жағдайда жайғасып (жатып не отырған күйі), өзін ешқандай сырқаты жоқтай сезініп, импульстар пайда болатыны дәлелденген. Қиял негізінде бұлшық еттерде туындастын мұндай әрекеттерді ғылымда **идеомоторлық** деп атаяу қабылданған.

3. Қиял түрлері

Қиял қызметі әрқилы деңгейде көріні мүмкін. Оның көп түрлі болуының басты себебі ең алдымен әр адамның өз қиялын басқаруға деген саналы бағытынан. Әрекет дәрежесіне орай қиял **енжар** және **белсенді** болып, екіге бөлінеді. **Енжар** қиялдан тұрмысқа аспайтын, қажетсіз не болуы мүмкін емес бейнелер қалыптасады. Қиял мұндайда адамды толық баурап, шын әрекет қажеттігінен ажыратады. Бұған мысал ретінде жатып алғып, бос қиялмен нәтиже бермес арманға шомған Н. Гогольдің "Өлі жандар" поэмасындағы Манилов бейнесін келтіруге болады.

Ш. Айтматовтың "Ақірет" романындағы Авдий Каллистров та осындағы кейіпкерге мензес.

Енжар қиял **ниеттелген** не **ниетсіз** болуы мүмкін. **Ниеттелген** енжар қиял ерік күшімен байланыспаған бейнелер пайда етеді. Мұндай бейнелер әлі болары не болмасы белгісіз армандаудан келіп шығады, ол жеke адамның қажетсінуіне байланысты. Мысалы, жарысқа түсетін спортшы, емтиханға бара жатқан студент не армандайтыны айтпаса да белгілі. Әлбетте, бірі жеңіс тұғырына көтерілгенін, екіншісі "5" алғанын елестетеді.

Енжар қиялдауда адам, әдетте, тек өзіне жағымды, ұнамды арманға түседі. Ал егер мұндай арманшылдық өнімді іс-әрекетпен ұштаспай, адамның психикалық өмірінде басымдау келсе, онда тұлға дамуының қандай да кесапатқа ұшырағаны.

Ниетсіз енжар қиял сана қызметінің босаңсып, не зақымдануынан, мұлгіген хәлде, үйқыда және т.б. жағдай-ларда белгі береді. Ниетсіз қиялдың аса жарқын көрінісі **галлюцинациялық** кейіпте, адамның жоқ затты бар етіп, одан шошынып, не қорқып, қүйзеліске түскенінен байқауға болады.

Енжар қиялға қарағанда **белсенді** қиял **жасампаз** және **шығармашыл** келеді. **Жасампаз** қиял негізінде алдын ала берілген көрсетпелерді басшылыққа ұстаумен қандай да бейнелерді түзу жатады. Бұл қиял түрі қалаған оқу жұмысының тірепті ретінде көркем әдебиет оқығанда, гео-графиялық не тарихи карталармен танысқанда, сызылмалар мен іс жобаларын оқығанда өте қажет. **Жасампаз** қиял бейнелерін жазба не заттық құжаттар күйінде берілген басқа адамдар сөзінен тұрғызуға болады. Қайта жасау барысында адам таңбалық жүйедегі (сөз, сан, сызылма,nota және т.б.) іздерді өзінде бұрыннан қорытылған білімдерімен толық-тырып отырады. Қандай да бейне, кейіпкерді жасауда автордың көркемдік шеберлігі, образ құрастырудың әдістері мен тәсіл байлығы үлкен рөл ойнайды.

Сондай-ақ жасампаздық қиял бейнелерін тұрғызуда адамның көніл күй жағдайын да ескермеске болмайды. Құшті эмоциональдық кейіп жасампаздыққа кедергі ықпалын тигізеді. Мұндайда адам ойы шашыраңқылыққа түсіп, өзінің не оқып отырғанын түсінбей, мәнін, мазмұнын қабылдамай-тын қалыпқа енеді. Сырқаттан, наша не ішімдік әсерінен болған психикалық ауытқулар да бастапқы мазмұнға сай келмейтін бейнелердің тууына себепші болады.

Шығармашыл қиял жаңа, қайталанбас бейнелер мен идеялардың қайнар көзі. Мұндағы "жаңа" түсінігі екі-талай мәнге ие: объективті жаңалық және субъективті жаңалық. **Объективті** жаңа бейне - бұл заттық не идея күйінде дүниеде бұрын сонды болмаған бейне; ал **субъектив** жаңа бейне - әрбір жеке адамның оқу, тәрбие, қунделікті тұрмыс жағдайында өз басы үшін ашатын жаңалығы. Қажеттіктерді қанағаттандыру жолында көрнекі елес туындыларын белсенді, мақсат бағдарлы пайдалану - **шығармашыл** қиялдың негізгі қасиеті.

Шығармашыл қиялдың ерекше сипаты: түзіліп жатқан бейне нақты болмыс дүниеде әлі жоқ, ол енді ғана ғайыптан пайда болған сияқты. Осындай жаңа бейненің жасалуы тек жеке адамға керектілігінен ғана емес, сонымен бірге қоғам мұддесіне, сол қоғамның даму деңгейіне тәуелді келеді. Шығармашыл қиялсыз өнер салаларындағы, ғылым мен техникадағы жаңалықтардың болуы мүмкін емес. Шығар-машыл қиял өнімі бірдейіне заттасқан күйде бола бермейді, бірақ сол зат бейнесі оның сол уақыт не дәүірде практикалық іске аспауынан саналық қалыпта сақталады.

Жасампаздық және шығармашыл қиялдар арасын-дағы айырмашылықты салыстырмалы сипатта деп түсінген жөн. Жасампаз қиялда да шығармашыл қиялдағыдай нысан бейнелері жасалып, жаңаланады. Шынында да, жаңа сана өнімін бермейтін, шығармашылықпен ұштаспаған қиял болмайды. Әр адам - өз Қамар сұлуын, Әйгерімін, Төлегені мен Бекежанын бейнелейді, яғни өмірден көрген, білген-деріне өз сана сезімінің, тұрмыс тәжірибесінің, дүниетанымы мен көзқарасы деңгейінен баға беріп, өзінше бейне түзеді. Автордың жасаған кейіпкері мен түзген бейнесі қалың оқырман не көрермен қауымның бәріне бірдей ұнай бермейтіні осыдан. Әр жеке тұлға қиялды жасаған бейнелердің өзара ұқсас болу ықтималдығы өте кем.

С. Л. Рубинштейн қиялды **нақты** және **абстрактты** түрге бөлуді ұсынады. Қиялға түсетін бейнелер әртүрлі болатыны сөзсіз: бірде ол бейне жалқы, заттасқан, қосалқы бөлектерімен күрделенген, сонымен бірге бейне жалпыланған, қорытынды схема және барша жағдайда қолданылатын символ кейіпінде берілуі мүмкін. Бір бірінен жалқы мен жалпы мәні ерекшеленген көп санды және сатылы көрнекі бейнелер жүйесінің болуы да ықтимал, осыдан қиялдың **нақты**, **нақтылау**, **жалпы**, **әбден дерексізденген** түрлері келіп шығады.

Сонымен бірге, нақты қиял бейнелері қызмет көрі-нісіне орай бөлектенеді. Осыдан, көз елестері (қыр жау-қазыны, Абай келбеті, арғымақ және т.б.); есіту елестер (бұлбұл әуені, "Адай" күйі, сарқырама сарыны және т.б.); дene сезімдері (сүйк самал, жаңбыр тамшылары, қыспақта қалған бармақ және т.б.); іс сезімдері (жусан иісі, бензин, жаңа орылған шөп және т.б.); дәм сезімдері (қазы, тіл үйірген қауын, ашыған сүт және т.б.);

қозғалыс елестері (алтыбақан тербелісі, шыр айналған вальс, гимнастика жаттығулары және т.б.); туындаиды. Өнер мен шығармасындағы бейне сан құбылмалы болса, оны қабылдау да толыққанды, әсерлі келеді. Кеменгер Абай қаламынан туған келесі өлең қатарларын оқып отырып, тек көз елесіне емес, аң мен құстың жанталас дауыстарына да қияли қанық боласыз:

"Біреуі көк, біреуі - жер тағысы
Адам үшін батысып қызыл қанға.
Қар аппақ, бүркіт қара, тұлқі қызыл
Ұқсайды қаса сұлу шомылғанға".

Киялдың ерекше түрі - **арман**. **Армандай** - өзімізге ұнаған болашақ бейнелерді қиял ету, әзірге қол жетпес, бірақ келешекте орындалса деген адамның өмірлік мүддесін қанағаттандыруға қажет зат не әрекет. Арман - адам үшін өзінің шығармашыл күш-куатын жүзеге асыруға бағыт беретін жұлдыз сипатты. Арманды сез еткенде оның іске асатыны не аспайтынын ескерген жөн. Болар арман сол арманға жету әрекетінен ажыратылмайды, оның мақсаты анық, мазмұны мен орындау жолдары қиялдаушыға толық түсінімді. Ал болымсыз арманның мазмұны анық болғаны-мен, іске асу жолдары белгісіз. Көп жағдайда мұндай арман қиял бейнелері дәрежесінен аспай, адамды әрекетке ынталандырмайды.

Болымды арман әрдайым белсенді келеді, боларына сенген адам дегенине жетпей, тыным таппайды. Адам еңбегінен туындаған қалаған зат (қағаз, қалам, машина және т.б.) көптеген үрпақтар арманның жемісі емес пе? Дүние-мұліктердің жасалу тарихы неғұрлым ұзаған сайын, олар сан мәрте және сан қылыш өзгерістерге келіп, талай әулеттің арманның қамтыды. Қай жаңа зат болмасын, алғашқыда өнердің үшпағы болып көрінгенімен, келе-келе қолданып, пайдалану барысында оның түзетілуі қажет ақауы мен олқылтығы байқалады да адам көрінген кемшіліктерден азат жаңа, жетілдірілген затты армандайды. Ал, шынына келсек, арман жүйрік, оған жету мүмкін емес, жеткен күнде - даму тоқтайды. Орындалған арман жаңа қажеттілік туыннатады, тың қажеттілік және бір, енді жоғарылау деңгейдегі арманға себепші болады.

Шығармашылық іс-әрекетте қиялдың маңызы орасан зор. Шығармашылық жеке адамның барша тұлғалық қасиеттерімен етene қабысып, олардың қандай да бір тарапымен шектелмейді. Жасампаздықтың психологиялық сипаты оны барша өмір саласында: жаңалық табуда, ғылым мен әдебиетте, көркем өнерде - көрінеді. Шығармашылық процестегі қиял шарықтауы адамның біліміне, қабілетіне тәуелді келіп, мақсаттары мен көңіл-күйіне байланысты болады. Іс-әрекеттің қалаған түріндегі шығармашыл қиялдың маңыздылығы жоқтан барды шығару емес, әңгіме - қарапайым, еленбес бөлшектерден құралған дүниені өзгертіп, жаңалауда. Көп жыл патенттік бюroда істеп, кейін ұлы ғалым болған А. Эйнштейн: "Ойлап табушы - бұл бұрыннан белгілі жабдықтардан жаңа құрылым түзуші адам" - деген екен. Сонымен бірге осы ғалымның "Тіл білмей, өлең жаза алмағандай, білімсіз ешнэрсе ойлап табуы мүмкін емес" - қанатты сөзінен шығармашыл қиялдың негізінде не жататынын үғуға болады.

4. Шығармашыл қиял әдістері

Көп уақыттар ғылымда шығармашылық процесті заңдастырып, оны үйретіп болмайды деген тұжырым сақта-лып келді. Осыны қуаттаушы француз психологы Г. Рибо кезінде: "Мың сан пікір айттылып жүрген ойлап табу әдістерінің" бос әңгіме, ал бола қалған күнде жаңалық табушыларды қарапайым механиктер мен сағат жөндушілер дайындағандай, топтап, қолдан жасап алар едік" - деп кесіп айтқан. Алайда, мұндай көзқарас уақыт өте шайқала бастады. Шығармашылық іс кездейсоқ жаңалықтар ашудан саналы ойлап табу жолына түсті, жаңа міндеттерді шешу жоспарлы қалыпқа келді. Ағылшын ғалымы Г. Уоллес шығармашыл еңбектің **4 кезеңін бөліп, ұсынады**:

1. Дайындық - идеяның пайда болуы;
 2. Ой жетілуі - қойылған проблемаға орай білімдердің жинақталуы, жетіспеген деректерді іздеу, топтау;
 3. Аян болу - діттелген нәтижені сезіммен қауып түсу;
 4. Тексеру.
- Г. С. Альтшулер шығармашылық еңбектің біртұтас теориясын нақтылап, бұл

процестің 5 деңгейін айырады:

1. Нақты нысанға байланысты бір сұрақ төнірегіндегі мәселені шешу;
2. Сұрақ бір мәселе төнірегінде, бірақ нысан өзгерілген, шешімі көп варианты;
3. Нысан құрделі өзгеріске түседі, осыған байланысты дұрыс шешім жүздеген қателіктердің арасынан табылуы қажет, қосымша білімдерді қажет етеді.

4. Нысан түгелдей өзгереді. Проблема шешімі терең ғылымдық дайындықты талап етеді, әрі сирек кездесетін құбылыстар арасынан іздестірледі;

5. Нысанды қамтыған бүкіл жүйе өзгеріске түседі: шешім іздеу барысындағы тәуекел мен қателіктер саны шексіз. Мәселені шешу жолдары бүгінгі ғылым аймағынан тыс болуы мүмкін. Сондықтан, бүгінгі қол жеткен білімдер негізінде жаңалықтар аша отырып, қойылған мәселеге өсте-ақырын жақындан түсу қажет.

Шығармашылық мәселелердің шешімін табудың ең маңызды тәсілдерінің бірі - мәселе қандай құрделі қызындықта болмасын, оны қарапайым түрге келтіру, яғни 4,5 деңгей-дегі проблемаларды арнайы әдістермен 1,2 деңгейге түсіру керек. Ең бастысы, іздену аймағын мүмкін болғанша тарылта отырып, "қызын" мәселенің "оңай" жолын жылдам таба білу.

Сонымен, бейнелердің үстірт көзге оңай, еркін, тосат-тан пайда болатындағы көрінгенімен, болмысты қияли өзгеріс-ке келтіру өз зандағына бағынып, белгілі әдістер мен тәсілдерге орай жүзеге асады. Жаңа елестер талдау және біріктіру әрекеттерінің арқасында пайда болады. Қиял процестері, ақырында, бастапқы елестердің ойда бөлшектеніп, кейін олардың жаңа тізбектерге бірігуінен құралады, яғни **аналитик-синтетикалық** сипат алады.

Қиялдың аналитик-синтетикалық сипаты агглюти-натив (грек тілінен-жабыстыру) тәсілінде анық көрінеді. **Агглютинация** дегеніміз бірнеше заттардың жеке элементтері мен бөлектерінің бір бейнеде қосылуы. Мысалы қазақ ертегілерін-дегі су пері, жалғыз көзді дәу, жезтұрнақ - адам денесі мен аң, құс мүшелерінің қиялдық бірігуінен жасалған бейнелер. Агглютинация техникалық жаңалықтар табуда кеңінен қолданылады. Осы тәсілдің арқасында жасалған техника көліктері көп-ақ: троллейбус, трамвай, аэромашина, гидро-самолет, танк-амфибия және т.б.

Бейне жасау талдау процесінде қолданылатын және бір әдіс - бұл **акценттеу**, яғни түзіліп жатқан бейнедегі қандай да бір элементтің қалыптан тыс кейпімен көзге түсүі. Осы әдіспен нақты бейнениң мәнді де маңызды қыры баса көрсетіліп, ол басқа бөліктерінен ажыралып тұрады. Көбіне акценттеу әдісін әзіл-сықақ суреткерлер жиі қолданады: нұсқаның бір белгілерін шындыққа лайық сақтай отырып, басқа белгілерін қиялды идеяға ұштастырып, өзгеріске ендіреді, мысалы, бөспе адамның бейнесі шұбалған сөз тілімен көзге түссе, ашқарақ - мес қарнымен танылады.

Егер акценттеу айырым элементтерге емес, бүкіл нысанға тұтастай қолданылатын болса, онда ол екі әдісте жалғасын табады: болмыстағы нақ обьектіге қарағанда кере-мет ұлғайтылып (гипербола) не кішірейтіліп (литота) беріледі. Бұл тәсілдер көбіне халық ертегілерінде, дәстан, жырларда көрінген жауды жеңетін алып денелі, тасқын күшті, "бойымен бұлтты тіреген" ғажайып бейнелерді жасау үшін қолданылады: Алпамыс, Ер Төстік, Шора батыр т.б.

Қиял елестерін жасау **біріктіру** жолымен де іске асады. Фантастикалық бейнеге негіз болған елестер бірігіп, айырмашылықтары көмескіленіп, ұқсас тараптары алға тартылатын болса, онда **схематизация** әдісінің қолданылғаны. Бұның мысалы ретінде қоршаған орта бедерлеріне ұқсас жасалған ұлттық оюлар мен өрнектерді келтіруге болады. Осы ою-өрнектерді саралай отырып, заты қазақ қолындағы бұйымның қайсысы адайдікі, ұлы жүздікі не кіші жүздікі екенін айырып бере алады. Ал енді, осы заттардың айырмашылығы неде екенін сұрасаңыз, жауабын таба алмай қиналады, себебі ою-өрнек бейнелері әр қазақтың қиял санасында жалпыланған схема күйінде орын тепкен.

5. Қиял және жеке адам

Қиял өзінің дараланған күйінде әр жеке адамның өте мәнді, ерекше қасиеттерін айқындаиды. Қиял әрбір жеке тұлғада бірнеше белгілерімен дараланады. Фантазия бейнелері жаңалығы, қайталанбастьыры және дәлдігімен бөлектенеді. Ең алдымен қиял

даралығы бейнелердің жарқындығымен елениді. Кей адамдардағы қияли бейнелерінің айқындығы соншама, тіпті тікелей қабылданған немесе ес елестеріндегі бейнелерден бірде-бір ажыралмайды. Мұндай жағдайларда болмыс шындығы мен қиялдағы бейнелер өздерінің ұқастығымен ерекшеленеді. Мысалы, Л. Бетховен ән-күй әуенін соншалықты дәл елестете алатындығынан, тас керең болып қалған күнінде де ғажайып музыка туындыларын шығарудан қалмаған.

Қиялдың жарқындығы мен қуаты адамның **көніл-күй** болмысымен тығыз байланысты. Қөрікті картиналар тұлға фантазиясында оның терең сезімталдығының арқасында өрбиді, өріс алады. Қорқыныш сезімі адамға алдағы қатерді сездіреді, керісінше, сол қатерді қиялдаудан адамдағы қорқыныш сезімі ұлғая түседі. Сезім күшті болған сайын, қиял бейнелері де жарқырай түседі. Ал сезімталдығы кем адамның қиялы да көмескі, бұлдырып келеді. Әрқандай жеке адамдағы қиял даралығы шындық дүние, болмысқа жақын-дық дәрежесімен айырылып тұрады. Осыдан кей адамдар "әтірікті шындей, шынды құдай ұрғандай" етіп бейнелеуге шебер келеді, ал екінші біреулер көрген, білгенінен асып қиялдауға мақұрым болады. Қиялдың бұл ерекшелігі жеке адамның болмыс шындығын қайта тұзу қабілетінің артық не кем болуынан туындаиды. Шынында да, кейбір ойға шорқақ адамдар "мұрын астынан әрідегіні көрмей", қоршаған дүние-мен қатынасын шектеп алады да, сүрлеу жолдан шыға алмай, өз фантазиясын өрістетуге шамасы жетпейді.

Қиялдың кендігі, аумақтылығы, әр адам қиялына қатысты болмыс дүние салаларының сан-алуандығына тәуелді. Қиял өрісі кең адамдар бір мезеттің өзінде табиғат, адам, қоғам тарихының өткені мен болашағынан, жер тұнғысы мен ғарыш әлемінен, техника мен өнер саласынан бірдей дерек елестерді қамти алады. Кейде мұндағы қиялдауда шындыққа жанаспайтын фантастикалық бейнелердің де қалыпты қабылдануы ғажап емес (қазақ ауыз әдебиетіндегі "Қырық әтірік" жанрын еске түсірің.)

Өрісі кең қиял мазмұн жағынан да ауқымды келеді. Мысалы, "Абай жолы" романын жазған М. Әуезов мазмұнды қиялдың кеменгері десе болады. Даналық қиялдау үлгілерін О. Бекеев, Ш. Айтматов шығармаларынан да таныған жөн.

Қиялдың даралық сипаты оның еркінділігінен, яғни қиялды алға қойылған міндетке ойыстырып, қажетті нәти-жеге ерісу үшін пайдалана білу. Жоғары кемелденген қиял иелері ойға келген бейнелердің әр түрлілігіне қарамастан, негізгі бағыттан алшақтамай, оларды қажетті байланыстарға келтіріп, бір идея төнірегіне орайластыру қабілетіне ие.

И. А. Гончаров өз шығармашылық ісіне орай келесідей ой топшылайды: "Менің алға жетелейтін бір бейнем мен басты ниетім болады, ал жол-жөнекей кездейсоқ қолға ілінгендерді негізгі бейнеге қатысы болса, тере барам".

Ой түйіні кем қиял фантазиялық бағдарлаушы міндеті болмаған, байланыссыз жеке ойлар төнірегіндегі **арманшыл-дыққа** өтеді. Әр қылыш адамдар қиялы олардың кәсіби қызметімен байланысып, негізгі қажеттіліктеріне тәуелді келеді. Жеке адам бағыты оның жоғары сезімталдығын көтеріп, осыған орай жарқын және сан - алуан қияли елестерді туыннатады. Жеке адамның даралық ерекшелігі оның аса көп қолданымындағы елестету типіне де байланысты келеді, мысалы көз елестері, қозғалыс не есту елестері.

Шығармашылық қиялдың көрінісі осы процестің тұрақтылығына да тәуелді. Шығармашылық - ауытқуы мол, үздіксіз әрекет. Оның **шарықтауы, тоқырауы** және **құлдырауы** алmasып отырады. Шығармашылықтың ең жоғары деңгейі - **шабыт**. Шабыттың сипаты - көніл қүйі шарықтауы, ой жарқындығы мен дәлдігі, қарқындылығы мен жеке күйзеліс кемдігі. П. И. Чайковский өзінің шығармашылық кейпі жөнінде төмендегіні жазады: "Кейбірде ойда жоқ дербес жаңа күй әуені аян болады. Оның қайдан келетіні-ашылмас сыр".

Шығармашылық шабыттың жарқын дәлелі ретінде Аманқос Мектептегінің майталман күйші Шәміл Әблітай тегінің күй шабыты жөнінде жазған "Сиқырлы әуен, сырлы саз" мақаласынан үзінді келтіргенді жөн көрдік: "Шәмілді толғантқан бір ой жиі-жиі мазалай беретін. Ол арманы - күйден соғылған Бекет Атанаң құмбезін тұрғызыу еді... Майталман күйші... Бекет Ата зиратына әдейілеп бұрылып, әулиеге тәу етіп, басына түнейді... Ұмырт үйіріліп, тұн қаранғысы қоюланған шақта Шәмілдің тұла бойын тер басып, көкірегін күй кернеп қоя берді, пірдің пәтихасын алған сыршыл сазгердің өзегін

жарып, күй шалқыды... Қас қағым арасында Шәміл дегбір таппай, күй туып, жарылып кете жаздайды...

Әлгі өуенде тынбастан пернеден іздеп, құмарынан шыққанша үкілі домбырасын безектетеді... Аңсары ауған сазды тартқан сайын Шәміл тұяғы қызған тұлпардай ашыла түседі. Сөйтіп, келесі күні қанат қаққан "Бекет –Ата" қүйімен Шәміл Алматыға оралады...".

Әр адамдағы шабыт шабысы, оның туындау себебі әртүрлі. Шығармашылық қиялдың жемісті болуы адамның ерік күшіне, үздіксіз қажымас еңбегіне байланысты. И. Е. Репин айтқандай: "Шабыт - мәндай тер мәуесі".

Қайталау және бекіту сұрақтары

1. Қиял процесі психологияда қалай түсіндіріледі?
2. Қиял және басқа да психикалық құбылыстар арасындағы байланыс қандай?
3. Қиял әрекетінің өмірдегі маңызын қалай түсіндірер едіңіз?
4. Қиялдың адамда жүретін физиологиялық процестермен байланысы неден көрінеді?
5. Қиял тұрлері және олардың сипаттамасы қандай?
6. Жасампаз және шығармашыл қиялдар арасындағы айырмашылықтар қандай?
7. Арман табиғаты қандай?
8. Шығармашылық қиял түзудің тәсілдері қандай?
9. Қиялдың жеке адамдық қасиеттері қандай?

ЖЕКЕ АДАМ ЖӘНЕ ОНЫН ПСИХИКАЛЫҚ ҚАЛЫПТАРЫ МЕН ҚАСИЕТТЕРИ

15-дәрісбаян

Жеке адам және оның психологиялық табиғаты

Жоспары: 1. Жеке адам жөнінде түсінік.

2. Жеке адам мотивтері.
 3. Жеке адамның бағыт-бағдары.
 4. Адамның психологиялық қорғанысы.

1. Жеке адам жөнінде түсінік

Әлеуметтік қатынастар субъекті әрі әлеуметтік мәнді қасиеттердің иегері ретінде әрбір адам - жеке адам болып сипатталады.

"Жеке адам" түсінігімен қатар біздің қолданымызыда "адам", "дара адам", "даралық" терминдері бірге жүр. Бұл түсініктердің әрқайсысы өз ерекшеліктерімен ажыратылады, бірақ бір-бірімен тығыз байланысты. Осылардың ішінде ең жалпыланған, көп қасиеттердің бірігуін - "адам" түсінігі қамтиды. Адам - өмір дамуының ең жоғары деңгейінің көрінісі, қоғамдық еңбек барысының жемісі әрі табиғат пен әлеуметтік болмыс тұтастырын аңдататын тіршілік иесі. Алайда, адам әлеуметтік-тектік мәнге ие болғанмен, ол жалпы табиғаттың ретінде - дара адамдық сипаты жағынан жанды мақұлық дүниесінен бөлктенбейді.

Дара адам - "homo sapiens" тектілердің өкілі, адамдық даму нышандарының иесі - нақты адам.

Даралық - нақты адамның табиғи және әлеуметтік қабылдаған қайталанбас ерекшеліктері мен қасиеттері.

"Жеке адам" түсінігіне байланысты ең алдымен адам-ның қоғамдық мәнді сапалары еленеді. Адамның әлеуметтік мәні оның қоғаммен байланысында қалыптасады да көрініс береді.

Әрқандай қоғамға орай адамның қасиет, сапа өлшем-дері әрқылы келеді. Қоғам социологиясы нақты қоғамның психологиялық типін аныктап отырады.

Жеке адам көп сатылы құрылымға ие. Осыдан жеке адам психологиялық құрылымының ең жоғарғы да жетекші деңгейі **қажеттік - себеп аймағы** - жеке адамның бағыт-бағдарынан, оның қоғамға, басқа тұлғаларға, өзіне қатынасынан және қоғамдық әрі еңбектік міндеттерінен туындаиды. Сонымен бірге, жеке адам үшін мәнді құбылыс тек оның ұстанған бағыттары ғана емес, оның өз қатынас мүмкіндіктерін іске асыру қабілеті де үлкен маңызға ие. Ал, бұл өз кезегінде адамның іс-әрекеттік икемділігіне, оның қабілеті, білімі және ептілігіне, көніл-куй, еріктік және ақыл-ой сапаларымен байланысып жатады.

Адам өмірге дайын қабілет, мінез және қызығула-рымен келмейді, бұлардың бәрі белгілі табиғи негізде адамның өмір барысында қалыптасады. Адам тәнінің негізі, яғни генотипі оның анатомиялық-физиологиялық ерекшеліктерін, жүйке жүйесінің қозғалысын белгілейді. Биологиялық құрылым иесі-адам өткен әулеттердің білім, салт, заттай және рухани мәдениеті күйінде топталған өмір тәжірибесін игерумен ғана **жеке адам** дәрежесіне көтеріледі..

Жеке адам дамуы - өз мүмкіндіктерін үздіксіз кеңітіп, қажеттіліктерін арттырып барумен байланысты. Осы даму деңгейі нақты адамға тән болған қарым-қатынастар аймағы-мен өлшенеді. Даму дәрежесі мардымсыз тұлғаның адам аралық қатынастары да өте жай, күнделікті тіршілік күйбенінен аспайды. Ал даму деңгейі жоғары болған адам өзінің рухи мәртебелігімен, қоғамдық мәнді қундылық-тарымен ерекшеленеді.

Әрбір дара адам өзінің қоғамдағы өмірлік әдептерін реттеумен күнделікті тіршілік проблемаларын шешіп береді. Бірдей қыыншылық, кедергілердің шешімін әр адам өз әдіс, тәсілдерімен табуы мүмкін. Осыдан, жеке адамды танып, білу үшін сол адамның алдында тұрған өмірлік міндеттерін, оларды іске асыру жолдары мен өмір барысында ұстанған принциптерін жете білу қажет.

Қоғамдық қатынастарға араласып және оларды бас-шылыққа ала отырып, адам сол

қатынастардың ықпалында қалып қоймайды. Әрқандай дара тұлға өз дербестігі мен ерекшелігіне ие.

Жеке адамның **дербестігі** оның ең жоғары психи-калық сапасы - рухани дүниесімен үштасады. Рухани дүние дегеніміз адам мәнінің ең биік көрінісі, оның жалпы адамзаттық инабат парызды түсіне білуі, болмыстағы өз орнына сай қызмет ете алуы. Жеке адамның рухани жетілгендігі - бұл жоғары дәрежедегі саналық жетілу, ізгі мұраттарды басшылықта алу, сонымен бірге, жаман ниеттер мен мезеттік шен-шекпеннен, жалған белсенделік пен өтірік-өсектен өзін аулақ ұстай алуы. Ал адамның мұндай қасиет, сапаларды өз бойына дарытуы көбіне қоғамдық салтқа тәуелді. Қоғамның даму дәрежесі неғұрлым тәмен болса, ел ішінде баршаны бірдей тенестіру принципі өріс алады да, ондай қоғам мүшелерінің көбі құлдық бағыну қүйінен арыла алмайды. Дербестігінен айырылып, өз бетінше ой жүгіртпеген адам, өзін тұлғалық дамыту ниетінен ажырап қалады.

Жеке адам сапалары сол адамның араласқан қатынас-тар өрісіне, әртүрлі әлеуметтік өмір аймағында қызмет ете алу қабілетіне байланысты келеді. Шығармашыл тұлға тікелей қоршаған әлеумет шенберінде қалып қоймай, өзін ауқымды қоғам аймағы негізінде қалыптастыруға ұмтылыс жасайды. Мұндай адам бойында өзі жасаған қауымның, тіпті бүкіл қоғамның болашақ өркениеті көрініп, ол өз дәуірінің сапалық деңгейінен көш ілгері жүреді. Жеке адамның өз дербестігіне ие болуы оның тұбық әлеуметтік топқа бағынышты еместігін көрсетумен бірге сол адамның жоғарғы деңгейде кемелден-генінің дәлелі.

Жеке адамның дамуы, яғни оның әлеуметтік ұнамды қасиеттерінің қалыптасуы белгілі қоғамдық қолдау мен әлеуметтік қажетсінуді керек етеді.

Дара адамның жеке адам санатына көтерілуі үшін маңызды факторлар: **идентификация**, яғни дара адамның өзін басқа адамдармен тенестіре, қоғам талабына сай болу ниетімен қалыптасып бару процесі; **персонализация** - дара адамның өз басының басқа адамдар өмірінде қадірі барын түсіне білуі, сонымен бірге, нақты әлеуметтік топта өзінің кісілік мүмкіндіктерін іске асыра алуы.

Басқа әлеумет мүшелерімен жеке адам өз "Мені" негізінде қатынас түзеді. Ғылымда "жеке адамдық рефлексия" деп аталған бұл "Мен" ұғымы өзі ішінде әр адамның өз жөніндегі танымын, өз мүмкіндіктерін және өз қадірін сезе білу сияқты сапаларын қамтиды. Жеке адамның өзіне өзі берген бағысының астам не тәмен болуынан сол адамның ішкі жан арпалыстары келіп шығады.

Адам өмірі нақты тарихи-әлеуметтік аймақта жүріп жатады. Дүниелік жағдаяттар өндіру ерекшелігі, тұтыну аймағы, әлеуметтік қатынастар адамның тұрмыс салтын анықтап, оның тұрақты қылық әрекеттерін белгілейді.

Әрқандай жеке адам өзінің өмірлік салтын, жеке құндылық бағыттарына орай тіршілік жағдайларын өзгер-тудің, қайта құрудың жалпыланған, тұрақты тәсілдер жүйесін түзіп барады. Осыдан адамның тұрмыс, тіршілік салты оның жалпы өмір сүру, қоғамдағы өз орнын иелеудің бағдарына айналады. Әлеуметтік құнды салт-бағыттан адамның жоғары инабатты, жасампаздық өмірі, рухани-этикалық, рухани-эстетикалық дүниетанымы туынтайтынды. Адам өмірі, осыдан, бір мезеттік ықпалдар билігінде қалып қоймай, ішкі зандау-лықты ниет- себептер жүйесін арқау етеді, өзінің әлеуметтік мәнді, мағыналы мұраттарын барластыра, саналы бағытта жасау мүмкіндігін алады.

Тұрмыс-салт бағыты тұрақтанбаған адам құнделікті қүйбеңнен аса алмайды, осыдан мүмкіндіктерін толық жүзеге асыра алмай, өміршендігі кемиді, рухани-адамгершілік талап-тары тарылады.

Жеке адамдағы барша өмірлік құйзеліс - ауытқулар оның өзіндік "Менін" танымдаудан, объективті мәнді жеке басының құнды тараптарын сезіне алмаудан келіп шығады. Жеке адам болмысының ең айқын көрсеткіші - оның өз психикалық жағдайын басқара алу және әрекет-қылыштарын қоғам қалыптастырған өлшемдерге икемдестіре білу дәрежесі.

Жеке адам тұрақты қасиеттер жиынтығымен дара-ланады, тұлғаның барша ерекшеліктері оның тума, нәсілдік және әлеуметтік-мәдени сапаларының бірлігінен қалыптасады.

2. Жеке адам мотивтері

Адамды әрекетке келтіруші күш-қажетсіну. Болмысты бейнелеудің жоғары формаларына ие адамды әрекетке келтіруші нысандар - саналы түзілген бейне не елес, ой не түсінік, идея немесе ізгі мұрат қүйінде өрнектелуі мүмкін.

Психологияда мотив түсінігіне келесідей анықтама беріледі: мотив - бұл адам санасында қаланып, оны белгілі бір қажеттілікті қанатағаттандыру үшін әрекетке итер-мелеші себеп күш. Ал кең мәнінде мотив - шындыққа сай заңдылық ретінде ықпал жасап, объектив қажеттілік түрінде көрінетін болмыс. Ал мотивтік әрекет қылыш пен іс-әрекетті психикалық реттеудің ерекше түрі (Р. Г. Агеева). Қорыта айтқанда, адамның әрқандай қылыш - әрекеті оның мотивтік себеп күштеріне байланысты.

Сонымен, адамның қалаған іс-әрекетінің негізінде оны осы іс-әрекетке ынталандыруши мотив жатыр. Бірақ адамда туындаушы және оны іс-әрекетке ойыстыруши қандай да бір мотив көзделген нақты әрекетпен шектелмейді, оның нәтижесіне жетумен адам келесі әрекетке ұмтылады, іс-әрекет барысында мотив өзгеруі мүмкін және керісінше, бір тұрақты мотив аясында бірнеше әрекет бірін-бірі ауыстырып баруы да орынды. Мотив дамуы мен басталған іс-әрекет арасында қайшылық та туындайды. Кейде мотив іс-әрекет жобасынан бұрын қалыптасады, ал кейде кешеуілдейді, осыған байланысты әрекет нәтижесі де әртүрлі болады.

Жоғарыда аталғандардың қорытындысы: мотив құра-мы іс-әрекеттің бір бөлігі емес, жеке адамның **мотивтік-қажетсіну аймағы** деп аталатын күрделі жүйенің ажыратылmas бірлігі. Мотивтік-қажетсіну аймағы жеке адамның өмір бойы қалыптасып, дамып барушы барша тұртқілерінің жиынтығын андатады. Тұтастай бұл аймақ қозғалмалы, өмірлік жағдай-ларға байланысты түрленіп, дамуда болады. Солай да болса, кей мотивтер біршама тұрақты, басымдау келіп, адам өмірінің бағыт-бағдар өзегіне айналады.

Мотивтердің қайдан және қалай пайда болатыны жөніндегі мәселе психологиядағы басты проблемалардан. Мысалы, А.Маслоу мотивтердің негізін бірінен бірі деңгейі бойынша жоғарылай түскен қажетсіндер тобы деп біледі, олар **биологиялық** қажетсіну, **қорғаныс** қажетсінуі, **сыйластық, абырой қажеттігі** мен ең жоғары қажетсіндер: өз мүмкіндік-терін ашып, оларды жүзеге асыра. Бірақ А. Маслоу талдауын-дағы дара адам әлеуметтік қатынастар жүйесінен тыс, қоғаммен байланысы жоқ. Оқшауланған тұлға. Қоғам, ғалым пікірінше, дара адам дамушы мекен, қоршаған ортағана.

Б. Ф. Ломов, басқа да орыс психологтарының пайым-даулары нақты, әрекетшен дара адамның қоғамдық қатынастар жүйесіне қосылып, сол жүйенің оның санасында бейне-леуіне негізделеді. Б. Ф. Ломов мотивтік-қажетсіну аймағы мәнін (құрамы, құрылымы, қозғалысы) және сол аймақтың дамуын түсіну үшін жеке адамның басқа тұлғалармен ара байланыс, қатынастарын қарастыруды қажет деп санайды. Адамның мотивтік аймағының басқа факторлардан тәуелділігін зерттеуде сол тәуелділіктің тікелей ғана емес, жанама байланысты болатынын, көп өлшемді және сипатты екенін бірде ұмытпау лазыым. Дара адам өз даму барысында басқа қоғам мүшелерімен болған тікелей байланыс шенберінен шығу мүмкіндігіне ие, осыдан оның қажетсіну аймағы қоғам-дық өмірдің күшті ықпалымен өрістей бастайды (саяси пікір, саясат, этика және т.б.). Адамның қажетсіну талаптары қоғамдық құрылымдардың өсерімен де дамиды. Мұндай құрылымдардың ең қарапайым түрі - нақты тұлға мүшесі болған адамдар қауымдастыры. Адам қажетсінуі көп жағдайда осы қауымның жетегінде болады. Ал нақты адам бір қауымдастық шенберінде қалып қоймайды, өмір бойы қауымдастытар тобы сан қылыш ауысып не өзгерістерге келіп отырады. Осыдан адамның мотив-қажеттіктері оның ішкі жан-дүниелік әрекеттерінің нәтижесі ғана емес, ол әртүрлі адамдар бірлестігімен байланысты дамып баратын жүйе. Сонымен, бір деңгейдегі қажетсіндерден өзгесіне көшу-адамның өзіндік даму заңдылықтарынан болмай, оның басқа адамдармен байланыс, қатынастыранан, тұтастай қоғамға араласуынан болатын процесс екенін ұмытпау керек.

Адамның көптеген мотивтерінде өзі араласқан әртүрлі қауымдастытарға тән қажетсіндер бейнеленуі мүмкін. Осыдан, мотив өте күрделі де ауыспалы құбылыс. Дегенмен, адам қара басына ықпал жасаушы өзінің рухани қүштерін (жеке адам мақсаттары, мұраттары, қажетсіндер, өмірлік бағыт-бағдар және т.б.) көп жағдайда сезе

бермейді. Егер олай болғанда, адам мұлтіксіз өзіндік санаға ие болумен, өзі жөнінде шексіз хабардар болып, өзіне өзі нақ баға бере алған болар еді. Ал, шынына келсек, нақты адам өзі жөнінде өзгелерден кемдеу біледі, басқалардың ол тұрасында бағасы шындыққа сәйкестеу келеді. Өлбетте, әрбір адам дәл мезеттегі нақты әрекеттерінің тікелей мақсатын айқын сезеді, өз өмірінің бүгі-жігін одан артық ешкім де білмейді. Ал таңданғандай жәйт: адам өзінің қандайда бір қылық, әрекеттерінің дәл себептерін көбіне анықтап бере алмайды, не айқын білмейді Адам әрекеті, қылықтары тұртқілерінің көбі оның өзі сезіп білмеген ықпалдар жетегінде жүреді.

Саналық негізге ие болмаған ықпалдардың бірі - **психикалық көрсетпе - талаптар**. Көрсетпе - талаптар психологияда жеке адамның қандай да қажеттігін қанағаттандыру үшін болған әрекетке өзі сезінбеген дайындық, бейімділік қалпын танытады. Көрсетпе талап, қорытындылап айтқанда, - объекті белгілі бір күйде қабыл-дауға, түсінуге, мәнін аңғаруға күні бұрын дайын болып, бейімділік танытып, сол саналық дайындықты өткен тәжіри-бемен ұштастыра әрекетке кірісуге негіз.

Тұрақтанған психикалық көрсетпелер жеке адамның әрекет қылықтарын айқындалп отырады. Мұндай көптеген көрсетпе-талаптардың мәнін құрайтын сипат - алдың ала шешімін дайындалп қою - адамның жеке тәжірибесінен алынған асығысты, толық пайымдалмаған қорытындылардың немесе белгілі қоғамдық топта қабылданған сінірлі пікір - ой стандарттарына бағынышты болудың нәтижесі.

Қоғамдық өмірдің әрқылы жағдайларына байланысты көрсетпе-талаптар ұнамды да ұнамсыз болып, **сенім** сипатын алуы мүмкін. Көрсетпе талаптар құрылымы үш **бөліктен** тұратыны зерттелген: **когнитивтік бірлік** - адамның біліп, қабылдайтын затының бейнесі; **көңіл-күй – бағалау бірлігі** - объектіде болған адамның ұнатуы мен жек көруі; **әрекет-қылық бірлігі** - іс объекті бағытында қандай да әрекет етуге дайын болу, еріктік күштерді іске қосу.

Мұндай мотивтер қатарына, сондай-ақ, дерексізденген ықпал ниет ретінде **құмарлық та** кіреді.

3. Жеке адамның бағыт-бағдары

Өмірлік бағыт-бағдар жеке адамның жүйелестіруші қасиеті ретінде оның психологиялық қалпын айқындаиды.

Адамның іс-әрекетін бағыттаушы әрі оны нақты жағдайларға икемдестіруші тәуелсіз тұрақты мотивтер жиынтығы **жеке адамның бағыт-бағдары** деп аталады. Бағыт-бағдар әрдайым әлеуметтік негізге ие болып, ол тәрбие нәтижесінде қалыптасады. Бағыт-бағдар - адамның қасиет-теріне айналған көрсетпе-талаптар. Бағыт-бағдар құрамына өзара байланысты, деңгейі жағынан бірінен бірі жоғары бірнеше формалар кіреді: **құмарлық, ниет, ұмтылыш, қызығу, бейімділік, мұрат, көзқарас, наным**. Адам бағыт-бағдарының барша формалары оның іс-әрекетінің тұртқілері есептеледі.

Аталған формалардың қысқаша мәні:

Құмарлық - бағыт-бағдардың ең қарапайым биологиялық формасы;

Ниет - саналы қажетсіну, толық белгілі затқа құмар-лық;

Ұмтылыш - ниетке еріктік күш қосылғанда пайда болады;

Қызығу - бағыт-бағдардың қандай да затқа ауысуын-дағы танымдық форма;

Қызығуға еріктік күш қосылса, бейімділік пайда болады;

Көзқарас - қоршаған дүние болмысын философиялық, эстетикалық, этикалық, жаратылыштану және басқа ғылымдар жүйесінде тану;

Наным - адамды өз танымы, принципі, көзқарас-тарына орай әрекетке ықпалдаушы мотивтер жүйесі, бағыт-бағдардың ең жоғарғы формасы.

Мотивтер жоғары не тәмен деңгейде, саналы немесе санаға тіпті де байланыссыз болуы мүмкін. Адам бағыт-бағдарының басым болуынан саналы мотивтер туындаиды. Айта кету керек, қажетсіндер мен мотивтер адам бағыт-бағдарының белгілі бір бөлігін ғана сипаттап, оның бастау түйіні, іргетасы ғана іспеттес. Осы іргетас негізінде адамның өмірлік мақсат, мұраты қаланады. Мақсат **нақты іс-әрекеттік** және **өмірлік** болып ажыратылады. Адам өмір барысында көптеген, сан қылы іс-әрекеттерді орындаудына тұра келеді, ал олардың әрбірі өзінің нақты мақсатына ие. Дегенмен, әрбір дара іс-әрекеттің

мақсаты жеке адам бағыт-бағдарының осы әрекетте көрінетін қайсы бір қырына ғана сәйкес болуы ықтимал. Өмірлік мақсатқа келетін болсақ, ол дара іс-әрекеттермен байланысқан барша жекелеген мақсаттарды біріктіруші фактор. Жеке мақсаттардың әрқайсысы өз орнымен орындалып баруы жеке адамның жалпы өмірлік мақсатының біршама іске асуын қамтамасыз етеді. Адамның жетістік деңгейі өмірлік мақсаттарға байланысты. Осыған орай адам өз келешегінің санадағы болмысын жобалайды. Мақсатты айқын түсіну мен сол мақсаттың іске асу жолдарын сезінуден қоғамдық тұлғаның болашағы айқындалады.

Оз болашағын көрегендікпен тани білуге қажет адам қасиеттеріне кедергі болатын жан күйзелістері мен түнілүлер психологияда - **фрустрация** делінеді. Мұндай психикалық қалып адамда оның мақсатқа жету жолында бой бермес кедергілерге кезіккенінде туындаиды. Фрустрациялық жағдай-дың белгілері-мақсатқа ерісудің қажеттілік себебі анық, сонымен бірге оған жетудің жолында күшті кедергі бары да көрініп тұр. Адам мұндайда фрустрацияға түспей, үлкен қыншылықтарды да жеңе алуы мүмкін. Ал кейбір сындарлы кезендерде қыншылық басымдау келіп, фрустрация өрістеп, ол адамның мақсат жолындаға әрекетінің берекетсіздікке ұшырауына себепші болады. Мақсатты әрекет бұзылышының келесі түрлері (Ф. Е. Василюк) белгілі а) қозғалысты қозу - мәнсіз қимыл-әрекеттер; б) түніліс; в) ашуға беріліп, әрекет-тен қалу; г) стереотипия-үйреншікті әрекеттерді ойсыз қайта-лай беру; д) регрессия - өмірдің алғашқы кезендерінде игеріл-ген үлгілерге еліктеі, ойсыз қимылдау (қазақта "балалығына тұсті").

4. Психологиялық қорғаныс

Көп жағдайда адамның көздеғен тұрмыстық қажет-тіктері қандайда себептермен орындала бермейді, оларды қанағаттандырудың мүмкіндігі болмай қалады. Мұндайда әрекет-қылық психологиялық қорғаныс тетіктерімен реттеліп барады. Психологиялық қорғаныс адамның қалыпты, табиғи болмысына тән нәрсе, ол арқылы адам қимыл-әрекетінде кезігетін ауытқуларды күні бұрын сезіп, олардың алдын алып отырады. Мұндай психикалық қасиеттер адамға көніл-күй күйзелістері жағдайында өзінің кісілік дәрежесін сақтап қалуға жәрдем береді.

Психологиялық қорғаныс қызметі өзінің мән-мағынасы бойынша қарама-қарсы екі тарапты құбылыс: бір жағынан, ол адамды өзінің шын мәніндегі ішкі жан дүниелік болмысына сәйкестенуге ойыстыrsa, екінші жағынан, адам-ның қоршаған сыртқы әлеуметтік ортаға деген икемділігін кемітеді. (Р. М. Грановская) Психологияда көптен белгілі **бітпеген іс әсері** деп аталатын құбылыс бар. Оның мәні - әрқандай кедергі нақты істі дөғаруға себепші болады да, адам сол кедергіні жеңбегенше, әрекетін әрі жалғастырмайды не кедергіні жеңу жолдарын іздестіруден бас тартады. Көптеген зерттеушілердің пайымдауынша, бітпеген іс адамды әрдайым қимыл-әрекетке итермелейді, ал егер істі орындаудың тікелей жолы табылмаса, ол сол іске тен болған баламалы басқа әрекетке кіріседі. Осыдан, мұндай психологиялық қорғаныс-ты баламалы әрекеттердің арнайы орайластырылған формасы деп түсінсе де болады.

Қорғаныс механизімдері табысқа жетудің қалыпты шарттары мүмкін болмаған кезде немесе адам істің түбегейлі бітпейтінін сезген кезде әрекетке келеді. **Психологиялық қорғаныстардың түрлері:** жоққа шығару, ығыстыру, көшіру, сәйкестендіру, жаңалау, ауыстыру, оқшаулай және т.б.

Жоққа шығару. Мұндай психологиялық қорғаныстың мәні: адамды қатерлендіріп, оны дау-дамайға соқтыруы мүмкін ақпарат еленбейді, қабылданбайды. Дау-дамай деп отырғанымыз жеке адамның жан-дүниелік көрсетпелеріне қайши келіп, оның өз болмысына, абыройына, өзіндік бағасына қатер төндіретіндей сеп-түрткілердің пайда болуы-нан көрінетін қайшылықтар. Бұл қорғаныс әдісінде шындықты қабылдау көбіне бұрмалаумен сипатталады. Жоққа шығару қорғанысы бала жастан қалыптасып, көп жағдайда төніректегі болмысқа сай объектив бағалауды шектейді, осыдан, әрекет-қылықтағы кейбір келенсіздіктер орын алады.

Ығыстыру - ішкі жан күйзелістерінен үйлесімсіз мотивтер не ұнамсыз ақпараттарды ойланып жатпастан, санадан шығарып тастау жолымен құтылуудың ең әмбебеп әдісі. Намысқа тиу не өкпелеуден болған істің төркінін басқалардан, кейде тіпті

өзінен де жасыру үшін өз әрекет-терінің жалған себептерін алға тартатын жағдай да болады. Шын, бірақ жағымсыз тұрткілер әлеумет сенгендей, содан біршама ұтыны жасыратында жалған себептермен ығыстырылады. Бұл жағдайда жалған мотивтер ете қатерлі, себебі олар жеке бастың әгоистік мұдделерін ақтау үшін қоғамда қабылданған ресми дәлелдерді орынсыз пайдалануға итермелейді. Қызығы сол, адамның тез ұмытатыны - басқалардың оған істеген жамандығы емес, ал оның өзіне өзі не төнрөгіндегілерге жасаған кесапаты. Ұғыстырылып, тез ұмыт болатын жәйттердің көбі басқаға істеген жамандық, қызғаншақтық, тұлға кемшіліктерінен болатын мінез олқылықтары. Өзіне жақпайтын, күйзеліске түсіретін ақпарат-тарды санасынан ығыстырайын деген адам сыңай көрсетіп, әлек болмайды, олар өзінен өзі естен шығып қалады.

Көшіру - адамның өзгелер қабылдамайтын өз басын-дағы мінез-қылыш кемшіліктерін мойындағысы келмей, ойланып, толғанбастаң басқа біреуге өткізе салудан болатын жаманшылық, өзінің ұрыншақтығын қарсыласына таңа салып, оны дау-дамайдың себепшісі етіп, көрсету әрекеті.

Сәйкестендіру - адамның өз қолы жетпейтін, бірақ аңсаған, басқа біреудің жақсы әдеп-қылықтарын иемденуі. Бала-лардың әлеуметтік тәртіп пен игі этикалық өнегелерді игеруі осы әдіске негізделген, Мысалы, жас еспірім баланың әкесі-нің әрекеттерін ойланбастан қайталап, оның мақтау-мадағына ұмтылуы осыдан. Жалпы мағынада, сәйкестендіру қорғанысы адамның өзінің әлсіз тараптарын жеңіп, сезім олқылықтарын толықтыру үшін үлгі, өнегелерге ойсыз еліктеп, мақсат-мұрраттарды ешқандай ниетсіз-ақ арқау етуінен туындайды.

Жаңалау - адамның істеген келенсіз әрекетін мойнына алса, өз қадірінің жоғалатынын түсінуден, болған оқиғаға бай-ланысты ниеттері мен қылыштарын өтірікшынды жанас-тырып дәлелдеуге тырысуы, мүмкіндіктері кемдігінен қолы жетпеген не жетпейтін заттардың объектив құндылығын өзін-ше кеміте салып, өз көнілін арбауы. Мысалы, баланың жегісі келіп тамсанып, бірақ, қанша тырысса да, қолы жетпеген тәт-ті жүзімді "ой, әлі піспеген, ашы ғой" деп қолын сілтей салуы.

Ауыстыру - адамның баста өз әліне қарамай, күрделі іске ұрынып, кейін бітпесін білген соң, оған деген әрекетін оңай жұмысқа бұра салуы. Осындай ауыстырудан қол жетпес қажеттіліктің орындалмауынан болған күйзеліс бәсендейді, бірақ ізгі мақсат адыра қалады. Өз алдына қойған, бірақ орындалуы мүмкін емес мақсатқа бағышталған әрекет іске аспаған жағдайда адам кез-келген мәнсіз қимылға ауыса салады, осыдан көніл-күйі жеңіл деп, үлкен күйзеліске түспейді. Кейде ауыстыру әрекеттерінен адамның бағыт-бағдары алғашқы нак. мәнді істен, болымсыз, фантазиялық кейіпке де тусуі мүмкін.

Оқшаулау - адамға соққы болатын жәйттердің сана денгейінен шегеріліп, басылуы. Мұндайда жағымсыз эмоция-лар саналы, яғни әдейі оқшауландырылып, болған оқиға мен одан келетін әсерлер көнілге алынбайды, адам бұрын қандай да мәнге ие болған оқиға немесе өз толғаныстарының шындығын іші сезіп тұрса да, оларды байқамайтындей кейіп көрсетеді.

Психологиялық қорғаныс әсері адамға қай жағдайда да өзінің ішкі қалыпты көніл-кейпін тұрақты сақтауына жәрдем-деседі. Тіпті әлеуметтік шектеулерді бұзғанның өзінде де, өз қылышының зиян тарапын кеміте, оған ақтау табуға тырысады. Егер адам өз қадірін тани білсе, өзінің қандай әрекетте болмасын кемшілік, олқылықтарын ұғынумен оларды жоюға үмтүлады. Мұндайда адам өз әрекеттері мен мінезін өзгерtedі, ал өзгерген ұнамды тұлға сапасы оның санасын жаңалып, өмірлік серігіне айналады. Егер адамның өз қадірін сақтауына тірек боларлық ниетtelген қылыш пен күнделікті жүріс-тұрыс арасындағы сәйкесіздік туралы ақпарат санамен қабылданбаса, қайшылық сигналдары психологиялық қорғанысты іске қосып, ниет пен ақиқат арасындағы қарсылықтардың шешімі табылмайтын болса, адамның өзін өзі жетілдіруі мүмкін емес.

Қайталау және бекіту сұрақтары

1. "Жеке адам" анықтamasы қандай?
 2. "Жеке адам" түсінігімен сýбайлас терминдер жүйесі, олардың сипаттamasы қандай?
 3. Жеке адам бағыт-бағдары дегеніміз не және оның пайда болу себептері неде?

4. Жеке адамның қоғамдық мәнін қалай түсінесіз?
5. Жеке адам деңгейіне көтерілуге себепші ықпалдар қандай?
6. Жеке адамның өмірлік салты дегенді қалай түсінесіз?
7. Жеке адам қалыптастында қажеттіліктің рөлі қандай?
8. Психологиядағы жеке адам мотивтерінің мәні неде?
9. Саналы басқарылмаған көрсетпе-талаптар сипаты қандай?
10. Жеке адамның бағыт-бағдар формалары және олардың сипаттамалары қандай?
11. Жеке адамның "Мен" бейнесінің мазмұндық құрамы қалай түзілген?
12. Жеке адамның психологиялық қорғаныс әдістері және олардың сипаттамасы қандай?

16-дәрісбаян

ЕРІК

- Жоспары:**
1. Ерік жөнінде түсінік.
 2. Ерік теориялары.
 3. Еріктің физиологиялық негіздері.
 4. Ерік құрылымы.
 5. Ерік сапалары.
 6. Жеке адам жөне ерік тәрбиесі.

1. Ерік жөнінде түсінік

Қандай да іс-әрекеттің қажеттігін білумен, адам соған орай керекті шешім қабылдайды, бірақ оны орындау үшін кейде ешбір қимыл жасай алмайды. Мұны орынды тұртқілердің кемдігімен ғана түсіндіріп болмайды. Кейде адам тіпті өз өмірі үшін қажетті болған жұмыстарды да аяқсыз қалдырады.

Тендей білік пен білімге, ортақ көзқарас пен сенімге ие бола тұра, адамдар өз алдарында тұрған міндеттерді бірі сылбыр, бірі шапшаң, әртүрлі қарқынмен орындаиды, немесе кей адам іске байланысты қандай да қыыншылық кездесе қалса, жұмысын қоя салады, ал екіншісі мұндай кезде қуатына қуат қосып, өршелене әрекетке кіріседі. Адамдағы бұл құбылыстардың бәрін психология ерік көрінісімен байланыстырады.

Ерік - бұл адамның мақсатты жұмыс орындау барысында кезікken сыртқы және ішкі кедергілерді женуімен байланысты өз қылыш әрекеттерін қолдап, реттей білу қасиеті. Ерік өмірдің ауыртпалық түскен жағдайларында белсенделік көтеріп, өзін-өзі реттеудің көзі болумен түгелдей сана басқарымында болады. Адамның өз әрекет-қылышын реттестіре алу қабілетінің негізінде жүйке жүйесінің өзара ықпалды қозу мен тежелу байланыстары жатыр. Осы принциптерге сай ерік **саналы өзіндік басқарумен** бірге **белсен-ділік арттыру**, немесе **ынталандыру** және **реттеу** қызметтерін де атқарады.

Ерік, яғни ырықты әрекеттер - ырықсыз қимыл - қозғалыстар негізінде пайда болады. Қарапайым ырықсыз қимылдар қатарына жататындар, мысалы, көз қарашығының тарылуы мен жайылуы, жыптылықтау, жұтыну, түшкіру т.б. құсаған рефлексті әрекеттер. Ыстықтан қолды тартып алу, шу шықкан тарапқа бас бұру т.б. сияқты қозғалыстар да осы топтан. Біздің сезімдік, көніл-күй таныту әрекеттеріміз де ырықсыз сипатқа ие, мысалы, таңдана, қасымызды кереміз не ауызымыз ашылып қалады; қуана, куле шырай білдіріп, ашуда қабағымызды түкситіп, тісімізді қайраймыз т.с.с.

Сонымен бірге, әрекетіміздің жалпы мақсатынан тыс, ниеттенбеген импульстік қозғалыстар да осы ырықсыз қимылдар тобына кіреді, мысалы, сырттағы шуға мойын бұру, қандай да затқа бір көргеннен әуестену т.б. Еріктік қылыштың ерекшелігі оның "мен қалаймын" емес, "мен міндеттімін" толғанысының жетегінде болуы. Дегенмен, кейде адам өзінің еріктік бағдары мен тұма қылыштарын біріктіре алады, мысалы, "Мен өз борышымды орындауды қалаймын" – "борыш" - еріктік, "қалаймын" - импульстік. Осыдан, біздің барша өміріміз ұдайы еріктік әрекеттер мен әдептегі қылыштарымыздың өзара байланысты қатынасынан тұрады. Ырықсыз қозғалыстарға қарсы қойылатын саналы әрекеттер адамға тән бола келіп, ниеттелген мақсатқа жетуге бағдар-ланады. Еріктік қылыштың басты көрсеткіші де осы нақ мақсатқа бағытталған саналы әрекет. Бірақ әрқандай ниет өзінің құрылымдық күрделілігінен көздеңген мезетте іске аса бермейді, осыдан еріктік әрекет өз ішіне жеке бірліктер ретінде көп қайталанудан бастапқы саналық сипатын жойып, автоматтасқан қимыл-қозғалыстарды қамтуы мүмкін.

Кейбір еріктік әрекеттер күрделі сипатта болуынан, оның орындалуы ұзақ мерзімге созылуы мүмкін, мысалы, тау шыңын ерттеп мінем деген альпинист, көрмеге дайындалған оқушы т.с. өз ойларын ақтауы үшін талай жұмыстарға мәндай терін төге, ерік күшін сарп етуі керек.

Психиологиялық қорғаныс механизмдерін пайда-ланып, кейбір ұнамсыз қылыштар төркінің басқаларға білдірмей мақсатымен адам өзінің ішкі кедергілерін сырт, объектив етіп көрсетуге тырысады. Мысалы, сабаққа кешік-кенін оқушы үйкесырап қалғаны

(субъектив кедергі) мен жауапкерсіздіктен емес, мың-сан жалған объектив кедергі-лермен байланыстыра салуы мүмкін: әжем ауырып қалды, дәрігер шақырдым; автобус уақытында келмей қалды, асығудан жығылып, үстімді бұлдіріп, үйге барып, қайта киіндім т.с. Әрқандай ниетtelген мақсаттың орындалуында түрлі объектив сипатқа ие сыртқы кедергілер кездеседі. Бірақ кедергіні жеңуге бағытталған көрінген әрекет еріктік бола бермейді. Мысалы, иттен қорқа қашқан бала, кейін өзі таң қалғандай, былайғы күнде қолынан келмес әрекеттерді жасайды: биік дуалдан секіріп өткен, жалаң аяқ жантакты жерден жүгірген, сулы кең арықтан секіріп өткен т.с.с.

Мақсатқа жетуде қандай да қынышылықтарды жеңу сол мақсаттың мән-мағынасын терең түсіне білуге және адамның өз борышын саналы байыптауына тәуелді. Мақсат неғұрлым маңызды болса, адам соғұрлым қандай да кедергі-ден қаймықпайды. Кей жағдайларда мақсаттың өмірден де қадірлі болуынан, адам ол үшін жан пидалыққа барады. Аяулы ару батырларымыз Мәншүк пен Әлияны еске түсірініз.

2. Ерік теориялары

Еріктік әрекеттер табиғатын түсіну үшін бұл жөніндегі ғылыми көзқарастар өрісіне зер салған жөн. Ерік ұғым ретінде де, нақты болмыстық құбылыс ретінде де тарихи сипатқа ие. Ежелгі және орта ғасырлық дүние ерік құбылысын бүгінгі біздің түсінігіміздей танып білмеген (Г. Л. Тульчинский). Мысалы, ежелгі қоғамда адам еркі жөнінде тіпті сөз болмаған, оның орнына "даналық мұраты" ұғымын қолданған. Адамның қылыш-әрекеттері табиғат пен өмірдің ақыл бастауларына және логика қағидаларына бағынады деп түсінген. Осыдан, Аристотельдің пайым-дауынша, әрқандай әрекет логикалық қорытындылардан туындаиды. Ал өзінің "Никомахов этикасы" еңбегінде: "дәмдінің бәрін жеу керек" және "бұл алма дәмді" деген пікірлер санада "Бұл алманы жеу керек" деген қорытынды ой пайда етпейді, адамды бірден сол алманы жеп қою әрекетіне келтіреді" - деп жазған. Ерік табиғатына болған мұндай көзқарас қазіргі күнде де жоқ емес. Ш. Н. Чхарташвили **мақсат** пен **саналы тану** интеллектуалды әрекеттер категориясынан туындаған деумен, еріктің өзіндік сипаты барлығына шек қояды, сондықтан ғылымға жаңа бір "ерік" терминін ендірудің қажеті жоқ екенін дәлелдеуге тырысады.

Жеке адам қасиеті сипатында ерік ортағасырлықтарға да таныс болмаған. Мұны сол уақытта қоғамда орын алған **экзорис** - жын-шайтан қуу үрдісінен аңдауға болады. Бұл үрдісте адам шылғи да енжар астама күйінде танылып, сыртқы әсерлер жинайтын "ұя" ретінде бағаланған. Ол заманда ерік дербес жасайтын, нақты қайырымды не жауыз құбыжық күштер түріне енген құбылыс деп есептелген. Бұл тылсым күштер қандай да мақсаттар белгілеуші ақылға ие деп түсінілген. Осы күштерді (тіпті нақты періште мен шайтан есімін білуге дейін) танудан адамның "шын" қылыш-әрекетінің мәнін түсінуге болады-мыс.

Ерік табиғатын бұлай түсіндірудің себебі - сол заманда қалыптасқан қоғамның адам әрекет-қылышының негізі оның өзінде екенін мойындаудан. Әр адам бабалардан жеткен нәсілдіктің ізі ғана деп қабылданған. Мұндай сипаттан қауымның кейір мүшелерінің ғана ажыратылуға құқы болған, мысалы, бабалар аруағы және ол дүниемен тілдесетін - бақсы-балгер (шаман), от пен металды бағындырған - темірші, өзін қоғамға қарсы қойған қарақшы - қанішер т.б.

Мүмкін, ерік түсінігінің жаңа "Қайта тіктелу" заманында жеке адам проблемасымен бірге ғылым аренасына келуі осы адамның қалыпты жағдайдан ауытқуларын мойындаудан болар. Осыдан адам шығармашылыққа қабілетті, "тіпті қателер жіберуге де бейім" дегендегі тұжырымдар жоққа шығарылмады. Қалыптан шығып, тек ортасынан бөлінумен адам жеке адамдық кемелденуге жетіседі. Мұндай тұлға үшін ең мәнді нәрсе - **ерік бостандығы**.

Ерік бостандығын бір жақты асыра дәріптеу нәтижесінде **экзистенциализм** немесе "тіршілік философиясы" пайда болды. Экзистенциализм (М. Хайдеггер, К. Ясперс, Ж. П. Сартр, А. Камю т.б.) ерікті тәуелсіз, тыскы әлеуметтік әсерлерге қатысы жоқ құбылыс деп таниды. Мұндай пайымның негізі-қоғамдық байланыстар мен қатынастардан, әлеуметтік-мәдени ортадан бөлек, дерексізденген адам. "Дүниеге қандай да бір құшпен келіп қалған" бұл адамның өмірі мағынасыз "қым-қиғаш оқиғалар" жынтығы

да, адамның өзі – "пайдасыз құмарлық". Мұндай адамның қоғам алдында ешқандай инабаттық міндеттері мен жауапкершілігі жоқ. Осыдан да ол адамгершіліктен жүрдай, намыссыз, өз бетімен кеткен, тартыну дегенді білмейді. Қандай да қалып-тәртіп (норма) ол үшін жойылу, басыбайлықта түсу көзі. Ж. П. Сартр пікірінше, нағыз адамгершілік - бір ғана рет көрінетін, реттестірлімеген, қандай да қоғамдық мекемелер талаптарының шенберімен оқшауланбаған, өздігінен туындаитын, себепсіз, "әлеуметтенуге" қарсылық әрекеті. Ерік бостандығын асыра мадақтаудан экзистенциалистер адам болмысының жалпы негіздері жөніндегі ойларына дәлел айта алмай, адамды өз өмірінің мәні, мақсаты және жауапкер-шілігінен айыратын, қоғам, тарих, мәдениетке қайшы келетін кездойсоқ, жауыздық, ақылдан аулақ бастаулар тұнғиығына бір-ақ түсірді.

Қылыш iesi-адам қалыптасқан тағылым-талаптарды жоққа шығара отырып, міндетті түрде қандай да басқа, өзіне ұнған құндылықтарға ауысады. Егер адам бір мәдени қалыпты мойындағысы келмесе, онда оның бұл әрекеті екінші бір, қыр-сырлары танылыш болмаған қажеттікі көздегені. Осыдан ежелден бүтінге дейін баршамыз қоғамға жат деп есептейтін паракорлық пен нашақорлықтың бір жағы мәдениеттіліктен шыққандығы ғажап нәрсе. Бұл қоғамға ерсі болып көрінген қылыштардың өздері де қандай да үйімдасу негізіне ие, өздеріне сай талап, ережелері, мақтан тұтатын қырлары мен ғұрыптары баршылық.

Осыған байланысты түсініктеме берген И. П. Павлов ерікті - адам белсенділігіне байлау болатын кедергілерді көрінетін әрекетшендік – "еркіндік инстинкті" деп қарастырады. "Еркіндік инстинкті ретінде ерік аштық пен қауіп-қатерден де мәнділеу. Егер осы қасиеті болмаса, - деп жазды И. П. Павлов, - жануар алдынан шыққан елеусіз-ақ кедергіден өте алмай, өлімге душар болар еді". Ал адам үшін мұндай кедергілер қатарына әрекетке матау болатын сыртқы әсерлер ғана емес, өз қызығулары мен қажеттіліктерін бақылауға алатын өзіндік сана мазмұны да болуы мүмкін. Бұл тұрғыдан еркіндік инстинкті болған ерік, Г. Л. Тульчинский-дің пікірінше, жеке адамның психологиялық болмысының барша деңгейлерінде көрінеді, бір қажеттіліктерді басып, екіншісіне ынталандырады, өз міндеттін танытып, жеке адамдық қадірін қорғау мен өз мұраты үшін жан пидалықта дейін апарады.

3. Фрейд пен Э. Фроммның психоаналитикалық зерттеу-перінің нәтижесінде "ерік адам қылыштарына дем беруші ерекше қуат" деген түсінік ғылымға енді. Бұл ғалымдардың болжамынша, адам қылыштарының көзі - психикалық формаға келтірілген жанды ағзаның қандай да биологиялық қуаты. Ал бұл қуат, З. Фрейдше, санадан тыс, ақылдан алшақ "либидо" (махаббат) - жыныстық құмарлықтың психо-сексуалды энергиясы. Мұндай тұжырымдаумен З. Фрейд адам қылышын осы тіршілік жалғастыруышы, яғни "либидоның" "мәдениеттестірлігін" алғашқы көрінісі (эрос) деп, ал кейін бұл қылыш адамның арғы дүниеге (өлімге) ұмтылысының белгісі (танатос) екенін түсіндіріп бақты.

3. Фрейд болжамдары оның шәкірттерінің еңбекте-рінде қызықты эволюциялық жалғасын тапты. Солардың бірі К. Лоренц ерік энергиясы адамның әу бастан жыртқыш болуынан дегенді алға тартты. Егер осы жыртқыштық қасиет қоғам рұқсат еткен белсенділіктер түрінде жүзеге асып тұрмаса, ол әлеуметтік қатерге айналып, ырыққа келмейтін қарақшылық әрекеттермен ұштасуы мүмкін. А. Адлер, К. Г. Юнг, К. Хорни, Э. Фромм ерік көріністерін әлеуметтік жағдайлармен байланыстырады. К. Г. Юнг үшін бұл - әр мәдени қауымда ежелден қалыптасқан әмбебап қылыш және ойлау түрлері, А. Адлер әкімшілік пен әлеуметтік билікке талпыныс; ал К. Хорни мен Э. Фромм ерікті мәдени ортада өз мүмкіндіктерін іске асыра білудің шарты деп біледі.

Шынына келгенде, психоанализ бағыты өкілдерінің (З. Фрейд және шәкірттері) қай-қайсысы да қорытынды пікірлерін - адам әрекеттерінің көзі - қажеттіліктердің мәнді, бірақ тұтастай емес, бір тарапын ғана асыра дәріптеуге бағыттаған. Пікір қарсылығын тудыратын тек бұл әсіре ғана емес, адамның өз "тіршілігін сақтау" мен "тұтастығын қолдауды" қамтамасыз ететін ықпалдарды түсіндіруі де ғылымдық көзқарасқа сай келмейді. Адам өзінің биология-лық болмысы, яғни тіршілігіне қарсы қатерге де баруы тұрмыстан белгілі: соғыстағы ерлік, қауіп-қатерде батылдық т.б., бірақ фрейдшілер бұл жағдайды ескермейді.

Еріктік әрекет себептері адамның сыртқы ортамен белсенді қарым-қатынасқа келуінен туындаиды. Еріктің себепті болуы адамды қандай да қылышқа мәжбүрлеп, қондіруді білдірмейді. Адам табиғатынан қоршаған орта жағдайлары болмай, өз өмірін қолдай да, жалғастыра да алмайды. Ерік бостандығы - табиғат пен қоғамның жалпыланған занұлықтарын терістеге емес, керісінше, адамның оларды жете танып, өз әрекетін соларға сай реттестіре білуі.

3. Еріктің физиологиялық негіздері

Психиканың басқа да көріністері сияқты ерік те мидың жүйкелік процестеріне негізделген заттасқан құбылыс.

Ырықты әрекеттердің негізі алдыңғы орталық жүйке сайларындағы ми қабықтарының бірінде орналасқан аумақты **пирамидалы жасушалар** қызметінде көрінеді. Әрекетке келтіретін импульстар осы жасушаларда пайда болады, осы арадан түйдектелген жүйке талшықтары бастауды алғып, миға тереңдейді, одан төмен түсіп, жұлдызы (арқа ми) бойлай отырып, дененің қарсы тарапындағы бұлшық еттерге жетеді, яғни пирамидалы жол жүреді. Осы жасушалардың қай бірі жарақаттанса, адамның оларға сәйкес бір қозғалыс мүшесі істен шығады.

Алайда, ырықты әрекеттер бір-біріне байланысты өзара ықпалды әрі ниеттелген қимылдардың құрделі жүйесін-де пайда болады. Бұл процесте қозғалыс түйсіктерінің маңызы үлкен. Егер алдыңғы орталық жүйке сайларының артына жайғасқан бөліктердің бірі зақым алса, адам өз әрекеттерін сезбей, қарапайым қимылдардан қалады, қалаған қозғалысын таңдап, реттей алмайды. Әрекеттердің бір ізділігі мен байыптылығы алдыңғы орталық жүйке сайларының қызметімен басқарылады. Бұл ми қабығы бөлігінің зақымдануы қозғалыс икемсіздігіне соқтырып, бұрыннан қалыптас-қан дағдыларды жояды.

Аталған ми аймақтарынан басқа, еріктік әрекеттердің бағыты мен қуатын қолдап баруши құрылымдарды да ескерген жөн. Мидың маңдай **профронталь** бөлігі істен шығынан қимыл-әрекеттер ырықты реттелуден ауып, қажетті бағдарламаға көнбей, ерік жоспарына икемдесуден қалады. Мұндай **аппраксия** жағдайында адам қандай да ісін бастағанымен, аяқтай алмайды, бастамай жатып, доғарып та қоюы мүмкін немесе еленбес себептерден-ақ жұмысын басқа арнаға бұрып жібереді. Клиничкалық тәжірибеде кездескен жағдай: аппраксияға ұшыраған бір науқас ашық түрған шкафтың жанынан өте бере, ішіне кіріп алышты да, енді не істерін білмей, жан-жағына алақатап түрған құсайды. Мұндай сырқатты адамның әрекет-қимылтының басы бірікпей, басқаруға келмейді.

Ми сырқаты негізінде адам **абулия** (зақымды еріксіз-дік) ауруына ұшырайды. Мұндайда әрекет иесі өз қадамының қажеттігін біле тұра, оны іске асыруға ерік құші жетпей, керекті шешім мен әрекетке келе алмай, жан қүйзелісіне түседі. Абулия ми қабығындағы шектен тыс (зақымды) тежелу мен мидан берілетін импульстік ықпалдардың қажетті деңгейінің бәсендесуінен болады. Осыдан сырқат адам көбіне ырықсыз қылыштар шырмауынан шыға алмай, қиналады.

Ерік әрекеттерін орындауда адамның саналы әрі мақсатты қимыл-қозғалыстарын реттеуші **екінші сигналдық жүйенің** маңызы орасан. Екінші сигналдық жүйе адамның қозғалыс қуатын арттырумен бірге, барша психикалық процестерінің: ойлау, қиял, ес, зейін, сезім - бастау көзі. Осыдан, ырықты әрекет бас миң қабығының барша бөліктерінің біркелкі қызметінің нәтижесі ретінде көрінеді (И. П. Павлов).

Тұтастай алғанда ерік шартты рефлекстік сипатқа ие. Уақытша жүйке байланыстарының негізінде әрқилы ассо-циациялар жинақталып, бекиді. Енді келіп түсken ақпарат бұрыннан бар біліктермен салыстырылады. Егер келіп түсken хабар ми қабығында бұдан алдын түзілген бағдарламамен сәйкес келмесе, не әрекет өзгереді, не жоспар қайта жасалады. Ерікті реттестірудің рефлекторлық негізі бас миңдағы **қажетті қозу ошағының** пайда болуына тәуелді. Бұл жүйкелік қозу ұдайы энергиялық қуатты керек етеді. Мұндай ми қажеттін ерекше аккумулятор сипатты **ретикулярлы формация** қамтамасыз етеді. Осы ретикулярлы формация қажетті қозу ошағының қуатын қолдауынан, адам қандай да жұмыс орындауда үлкен жігерлілік танытып, көздеген мақсатына жетуге батыл қадам жасайды.

4. Ерік құрылымы

Әрқандай ерік әрекеті өзінің күрделігімен ерекше-ленеді. Ниеттелген мақсат анық болып, орындалу жағдай-ларына сәйкес әрі тікелей іс-әрекетке өтетін болса, әңгіме қарапайым ерік әрекеті жөнінде болғаны. Ал **күрделі ерік әрекетінде** ықпал жасаушы импульстар мен нақты әрекеттер арасына қосымша ерік бірліктері енеді. Ерік процесінің мәнді **кезеңдері мен бөліктегінің** құрамы келесідей: 1) *ниеттің туындауы мен мақсат белгілеу;* 2) *талдау, талқылау кезеңі мен тұртқілер таласы;* 3) *шешім қабылдау;* 4) *орындау.*

Еріктік әрекет желісінің бастапқы басқышының негізгі мазмұны - **ниет белгілеу мен мақсат қою.** Ниеттің бәрі бірдей саналы болып келе бермейді. Қандай да қажеттілік өз түсінік денгейіне орай **құмарлық** немесе **тілек** сипатын алады. Егер тұлға өз жағдайына қанағаттанбаса, сонымен бірге, осыған байланысты қажеттілік толығымен өзіне әлі түсініксіз болса, оның мақсатқа жету жолы мен шараларының күнгірт болғаны. Бұл жағдайда оны іске итермелейтін әшейін құмарлық, көрсекзызарлық. Құмарлықта адам өзіне бірдене-нің керектігін сезінеді, бірақ сол нәрсенің не екеніне көзі қанық жетпейді, қажеттілігін нақты түсінбейді. Мұндайда "не керегін, өзі де білмейді" дейміз. Байыпталмағандығынан құмарлық іс-әрекетке бастау бола алмайды. Сондықтан да ол ауыспалы құбылыс, ондағы қажеттілік бірде сөнеді, ал кейде анық-қанығы ашылып, нақты тілек, ниет, арманға айналады.

Бірақ тілек ету де әлі әрекетке келу деген емес. Қажет-тілік мәнін бейнелегенімен тілекте белсенділік болмайды. **Тілеу** - бұл алдымен әрекетке келтіруші себепті түсінү кезеңі. Әрқан-дай қылыштың тұрткісіне, кейін мақсатына айналудан бұрын тілік сарапталып, бағаланады; оның орындалуына кедергі не қолдау беретін шарттар өлшестіріледі. Тілек іс-әрекет тұрткісі сияқты өзінің туындауына себепші болған қажеттіліктің айқын-дығымен ерекшеленеді. Ұңталандыруши күшке негізделген тілек адам санасын болашақ мақсатқа ойыстырып, жоспар тұздіреді, сонымен бірге ол мақсаттың орындалу жолдары мен құрал-жабдықтарын ақылға сай нақтылайды.

Көрінген тілектің бәрі іске аса бермейді. Адамда бір уақытта әртүрлі, тіпті біріне бірі қайшы келген тілектер туындалап, осыдан қайсысына орай әрекет істеуін білмей, ол құйзеліске келеді. Мектепті бітіріп, қай жоғары оқу орынын таңдайтынын біле алмай, дағдарысқа түскен кешегі окушы осының мысалы.

Әрқильтіктер маңызының өзгеріске келуінен адамда **тұртқілер құресі** басталады. Бұл талас-тартыстың мәні: әлі бастамаған әртүрлі әрекеттердің он не теріс тараптарын, қай жағдайда қандай әрекетке кірісу қажеттілігін таңдауға бағышталған адамның талқылау ісінің жүруі. Тұртқілер таласы жағдайында адам үлкен толғанысқа келіп, өз санасы мен сезімінің, қара басы мен қофам мүдделері арасындағы қарама-қарсылықтарды жеңе алмай, өз "қалауы" мен сырттан қойылған міндет "талауына" түседі.

Тұртқілер тартысының қорытынды сатысы-**шешім қабылдау**; бір тұрткіні қалаумен нақты мақсатқа жүгіну. Шешім қабылдай отырып, адам бұдан былайғы әрекеттің бәрі оның өзіне тәуелді екенін сезеді, бұл өз кезегінде онда еріктік әрекеттің ерекше сипаты - **жауапкершілік** сезімін оятады. Батыл шешімге келудің бірнеше жолы белгілі (У. Джеймс):

1. Саналы шешім тұртқілер қарсыластыры бірте-бірте семіп, арасындағы бір мәнділеу баламаға аса зорлықсыз-ақ жол беруден пайда болады. Көзделген әрекет жайбарақат, өзінен өзі басталғандай сезіледі.

2. Таңдау толғанысы мен батылсыздық ұзаққа созылып, терендей түссе, адам дағдарысқа келіп, ештеңеге кіріспегеннен гөрі, бірін бастай салайын деп, қателікке ұрынуы мүмкін. Мұндайда қандай да бір кездейсоқ әсердің ықпалында қалып, "не болса, сол болсын" деумен, адам өз басын "тағдырдың жазғанына" көндіреді.

3. Ұқпалды-ұңталандыруши күштердің жоқтығынан, өз батылсыздығынан іштей қүйініп, адам қалай болса, солай, ойланбай, іске барады, тап осы мезетте істің ақыры не бола-тыны оны қызықтырмайды. Мұндай көзсіз батылдық өте әрекетшен, күшті көніл-күйдегі темперамент иесінде болады.

4. Ішкі толғаныстардың байыпқа келуі - алғашқы тұртқілер құндылығының өзгеріске келуіне де байланысты. Мұндайда шешім адамгершілік көзқарас, намыс араласумен қабылданады. Адам "маған осы не болды" деумен, өзін жинақтап, қажетті бағыттағы

әрекетке батыл кіріседі.

5. Кейде өз қалауын қонымды ақылға сыйғыза алмай, адам белгілі бір әрекет түрін таңдайды, яғни ерік күшімен өз көңілінде бұрын еленбей келген бір тұрткіге қуат береді, осы-дан жаңағы тұрткі басқаларын басып, әрекет көзіне айналады. Қазақтың "Көз қорқақ, қол батыр" мәтепі осының айғағы.

Шешім қабылдау біршама құрделі процесс, оның жүрісі де ішкі толғаныстың үдемелі қозғалысын тудырады. Ал шешімге келуден, адам жеңілденіп, қанағаттану сезіміне бөлөнеді.

Бірақ шешімге келу әлі жұмыстың орындалуын қамта-масыз ете алмайды. Кейде ниетtelген әрекет те іске аспайды, бастама аяқсыз қалады. Еріктік әрекеттің мәнділігі сеп-тұрткілердің тайталасы мен шешімнің қабылдануында емес, жұмыстың белгілі нәтижеге келуінен. Қабылдаған шешімін нәтижелі істе көрсете алған адам ғана ерік күшіне ие деп бағаланады.

Еріктік әрекеттің орындалу кезеңі өзінің қурделі құрылымына ие. Шешімнің орындалуы қандай да мерзіммен байланысты. Егер шешімнің орындалуы ұзақ мерзімге кейін қалдырылса, онда ол **ниет** қана. Ниет соңға ысырылған әрекетке дайындық ретінде танылып, шешімге байланысты көзделген мақсатты білдіреді. Мысалы, окушы келесі жылдан бастап "беске" оқуды жоспарлайды, яғни ниет қояды. Мұндай ниет ерікті әрекет жасауға жеткіліксіз. Бұл әрекетте мақсатқа жетудің **жоспарлау** сатысын ғана байқаймыз. Жоспарлау - құрделі ой әрекетімен ұштасқан, қабылданған шешімнің тиімді әдістері мен құрал-жабдығын іздестіру кезеңі.

Жоспар әрқилы деңгейде, сапада болуы мүмкін. Кей адамдар бәрін өлшестіріп, пайымдаса, екіншілер жалпы, үстірт жоспармен шектеледі. Жақын үақытта орындалатын әрекет-тер нақты, айқын қарастырылса, үақыт өтүмен жүзеге келетін істер құнғірттеу болады. Жоспарланған әрекет өздігінен бола қалмайды, ол үшін ерік күші араласуы қажет. **Ерік күші** - бұл адамның қажыр-жігерін жинақтап, мақсатқа жетуге керек болған қосымша қуат, тұрткілердің көзін ашатын, мақсатты белгілеу мен істің орындалуына дейінгі ерік процесінің барша бөліктеріне ықпалды фактор. Орындау барысында адам өзінің ішкі кедергілерін ғана емес, сыртқы қыыншылықтарды да ерік күшімен жеңетінін нақты байқай аламыз.

Ерік күші бұлшық еттердің күш салуынан сапалық өзгешелікке ие. Ерік күшінде дene қозғалысы тіпті мардым-сыз, ал оған байланысты ішкі жан толғанысы шектен тыс деңгейге жетіп, кейде адамның тірлік қалпына зақым келтіруі мүмкін.

Ерік күшінің қарқындылығы төмендегі жағдайларға тәуелді:

1. Жеке адамның көзқарасы (жапон самурайы, жахид жариялаған мұсылман).
2. Моральдық тұрақтылық (жауапкерлік, немікұрайлық).
3. Қоғамдық мәнді мақсаттар.
4. Іс-әрекетке деген көрсетпе-талап (мұғалімнің оқушыға тапсырмасы: "тек оқып кел", "бірін қалдырмай көшіріп ал" - әрқайсысы әртүрлі ерік күшін керек етеді).
5. Жеке адамның өз басын жұмысқа бұрып, басқара алуы. (Өзін жетілдіре алмаған адам, қыыншылықтарға төзімсіз келеді).

Адам орындалатын істің маңызын, оның моральдық талаптарға қайшы еместігін де түсінуі мүмкін, алайда бұл оған іс барысындағы кедергі, қыыншылықтарға қарсы тұруға демеу бола алмайды. Түсінуден көптеген басқа ниет, тілек-терді баса отырып, қажетті ұмтылысты пайда етуі үшін, адам "осылай болуы тиісті" дегендей үлкен жан қалауы - борыш сезіміне бөлөнуі тиіс. **Борыш сезімі** - моральдық талаптардың адамның ішкі жан дүниелік қасиетіне айналып, "мендік" пен қоғамдық мүдделер тоғысында таңдалатын тиімді әрекет-қылыштың жол көрсеткіші.

Көп жағдайда адам ерік күшімен өзінің мінез-қылышындағы ырықсыз белсенділігін ноқталап, тоқтамға келтіруіне тұра келеді, бұрыннан бекіген әдеттері, бойға сіңген келеңсіз қылыштарына қарсы шайқасқа түседі.

Бірақ мұнысымен адам ырықсыз белсенділікті түбе-гейлі шектей алмайды, тек түрін өзгертіп, не тыскы көрініс-терін басуы мүмкін. Сондықтан да, **ерік - адамның өз болмысын билей алу қабілеті**, өз ұмтылыстары, сезімдері мен құмарлықтарына тоқтам беру қасиеті.

Ерік әрекеттерін іске асыру барысында, әсіресе орын-даудан соң **бағалау** кезеңі келеді. Баға түрлі әлеуметтік-саяси, моральдық, эстетикалық т.б. бағыттардан беріледі, ал кей жағдайда аталған талғамдардың басы бірігіп, бір бағаға арқау болуы ықтимал. Баға тек жеке адамның өлшемінен емес, іске қатысы бар көвшіліктің пікіріне де телінің мүмкін. Осыдан, ұжымдық баға әрбір дара тұлға әрекет-қылышының шын өлшемі бола алады. Орындалған іс-әрекеттің бағамы қабыл-данған шешімдер мен іс әдістерін қолдау, ақтау не кінәлау сипатта көрінеді. Әрқандай баға көңіл-күй толғанысын тудырып, іс нәтижесінен қанағаттану не қанағаттанбау сезімі-не бөлейді. Орындалған әрекеттің болымсыздығынан адам опық жейді, ұят қысылысына түседі. Баға жұмыстың ендігіден былай жалғасуына, өзгеруіне не доғарылуына түрткі болады.

5. Ерік сапалары

Әрбір адамның ерік әрекеті өзіндік ерекшелікке ие, себебі ол жеке тұлғаның тұрақты қасиеттерінің көрінісі. Еріктің саналы үйымдастырылуы мен ретке келуі адамға өзінің сезімдерін, қылышын, танымдық процестерін басқаруға мүмкіндік береді. Ерік аймағындағы жеке-дара ерекшеліктер адам еркінің тұтастай да сипатын не ерік процесіндегі жеке бөліктердің мазмұнын құрауы мүмкін. Ерік сипаттарының жалпы бірігуін танытатын құбылыс - **ерік күші**. Ерік күші еріктік әрекеттің барша кезеңдерінде қажет, әсіресе оның айқын көрінісі кедергілерді жену мен қажетті нәтижеге жетуде көрінеді. Осы игерілген кедергілер сипатын талдай отырып, адамның ерік күшінің объектив бағасын пайымдаймыз. Адамның өз құмарлығы мен көрсекзызарлығын бұғаулауы, өз сезімдерінің шектен тыс шарпуына жол бермей, ақылмен сараланбаған қылыштар жетегіне түспеуі - бәрі де осы ерік күшіне байланысты.

Еріктік әрекеттің жалпыланған сипаты мүдделі мақсатта көрінеді. **Мүдделі мақсат** - бұл жеке тұлғаның өз іс-әрекетін белгілі бір нәтижеге бағыттай алыу. Осы қасиетке орай адамның басқа да ерік сапаларының мазмұны мен даму денгейін анықтаймыз. Мүдделі мақсат өмірлік принциптер мен мұраттарды көздеңген, **стратегиялық** не жақын, бөлектенген әрекеттерді орындаға бағытталған нақты қызметтік, **оперативтік** болып бөлінеді. Мүдделі мақсаты бар адам алдына анық та нақ меже белгілеп, майда-шүйдеге елендей бермейді. Мұндай адамдар не қалайтынына, қай бағытта қадам атқанына, не үшін күресетініне ешуақыт күмәнданбайды. Бұл тұлғалар - қоғамның нағыз жетекшілері.

Ерік әрекетінің бастапқы, іске қосылу кезеңі көбіне ынталылық, дербестік, еркіндік сапаларымен байланысты.

Ынталылық - мол да жарқын идеяларға, байыпты жоспар мен ұшқыр қиялға негізделеді. Көп адамдар үшін ең қының өз енжарлығын жenу, қалыптас-қан іс-әрекет тәсілін өзгерту. Мұндаилар өз бетінше ешбір іске кірісе алмай, тыскы ықпал, нұскауларды қутумен болады. Осыдан ынталылық дербестікпен тікелей байланыс-ты. **Дербестік** - еріктік әрекет барысында адамның әрқандай себептер жетегіне түспей, басқалардың кеңестері мен ұсыныстарына сындарлы баға берумен, өз наным, сенімдері негізінде іс-әрекетке келу қасиеті.

Дербестікке ие адам басқаның жәрдемінсіз-ақ мәселе таңдай алады, соған орай мақсат белгілейді, өзгенін түрткісі мен сыйбырына аландамайды. Әдетте мұндаі тұлғалар өз көзқарасын белсенді қорғап, мақсат, әдіс пен тәсілдерін саналы бағалаумен, жалтақсыз іске қоса алады. Ынталылық пен дербестік жеке адамның еріктік сапасы ретінде, бір жағынан, **сенгіштік, иі бостық, енжарлық** сияқты қасиеттерге қарсы; екінші тараптан, басқаның ой-пікірін, көзқарасын түгелдей жоққа шығарудан (**позитивизм**) аулақ қасиет.

Іс-әрекетке ниеттегенде еріктің **ұстамдылық** қасиеті процеске қосылады. Ұстамдылық әрекеті - сезім, ой-пікір, қалыптан тыс көңіл-күйді тоқтамға келтіріп, біраз тежейді. Ұстамды адам орындалатын істің түріне қарап, оған қажетті өз белсенділігінің денгейін барластырады. Сонымен, ол көздеңген мақсатына асырып, ырықсыз әрекеттерге ұшырамай, байыппен жетеді.

Іс-әрекеттің сан алуан түрткілерінің ішінен қажетті болғанын таңдау мен шешім қабылдау кезеңінде еріктің батылдық қасиеті бой көрсетеді. **Батылдық** - бұл әрқандай іске байланысты еріктің жылдам, орынды әрі берік шешім қабылдау мен оны жүзеге келтіре алу қасиеті. Сырттай қарағанға, батылдық ешбір толғаныссыз өтетіндей, батыл адамның мақсат таңдауы жеңіл де оңай болатын сияқты. Әдетте, олай емес. Батыл

адамдар өз іс-әрекеттерінің мақ-сатын терең де жан-жақты, үлкен толғанысқа түсіп, ойлас-тырады, жоспарлайды. Ал іске кірісу кезеңі келгенде баяғы толғаныстың бәрін ысырып тастап, жедел шешім қабылдауға қабілетті.

Батыл қымылды адамдар іс шешімін қабылдаудан істің өзін орындауға жылдам ауыса алады. Кейде адам қандай да шешімге бел байлағанымен, істің өзіне келгенде босбелбеулік танытады, осыдан жұмыс басталмай қалады. Мұндайда батылдыққа тірек - **ержүректік** қорқыныштың бәрін басып, адамды тәуекелге келтіруші қасиет. Іс-әрекеттегі батылдық қөзсіздікке тікелей қарсы. Егер іс-жағдайлары болымсыздық танытса, батыл адам әрекетін кідіртіп, кейін қалдыра алады.

Іс-әрекеттің орындалу кезеңінде шалттық пен табан-дылық үлкен маңызға ие. **Шалт адамдар** өздерінің барша күшін көзделген мақсатқа тез шоғырландыра алады. Бірақ көптеген жағдайларда шалт әрекет істің бастапқы кезеңінде өте қарқынды болып, кейін іс неғұрлым ұзаққа созылған сайын ол үдемелі кеми бастайды да тіпті байқалмайтындаі деңгейге түседі. Осыдан, шалттық **табандылықпен** ұштасса ғана жеке адамдық қасиеттің ең жоғары көрсеткішіне айналады. **Табандылық** - бұл адамның ұдайы, шалт әрекет-терін бірде тәмендепей, көрінген қынышылықтарға тәзе білуі. Өз табандылығынан адам қоршаған жағдайлар ішінен қажетін табуға шебер. Сәтсіздікте мұдіру, күмәнға берілу - табанды адамға жат қасиеттер, басқалардың қарсылығын, мінеп - шенегенін бұл өткір мінезді тұлғалар елей бермейді.

Табандылық та батылдық сияқты әртүрлі деңгейде көрініс береді, бірақ бұл екеуінің шектен тыс дамуы кері сипатқа соқтыруы мүмкін. Мысалы, кейде ақылды, тіпті дарынды адамдар өз шешімін қорғай алмай, алғашқы кедергі-ден-ақ сескеніп, оны жеңудің амалына көзін жеткізе алмай, жалғастырайын десе, ерік күші жетпей, істен бас тартатыны да болады. Бұл жағдайда адамда қара басының тәндік мұддесі басымдау болып ақыл, ой мен сыртқы жағдай талаптары далада қалады. Кейде адам бастаған ісінің тізгінін қолдан жаздырып алып, әрекет нәтижесінің болымсыздығына көзі жетіп тұрса да, "болғаны болар" деумен, илеуге келмейтін, ақыл қонымдылығы жоқ ерік сапасы - **өжеттік** пен **қиқарлықты** қару етеді.

Қабылданған шешімнің орындалуы үшін **өзіндік бақылау** мен **өзіндік баға** үлкен маңызға ие. Егер адам өз іс-әрекетіне орынды бақылау жүргізе алса ғана, көзделген мақсат іске асады. Олай болмаса, алға қойылған міндет пен оған қажетті қылыш-әрекет арасында сәйкесіздік туады. Мақсатқа жету процесінде өзіндік бақылау жоғары мұдделердің қарапайым ниеттерден, жалпы принциптердің мезеттік қалау мен құмарлықтан үстемдігін қамтамасыз етеді. Ал өзіндік бағаға байланысты бақылау сипаты мен дәлдігі өзгеріске келеді. Қандай да теріс бағадан адам өзінің кері мінез бітістерін орынсыз, ұлғайта танып, осыдан өзіне деген сенімін жойып, істен бас тартады. Өзіндік ұнамды бағаның да зиянды тарапы бар. Мұндайда адам объектив бақылауды өзіндік өсіре мадақтауға айналдырып жібереді.

6. Жеке адам және ерік тәрбиесі

Қандай да еріктік әрекетке араласа отырып, адам оның ізгі нәтижесіне байланысты өзіне **жауапкерлік** жүктейді. Іс-әрекеттің әлеуметтік мәнді нәтижесі алғашқы ниет шенбери-нен толастап **қоғамдық іс** сипатын алады. Субъекттің осы іске болған жеке жауапкерлігі өз әрекеттерінің салдарын қоғамдық-тарихи талаптар тұрғысынан сараптай білу қабілетінен көрінеді. Әлеумет ортасында қалыптасқан заң, мораль, әдет-ғұрып пен дәстүрлерге орай іс **жақсылық** не **жамандық** болып бағаланады.

Адамдар өзара атқаратын бірдей ісінің көп түрлі орындалу дәрежесімен ғана емес, өз ісінің жауапкерлігін кімге артатынына да байланысты. Әдетте, іс нәтижесі сәтсіз келсе, адам жауапкерлікті біреуге не сыртқы жағдайларға ысыра салуға бейім келеді, ал жұмыс нәтижесі мақтауға тұрарлық болса, ол нәтижеге өзінен басқа бірде біреуді жолатқысы жоқ.

Психологияда **бақылау локусы** (локус-орын, Д. Роттер) деген ұғым қабылданған. Осыған орай өз қылыштары мен істерінің себебін тыстан іздеушілер **сыртқы бақылаулы** ал себеп-салдардың көзін өзінен табуға тырысатындар **ішкі бақылаулы** болып бөлінеді. Экстернальды, яғни сыртқы себептерге жүгінетіндер әрдайым өз қабілеттеріне сенімсіздікпен қарайды, тұрақсыздық көрсетеді, мегзегенін кейінге қалдыруға бейім,

жауапкерлігі кем, төңірегіндегі-лердің бәрі оны қобалжытады, осыдан ол құмәншіл, шамданғыш, ызақор. Ал интерналды адамдар өз қылықтары мен істерінің жауапкершілігін өздері көтеруге қабілетті. Мұндай тұлғалардың өзіне деген сенімі мол, мақсатқа жету жолында бұлар бір ізділік пен табандылық танытады, өз ісіне талдау жасай алады, мінезі байсалды, қайырымды, қауымшыл әрі тәуелсіз келеді.

Ерік әрекеттерінің ішкі не сыртқы бақылауда болуы-ның ұнамды да кері әлеуметтік салдары бар, сонымен бірге олар тәрбие барысында қалыптасып, тұлғаның тұрақты қасиет-теріне өтеді.

Адам еркі басқа да көптеген қасиеттермен ерекше-ленеді. Олардың ішінде аса маңыздылары: **ерлік, тәртіптілік, іскерлік** т.с.с. - бұлардың бәрі де жоғарыда аталған ерік сапа, қасиеттерімен тығыз байланысты.

Еріктің ұнамсыз тараптарының бәрі тұрмыстағы кәдімгі **еріншектікпен** ұштасады. Еріншекте іске деген құлыш, ниет, оны орындауға талпыныс болмайды. Қызығы, көп адамдар еріншектігін бетіне басқанға "бауыр еті жарылып" өкпелегенімен, бұл қасиетін "қайтейін, осылаймын" деп жеп-жеңіл мойындаі салады, өзінің тұрмыстық ебедейсіздігі мен әлжуаздығын ақтау үшін оны психологиялық қорғаныс құралы ғып пайдаланады.

Барлық ерік сапалары мен қасиеттері адамның өмір барысында, іс-әрекетке араласуынан қалыптасады. Бұл дамуда әсіресе балалық шақ үлкен маңызға ие. Әрқандай психикалық процесс сияқты ерік те өз бетінен болмай, жеке адамның жан-жақты кемелденуімен бірге өрістейді. Балалық шақта өрбитін ерік қасиеттері көптеген әлеуметтік-қофамдық ықпалдарға тәуелді, солардың ішінде отбасының орыны ерекше. Балалардағы ерік қылықтарына байланысты кемшіліктер: өжеттік пен тентектіктің көзі ата-аналардың қате тәрбиесінен: уақытында ұстамдылыққа үйретпеген, тілегені-нің бәрін қанағаттандыруға тырысқан, белгілі тежеулерге үйретілмеген, т.с.с. Ал қандай да бір әрекетте күш сала білуге дайындық өздігінен болмайды, оған арнағы үйрету қажет, тиісті әдеттерге баулудан сәби ерік күшін дұрыс та қажет бағытта жұмсауға дағыланады.

Отбасы тәрбиесінің және бір болымсыз қыры - баланы, әдетте, орындалмайтын, әл мүмкіндігінен тыс жүктеме, тапсырмаға жегу. Осыдан белі бекімеген жас тұлғада бастаған ісін аяқтамау әдеті қалыптасады, жұмыс нәтижесінен қандай да ләззат қуанышына бөлене алмай, бала түңіледі, бұдан былайғы тапсырыстарға бет қақпайды.

Бала әрекеті негізінен **еліктеуден** болады. Осыдан ерік қасиеттерінің қалыптасуында ата-ана, тәрбиеші т.б. өнеге-үлгісі маңызды келеді. Көркем әдебиет пен кинофильмдердегі сан-қылыш кедергілерді өз батылдығы мен табандылығының арқасында жеңе білген кейіпкерлер де баланың ерік күшін тәрбиелеуде орасан жәрдем береді.

Балада ерік тәрбиелеудің және бір жағдайы оны қалтқысыз тәртіпке үйрету: жүрістүрьиста, сабақ дайындауда, үй жұмысын орындауда т.б. **Ерік - бұл дұрыс ұйымдастырылған еңбек** деуіміз осыдан. Балалық шағынан қалыптаспаса, ерік күші болымсыз адам дұрыс еңбектене де алмайды; шаршаса, дем алып, қанағат та таппайды.

Ерік қасиеттерін қалыптастыруда баланың **дene тәрбиесіне** мән беру қажет. Себебі тән әлжуаздығынан жас өспірім өмірдің қай саласында да қалаған жүктемені көтере алмайды, әйтте өзінде өзінде шамасы жетпей, көніл күйзелісіне түседі. Дене жаттығуы мол болып, басқалармен күш сынасуға дағыланған бала өз ерік күшін ұстамға алып, оны қажетіне бағыттау қабілетін игереді.

Жас шақта бала өмірі - негізінен ойынмен тікелей байланысты. Ал **ойын** - бұл белгілі қалып, ерекше талап. Осыларды ырықсыз, ойын мазмұнына қызығумен орындаі жүріп, қандай да еріктік сапаларға дағыланғанын бала сезбей де қалады. Ойын баладағы ерік күштерінің арқауына айналады. Ойынға үлкен мән берудің қажеттігі осыдан.

Ерік тәрбиесінде **балалар ұжымының** маңызы айттар-лықтай. Ұжымдық өмірге араласа отырып, бала өз қылығын басқалардың талғамына көндіріп, икемділікке үйренеді. Өз қатарына қарай отырып, бала өзінде табандылық пен батыл-дық қалыптастырады, көпшілік алдында қорқақтығына намыстанып, оны жасыруға не тіпті жоюға тырысып бағады, ал бұл тырысу ерік күшін керек етеді.

Бала еркінің даму көзі - **бұл еңбек**. Әрқандай еңбектік іс-әрекет ерік қатысынсыз орындалуы мүмкін емес. Сондықтан бала белі қажетті дәрежеде бекігеннен, оны өнімді еңбекке қосу - басты шарт.

Қайталау және бекіту сұрақтары

1. Ерік құбылысының мән-мағынасын қалай түсінесіз?
2. Еріктің ырықты және ырықсыз әрекеттермен байланысы қандай?
3. Ежелгі қауымдағы ерік түсінігі қандай болған?
4. Ортағасырлардағы ерік түсінігінің ерекшелігі неде?
5. И. П. Павловтың "еркіндік инстинкті" теориясын қалай түсінесіз?
6. З. Фрейдтің "психоанализдік" теориясының мәні неде?
7. Ерік құбылысын осы заманғы ғылым қалай түсіндіреді?
8. Еріктің физиологиялық негізі және онымен байланысты екі сигналдық жүйе қызметінің мақсаты қандай?
9. Ерік құрылымын айқындастын категориялар және олардың сипаттамасы қандай?
10. Ерік сапаларына қандай бірліктер кіреді?
10. Жеке адамның ерік қасиеттерінің түрлері және оларды қалай тәрбиелеуге болады?

17-дәрісбаян

СЕЗІМ

- Жоспар:**
1. Сезім жөнінде түсінік
 2. Сезім ерекшеліктері
 3. Сезім қызметтері
 4. Сезім негіздері
 5. Сезім түрлері

1. Сезім жөнінде түсінік

Қоршаған ортада кезіккендердің бәрі адамда оларға деген қандай да бағамдау қатынасы мен сезімдер пайда етеді. Олардың бірі ұнап - қуантса, екіншісі - қапаландырып, жеккөрушілік тудырады. Сезім түрі сан-аулан. Төңіректегі нысандардың жеке қасиеттері мен сапаларының өзі де адамның белгілі сезіміне себепші болады, мысалы, түсі ұнамайды, дауысы жағымсыз, дәмі татымсыз т.с. Өмір жағдайлары мен тұрмыс оқиғалары құрделірек сезімдерге себепші келеді. Сезім ауқымы өте кең: өкініш пен қанағаттану, қуаныш пен қорқыныш, таңдану мен жиіркену - мұндай сезім түрлерін шекіз келтіруге болады. **Сезім** - бұл адамның қоршаған болмыс заттары және құбылыстарымен қатынас жасауынан туындаған әрқылы формада көрініс беретін толғаныс, қүйзелістері. Адам сезімі тіршілік үшін керекті де пайдалы қасиет. Толғаныссыз өмір - өшкен өмір. Ұлы ғұлама Ә. Науай "Сезімсіз адам - кесек, махаббатсыз адам – есек", - деген екен. Көп сезімдерге адамның өзі құштар. Егер сол сезімдер қандай да себептермен болмай қалса, адам "Эмоциялық ашырқауға" келіп, оның орнын толтыру үшін ән-күй тыңдайды, әсерлі фильмдер көріп не қым-қиғаш оқиғалы кітаптар оқиды.

Психологтар көп заманнан бері осы сезім мәселесінің төркінін ашумен айналысада. XVIII-XIX ғасырларда бұл сұрақ төңірегінде ортақ көзқарас пайымдалмады, дегенмен **интеллектуалистік** теория бағыты кең өріс алды. Бұл бағыт мәні - адамдағы барша органикалық көріністердің негізі психикалық құбылыстардан деген тұжырымнан шығарылды. Неміс психологі Гербарттың ұйғарымы бойынша барша сезімдік дүниенің ірге тасы елестер деп саналды. Бұл теорияға орай сезім-елестер арасындағы байланыстарға сай қарама-қайшылықтарға жауап ретінде жүзеге келеді. Мысалы, дүниеден өткен адамның бейнесін тірілермен салыстырудан қайғы пайда болады. Өз негізінде бұл кейіп ырықсыз көз жасын төгуге не жалпы қасіретті күй білдіруші әрекет-қылышқа себепші болады.

Неміс ғалымы В. Вундт та осы бағытты қолдады, бірақ оның тұжырымдары **эклектика**, яғни әртүрлі психологиялық қарама-қарсы көзқарастарды қалай болса, солай қоса салуға негізделген еді. Оның пікірінше эмоция - бұл алдымен сезімнің елес жүрісіне тікелей ықпал етуімен сипатталатын адамның ішкі өзгерістері, ал кей жағдайда, ішкі өзгерістердің сезімге әсері, ал органикалық процестер - эмоцияның салдары ғана.

Эмоцияның қазіргі заман тарихы У. Джемстің 1884 ж. жарияланған "Эмоция деген не" атты мақаласынан басталды. У. Джемс және бұған байланыссыз Г. Ланге пайымдаған теория бойынша: сезімнің туындау себебі - сыртқы ырықты қозғалыстар, сонымен бірге, ішкі ырықсыз жүрек толғаныстарынан болатын адамның кейіп өзгерістерінен. Осы өзгерістерден туындаитын адам әсерлерінің бәрі - эмоциялық күйді танытады. "Біздің қайғыруымыз - жылағанымыздан; қорқуымыз - қалтырауымыздан; қуанғанымыз - құлғенімізден" (У. Джемс). Сонымен, эмоция салдары болған дene шетіндегі (перифериялық) органикалық өзгерістер, ғалымдар ойынша, сезімдер себебіне ауысады. Осыдан эмоциялардың ырықты реттелуінің қарадүрсін түсініктемесі беріледі: мысалы, ұнамды эмоцияға тән әрекеттерді әдейі жасаумен қажет болмаған қасірет сезімін басуға болады-мыс.

Джемс-Ланге тұжырымы бірқанша қарсы көзқарастар пайда етті. Негізгі сын айтқан У. Кенон: әртүрлі сезімдерге байланысты жауап әрекеттер бір-біріне өте ұксас, сондықтан олар адамның сан-алуан эмоциялық қасиеттеріне сай келе бермейді. Мысалы, қазақ келісу сезіміне орай басын изейді, ал болгар - шайқайды; африканың бір тайпа

екілдері сүйген адамының бетіне түкіретін көрінеді, ал қазақта бүйтіп көр... Сонымен бірге, адамның әдейі істеген жасанды әрекеттері қажетті көңіл-күйді бере алмайды. Кейде, мысалы, жағдайға орай "молдамыз" шығып, сірсесе бағып, сонына шыдай алмай, құлп жіберетініміз осыдан.

Психологтардың үлкен тобы сезімді жай-күйлік қалып аймағынан шығарып, дененің әсер еткен жағдайға, оқиғаға болған жауап әрекеті деп танығанды жөн көреді. Мұндай түсінік Ч. Дарвин енбектерінде де берілген. Эмоциялық әрекеттердің көбі өздерінің пайдалы болуымен қажет, мысалы, жануар қаңары жауын қорқыту үшін керек, немесе олардың кейбірі өткен эволюциялық дамудың бір кезеңінде қажет болған әрекеттердің нәсілден нәсілге ауысып келе жатқан қалдығы. Мысалы, алақанның қорқыныштан дымқылдануы бір уақыттары біздің маймыл текстес бабаларымызға қауіп-қатер төнгенде ағаш бұтақшаларын берік ұстауға жәрдемін тигізген. Кейін бұл теорияны Э. Клапаред жалғастырды. Ол "қандай да бір сезімнің туындауы - адамның кезіккен жағдайға икемделе алмауынан. Егер адам қашып, құтыла алатын болса, ешқандай қорқыныш сезіміне түспейді", - деп жазады.

Ендігі бір оқшауланған теориялар тобы сезім табиғатын адамның ақыл-ой (когнитив) мүмкіндіктерімен байланыстырады. Олар ішінде Л. Фестингердің **сана үйлесім-сіздігі теориясы** өз алдына. Бұл көзқарастың мәні: адам бір нысан жөнінде біріне бірі психологиялық қарсы екі пайым ортасында тандау ете алмай, күйзеліс эмоциясына түседі, яғни санадағы "білімдер" үйлесімсіздігінен жағымсыз сезім пайда болады. Ал іс-әрекеттің нақты нәтижесі мен көзделген ниет өзара сәйкес келсе, адамда жағымды сезім туады. Ақыл-ой үйлесімсіздігінен құтылуудың екі жолы бар: 1) өз ниетінді шындықта сәйкес өзгерту; 2) ниетке сай болатында әрекеттің жаңа жолдарын іздестіру. Сонымен, когнитивтік теория адамның сезімдік кейпін оның әрекет, қылықтарының негізгі себепшісі ретінде қарастырады.

2. Сезім ерекшеліктері

Адам сезімі дара тұлғалық қасиет. Осыған орай әр адам нақты жағдайда бір зат не құбылысқа өзінше баға беріп, белгілі бір, екінші адамдағыға ұқсамайтын көңіл кейіпіне беріледі. Аш адам мен тоқ адамның бір тағамға болған әр түрлі қатынасы осыдан. Еске түскен заттар не оқиғалардың да бағамының бірдей болмауы да осы себеппен түсіндіріледі: әдетте, қуанышты жағдайларда араласқан объектер (адам, зат, оқиға) жылы сезіммен еске алынады. Әрқандай сезім жеке тұлғаның мәнді сипаттын білдіреді.

Сезімдер адамның қоршаған дүниеге қатынасын ғана білдіріп қоймaston, ол жөніндегі ақпарат көзі де болып табылады. Бұл түрғыдан нысан бейнесі эмоцияның танымдық тарапы болады да, ал сол мезеттегі адам кейпі сезімнің субъектив элементін танытады.

Сезімдер адамның қасиеттерімен тығыз баланысты. Субъекті қажеттілігі және сол қажеттілікті қанағаттандыруға бағытталған ерекше қызметіне орай сезімдер екі ірі топқа бөлінеді. Бірінші - қажет заттардың объектив мазмұнына жаңа, айрықша мән қосып, оларды қанағаттандыру әрекетінің сеп-турткісіне айналдыруши сезімдер. Мұндай толғаныстардың пайда болуы үшін аса қажетсіну және оған сай заттар қолда болуы керек. Көңіл-күй серпінің қажеттілікпен үйлесе келе, іс-әрекеттің бастауын береді, оған ынталандырады және бағыт-бағдарлы жетекшісіне айналады. Осылайша, мұндай сезімдер іс-әрекетпен сәйкестікке түседі. Бұл эмоциялар психологияда **жетекші ниеттер аталған** (В. К. Вилюнас).

Екінші эмоциялық құбылыстар тобына - жетекші ниет, яғни басталған ішкі не сыртқы іс-әрекет ізімен туын-дайтын сезімдер кіреді. Бұлар сол әрекеттердің орындалуына тиімді не кедергі болған жағдайларға (үміт, ыза), жетіскең нәтижелерге (қуаныш, өкініш) немесе қалыптасқан не мүмкін болар ситуацияларға (қатерлену, сенімді болу) субъектінің қатынасын сипаттайды. Мұндай сезімдік толғаныстар жетекші ниеттерге негізделгенінен **әдейі** немесе **ырықты** деп аталады. Осыдан, көзделген мақсатқа жетуде алда шықкан кедергі бір түрлі сезім туындалатса, енді сол кедергі жаудан құтылуда пайдалы болуымен екінші бір сезім пайда етеді, яғни ырықты сезімдер нақты жағдайға, сол сәттегі өмірлік маңыздылыққа орай мән алады.

Сонымен, сезім екі себептен пайда болады, бірінші - адамның объектіге қатынасын айқындайтын **қажеттіліктер**; екінші - адамның осы нысанның тиісті қасиеттерін түсініп, оны санада **бейнелеу қабілеті**. Объектив және субъектив жағдайлардың өзара байланысынан адамның қоршаған дүниеге саналы баға беруімен қатар жеке эмоционал көз-қарасының себептері ашылады.

Сезімдердің өзіндік ерекшелігі олардың **қарама-қарсылықты** сипатынан көрінеді. Мұндай сипат қарапайым әсерленуге де (рахаттану-қысылу), сондай-ақ құрделі толғаныстарға да (ұнату-жеккөру, қуаныш-мұн, көнілді-қайғылы, т.б.) тән.

Сезімдерге ғана тән аса маңызды сипат - олардың бірігімді (**интегралды**) келуі. Сезім бүкіл денені билеп, адам кейпін ерекше әсерге бөлейді. Барша дene қызметтерінің басын бір сәтте біріктірумен сезім өздігінен организмге пайдалы не зиян әсердің хабаршы қызметін атқарады. Сезімдік сигнал әсер орны мен дененің жауап әрекеті айқындалмай жатып та санаға жетуі мүмкін.

Сезімдердің және бір маңызды ерекшелігі - олардың **денедегі тіршілік әрекеттермен** тікелей байланыста болуы. Сезім ықпалынан адамның ішкі тән қызметі өзгеріске түседі: қан айналымы, дем алыс, ас қорыту, ішкі және сыртқы секреция бездері. Шектен тыс ұзақ уақыт және қарқынды болған көніл-күй толғаныстары организмді сырқатқа шалдықтырады: қорқыныш - жүрек ауруларына соқтырып, ашу - бауырды, жабырқау мен мұн - асқазанды бұзады (М. И. Аствацатуров).

Сезімдер **тарихи-әлеуметтік** негізге ие. Олар әртүрлі халықтарда, әртүрлі кезеңдерде мән-мағынасы мен көріну формасын ауыстырып отырған. Қоғам дамуымен сезімдер де өзгеріп барады. Түрлі дәүірде өмір сүрген адамдардың үқасас, тіпті бір тексті заттың өзіне жасаған қатынасы бірін бірі қайталамайды. Сезім ұдайы қозғалыста болып, тұрақты және ауыспалы элементтердің тұтастай бірлігінен құралады. Бұл сезім желісінде, бір жағынан - бір ізді қысқа мерзімді толғаныстар құрылымын: **пайда болу, өрбу, шыңына жету, сөну**, екінші жағынан - әртүрлі толғаныстар түйдегінен түзілген ұзақ мерзімді сезімдер құрылымын айыруға болады. Барша сезімдер жүйесінің өлшемі бірі біріне қайшы келген екі бағытта беріледі (В. Вундт): сүйсіну-жеркену, қозу-тыншу, көнілдену-мұнаю, т.б.

Егер сүйсіну не жеккөру сезімі көп жағдайда заттың өзіндік ерекшеліктеріне, олардың адам өміріндегі маңызына немесе нақты бір ситуация мәніне орай туындаса, одан болатын қозудың дәрежесі сол сезімнің өзімен шарттас келеді. Мысалы, қаңар-дүлей қызбалық формасында көрініс берсе, керсінше, қанағаттану - адамның сабырлы, байсалды күйінен білінеді.

Көп түрлілігі мен құрделі болуынан сезімдерді жете танып, қалтқысыз басқару мүмкін емес. Бұл жағдай өз сезімінді суреттеп, айтып беру үшін сөз жеткізе алмауда байқалады: қолданған сөздердің мәні бұлыңғыр, көніл-күй қалпына сәйкес болмай шығады.

3. Сезім қызметтері

Адам сезімдері ұзаққа созылған филогенетикалық даму тарихына байланысты көптеген ерекше сипаттағы қызметтерді атқаратын болды.

Сезімнің **бейнелеу қызметі** оқиғаларға жалпыланған баға беруде көрінеді. Көніл-күйдің бүкіл ағзаны билеуінен, сезім арқылы біз қандай да әсердің пайдалы не зиянды екенін оның салдары денеге белгілі бір таңба түсірмей тұрып-ақ байқап, жауап не қорғаныс әрекетке келеміз. Мысалы, жолды кесіп, өтіп бара жатқан жолаушы көшедегі көлік қозғалысын барластырумен әртүрлі деңгейдегі қорқыныш сезімінде болуы мүмкін. Оқиғалардың эмоционалдық бағамы адамның дара толғаныс қабілетінің негізінде берілуі ықтимал, бірақ мұндай сезімдік нәтиже көбіне өнер туындылары мен көвшілік ақпарат құралдары, т.б. арқылы басқа адамдармен қатынас жасау барысындағы көніл-күй ортақтастығынан қалыптаса-ды. Сезімнің бейнелеу қызметіне орай адам қоршаған ортада бағыт-бағдар топшылайды, заттар мен құбылыстарға қажет-тігіне қарай баға береді. Бұл тұрғыдан сезім ақпарат алды немесе хабар жеткізу міндетін атқарады. Денеде пайда болған күйзеліс не көніл-күй жайсыздығы адам қажеттіліктерінің қалайынша қанағаттандырылып жатқаны, кезігетін кедергі-лердің сипаты туралы, ең алдымен неге

назар аударылуы қажет екендігі жөнінде субъектіге ақпарат жеткізеді.

Сезімнің ақпараттық не бейнелеу мүмкіндігі **ниеттеу** немесе **ынталандыру** қызметімен тікелей байланысты. Мысалы, жолаушы алдына жақындаған қалған транспортты көре, қауіп тәнгенінен, қадамын жеделдете түседі. Затқа не одан кері бағытталған құмарлық, тілек, ұмтылыс эмоцияның өзіне тән, одан ажыратылmas, бірлікті құбылыстар (С. Л. Рубинштейн). Алда тұрған мәселенің шешілу жолына бағыт беретін де осы сезімдер. Эмоционалды толғаныс мазмұнында қажеттіліктің қанағаттандырылуы үшін керек заттың бейнесі көрініп, содан заттың өзіне деген өуесқойлық пайда болып, ол өз кезегінде адамды әрекетті орындауға ниеттейді, ынталандырады.

Оқу процесіне тікелей қатысына байланысты сезім **қуаттау, қолдау қызметін** де атқарады. Құшті эмоциональды қоңыл-қүйге себепші болған оқиғалар оқушы санасында женіл қабылданып, ұзақ уақыт есте сақталады. Табыс не сәтсіздік сезімдері баланың окуға болған ынтастына құш, қуат беріп не оны тіпті өшіріп жіберуі мүмкін.

Белгілі сәтте маңыздылау қажеттілікті таңдау бары-сында сол қажеттілікке негіз болар көп сеп-тұрткілердің таласы туындарды. Осы жағдайда сезімнің **ауысу қызметі** іске қосылып, эмоция адамды қандай да талғамға бағыттайты. Мысалы, адам өзінің тұма жан сақтау ниеті мен қоғамда қабылданған әлеуметтік талаптар арасындағы қарама-қарсылықты жеңе алмай, қүйзеліске түсетіні белгілі, яғни қандай да әрекетті істейін десе - өз тіршілігіне зиян, іstemесе - ұят, қөпшіліктің сынына ұшырайты. Осындағы қорқыныш және борыш, қорқыныш және ұят тайталасында сезім мәнін, оның өз талғам-талабына сай келу, келмеуін барластырумен адам көзделген іс-әрекетін сол сәттегі қажетті арнаға ауыстырады.

Жоғарыда аталған сезім қызметімен сыйайлас эмо-цияның **икемдесу қызметін** да атап өткен жөн. Ч. Дарвиннің пікірінше, сезімдер тіршілік иелерінің өз қажеттілігіне орай келген жағдайларды анықтау құралы ретінде пайда болған. Дер кезінде организмде пайда болған эмоциядан жануар қоршаған ортаға икемделу мүмкіндігіне келген.

Сезімнің **коммуникативтік** (ақпарат алмасу) қызметі де адам өмірінде үлкен маңызға ие. Ұм-ишара, дene қозғалыс-тары сезімдік белгі ретінде адамның өз толғаныстарын, қоршаған орта заттары мен құбылыстары жөніндегі өз қатынас-талғамын басқаларға жеткізуге жәрдемін тигизетіні белгілі. Ұм-ишара, қас-қабақ қымылдары, дene қалпы, үн ырғағы - бәрі де сезім "тілі" болуымен, адам ойынан гөрі, оның қоңыл-қүй кейпін айқындау танытады. Зерттеулер дәлелденгендей, сезімдердің бәрі бірдей анық таныла бермейді. Мысалы, өте айқын білінетін - үрей (сыналғандардың - 57%), одан кейін - жеркеніш (48%), содан кейін - таңдану (34%).

Коммуникативтік қызмет аймағында сезім арқылы адам өзін қоршаған сыртқы ортаға не ішкі жан дүниесіне **ықпал жасау** қабілетіне ие. Мысалы, әлі есейе қоймаған сәби шатқаяқтап жылауымен ата-анасын өз дегеніне қөндіретінін сезе қояды да, бұдан былай осы әдісті жиі қолданып, мұддесіне жетуді әдетке айналдырады.

4. Сезім негіздері

Сезімдер организмде жүріп жататын ерекше про-цестермен байланысқан. Бұл процестердің көзі негізінен сыртқы дүние өзгерістерінде, дегенмен, олар бүкіл дene әрекет-қымылдына әсер етеді. Осыдан, мысалы, қоңыл-қүй қандай да қүйзеліске келсе, қан айналымы өзгереді, жүрек соғуы шапшаңдайды не бәсендейді, қан қысымы ауысады, қан тамырларының құш-куаты артады не кемиді т.б. Нәтижеде, бір жан толғанысынан адам қызыраады, екіншісінен - бозарады. Сезімдік өмірдің барша өзгерістеріне өте нәзік - адамның жүрек ағзасы. Халық ауызында көп жағдайға байланысты "жүргім қатты соғып тұр", "жүрек шыдамайды", "жүргім орнына тұсті" т.б. сөз тіркестерінің жиі қолданылатыны осыдан. Дene мүшелерінің қай-қайсысындағы болмашы өзгеріс жүрекке әсерін тигізбей өтпейді (ас қорыту, тыныс алу, бездер жүйесіндегі т.б.).

Алайда, адам организмінің құрылымы симпатикалық жүйке жүйесінің қызметіне тәуелді. Осы жүйенің қозуынан бүйректен адреналин сұйықтығы бөлінеді. Адреналин дene ағзалары әрекетіне өзгеріс ендіріп, оларды шектен тыс тән қуатын жұмсауға дайындауды: қауіп-қатер тәнгенде бүлшық еттерге қан жеткізу қүшейеді, ас қорыту ағзаларының жұмысы бәсендейді, ішкі органдардан қан сыртқа тебеді. Бүлшық еттерге

қарқынды әрекетке келуі үшін көп мөлшерде қант жеткізіледі, себебі қант - бұлшық ет қуатының негізі.

Сезімдердің пайда болуы мен қалыптасуында үлкен ми жарымшарлар қабығы маңызды қызмет атқарады. Ми қабығы эмоция желісі мен көрінісін реттеп, денедегі барлық құбылыстарды өз бақылауына алады, қабық асты орталықтарын тежеумен, оларға басшылық етеді.

Егер ми қабығында шектен тыс қозу туса (шаршаған-да, ішкіліктен, т.б.) қабықтан төмен жайғасқан ми бөліктегі ырықсыз әрекетке келіп, адам өзінің әдеттегі ұстамдылығынан айрылады. Үлкен ми жарымшарлары алынған жануар болмашы себептен күшті әрі тұрақты эмоционалдық күйзелісте болады. Ал кең жайылған тежелуге тап келсе, мұндай жануар сылбыр халге түседі, оның әрекет-қылышы өлсірейді, жүрек, қан тамыр жұмыстары мен тыныс алуы бәсендейді.

Сезімнің негізі болған физиологиялық процесс бастаудын ми қабығында ала отырып, төмендегі қабық асты орталықтарына тарайды. Эксперименттер кезінде мидің кейбір аймақтарын қоздырса, жағымды эмоция туып, жануар сол әсердің қайталанғанын қалау сыңайын танытқан. Бұл ми бөлігі **рахаттану орталығы** аталған. Ал екінші бір ми аймағына әсер түскенде, жануар тынышсызданып, қиналған күй көрсеткен, осыдан мұндай жүйке жүйесі **қиналу орталығы** аталған. Осы күнде мидің сол жарым шарында жағымды эмоциялар туындалады, ал он жарым шарында жайсыз сезімдер өріс алатыны дәлелденіп отыр.

Адамның эмоционалдық өміріне қуат беруші жүйке - **ретикулярлы формация** деп аталады. Әртүрлі сезім ағзаларынан жүйке ықпалдарын ала отырып, ретикулярлы формация оларды өндеп, бас миының үлкен жарым шарларына жеткізеді. Қуат жинақтағышы ретінде бұл жүйке ми белсенділігін көтереді не төмендетеді, сыртқы тітіркендіргіш-терге жауап әрекеттерді босаңсытады не іркіп барады.

Адамның сезімдік болмысында **екінші сигналдық жүйенің** маңызы үлкен. Толғаныс тек сыртқы әсерлерден туындалап қоймайды, ол үшін сөз бен ойдың ықпалы күшті. Осыдан, адам кітап оқудан не ақпарат естуден белгілі эмоциялық күйге түседі. Жоғары, адами сезімдердің интел-лектуалды, моральдық, эстетикалық-физиологиялық негізі осы екінші сигнал жүйесінде.

Екінші сигналдық жүйенің бірінші сигналдық жүйе-мен біртұтастық байланысынан адам өз сезімдері мен олардың қоғамға сайтынан көріністерін саналы реттеп отырады.

Басқа тұлғалардың сезімдік кейпін олардың мәнерлі қозғалыс-қимылдарынан, ым-ишарасынан, мойын-бас бұруынан т.б. айқын тануға болады. Әрбір сезімнің өзіне сай әрекет түрі бар. Мысалы, қорыққанда көз аларады, діріл пайда болып, бет бозарады, ал қуаныш жанар жарқынан, бет қызаруы мен әрекеттер жеделдеуінен білінеді.

Сезім, әрине, біздің тек ойымыз ғана емес, сол ойға болған қатынасымызды да білдіретін сезіміз бен сөйлеу мәнерімізде анық көрінеді. Мұнда дауыс ырғағының да рөлі үлкен. Осыдан біз тіпті де түсінбейтін тілде айттылып жатқанды тыңдай отырып, айт羞ының қандай күйде екенін қалтқысыз тануымыз мүмкін. Толғаныстардың түрлі мазмұнына орай сөйлеу қарқыны өзгереді, сөйлем құрылымы бұзылады.

Сезім әлпеті ол сезімдердің өздері сияқты қоғамдық сипатқа ие. Әрқандай қауымның өзі қабылдалап, қалыпқа айналдырған әдептілік, кішіпейілділік, тәрбиелілік шектері әртүрлі. Сезімдік әрекет-қимылдардың шектен тыс болуын кей адамдар тобы тәрбие кемшилігі деп біледі, ал екіншісінде - бұл жағдай жалғандықпен ұштастырылады. Адамдардың жиі араласып, қатысуынан сезімдік әрекеттер байыды, бір түрге бірігіп, саналуан эмоция реңктерін жеткізудің жалпыланған қорына айналады. Сонымен, сезім білдірудің формалары мен олардың қолданымы нақты қоғамдық қатынастармен анықталып, әлеуметтік бақылау объектиін құрайды.

5. Сезім түрлері

Адам сезімінің көріністері әрқылы: қарқынды да ұзаққа созылған, созылыңқы, бірақ әлсіз (қайғы); күшті, бірақ қысқа мерзімді (куаныш) - болуы мүмкін. Сонымен бірге, сезімдер тереңдігі, саналылығы, тектілігі, пайда болу және сөну шарттары, денеге әсері, даму желісі, бағыты, көріну тәсілі т.б. жағынан әрқылды сипатты келеді. Сезімнің ішкі

жайылу аймағы мен сыртқы әрекеті де бірдей емес.

Субъектив толғаныстарға байланысты сезімдер екі топқа бөлінеді: тіршілік қажеттіліктерді қанағаттандырып, рахатқа бөлеуші ұнамды сезімдер; тіршілік қажеттіліктердің орындалмауынан қанағаттанбау кейпіне түсіретін жағымсыз сезімдер. Орындалып жатқан адам қажеттіліктерінің деңгейіне орай сезімдер қарапайым және күрделі келеді. Қарапайым-дары - ашу, қорқыныш, уайым, қызғаныш, құндеушілік т.б.; күрделілері - моральдық, эстетикалық және отан сүйгіштік.

Көріну әлпетіне орай барша эмоционалдық қалыптар келесідей түрлерге жіктеледі: көңіл-күй, кейіп, эмоция, аффект, стресс, фрустрация, құмарлық, жоғары сезімдер.

Көңіл - субъектіге қандай да эмоционалды реңкті сақтап қалуға не жоюға ықпал жасаушы психикалық процестің ерекше сигналдық түрі: кейбір түр-түс, дыбыстар, иістер өздерінің негізгі мәніне байланыссыз біздің есімізге түсіден жағымды не жағымсыз сезімдер тудырады. Мысалы, жақсы ән, тәтті тағамның өзі де ұнамай қалуы мүмкін. Мұның бәрі біздің сол сәттегі көңілімізге байланысты. Егер көңіл тұрақты жиіркенушілікпен үштасса, бұл **идиосинкразия** сырқатының белгісі.

Көңілде қоршаған ортадағы заттар мен құбылыс-тардың жиі кездесетін пайдалы не зиянды тараптарының жалпыланған бейнесі қалыптасады. Осының арқасында көңіл күтілген әсер жәніnde оны бұрынғы естегі ақпараттармен салыстырып отырмaston, күні ілгері шалт шешім қабылдауға көмегін тигізеді. Көңіл көбіне субъектив сипатқа ие: қызықты кітап, сыпайы сұхбаттас т.б. бір адамда жақсы сезім тудыrsa, екінші тұлғаға тіпті жақпай қалуы әдеттегі құбылыс. Көңіл сипаты іс-әрекеттің желісіне де байланысты. Қажетті, бастауында ұнаған іс, бірақ өзінің ұзаққа созылғандығынан адамды жалықтырып, көңілсіз қүйге түсіретіні белгілі. Сырттай байқала бермейтін адам көңілін танып, оны орнымен пайдаланса, жеке не қоғамдық еңбек, оқу жемісті нәтижесін береді.

Кейіп - біраз уақыт бойы адамның көңілін билеп, мінез-құлыққа әсер ететін жалпы эмоциялық қүй. Өмір тіршілігінде адамның сезімі бір объектіге бағытталып, оған қуанады не қүйзеледі, біреуді сүйеді, бір нәрседен шошиды. Адам кейпінің көрінісі белгілі сезімге, себептерге байланысты. Мысалы, ұнамсыз хабар естіген адамның көңілі түсінкі болып, оның бойын қобалжу, уайым билейді. Жұмысы сәтті болып, реттеле бастаса, оның көңілі тасиды, шаттық лебі ұзаққа созылады.

Адам кейпі тіршілік жағдайына байланысты құбыл-малы болып отырады. Егер адам шаршап-шалдығып, ауырып жүрсе, оның кейпі солғын болады. Ал дені сау, үйқысы қанық, көңілі көтерінкі болса, адам мәз болып, жадырай түседі. Адамның кейпіне табиғат көрінісі, жыл маусымдары, ауа райы сияқты құбылыстар да айтартылған жағдайда әсер етеді. Рухани байлығы мол, мақсат-міндегі айқын адам ауыр жағ-дайларға да мойын ұсынбай, өмір сүріп, жұмыс істей алады, өз кейпін менгеріп, оған иелік етеді (Ә. Алдамұратов).

Эмоция (сезім шарпуы) - сезімнің тікелей қатынастағы уақытша көрінісі. Мысалы, саңнадағы айтыскер ақындардың бір ауыз тапқыр сезіне бола, көрермендердің бір мезет дүрілдете қол соғып, қошемет айқай салуы.

Іс-әрекетке ықпал жасау тұрғысынан эмоциялар **стеникалық және астеникалық** болып бөлінеді. Стеникалық эмоциялар адамға қуат беріп, іс-әрекетке ынталандырады. Бұл жағдайда адам "тау қопаруға" дайын тұрады. Керісінше, кейде толғаныстан адамның аяқ алысы байланады, енжарлық басады - бұл астеникалық эмоция көрінісі. Осыдан, жағдайға, дара ерекшеліктерге орай эмоция адам қылышына әртүрлі ықпал жасауы мүмкін. Мысалы, қорқыныш сезімінің саналы болуынан адам өзін жинақтап, қатерге қарсы шабуылға шығады. Ал сол қорқыныш адамды шідерлеп, "тізесі қалтырайтын" дәрежеге де келтіреді.

Қуаныш - орындалуы күмәнді болып тұрған қажеттіліктің толық қанағаттандырылуына байланысты туындаитын ұнамды эмоционалды қүй.

Таңдану - күтілмеген оқиғаға байланысты пайда болатын эмоциялық белгі. Таңдану бұрыннан бар сезімдерді тежейді. Осыдан зейін толығымен таңдануға себеп болған нысанға ауысады, кейін ол қызығушылық ниетке жол ашады.

Қасірет - алғашында аз да болса сенім күттірген маңызды өмір қажеттілігінің орындалмауы не оның орындал-майтыны жәнінде ақпарат алушыдан болатын жағымсыз эмоциялық қүй.

Қаңар - субъектте өте маңызды қажеттіліктің күшті көдергіге ұшырап, орындалу мүмкіндігінің кенеттен жойы-луына байланысты пайда болып, дүлеі көрініс беретін ұнам-сыз эмоциялық қалып.

Жеркену - тікелей қатынаста болған объектердің (заттар, адамдар, құбылыстар, оқиғалар т.б.) жеке адам идеологиясына, адамгершілік не эстетикалық талғамына ымырасыз қарама-қарсылықты болуынан туындаитын ұнамсыз сезім түрі.

Жек көру - адам аралық қатынастарда субъектінің көзқарас, өмірлік салты мен сезім объекті қылышқтарының бір-біріне сәйкес келмеуінен жүз беретін ұнамсыз көнілкүй.

Корқыныш - субъектте өз тіршілігіне шын немесе болуы мүмкін қатер жөнінде ақпарат алушмен бірге пайда болатын сезімдік құбылыс.

Ұят - субъектінің өз қылышқ-әрекеттері, ниеттері және сырт келбетінің басқалар күткендей не өз принциптеріне орайлас болмағанын түсінуден келіп шығатын ұнамсыз сезім түрі.

Эмоциялық толғаныстар бір тексті болмайды. Бір объекттің өзі біріне бірі қайшы келген әрқиылды сезімдік күйді пайда етеді. Бұл құбылыс **амбивалентті** (екі ұшты) деп аталады. Амбивалентті жағдай адамдағы тұрақты қалып пен нақты оқиғаға байланысты оның сезімі арасындағы қайши-лықтан туындаиды: мысалы, махаббат және қызғаныштан болатын өшпенделік екеуі бірге жүреді.

Өте күшті эмоциялық әрекет көрінісі - **аффект** қысқа да қарқынды өтуімен ерекшеленеді. Бұл сезім құбылысы субъекті үшін өте қажетті болған өмір жағдайларының кенеттен өзгеріске түсуінен болады. Аффектте адамның қозғалыс әрекеттері ұстамсыз қүйге келіп, ішкі ағзалар қызметі қүйзеліске ұшырайды: тілден қалады, жүрегі ұстайды, есінен танады т.б. Бұл қорыққаннан да, қатты қуаныштан да болады.

Дені сай адам бойын аффект кернеген кезде ақыл-есінен танбайды. Адам бойында қаншалықты ашу-ыза болғанымен, оны долылыққа жеткізбей, аффектіні ауыздықтап, ерік күшіне бағындыруына болады. Осы орайда, халық даналығында "Ашу дұшпан, ақыл дос, ақылына ақыл қос" деген мақалдың тағлымдық маңызы зор.

Адамның көніл-қүйінің кейпін білдіретін жәйттің бірі психологияда **фрустрация** (көнілдің бұзылуы, межелі істің жүзеге аспай қалуы) деп аталады. Жоспарланған ісі мен мүдделі мақсаты түрлі себептер мен кедергілерге ұшырып, адам оған ренжиді, көнілі құлазып, қайғырып, қүйзеледі, ашуға бұлығады. Қанағаттанбаушылық сезімінен жан дүниесі қиналады. Адамның сезімі мен эмоциясы жағымсыз қүйге ұшырайды. Фрустрациялық жағдайда көніл өшпенделік, кейіс пен қаңар тудыруға бейім келеді.

Әмпатия - қайғы-қасіретті жағдайлар мен қынши-лықтарға ұшыраған өзгелерге жанашырлық білдіріп, солар-дың ауыр халі өз басыңа түскендей сезіну.

Құмарлық. Құмарлық көрінісі анық, ұзак уақытқа созылады. Ол әрқашан белгілі бір затқа бағытталады. **Құмар-лық** - адамның белсендең іс-әрекетін ояттын күшті сезім. Оның ұнамды және ұнамсыз жақтары бар. Мысалы, оқуға деген құмарлық адам қабілетін тәрбиелейді, мәдениетін дамытып, өмірдегі мақсат-мүддесіне жеткізеді. Ал ұнамсыз құмарлық адамның еркін нашарлатады, жан дүниесін аздырып, бей-берекетсіздікке ұшыратады. Ұлы Абай "Асық ойнаған азар, доп ойнаған тозар ..." деп бекер айтпаған.

6. Жоғары деңгейдегі сезімдер

Адам жан дүниесінің сыры қоршаған ортаға өсер-леніп қана қоймай, оның құпияларын танып білуге үмтү-луында. Мұндай әрекет адам сезімінің жоғары деңгейдегі саналы әрекетін, эстетикалық талғамы мен адамгершілік-моральдық қасиеттерін сезіне білетін көніл-қүйіне байланыс-ты. Жоғары деңгейдегі сезімдердің ақыл-ой, эстетикалық және моральдық-адамгершілік түрлері бар.

Ақыл-ой сезімі адамның таным әрекетімен байланысты. Сезімнің бұл түрі - балалардың оқып білім алуға, ересектердің өз қызметіне, шығармашылық пен өнерге деген көніл-қүй қатынасы. Адамның шындықты тануға деген ақыл-ой сезімі ең алдымен таңданудан басталады. Таңдану кісіні әрбір нәрсенің, құбылыстың, оқиғаның мән-жайын жан-жақты танып, оларды тереңірек түсінуге жетелейді, оның ізденімпаздық әрекетін тудырады. Іздену барысында адам түрлі жорамалдардан бастап, теориялық тұжырымдар

жасай-ды. Күмәнді жайттарды тәжірибе жетістікерімен салыстыра отырып, тексереді. Ақиқаттығы айқындалған ойды қорытып, теориялық пайымдаулар туғызады. Болжамдарды анықтау барысында адамда ақиқатқа қалайда қол жететіндігіне деген сенім сезімі пайда болады. Сенім оған күш-куат беріп, көңілін көтереді. Ақыл-ой сезімі - адамның кез-келген іс-әрекетіндегі рухтандыруышылық маңызы зор көңіл-куй.

Эстетикалық сезім - объектив шындықты бейнелеп, оның әсемдігі мен сұлулығын, жарасымдылығы мен сенім-ділігін қабылдап, оған әсерленудегі көңіл-куй. Әсемдікті қабылдап, оған сүйсіну, ләззаттанып, рухани құшін арттыру сезімі - адамның өмір тіршілігінде біртіндеп қалыптасатын жағдай. Әсемдікті қабылдау тұа пайда болмайды. Әсемдік әлемі адамға өзінің сұлулығымен, табиғи жарасымдылығымен және шынайы көркемділігімен әсер етіп, адамның мақсат-мұддесіне, рухани қажеттігіне лайықты дамиды.

Эстетикалық сезім - мазмұны мен мағынасы және түр-сипаты жағынан ауқымы кең үғым. Психология эстетика-лық сезімді табиғат пен адам қоғамындағы әсемдіктің адамның жан дүниесінде бейнеленіп, оның мінез құлқына, дүниетанымына ықпал етіп отыратын жағымды құбылыс, сонымен қатар көңіл-куйін шалқытып, іс-әрекеттерін өрістетуші ықпал ретінде қарастырады. Өнер мен музыка, ән-куй мен көркем шығарма адамның жан дүниесін тебірентіп, өмірдің негұрлым мазмұнды болуына әсер етеді, оны шабыт-тандыра түседі. Мектеп пен оқу орындары түлектерін әсем-дікті қабылдап, оған әсерленуге, дүниенің сұлулығынан ләззаттанып, өз дүниетанымын дамытып отыруға тәрбиелеуді әстетика пәні арқылы жүзеге асырады.

Адамгершілік-моральдық сезімдер қоғам талабына орай адамның өз мінезінің лайық не лайық еместігін сезінген көңіл-куйін білдіреді. Адамгершілік сезімі моральдық сезім деп те айтЫлады. "Мораль" - "морале" деген француз сөзі. Мағынасы - адамгершілік. Адамгершілік сезім қоғамның тарихи дамуына байланысты. Қоғамның экономикалық жағдайы, саяси-идеялық бағдары, ондағы таптар мен топтар-дың әлеуметтік жағдайы - мұның бәрі адамгершілік сезім көрінісінен байқалып тұрады.

Адамгершілік сезімінің принципі мен жалпы негізі - белгілі бір қоғамдық-экономикалық сатыларда әлеумет мүшесінде қалыптасып отыратын мінез-құлқың көріністері. Гуманистік және демократия үстемдік ететін қоғамдағы адамгершілік сезімдер - борыш сезімі, әркімнің өз халқы алдындағы азаматтық қасиеттерін құрмет тұтуы, әрбір адам-ның жеке-даралық қасиеттерін сыйлау, үлкенге құрмет, кішіге қамқорлық, отбасындағы өзара сыйластық және әр түрлі ұлттар мен ұлыстардың, этностардың әкілдеріне деген жалпы гуманистік қарым-қатынас. Адамгершілік сезім кісінің өткен өміріндегі елестеріне, мақсат-міндеттерін жүзеге асыруы мен идеяларына және дүниетанымдық көзқарасы мен қоғамдық іс-әрекет түрлеріне байланысты болып келеді.

Адамның жоғары деңгейдегі сезімдерінің қалыптасып, дамып отыруы ең алдымен өзінің жеке басына деген жауап-кершілікті сезінуінде жатыр. Екіншіден, ол отбасындағы тағылым-тәрбиеге, мектеп пен қоғамдық үйімдардың қамқорлығына орай өрістейді.

Қайталау және бекіту сұрақтары

1. Сезім құбылысын қалай түсінесіз?
2. Сезімге байланысты интеллектуалистік теорияның мәні қандай?
3. У. Джемс және Г. Ланге сезім туындауын қалай түсіндірген?
4. Сезім мен қоршаған орта әсері арасындағы байланысы Ч. Дарвин және Э. Клаперад енбектерінде қалай сипат-талады?
5. Сезім және интеллект байланысын қалай түсінесіз?
6. Сезім ерекшеліктерін байқататын факторлар қандай?
7. Сезім атқаратын қызметтердің сипаты қандай?
8. Сезімнің физиологиялық процестермен байланыстылығын қалай түсінесіз?
9. Сезімнің әлеуметтік сипаты неде?
10. Сезім түрлері қандай және олар қалай сипатталады?

11. Жоғары деңгейдегі сезімдер мәні қандай?

18-дәрісбаян

ТЕМПЕРАМЕНТ

- Жоспары:**
1. Темперамент жөнінде түсінік.
 2. Темперамент туралы теориялар.
 3. Темперамент түрлері және олардың психо-логиялық сипаттамасы.
 4. Темперамент және іс-әрекет.

1. Темперамент жөнінде түсінік

Темперамент - 25 ғасырдан бері ғылыми ойды қызық-тырған мәселелердің бірі. Оған деген қызығушылықтың төркіні - адамдар бойында болатын дара өзгешеліктер. Әр адамның жан дүниесі өз алдына бір болмыс. Оның қайталан-бастығы, бір жағынан, адам тәнінің биологиялық және физиологиялық құрылымы мен дамуына байланысты болса, екіншіден - әлеуметтік ерекше байланыстар мен қатынастарға негіз бола алуында. Темперамент адамның биологиялық сипатынан көрінеді. Адамдар арасындағы көптеген психикалық айырмашылықтар: эмоция тереңдігі, қарқындылығы, тұрақтылығы, ауыспалы-қозғалыштығы - бәрі осы темперамент табиғатымен түсіндіріледі. Дегенмен, осы қунге дейін темперамент мәселесінің шешілмеген, талас-тартысты қыр-лары барышылық. Бірақ проблемаға байланысты көзқарас-тардың көптігіне қарамай, ғалымдардың бәрінің мойындастырыны: темперамент - жеке адамның әлеуметтік тұлға ретінде қалыптасуының биологиялық, яғни табиғи ірге тасы. Темперамент көбіне адамға тұма берілген әрекет-қылыштың үдайы қозғалыстағы сипатын бейнелейді. Сондықтан, темпераменттік қасиеттер басқа психикалық құбылыштарға қарағанда тұрақтанған, өзгеріске келе бермейді. Назар аудараптың ерекшелік, темпераменттің әрқылы қасиеттері бір-бірімен кездейсоқ қосылмай, заңдылықтар негізінде түрлі темпераменттің белгілі құрылымын түзеді.

Сонымен, **темперамент** - адамның психикалық әрекеті-нің нақты динамикасын айқындастырып психиканың дара қасиет-терінің жынтығы. Бұл психикалық әрекшеліктер адамның барша іс-әрекетінде оның мазмұны, мақсаты және септүрткілеріне тәуелсіз бірқалыпты көрінеді, есейген шақта да өзгеріске түспей, өзара байланыста темперамент кейпін өрнектейді.

Темперамент түрлерінің жақсы не жаманы болмайды. Олардың әрқайсысы өзінің ұнамды тараптарына ие, сондықтан басты назар темпераментті реттеп, түзетуге қаратылмай, нақты іс-әрекетте оның тиімді жақтарын саналы әрі өз орны-мен пайдаланудың жолдарын табуға бағытталғаны жән. Адам ежелден-ақ әрқылы тұлғалардың психикалық бітістерін айыра танумен, олардың барлығын жалпыланған аз санды саналық бейнелер тобына біріктіруге тырысқан. Мұндай жалпыланған бейнелер бірігімін психология тарихында алғашқыдан **темперамент типтері** деп атаған. Темпераменттердің бұл бірігімдік (типовологиялық) жүйесі өмірлік іс-әрекет түрлісінан өте тиімді, себебі оны пайдалана отырып, нақты тұрмыстық жағдайларда белгілі темперамент типіне жататын адамның бола-шақ әрекет-қылыштың құні ілгері пайымдауға әбден болады.

2. Темперамент туралы теориялар

Темпераменттер жөніндегі ғылымның ірге тасын қалаған ежелгі грек дәрігері - Гиппократ (б.э.д. V ғ.). Оның тұжырымы бойынша, адамдар төрт "дene шырындарының" - қан, шырыш, өт, запыран - өзара қатынасымен ажыратылады. Осы психологиялық тағылымды арқау ете отырып, ежелгі дүние дәрігері Клавдий Гален (б.э.д. II ғ.) алғашқы рет темперамент түрлеріне ғылымдық сипат берді. Гален темперамент түрін денеде жоғарыда аталған шырындардың бірінің басымдылығымен байланыстыруды. Ол біздің заманымызға дейін жеткен темперамент атауларын белгіледі: сангвиник (sanguis - қан), флегматик (phlegma - шырыш), холерик (chole - өт), меланхолик (melaschole - запыран). Гален ендірген бұл ғажайып жаңалық кейінгі жүзжылдықтар желісінде көптеген ғалымдар ізденісіне күшті ықпалын тигізді.

Ежелгі дәуірлерден бастап зерттеушілер адамдардың дene құрылымы және физиологиялық қызметінің ерекшелік-терімен сай келетін көп түрлі әрекет-қылыштарды топтап, ретке келтіруге ат салысты. Осыған орай темпераменттің көп түрлі типологиясы қалыптасты. Бұлардың ішінде назар салар-лықтай тип - адамның дene құрылымына байланысты дара-ланып, тұма темперамент қасиеттеріне негізделген – **консти-туциялық типология** (Э. Кречмер). Бұл теорияның мәні: әр адам өз дene құрылымына орай өзіндік психикалық ерекше-лікке ие. Осыдан, дene мүшелерінің (қол, аяқ, бас, кеуде т.б.) сырттай өлшемдеріне байланысты төрт конституционалды психикалық тип белгіленген:

1. **Лептосоматик** - бойшаң, нәзік денелі, көкірек тұсы жайылыштың, тар иықты, қол-аяғы ұзын, сидыйған.

2. **Пикник** - мығым, семізшен, кіші немесе орта бойлы, қарны қампиған, домалақ бас, қысқа мойын.

3. **Атлетик** - бұлшық еттері күшті дамыған, дenesі мығым, берік; ұзынша не орта бойлы, кең иықты, жамбас сүйектері тартылған.

4. **Диспластика** - дene бітімі қисынсыз. Бұл адамдар - әрқылды мүшелік зақым-сырқаттарға ұшырағандар (сырықтай ұзын, қауға бас, тұма аяқ-қолы кемістер).

Аталған дene құрылымы типтеріне үш темперамент типі сай: **шизотомик, иксотомик, циклотомик**. **Шизотомик** - дene құрылымы нәзік, әлсіз дамыған, түйік, эмоциялары ауыспалы, тұрақсыз, талаптар мен көзқарастар өзгеріміне ере бермейді, осыдан қоршаған ортаға икемдесуі қыын. **Иксотомик** - дenesі мығым, мінезі байсалды, сезімталдығы кем, ым-ишарага жоқ, ойлау қабілеті шабан, көбіне майдашыл. **Циклотомик** - семізшен, домаланған денелі, эмоциялары қайғы мен қуаныштың арасында бірдей, тіл табысқыш, көзқарастары шындықтан ауытқымайды.

Жоғарыда баяндалған конституциялық типология теориясының негізін қалаған - Э. Кречмер. Бұл теория Батыс Еуропада кең қолдауын тапты. Ал осы теорияны өзіндік ерекшеліктерімен осы ғасырдың 40-жылдарында АҚШ-та одан әрі жалғастырған У. Шелдон болды. Бұл ғалымның да темперамент типтерін айыруда ұстанған принципі - адам дene құрылымы және оның өзінің жаңалығы - эмбриологиялық белгілер.

Конституциондық тұжырымдардың көпшілігі жантану ғылымында өткір сынға алынды. Бұл теориялардың негізгі кемшілігі - тұлғаның психикалық қасиеттерінің қалыптасуында қоршаған орта мен әлеуметтік жағдайлардың ескерілмеуі. У. Шелдон теориясын сынға алған Я. Стреляу былай жазады: "Адамның тамаққа әуес болу, ұжымшыл болу не қайырымды болу сияқты темпераменттік қасиеттері оның дene құрылымындағы нәсілдік белгі емес, мұндай қасиеттер анатомиялық-физиологиялық негізге ие болғанымен тәрбие және әлеуметтік ортадаған қалыптасады".

Ал ғылым шындығына келетін болсақ, адамдағы психикалық процестер мен оның қылышы жүйке жүйесі қызметімен байланысты екендігі ежелден-ақ белгілі болған. Темперамент түрлерінің кейбір жалпы психикалық процестер ерекшелігіне тәуелді келуі И. П. Павлов және оның шәкірт-терінің еңбектерінде экспериментальды дәлелденген.

И. П. Павлов иттің шартты рефлекстік әрекет ерекше-ліктерін зерттей отырып, олар қылыш-әрекеттеріндегі даралық өзгешеліктердің пайда болуына назар аударды. Мұндай айырмашылықтар ең алдымен иттердің рефлекстік қозулары мен сол қозулардың сөну тенденциялары мен дәлдігінен көрінген. Бұл жағдайлардың көріні жүйке процесінде қалыптасатын тұрақты қасиеттер - қозу және тежелуге байланысты екендігі жөнінде эксперименттермен дәлелденген. И. П. Павлов темперамент типінің жүйке қасиеттерінде қозу мен тежелу қүшін, тепе-тенденцияларын атап көрсетті.

Қозу қүші мен тежелу қүші - бір біріне тәуелсіз жүйке жүйесінің дербес қасиеттері. Қозу қүші жүйке жасуша-ларының әрекетшендік қабілетінің белгісі. Осы қүшке орай жүйке тәзімді, ұзақ не қысқа мерзімді әсерлі қозуды сақтай алады, тежелуге бейімделеді. Ал тежелу қүші жүйке жүйе-сіндегі қүшті әсерлерді басып, сөну және біріктіру шартты реакцияларын іске асыру қызметін атқарады.

Жүйке жүйесі процестерінің **тепе-тенденциялары** қозу мен тежелу құбылыстарының өзара бірдейлік сипатын көрсетеді. Осы екі процесс қүштерінің аралық қатынастарынан, бір процесс қүші екіншісінен басып болуынан тұлғаның ұстамды, байсалдылығы не ұстамсыз, ауыспалылығы туын-дайды. Жүйке жүйесінің үшінші қасиеті - жүйке процесінің

қозғалмалылығы - бір жүйке процесінің екінші түріне ауысу жылдамдығында көрінеді. Сонымен бірге, жүйке процестері-нің қозғалмалылығы адам қылыш-әрекетінің өмір жағдайларының өзгеруіне сай қалыпқа ене алу қабілетін де танытады. Жүйке жүйесінің мұндай қасиетінің өлшемін бір әркеттен екіншісіне, енжарлықтан белсенділікке немесе кері өту шапшаңдығымен бағалаймыз. Жүйке қозғалмалылығына қарсы құбылыс - жүйке жүйесінің **селқостығы**. Бір процесс түрінен екіншісіне өту үшін қаншалықты көп уақыт пен күш қажет болатын болса, жүйке жүйесінің селқостығы сонша үлкен болғаны.

Аталған жүйке процестерінің қасиеттері **негізінде жүйке жүйесінің типі** немесе **жоғарғы жүйке қызметінің типі** деп аталатын құрылым түзіледі. Бұл жүйе әр дара тұлғаның жүйке жүйесіне тән негізгі қасиеттер бірлігінен құралады. Ол қасиеттер: қозу мен тежелу процестерінің күші, тепе-тендігі, қозғалмалылығы. Осы үш қасиетті негізге ала отырып, И. П. Павлов жүйке процесінің күшіне орай және күшті тип пен әлсіз типті айыра, дәстүрлі Гиппократ типологиясына жақын жүйке жүйесінің төрт негізгі типін ажыратты:

- күшті, қозу мен тежелуі тендей, қозғалмалы - **сангвиник**;
- күшті, қозу мен тежелуі тендей, салғырт - **флегматик**;
- күшті, қозуы басым - **холерик**;
- әлсіз тип - **меланхолик**.

Сонымен, И. П. Павлов түсінігінде, жүйке жүйесінің типі тұма беріледі, тәрбие мен қоршаған орта ықпалынан өзгеріске келе бермейді. Осыдан жүйке жүйесінің қасиеттері - жүйке жүйесінің жалпы психикалық көрінісі болған темпера-менттің физиологиялық негізін қалайды, яғни **адам темпера-менті** - жоғары жүйке жүйесінің сырттай әрекет қарқынында танылатын психикалық бейнесі.

И. П. Павлов негіздеген типология темперамент психологиясы саласындағы көптеген лабораториялық зерттеулерге бастама берді. 50-жылдары жүргізілген осындағы ізденіс-тер нәтижесінде И. П. Павловтың шәкірттері В. М. Теплов, кейін В. Д. Небылицын темперамент типологиясын жаңа элементтермен толықтырды. Ересек адамның жүйке жүйесін эксперименталды талдауға ала отырып, жүйке процесіне байланысты екі қасиетті ашты: лабильдік және динамикалық. Жүйке жүйесінің **лабильдігі** - жүйке процесінің туындау және сөну шапшаңдығында көрінеді де, ал **динамикалылығы** - қоздырғыш, ұнамды және кері әсерлі, тәжегіш шартты рефлекстердің онай және жылдам түзілүнен байқалады.

Көп зерттеулердің нәтижесінде осы заман психология-сының теориялық тоқтамы: әрқандай адам белгілі типті жүйке жүйесіне ие. Нақты жүйкелік типке сай темперамент қасиеті дара психологиялық өзгешеліктердің мазмұнын қурайды.

3. Темперамент түрлері

Сонымен, **темперамент** - бұл адамның психикалық әрекетінің динамикасын айқындағын дара қасиеттерінің жынытығы. Ал қасиеттер іс-әрекеттің барша түрінде мазмұн, мақсат, сеп-тұртқілерге тәуелсіз, бірдей сипатта көрініс береді, ересек шақта да өзгеріссіз тұрақталады. Психикалық қасиеттер өзара байланысқа келумен белгілі темперамент типіне негіз болады. Темперамент типінің нақты көрінісі сан алуан. Олар тек сырттай әрекет-қылышқа ғана емес, сонымен бірге барлық психикалық құбылыстар да: сезімде, ниет пен әрекетте, ақыл-ой жұмысында, тілдесу ерекшеліктерінде т.б.-байқалады.

Қазіргі кезеңде психология ғылымы белгілі жүйеде темперамент типтерінің бәріне толық психологиялық сипаттама беруге негіз боларлықтай деректер топтаған. Алайда, дәстүрлі қабылданған темпераменттің төрт (сангвиник, холерик, флегматик, меланхолик) түрінің психологиялық сипатын түзу үшін көбіне тәмендегі аталған негізгі темпера-мент қасиеттері қолдануда:

Сезімталдық - адамның қандай да психикалық жауап әрекетінің пайда болуына себепші сыртқы әсер күшінің ең тәменгі деңгейі мен сол жауап-әрекеттің туындау шапшаңдығы.

Жауап-әрекетке келу - бірдей ықпалды сыртқы не ішкі әсерлерге болған ырықсыз жауап-әрекет дәрежесі.

Белсенділік - мақсатқа жетуде адамның қоршаған дүниеге ықпал жасау және кедергілерді жену үшін жұмсалған әрекет-қылышының қарқындылығы (табандылық, зейін қою, бағдар таңдау т.б.).

Жауап-әрекетке келу мен белсенділік қатынасы - адам іс-әрекетінің өзін пайда еткен себепке қаншалықты тәуелді екенін білдіруі: кездейсоқ сыртқы немесе ішкі жағдайлар (көңіл-күйден, кездейсоқ оқиғалардан), болмаса ниет, мақсат, талғам т.б.

Икемділік - адамның сыртқы әсерлер мен өзгерген жағдайларға қаншалықты женіл әрі жылдам үйренісе алуы немесе жаңа жағдайға салғырт, тіпті жат қылық көрсетуі.

Жауап-әрекет қарқыны - әрқылдық психикалық әрекет-тер мен процестер, сөйлеу, ым-ишара қозғалыстары мен ой білдіру шапшандығы.

Экстраверсия, интраверсия - адамның жауап әрекеті мен іс қимылышына себепші жағдайлар - нақты мезеттегі сыртқы сезімдер немесе өткен мен болашаққа байланысты санадагы бейне, елес пен ойлар.

Сезімдік қызыбалық - эмоционалдық жауап болуы үшін қажет ең төменгі әсердің шамасы мен оның туындау жылдамдығы.

Аталған қасиеттерді ескерумен қазіргі заман психо-логиясында темпераменттің барша ғылыми қауым қабылдаған төрт типтің сипаттамасы төмендегіше:

Сангвиник - жоғары дәрежелі әрекетшеш адам, дегенмен, бұл әрекетшендік оның белсенділік қасиетіне сай, қозу мен тежелуі тепе-тең. Назарын тартқанның бәріне араласа кетеді, ым-ишарасы мен қозғалыс қимылдары мәнерлі, шапшаң. Сәл нәрседен қарқылдалап құледі, болмашы себептен көңілі қалып, мұнаяды. Бет-жүзінен көңіл-күйі, заттар мен адамдарға болған қатынасы білініп тұрады. Сезім-талдығы өте жоғары, сондықтан ол оншама әсері болмаған дыбыстар мен жарыққа елендей бермейді. Мұндай адам көтерінің белсенділікке ие, жұмыс қабілеті мен қуатының жоғары болуынан жаңа іске қаймықпай кіріседі, ұзақ уақыт талып-шаршамастан қызметтің жалғастыра алады. Зейінін таңдаған обьектіне тез шоғырландырады, тәртіпті, қажет болса, өзінің ырықсыз әрекеттері мен сезімдеріне тоқтау, тыым бере алады. Әрекеті жедел, ақылы-ойы икемді, тапқыр, сөйлеу қарқыны шапшаң. Сезімдері, көңіл-күйі, қызығулары мен ниеттері өзгерген жағдайға байланысты женіл ауысып отырады. Сангвиник төңірегіндегілермен тіл табысқыш, жаңа талаптар мен жағдайларға икемшіл. Қиналмaston бір істен екіншісіне ауыса алады, қажет болса, қайта үйреніп, жаңа дағыларды қабылдауға шебер. Әдетте, бұл типті адам өткені мен болашағын болжастыруда өзінің субъектив пайымдау-ларының жетегінде қалып қоймай, көбірек сыртқы әсерлерді обьектив бағамдауға бейім, экстраверт.

Холерик. Сангвиник сияқты жай әсерлерге берілмейді, әрекетшеш және белсенді. Бірақ холериктің әрекетшендігі белсенділіктен басымдау, сондықтан ол ұстамсыз, шыдамсыз, қызба. Сангвиникке қарағанда салғырттау, икемі кемірек. Осыдан - ниеттері мен қызығулары тұрақтылау, табанды, зейінін ауыстыруы қындау, сезімі көбіне сырттай көрінеді, сондықтан - толық экстраверт.

Флегматик - әрекеті енжар, сезімталдығы мен көңіл шарпулары кем көріністі. Оны құлдіру де, мұнайту да оңай емес, төңіректің бәрі құлқіден жығылып жатқанда, ол мізбақпас. Қай жағдайда да сабырлылығы мен байсалдылығын жоймайды. Үм-ишара жоқ, сөзі сылбыр, әрекеті жай. Жаңаған жағдайға икемделуі қын, дағдылары мен әрекет-терін өзгертуі ауыр. Солай да болса, флегматик өте қуатты, жұмыстан шаршамайды. Шыдамды, ұстамды, сезімге беріл-мейді. Әдетте, жаңа адамдармен араласып кете бермейді, сырттай әсерге төзімді. Бар білгені ішінде - интраверт.

Меланхолик. Өте сезімтал, бірақ әрекетшендігі кем адам. Болмашы нәрседен көзіне жас үйіріліп, өкпелегіш, сырттай әсерді қүйзеліспен қабылдайды. Үм-ишарасы жоқтың қасында, дауысы мен қозғалысы өте сылбыр. Әдетте, өзіне сенімсіз, үркек, болмашы қындықтан шегінеді. Меланхоликтің жігері кем, тез шаршайды, қызметі болымсыз. Зейіні тұрақсыз, оның барша психикалық процестері әлсіз. Көпшілік меланхоликтердің өздерінің тұйықтығы мен адамдардан оқшаулануынан ішіне түйгені көп - толық интраверт.

Әр адамның темперамент типі тұма екендігі қалтқы-сыз дәлелденген, ал қасиеттер түріне байланысты белгілі типтің үйімдасы - әлі ғылыми шешімін таппаған.

4. Темперамент және іс-әрекет

Адамның жеке динамикалық бітістері оның сырттай әрекет-қылышында, қозғалысында ғана емес, барша ақыл-ой топшылауынан, ниеттері мен қызмет бабынан көрінеді. Темперамент ерекшеліктерінің оқу мен еңбек барысына ықпал етуі табиғи құбылыс. Дегенмен, темперамент айырма-шылдықтарындағы басты қасиет - олардың психикалық мүмкін-діктер деңгейінде емес, езіндік іске асу көріністерінде.

Егер іс-әрекет қалыпты жағдайда жүріп жатса, соңғы нәтиже мен темперамент арасында ешқандай тәуелді байланыс болмайды. Бұл ғылыми дәлелденген. Сонымен, тұлғаның қалыпты жағдайдағы әрекет нәтижесі оның шап-шаң не енжар екендігіне қарамай, бірдей өлшемде болады, себебі соңғы өнім нәтижесі басқа факторларға, әсіресе сеп-түрткілер мен қабілет деңгейіне байланысты келеді. Темпера-мент ерекшеліктері сол әрекетті орындау тәсілдерін өзгертуге ықпал жасауы мүмкін.

Темпераментіне қарай адамдар соңғы нәтиже емес, сол нәтижеге жету жолдарын таңдауымен ажыралады. Темпера-менттің тұма ерекшеліктері тәжірибе, әлеуметтік ортаға және өз басын билей алуға байланысты психикалық процестерде көрініс береді. Жағдайға орай жауап-әрекет, бір жағынан жүйке жүйесінің сипатына, екінші тараптан - оқу тәрбие мен кәсіби тәжірибеле тәуелді (Р. М. Грановская). Мысалы, тәжірибелі ұшқыштың, боксердің, жүргізушінің әрекет шапшаңдығы тұма берілген қасиет емес, жаттығу мен үйренудің нәтижесі. Ал сол әрекеттердің іске асу шегі жүйке жүйесінің мүмкіндіктерімен анықталады.

Көптеген кәсіби қызметтер үйрету, оқытумен кемел-денбейді, ондайда темперамент бітістері шек қояды. Мысалы, домбыраны әркім де тартуы мүмкін, ал шебер құшті болу - кемде-кем адамға берілген өнер. Мұндайда маман дайындау үшін кәсіби таңдауымен бір кәсіби бағдарлы тәрбие әбден қажет. Психологиялық ерекшеліктеріне негіздел, кәсіби маман-дандырылған адамдар өз еңбегінде үлкен қанағаттанумен зор табыстарға жете алады.

Адам іс-әрекетінің жемісті болуы сол адамның темперамент ерекшеліктеріне тікелей байланысты. Мысалы, қызмет нысандары тез ауысатын, жаңа адамдармен тілдесу қажеттігі көп жерде, бір өмір қалпынан екіншісіне көшу керек болған жағдайларда сангвиник адамды пайдаланған абзал. Ал флегматиктер әрекетте сылбыр, енжар көрінгенімен, жай, бірқалыпты, тұрақты бір тәртіппен орындалатын қызметтерде өте тиімді келеді. Қайталануы көп, жалықтыра-тын, қарапайым істерде меланхолик шыдамдылық көрсете алады, мұндайда олар басқаларға қарағанда онша шаршапшалдықпайды. Ал қызмет бабы мен әдістері шектелген, еркін қимылға мүмкіндік жоқ жерде - сангвиник пен холерик типті де шыдамайды.

Оқу мен тәрбиені оңтайластыру мен олардың тиім-ділігін көтеру жолында әрбір педагог өз шәкіртінің темпера-мент типін мүмкіндігінше нақты анықтап алған жөн. Осы тұрғыдан мұғалімдерге кеңес: холериктің оқу істерін мейлін-ше жиі бақылауға алған дұрыс. Бұл типті оқушымен қатты сөзбен, жекіріп қатынас жасауға тіпті болмайды - қатынасқа сай келеңсіз жауап әрекет болуы сөзсіз. Сонымен бірге оның қай қылышы болмасын орынды талаппен, әділ бағалануы тиіс. Сангвиниктерді үздіксіз жаңа, қызығылдықты, зейін тоқтатып, белгілі күш жұмсауды талап еткен істерге қосып отыру керек. Оны ұдайы белсенді іс-әрекетке араластырып, мақтауын үзбей жеткізіп тұру қажет.

Флегматик қызығылдықты, белсенді әрекетке келіп, жұрт назарында болғанды ұнатады. Оны бір істен екіншісіне ауыстыра бермеген дұрыс. Ал меланхоликпен жұмыс істеуде дәрекі сөз, тұрпайы қатынас қана емес, тіпті жай дауыс көтеру, әзіл-оспақтың өзі орынсыз. Онымен жіберген қате-кемшіліктері жөнінде онаша әңгімелескен жөн. Оған ерекше назар бөліп, әрқандай іс-әрекетте көрсеткен белсенділік ұшқыны үшін де мезетінде мақтап, қошеметтеп бару керек. Ескертулер мен ұнамсыз бағаны мүмкіндігінше жұмсартып, байқап жария еткен орынды. Меланхолик - өте сезімтал, өкпешіл тұлға, сондықтан оған дегенде өте мейірлі, жақсы ниет білдіре, қатынасу керек.

Сонымен, адамның қай мазмұнда болмасын өз іс-әрекетін жүзеге келтіруі тікелей темпераментке байланысты. Темперамент психикалық процестердің желісінде көріне отырып, еске түсіру, қабылдағанды бекіту жылдамдығына ықпалын тигізеді, ой жүйріктігі мен зейін тұрақтылығын және оның ауыспалылығын айқындалап береді.

Қайталау және бекіту сұрақтары

1. Темперамент мәнін қалай түсінесіз?
2. Темперамент жөнінде ғылыми көзқарастар бағыты қандай?
3. Темперамент табиғатын түсіндіруде И. П. Павлов еңбектерінің маңызы неде?
4. Темперамент типтерін ажыратуға негіз боларлық деректер тобына не кіреді?
5. Темперамент түрлерінің сипаттамасы қандай?
6. Темперамент және іс-әрекет арасындағы байланыстар мәні қандай?

19-дәрісбаян

МИНЕЗ

- Жоспары:**
1. Мінез жөніндегі түсінік.
 2. Мінез жөніндегі білімдер.
 3. Мінез бітістері.
 4. Мінез түрлері мен типтері.
 5. Мінездік бітіс асқынуы.
 6. Мінездің ұлттық ерекшеліктері.
 7. Мінез және адамның жас сатылары.

1. Мінез жөнінде түсінік

Мінез - жеке адамның өзіне тән қылыш - әрекетінде, тіл қатынасында тұрақты қалыптастасын дара ерекшелік-терінің жиынтығы.

Мінез нақты адамның шыншыл, адаптациялық қорындылықтың орай сипатталмайды, аталған сапалар - әртүрлі жағдайларды көрініс беретін жеке адам қасиеттері. Адам мінезін біле отырып, оның алдағы ықтималды әрекеттері мен қылыштарын күні ілгері барластырумен оларға тиісті реттеулер және түзетулер ендіруге болады. Мінезді адамның қандай әрекетке келетінін жаңылмай, дәл айтуға болады.

Алайда, жеке тұлға ерекшелікке бай келеді, ал солар-дың бәрі де адам мінезін танытады деу қате. Мінез көрсеткіші - адамның барша жағдайлардағы мәнді сипаты мен тұрақты сақталатын таңдаулы қасиеттері. Егер адам қандайда дау-дамайлы жағдайда дәрекілік көрсетсе, сондай тұрпайылық пен ұстамсыздық осы адамның төл қасиеті деу жөн емес. Жайдары мінезді, көнілді адамның өзі кей жағдайда мұңайып, сылбыр халге түсіү мүмкін. Өмірге келумен бастаудың алдыңғы мінезді адамның өмір барысында қалыптасады, тұрмыс жағдайларымен айқындалады. Тұрмыс қалпы әр адамның ойлау, сезім, ниет, әрекет сипатын бірлікті анықтап барады. Мұнда адамның бүкіл өмірін жанжақты қамтыған қоғамдық шарттар мен әлеуметтік жағдайлар маңызды келеді. Дегенмен, мінездің нақты қалыптасуы әртүрлі деңгейде дамыған топтарда (отбасы, достары, сынып, спорт командасы, еңбек ұжы-мы т.б.) қалыптасады. Осы топтар сипаты мен оларда ардақталатын адамгершілік, қоғамдық құндылықтарға төуелді мүшелерінің мінез ерекшеліктері орнығады. Мінез бітістері, сонымен бірге тұлғаның отбасындағы абыройы, топтың басқа мүшелерімен арақатынасына байланысты тұрақталып не, аса қажет болса, өзгеріске түседі. Жоғары деңгейлі дамыған топ, ұжым мінездің мәнді де ұнамды бітістерінің қалыптасуына оң әсер етеді. Жақсы мінезді адам қалыптастыра отырып, ұжым өз дәреже, деңгейін арттыра түседі.

Қоғам әсерлері мен ықпалдарын бейнелейтін мінез мазмұны жеке адамның өмірлік бағыт-бағдарын құрайды, яғни оның заттай және рухани қажеттеріне, қызығуларына, нағым-сенімдеріне, мұраттарына т.б. негіз болады. Бағыт-бағдарға сай жеке адам өз мақсаттарын, өмірлік жоспары мен сол жоспарды іске асыруда қажет белсенділік деңгейін белгілей алады. Мінезге орай адамның дүние талғамы, өмір мәні, белгіленген мақсат-мұдделерінің, әрекет қылыштары-ның себептері ашылады.

Мінезді дұрыс түсінуде адам үшін маңызды болған қоғамдық құндылықтар мен жеке талғамдар арақатынасы шешуші мәнге ие. Әр қоғамның өзіне сай маңызды да мәнді міндеттері болады. Міне осы міндеттерді іске асыру барысында мінез қалыптасады. Кейін солар тұрғысынан тексеріледі, бағаланады. Сондықтан да мінез қандай да адам қасиетінің (төзімділік, өжеттік т.б.) көрінісі ғана болып қоймадан, қоғамдық мәні бар іс-әрекетке болған бағыт-бағдар сипатын андатады. Осыдан мінездің тыңғылыштылығы, біргелілігі адамның өмірлік бағыт-бағдары негізінде нақты бір қалыпқа келеді. Мінез қалыптаудағы басты шарт - өмірлік мақсат, мұраттың нақтылығы. Мақсаттың болмауы не оның шашыраңқылышы - босбелбеулік, мінезсіздіктің белгісі. Солайда болса, жеке адам мінезі мен оның бағыт-бағдары екіталай нәрсе. Алдыңызға ақ көніл кейіппен келген адамның бірі - ізгі ниетті де, ал екіншісі - жауыз болуы мүмкін. Жеке адам бағыт-бағдары оның барша әрекет-қылышына із береді. Әрдайым қылыш "осылай болсын" деген ниеттен

ғана емес, адам қатынастарының біртұтас жүйесіне негізделеді, ал бұл жүйеде қандай да қасиет басымдау болумен адам мінезіне белгілі сипат ендіреді.

Қалыпқа түскен мінезде адамның наным-сенімдер жүйесі жетекшілік етеді. Тиянақты көзқарас - наным адам-ның өз іс-әрекетін ұзақ мерзімді бағыт-бағдарға сай белгілеп, мақсатқа жетуде жігеріліліктің, орындан жатқан ісінің дұрыс та маңызды екеніне сенімділік туғызады.

Мінез ерекшеліктері адам қызығуларымен тығыз байланысты, бірақ оның бұл қызығулары мәнді әрі тұрақты болуы шарт. Ал қызығулар үстірт, тұрақсыз болған жағдайда, дербестігінің кемдігі мен тиянақтылығы болмағанынан жеке адам еліктеңіш келеді. Қызығулар ұқсастығы мінез тенденциянан андатпайды. Мысалы, өнертапқыштар арасында көңілді не мұнды, кішіпейіл не өзімшіл тұлғаларды айыруға болады.

Мінез адамның қолы бос уақытындағы өзі қалап шұғылданған істерінен де танылуы мүмкін. Мұндай қызуғалар тұлға мінезінің жаңа, ерекше қырларынан хабардар етеді. Мысалы, ұлы ғалым - химик Ебней Бекетов қолы босаса, аудармашылықпен айналысып, орыс, батыс қаламгер-лерінің небір әйгілі көркем шығармаларын қазақ оқыр-манына жеткізген; атақты тіл ғалымы Әбдуәли Хайдари демалыс уақытында қазақы ер-тұрман, қамшы және т.б. заттарды оюлап, жолдастарын таң қалдырған; ғұлама-түркітанушы академик Рахманқұл Бердібай қолы босаса, күшілік өнермен айналысады. Адамның рухани немесе заттай қажеттіліктерінің қайсысының басым болуына қарай оның тек ой, сезімдерінің ғана емес, сондай-ақ іс-әрекетінің де бағыт-бағдары айқындалады. Бұл арада аса маңызды нәрсе - іс-әрекеттің алға қойылған мақсатқа тікелей сай болғаны, себебі адам не істеп жатқаны немесе не істейтініне қарай бағаланбайды, әңгіме сол істі қалай орындаитынында. Осыдан мінез калпы адамның бағыт-бағдары мен іс-әрекет кейіпінің бірлігінен келіп шығады.

Мақсатқа жетуде бағыт-бағдар бірдейлігі болғанымен, әр адам өз жолын таңдайды, өзіне қолай, қайталанбас әдіс-тәсілдерді пайдаланады. Осы дербестікten адам мінезінің ерекшелігі көрінеді. Белгілі ықпалға ие мінез бітістері әрекет немесе қылыш түрін таңдауда айқын жүз береді. Бұл тұрғыдан тұлғаның табысқа жету қажеттігін туыннатқан ықылас, ниет көрінісінің деңгейін (табандылық, шешімділік, жүректілік немесе еріксіздік, қорқақтық, құдікшілдік т.б.) **мінез бітісі** деп тануға болады. Осыған байланысты кей адамдар күмәнсіз табыс қамтамасыз ететін әрекеттерді (ынта білдіру, жарысқа тусу, тәуекелге бел байлау т.б.) таңдап алады, ал екіншілері - сәтсіздікten қашуды көздейді (жаяупкершілік алмайды, жүрексінеді, ықыласы мардымсыз т.б.).

2. Мінез жөніндегі білімдер

Мінез құбылысын зерттейтін ғылым - **характерология** ұзақ даму тарихына ие. Фасырлар бойы бұл психология саласы мінездер типін саралап, адамның әртүрлі өмір жағдай-ларындағы әрекет-қылышын болжастыру мақсатында әрқандай мінез сипатын нақтылаумен шұғылданып келді. Адамның тума емес, өмір барысында қалыптасатын белгісі болғандықтан, мінез типтерін жіктеу көбіне тұлға дамуындағы сыртқы, жанама факторларға негізделеді. Осы бағытта ежелден өрістеп келе жатқан, мінез танып, әрекет-қылыш болжас-тырудың психологиялық жолдары бар. Солардың кейіріне қысқаша түсінік:

Жұлдызнама - адам мінезін туған күні мен байланыстырып түсіндіреді. Жалпы қабылданған уақыт өлшемдері белгілі кезең, аралыққа бөлінеді, олардың әрқайсысына нақты белгі, символ беріледі. Осы символға (ағаш, от, су, жануар т.б.) тән әртүрлі қасиеттерге орай адам мінезі суреттеледі. Мысалы, кельт жұлдызнамасын да 22 желтоқсан мен 1 қаңтар аралығында туылған алмаға текстес, осыдан мұндай адам сүйкімді, ақ жарқын, күлкішен т.б., ал қазақы жұлдызнамада жоғарыда аталған күндері туылғандар - таутеке, яғни мұндайлар - өжет, тұрақты, төзімді, тұйық, сыршыл келеді.

Физиогномика (physis - табигат, gnomon - білу) - адамның сыртқы келбетіне және сондай келбетті тұлғаларды ұқсастығымен белгілі топқа біркітіріп, олардың психологиялық сипатын анықтайтын ғылым. Адам дене бітістеріне қарай жануармен салыстырылады да сол жануарға тән мінез ерекшелігі оған таңылады. Мысалы, Аристотель пікірінше, адамның мұрын танауы өгіздікіндегі жуан да қалың болып келсе, ол еріншектік белгісі; шошқадай кең танау, жалпақ мұрын - ақымақтық; қой, ешкі жүніне ұқсас шашты адам -

үркек; доңыз, арыстан қылшықтарында тіке шашты адам - ержүрек, батыл т.б.

Адамның басқа да келбет көріністері (көз, ауыз, отырыс, тұрыс т.б.) негізінде мінезді байқастыру осы физиог-номика аймағында жоғары дамыған.

Хиромантия (cheir - қол, mantia - бал ашу) - адам мінезін алақаннның тери бедерлері, түсі арқылы болжастыру жүйесі.

Дermatoglyphika - бармақ, алақан терісіне тумадан түсетін өрнектер арқылы адам мінезін анықтайтын ғылым жүйесі.

Графология - мәнерлі өрекет жазу таңбасына орай адам мінезін анықтауға бағытталған ғылым.

3. Мінез бітістері

Адам мінезі сан алуан. Бұл іс-өрекетте айқын көрінеді: біреудің барша қимылы - шапшаң, екінші - асықпайды, бірақ ісі тыңғышты; үшінші - іске ойланбастан асыла салады, кейін барып ойланады, жағдайға қарай ісін ретінде келтіреді. Адам мінезінде көрінетін мұндай ерекшеліктер - **мінез бітістері** деп аталады. Қандай да бітіс - өрекет-қылыштың тұрақты, қайталанып отыратын нақты белгісі.

Мінез бітістері өзара көрінуі тиіс болған қалыпты жағдайлардан бөлек қаралмайды (кейде әдепті адамның өзі де дөрекілік танытады). Сондықтан қалаған мінез бітісі нақты жағдайда орынды көрінген қылыштың тұрақты формасы.

Мінездің бітістері мен сипатын белгілі қылыштың нақты оқиғаға байланысты болуынан да білуге болады, яғни белгілі бітістің көріну мүмкіндігі неғұрлым жоғары болса, ол адам мінезінің тұрақты белгісі ретінде танылады. Дегенмен, ықтималды болғандықтан бітіс ұдайы көріне бермейді, яғни мінез бітістері адам әдетіндей бірқалыпты, механикалық қайталана бермейді. Солай да болса, мінез бітістері мен әдеттер арасында жақындық та бар: мысалы, мінез бітісі ретінде жауапкершілік адамның ұқыптылық әдетінде көрінеді. Бірақ әдет мінез бітісіне өте бермейді, ол тек қандай да қылышқа ыңғайлылықты танытады. Мінез бітістері өз ішіне ойлау, түсіну әдістерін қамтиды. Қайсы бір тұлғаға тән қылышты жасауда ерік, сезім қосылады. Ал әдет мұндай психикалық процестердің бірімен де байланыспайды. Сонымен бірге бітіс адам қылышына ықпал ете отырып, сол қылыш-өрекет барысында қалыптасады, бекиді. Мінез бітіс-терінің қалыптасуын өрекет-қылыш мотивтерінен айыра қарауға болмайды. Қандай да қылыш мотиві өрекетте іске аса отырып, мінезде бекиді. Әрқандай мәнді, тұрақталған мотив болашақ мінез бітісі. Мінез бітістері мотивте алғашқыда ниет түрінде көрініп, ал кейін оны өрекет тұрақты қасиетке айналдырады. Осыдан қандай да мінез бітістерін қалыптас-тыру қажет қылыш-өрекет мотивтерін түзіп, оларды бекітуге арналған іс-өрекеттерді үйімдастырудан басталады.

Мінездің жалпыланған қасиеттері өздерінің диалек-тикалық қарама-қарсылықтарында көрінеді: құшті-әлсіз, қатал-жұмсақ, тыңғышты - өзара қайши, кең-тар т.б. Егер мінез құштілігі адамның алға қойған мақсатына жетудегі, кедергілерді женуіндегі қуатынан көрінсе, мінез әлсіздігі қорқақтықтан, ниет тұрақсыздығынан, т.б. байқалады. Мінез қаталдығы өжеттік, тайсалмастықпен байланысты, ал жұмсақ-тықтан адам икемшіл, орнымен шегінеді, келісім жолдарын табуға ұмтылады. Мінездің тыңғыштылығы мен қайшылығы мінез бітістерінің ішіндегі жетекші және екінші деңгейлі қасиеттердің дәрежесімен анықталады. Қасиеттердің бәрі өзара үйлесімді келсе, тыңғыштылығы мінез, ал бір қасиет екіншісімен үндеспесе - қайшылықты мінез орнығады. Адам қызығулары мен ұмтылыстарының, іс-өрекеттерінің жан-жақты дамығандығы мен көп түрлілігі мінездің кеңдігін танытады. Мұндай адам әлемдегінің біріне қызығып, бәріне араласқысы келеді. Ал бұларға қарсы - мінезі "тар" адамдар өзін-өзі шектеуге бейім, ниет өрекеттерінің өрісі өте елеусіз.

Сонымен бірге, адам мінезінің тұтастығы мен көп тараптылығы кейір жағдайларда бір адамның өзінде де әрқилы, тіпті қарама-қарсы қасиеттердің болатынына шек келтірмейді. Адам бірдей өте нәзік мәдениетті болуымен бірге қатал талапшаң болуы мүмкін. Осыған қарамастан, оның мінезі сақталып, оның қырлары айқын көріне түседі.

Көп жағдайда **мінез** және **темперамент** салыстырылып түсіндіріледі, кейде бірінің орнына бірі қолданылады. Ал іс жүзінде олай болмауы керек.

Мінез бен темперамент ұқсастығы адамның физио-логиялық ерекшеліктеріне, яғни

жүйке жүйесіне болған тәуелділіктен. Қандай да мінездің қалыптасында белгілі жүйкелік сипатты темперамент үлкен маңызға ие. Сонымен бірге, темперамент жете дамығанда ғана мінез бітістері қалыптасады. Темперамент - мінез дамуына негіз. Мінездегі ұстамдылық - ұстамсыздық, қозғалғыштық - салғырттық т.б. тікелей темпераментке байланысты. Бірақ мінез темпераментке бүтіндегі тәуелді емес. Біргелкі темпераментке ие адамдарда әрқилы мінез белгілері болуы мүмкін. Темперамент ерекшелік-тері қайсыңыр мінезді дамытып, басқаларына шектеу қояды. Мысалы, холерикке қарағанда меланхоликтің өзіне жігерлілік пен жүректілікті дарытуы қыынға соғады. Ал холерик флегматик сияқты ұстамды бола алмайды, флегматик сангви-ник ұқсап көпшілікпен тез тіл табысып кете алмайды, т.с.с.

Мінезі тұрақталған адамда темперамент дербес әрекет көрінісі болудан қалып, мінез бітістеріне сай әрекет-қылыштардың іске қосылу динамикасын айыруға көмектеседі. Мінез және темперамент бітістері адамның біртұтас келбет-кейпінде өзара байланысқа түсіп, тұлға даралығының интегралды сипаттамасын береді.

Мінез бер ерік арақатынасы өте тығыз. Осыдан көп жағдайда "мінезді адам" және "еркі күшті адам" сөз тіркестерін бір мәнде тусенеміз. Ерік, көбіне, мінез күшімен, қатандығымен, табандылығымен т.б. байланысты. Адам мінезінің күштілігін айта отырып, ондағы еріктік сапалар мен мақсат беріктігін ескереміз. Бұл тұрғыдан адам мінезі ерік сапаларын қажет ететін қыын жағдайларда, үлкен кедергілерді женүде көрінеді. Алайда, мінез тек күш сипатымен айқындал-майды, онда әрқилы өмір жағдайына орай ерік әрекетінің қызметін бағыттаушы мазмұн бар. Бір жағынан, еріктік әрекеттерде мінез қалыптасады әрі көрінеді, адам үшін маңызды ситуацияларда ерік мінезге ауысып, тұрақты қасиет түрінде бекиді; кейін осы қасиет адам қылышы мен еріктік әрекеттеріне ықпал етеді. Ерікті әрекет әруақыт мақсатына орай нық, тұрақты және табандылығымен ерекшеленеді. Екінші тараптан, еркі бос адамды көп жағдайда "мінезсіз" деп сипаттайды. Психологиялық тұрғыдан бұлай болмауы тиіс, еркі бос адамның да қандай да мінез бітістері баршылық: қорқақтық, жүрексіздік, сенімсіздік т.б. Мінезі айқын болмағандықтан адамның іс-әрекет, қылышын алдын ала бол-жастыру мүмкін емес. Мұндай адамда оның қылыш-әрекетіне жетекшілік еткен-дей дербес бағыт-бағдар жоқ. Оның әрекеттерінің бәрі өз билігінде болмай, тысқы ықпалдарға тәуелді.

Мінез ерекшеліктері адамның **сезімдік** процестерімен байланысты, әрі бұл байланыс өзара ықпалды. Бір тараптан, инабаттық, эстетикалық, интеллекттік сезімдердің даму дең-гейі адамның іс-әрекеті мен қатынасына және бұлар негізінде қалыптасан мінезге тәуелді. Екіншіден, осы сезімдердің өздері тұлғаға тән тұрақты ерекшеліктерге өтіп, адам мінезін құрайды. Борыш сезіну, әзілді көтеру, т.с.с. құрделі сезімдер-дің болуы жағары дамыған адамның сипатын танытады.

Адамның **мінез** бітістерінде **ақыл-ой** үлкен маңызға ие. Ой тереңдігі мен жүйріктігі, қалыптан тыс мәселелерді қоя біліп және оны дербес шешу, ой жұмысын-дағы ынта мен сенім - бәрі адам мінезінің ақылдық қорының белгісі. Ал осы ақыл қабілетін пайдалануда бағыт таңдау - тікелей мінезге байланысты. Тұрмыста ақылға кенде емес, бірақ (мінез жарамсыздығынан) жарытып, ештеңе өндір-мейтін адамдар аз емес.

Мінез құрастыруши қасиеттер біртұтас, олар даралап, шектеуге келе бермейді (өшпендейділік, құдікшілдік, сақылық т.б.). Ал кейбір қасиеттер, мысалы, еріктік (жүрек-тілік, дербестік т.б.), сезімдік (жайдарылыш, көнілділік т.б.), ақыл-саналық (ой тереңдігі, сындарлық т.б.) адам мінездерінің ерекше құрамды бөліктері ретінде талдауға келеді. Барша мінез бітістері өзара зандылықты байланысқан: батыр адам - сақи да табанды; ашық адам - жайдарлы, сенімді, достықта тұрақты т.б.

4. Мінез тұрларі мен типтері

Мінез түрі өзінің құрамындағы бітістердің жалпы сипатына тәуелді келеді, ал бітістер **негізгі** немесе жетекші және **қосалқы** болып бөлінеді. Негізгілері адамның бағыт-бағдарын айқындауға ықпалын тигізіп, яғни адамның тұрақты мінезінің сипатын береді де, қосалқылары мінез қырларын толықтыра түседі. Мысалы, батылсызыдық, қорқақтық және альтруистік бітістердің алғашқы екеуі жетекші мәнге ие болса, онда адам секемшіл мінезді келіп, біреуге жақсылық, яғни альтруистік қадамында жалтақшыл, құдікті болуынан көздеңген ісіне бара алмайды. Керісінше, альтруистік қасиет басым келсе, алғы екі

жағымсыз бітістерді қаймықпай басып, қайырымдылық ісінде батыл мінезді қадам жасайды.

Адам мінезінің белгілі түрде қалыптасуы оның қоршаған дүниеге қатынасына байланысты. Бұл қатынастар-дың мәні адам араласып, байланысқа келген өмірлік обьектердің маңызымен анықталады:

1. Басқа адамдармен қатынасына қарай (шыншыл - өтірікші, әдепті - дәрекі т.б.).
2. Орындалатын іс қызметіне орай (еңбеккер - еріншек т.б.)
3. Өз басына болған қатынасына байланысты (сыншыл-өзімшіл т.б.).
4. Заттарға қатынасынан (сақи - ашкөз, ұқыпты - салақ т.б.).

Аталған қатынастардың бәрінің де мінез түрінің қалыптасуында үлкен маңызға ие екені сөзсіз, дегенмен тұрақты, нақты мінездің орнығы ең алдымен адамның адам-мен, қоғамға араласып, қатынасу дәрежесіне тәуелді. Ұжымнан тыс тұлғаның жолдастық, достық, махаббат, т.б. формаларда көрінетін ізгі ниеттерінен бөлек мінез түрі болмайды. Адамдар өзара ұзақ қатынасқа келе отырып, бірі екіншісінің мінезіне таңбасын салады, осыдан кей адамдар әрекет-қылышында өзара ұқастыққа келеді немесе қарама-қарсы, бірақ бірінің кемші-лігін екіншісі толықтыратын бітістерді игереді. Алайда, еңбек, іс-әрекет қатынастарында қалыптасқан мінез бітістері мәндірек келіп, мінез түрінің басқаларынан ажыралуына себепші болады.

Мінез әр тұлғада өзінше көрініске ие, солайда болса, оның құрамында белгілі топ адамдарына ортақ бітістерді біріктіруге болады. Осыдан, мінез түрі - адамдардың кейбір тобына тән қасиеттің біреудің дара мінезінде нақты көрінуі. Мұның түпкі себебі - мінез тума берілмейді, әр адамның белгілі топ, қоғам өкілі болуынан оның өмір жағдайы мен іс-әрекетіне сай қалыптасады.

Мінезде жеке бітістер және сапалармен қатар тұлға-ның қоршаған ортаға икемдесуін қамтамасыз етуші жалпы қылық тәсілі - мінез типтерін ажыртуға болады. Мінез типін анықтауда нақты адамдар мінезінің жалпы да мәнді, өмірлік қажетті тараптары ескеріледі.

Осыған орай мінез келесі типтерге бөлінеді:

1. **Үйлесімді** мінез типі - қоршаған ортаға икемділігімен ерекшеленеді. Мұндай мінезді адамда ішкі қарама-қарсылықтар болмайды, ойлаған ойы мен істеген іс бір-біріне сай келеді. Көпшіл, ерік күші мол, қайсар, бір сөзді. Өмірдің барша қыны жағдайларында таңдаған бағыт-бағдарынан қайтпайды, көзқарас, талғамын ауыстырмайды. Мақсат-мұрраттары мен принциптері үшін қуреске дайын. Бұл адамдардың өмір сүру тәсілі жағдайға бағыну емес, оны өз қалауына орай өзгерту.

2. **Іштей қарама-қарсылықты**, бірақ **сырттай келісімді** мінез адамы. Бұл типті адамның ішкі ниеттері мен сырт әрекет - қылышы арасында келіспестік бола тұрып, өзінің қоршаған ортамен қатынасында әлеумет талаптарына ыңғай береді, іс-әрекетін соларға бағындырып, үлкен күшпен орындаиды. Өзін ерік билігінен бірде босатпайды, жан, ой дүниесін сырттай болмыс шындығынан ажыратпаудың жолдарын іздестіруге дайын тұрады.

Сыртқы дүниемен болған араздықты мұндай адамдар өздерінің ой-пікірлерін қайта қарастырумен, психологиялық қорғаныс іздестіру және әлеумет қолдамаған күнделікті тұрмыс күйбеніне берілмеу жолдарымен шешүге бейім келеді. Қоғам мүшелері қабылдаған рухани құндылықтарды мойын-дайды, бірақ сыртқы жағдайларды өзгертуге ынталы емес.

3. **Икемі кем, қарама-қарсылық** мінез адамы: көзіл-күй, ниеттері мен әлеуметтік борыштары арасында үйлеспестік орын алған, шамданғыш, ұнамсыз эмоциялары басым, тілдесу қабілеті нашар дамыған, іс-әрекетін ақыл сарабына сала бермейді. Бұл мінез адамдарына тән қасиет: қоршаған дүниемен арақатынасын нақты әрекет-қылыш жүйесіне келтірмеген, өмір желісі қарапайым бағытты - тез өзгеріп тұратын қажеттері, олар пікірінше, қандай да күш жұмсамай-ақ бір сәтте қанағаттандырылуы тиіс.

Олар өмір үшін қуреске дағыланбаған, қажырсыз. Балалық шағында бұл адамдар шектен тыс мәпеленіп, төңірегіндегілердің орынсыз артық қамқорлығынан дербестік қалыпқа үйренбеген. Осыдан, әрқандай кедер-гіден қорқады, ойланып, жол іздестіруге шамасы жетпейді. Қыншыллықтарды абыржумен қабылдап, ырықсыз психологиялық қор-

ғаныстармен (шарбаялық, қыңырлық, нәтижесіз армандау) айналып өтуге тырысады.

4. **Тиянақсыз** мінезді адам - бағыт-бағдарының тұрақсыздығынан, принциптік бостығынан төніректегі жағдайға ыңғайшыл келеді. Жеке адамдық деңгейі төмен. Тұрақты мінез-құлышы қаланбаған, осыдан барша іс-әрекетінде қоршаған ортаға ыңғайлап, қатынас адамдарына жағымпаз-дану бүл адамның бойына сіңген мінездік көрініс.

Мұндай адамдардың ішкі жан дүниесі дөрекі қара-пайымдылыққа негізделген; тіршілік үшін болған әрекет-қимылды тіке, бірбеткей. Күнделікті күйбен мұдделеріне жетуде ойланып-толғануды білмейді, өз мұдделерін шектей алмайды. Олар үшін кедергі біреу-ақ - сыртқы; ішкі сапалық, жандуниелік қыншылықтарды өлшестіруге ақылы жетпейді, бар көздегені - мол, оңай олжа, бір мезеттік игілік. Бүл адамдардың барша ынта-ықыласы, нақты, қалыпты жағдайды пайдаланумен қажеттерін мейлінше толық қамтамасыз ету. Ыңғайласу, жағымпаздықпен ішкі дүниесін тысқы жағдайларға бағындыру - мұндайлардың негізгі мінездік болмысы.

5. Мінездік бітіс асқынуы

Мінездік бітіс асқынуы - психологияда - мінездің кейбір бітістерінің қалыптан тыс дамып, тұлға психикасының "әлсіз жерлері" формасында көрініс беруі. Мұндай да адам жалпы тұрақты қасиеттерге ие бола тұра, кейбір әсерлерге өте шемшил, шыдамсыз келеді. Асқынба мінез адамы қын жағдайларда тәзімділіктен айрылып, мінез-құлышының ақаулығын жасыра алмайды. Тұлғалық мінез асқынуына тап болған адам қоршаған орта әсерлеріне берілгіш, психикалық құйзеліске көп түседі. Егер жағымсыз әсерлер мінездің "әлсіз жерлеріне" соққы болып тиетіндей жағдай болса, адам қылышы күрт өзгереді, мінездің шектен тыс дамыған бітістері адам билігіне ырық бермей, басқа ұнамды қасиеттердің бәрін жоққа шығарады. Кейбір адамдардың жәй өзіл немесе сын көтермеуі, екіншілердің - орынды, орынсыз тіке, шыншыл болуы - осы мінез бітісі асқынуының айқын мысалы. Мінез-дің мұндай ұнамсыз жәйті жасөспірім шақта қарқынды дамып, уақыт өтумен қалыпты қүйге түсуі мүмкін, ал адамды қоршаған ұнамсыз жағдайлар басымдау болса, психикалық сырқаттарға тап қылады.

6. Мінездің ұлттық ерекшеліктері

Ұлттық мінез адамдардың тарихи қалыптасқан бірлес-тігі мен ірі топтары болып саналатын этностың, ұлттың, халықтың өмір тіршілігі мен әлеуметтік жағдайының тұтастығы арқылы танылады. Әрбір халық пен ұлттың, этностың өзіндік мінез-құлыштарының ерекшеліктері болатындығы - тарихи шындық және объектив фактор. Қазақ халқының түркі тектес өзге халықтардан ерекшеленіп тұратын өзіндік сипат-қасиеттері бар. Ұбырай Алтынсарин еңбектерінде өз халқының мінез-құлқына тән бірсыныра қасиеттерді атап көрсет-кенді. Оның анықтауынша, қазақ халқына қарапайымдылық пен кішіпейілдік, ашық-жарқын көніл мен кенпейілділік, өзге нәсілді адамдарға деген достық және сыйластық көзқарас, қонақжайлышық пен пайымшылдық сияқты қасиеттер тән. Сондай-ақ, олардың бойында өзге де мінез-құлыш сипаттары бар. Бүл орайда, қазақтардың өз жері мен Отанына, туған еліне деген шексіз сүйіспеншілігі, мал шаруашылығымен айналасуға икемділігі, мейман достығы мен балаждандығы, өмірдің қыншылықтары мен әділетсіз істерге тәзімділігі, сез өнерін ардақтауы, шешендік қабілеті, еңбексүйгіштігі мен шыдамдылығы олардың жалпы ұлттық қасиеттері болып табылады. Әрбір пен ұлысқа, этнос пен тайпаға тән қасиеттердің жай-жапсары - әлеуметтік психология саласы - этникалық психологияның зерттейтін төл пәні.

Адамның мінез-құлқының өзгеріп отыруына әлеумет-тік жағдайдың үнемі ықпал етіп, оның жаңа сапаларын қалыптастырып отыратындығы ғылыми түрғыдан анықтылған тарихи шындық және объектив фактор.

7. Мінез және адамның жас сатылары

Адамның алғашқы өмір қадамдары тіршілік проблема-ларын шешуден гөрі көбірек төніректегі оқиғалар мен құбы-лыстарды бақылауға бағытталады. Негізінен объекттермен қатынасқа түсе отырып, бала болмыс мәнін түсінуге ұмтылады. Соған байланысты өз қылыш-әрекеттерінің орынды не орынсыз екенін бағамдай бастайды. Баланың

сезімталдығы жас ұлғайған сайын кеми бастайды. Солайда болса, балалық шақта игерілген тәржірибе мен білім бозбалалық кезеңнің тұрақты міnez бітістеріне арқау береді.

Бозбалалық шақтың өмірге қойған талаптары өте жоғары да бірбеткей келеді, қажеттіктер ауқымы кеңеиді, аласапыран, құйзелісі мол, ерік қүшін керек ететін өмір басталады. Қоршаған дүниемен белсенді араласу, тікелей қатынас жасау сырттай бақылаудан ғөрі анағұрлым қыын. Көрер көзге әдемі іс, оқиға, зат нақты орындауга келгенде сүйкімсіз де ауыр болуы мүмкін. Жағдайға билік ету онай емес, ал өзінді өзің басқаруың одан да күрделірек. Өмір бұрқасынында әрекет ете білу алғы шарт, ал кей жағдайларда өз әрекетің басқалар қимылданан ұтымды болғаны керек. Бұрын жағымды түртүс, әуенге толы дүние енді бозбаланы әлеуметтік талаптар мен қалтқысыз міндеттерге орайды. Бозбалалық шақтың дағдарысынан балалық шақтағы жасанды бағыт моделі құрдымға кетіп, "бақыт" мән-мағынасы өзгеріске келеді. Бақытқа деген көзсіз ұмтылыс енді "бақыт-сыздықтың" қорқынышына ауысады. Бірақ бұл жаста бұрқасын қуат мол, сондықтан қыыншылықтардың бәрі де өтпелі. Болашаққа деген сенім шексіз. Сонымен бірге, өзінді дербес, бірде біреуге керегі жоқ дүние екенінді сезіп, оқшау-ланана түсесің. Бірақ дүние жүмбақ, оны тануға болған ұмтылыс өте күшті.

Адамның ендігі өмір желісі көп шарпусыз, байсалды да андал басу кейпіне келе бастайды. Өмірдің бәрі тек бақыт-тан тұрмайтынын түсініп, адам қанағат, шүкіршілікке бой бағындыру қажеттігін аңдай түседі. Қиялдық өмірден кешегі бала нақты, күтілмеген, бұлтарыстары көп ақықат өмірге өте бастайды. Енді бозбала өзінің бар қуат-жігерін пайдалы да қажетті, қолынан келер іске бағыштайды. Тәжірибе, нақты іс-әрекетке араласудан жас жігіт, бойжеткен бұрынғы жалған түсінік, ұғымдарынан арыла бастайды. Өмір енді адамға ішкі тұнғиық, тылсым тарарапынан танылышп, айқындала түседі. Тұлғаның әлеуметтік кемелденуі байқалады. Бірақ әліде жас жігіт басқаларды бағалауда өз сезім өлшеміне көбірек сенеді, махаббат, достық, әлеуметтік қатынастардың басқа да формаларында өзінің тұлғалық бейнесін нығайта түседі.

36-40 жаста адам өмірдің жаңа сатылық деңгейіне көтеріледі. Осы шақтан бастап өмір қуаты кеми бастайды. Бірақ бұл процесс алғашында рухани құндылықтар молдылышынан онша байқала бермейді.

Ал адам егде тартқан сайын оның көптеген рухани құндылықтары қайта қарастырылып, көбі жойылып, өткен өмір жеке оқиғалар жиынтығы ретінде еске алынады. Тек өмірдің алғашқы шерегі ғана ең ұзақ, қымбат әрі бақытты көрініп, қайталана жадқа келе береді. Қалған шақтардың бәрі қысқа да сарсан өмір күйбеніндей көрінеді. Көп жайт естен шығады. Өткенде күйзелткендер мен қинағандардың баршасы мәнін жоғалтып, елеуден қалады. Осы жайтты даналықпен түсінген ұлы бабамыз Қожа Ахмет Яссави былай депті: "Баз кештім елу екіде жиғанымнан, Мал-мұлкім артық емес бір жанымнан". Ендігі өмірдің әр күні жылдарымдай шалт ағып, ізін жуып-шайып, өткеннің бәрін татымсыз күйге түсіреді. Кешкен дүние тұманданып, көз алдынан кете бастайды. Солай да болса, кейбір бастан өткен қызығылықты оқиғалар анда-санда жылт ете, көрініп, көңілді рахатқа бөлелейді. Осының бәрі уақыт ендігіндегі адамның барша "Мені" санада сақталып қалмай, оның кейбір көріністері ғана бекіп қалатынын дәлелдейді.

Өмірдің екінші жартысының мәні бірінші өмір бөлігінде топталған материалды және рухани қордың шамасымен күні ілгері анықталады.

Адам міnezінің сан-қылы көріністері жас сатыларына байланысты әрқилы. Бұған дәлел "Диуани хикмет" шумақтары:

"Ғашық бол жиырма сегіз жасымда
мен, жан кешіп, меҳнат шегіп,
бас үрған ем ..." "Қанағат елу сегізде
сезіндіріп, Тыя гөр, қаңарлы ием, өзің біліп,
Құдайым бар непсімді безіндіріп".

Қ. А. Яссави

Кейбір адамдар бозбала шағында сүйкімді, енді біреулері - ересек кезінде көрікті әрі іскер. Ал кей тұлғалар егде жасында қайырымдылығымен, ымрашылдығы және

данагөйлігімен жүртты өзіне тартады. Осыдан әрбір адам мінезінде белгілі бір жас сатысында қандай да қасиеттердің толық ашылуына себепші бір факторлардың болуы мүмкін деген ой келеді. Ал осы факторлардың табиғаты ғылым үшін әзірге сыр.

Әмір ақырына жасанды, жалған сенімдер (иллюзии) ғайып болып, әмір жағдайынан жамылған бүркемелер ысырылып, шынайы мінез көрініс береді, әлеуметтік рөл мән-мағынасын жоя бастайды. Адам фәни ақырында өзін танып, өз болмысының төркінін билетін халге жетеді. Әмір балалық күндердегідей бақылау, мензей қарау кейпіне қайта оралады. Жас күнде де игілік, ләззэт бермеген көптеген құмарлықтар өшеді. Алайда, бозбалалықтың мұндан қашып құтылмағанын-дай, кәрілікке де рух көтерінкілігі жат емес. Көптеген шектеулерден босап, әмір аяғында адам өзін еркін сезініп, дүние-мал, дос-дүшпанның шын мәнін пайым-дау деңгейіне жетіседі.

Қоғамда әдейі, мансап иелеу үшін бүркенген жалған бәлеқорлар (мишура) мен дүниекоңыздық қүйбендерін ысырып қойып, кәрілік ақиқат дүние құндылықтарына объектив баға береді.

Көрі адамның ең күшті психикалық қасиеттері - өткен әмірдегі өз мәнділігін сезінуі, жетісken адамдық дәрежесі және жемісті іс-әрекеттерінен қанағат рахатын тауып, мәңгілік әмір дариясының бір тамшысы болғанынан қуанышқа бөленуі. Бұл фаниден бақи дүниеге жолдама алып тұрған шақта да адам өзінің мәңгіліктен өшіп кетпейтінін біліп, оны медет тұтады. Оның әмірі адамзаттың мәңгілік ағымын жалғастыруға себін тигізді; мұны түсіну - кәрілік даналығы.

Қайталау және бекіту сұрақтары

1. Мінез анықтамасы қандай және оны қандай дәлелдермен түсіндірер едіңіз?
2. Мінез қалыптасуына ықпал етуші факторлар түрі қандай?
3. Мінез бітістері және олардың темперамент, сезім, сана қасиеттерімен арақатынасын қалай түсіндіресіз?
4. Мінез тұрлерінің ажыралуына себепші факторларды қалай сипаттар едіңіз?
5. Жалпыланған мінез типтері қандай?
6. Мінез асқынұы деген не?
7. Ұлттық мінез қалыптасуының себептері қандай?
8. Жас сатыларына байланысты мінез өзгеруін қалай түсіндірер едіңіз?
9. Мінезге орай ұлы ғұламалар даналығынан не білесіз?

20-дәрісбаян

ҚАБІЛЕТ

- Жоспары:**
1. Қабілет жөнінде түсінік.
 2. Қабілет теориялары.
 3. Нышан және қабілет.
 4. Қабілеттердің даралық сипаттары.

1. Қабілет жөнінде түсінік

Әрқандай іс-әрекетке байланысты адам қандай да қызметті орындауы қажет және сол істің тиімді нәтижесін қамтамасыз етуге жәрдем беретін сапаларға ие болуы тиіс. Мұндай дара психологиялық ерекшеліктер міндетті түрде, бір жағынан, өзіндік психикалық табиғатына ие болудан, екінші-ден - әркімде өз алдына, қайталанбас көрінісінен **жеке адам қабілеті** деп аталады. Адам болғанның барлығы тік журу, сөйлеу мүмкіндіктеріне ие, бірақ бұлардың бірі де шын қабілет тобына кірмейді, себебі, біріншісі - психологиялық құбылыс емес, екіншісі - баршада бірдей көрінетін әрекет. Қабілеттердің табысты іс-әрекетпен байланыстылығын баса айтумен, тиімді нәтижеге негіз боларлық дара-өзгермелі адам қасиеттерінің шенберін тарылта қарастыру керек. Қабілетсіз-дерге қарағанда, қабілетті адам іс-әрекетті тезірек менгереді, қажетті, мол нәтижеге оңай жетеді. Қабілет өз ішіне әртүрлі психофизикалық қызметтер мен психикалық процестерді ғана емес, сонымен бірге жеке тұлғаның барша даму деңгейін қамтыған әрі оларға тәуелді күрделі бірігім. Адамның сыртқы білім, ептілік, дағды әрекеттерінде көрінгенімен, қабілет табиғаты іс-әрекеттен бөлек. Мысалы, тұлға техникалық және білім жағынан күшті бола тұрып, қызметке келгенде болымсыз, ал кейбіреулер арнайы оқып, үйренбей-ақ күрделі қызметтерді атқарып, тиімді нәтиже беруге шебер.

Нақты көрінетін білім, ептілік және дағдылар қатарында қабілет адамның жүзеге асуы мүмкін қасиеттерінің бірі ретінде бағаланғаны жөн, яғни қабілет жерге тастаған дәнмен бірдей: қолайлы жағдай болса өнеді, кері жағдайда көрінбей-ақ жойылады. Осыдан, қабілет - білім, ептілік және дағдыларды игерудің мүмкіндік көзі, ал оның іске асу, аспауы көп жәйттерге тәуелді. Мысалы, балада керемет математикалық қабілет болуы ықтимал, бірақ ол сол баланың ғұлама-математик боларының кепілі емес. Арнайы шарттар (бағдарлы оқу, шығармашыл педагог, отбасы мүмкіндіктері т.б.) орындалмаса, қабілет дамымай жатып, өshedі. Қоғам қолда-мауынан қаншама даналардың болмай жатып, құрдымға кеткенін кім санапты? Ал мектепте "үштік" бағаға ептеп ілесіп жүрген Альберт Эйнштейн әлемге әйгілі ғалым-физик болыпты.

Білім, ептілік және дағдылардың игерілуімен олардың қабілетпен тікелей байланысы көріне бастайды, яғни іс-әре-кетті игеру барысында қатыса отырып, қабілет одан әрі дами-ды, іс-әрекетке жаңа мазмұн мен сипат береді. Математиканы оқымаған адамның математикалық қабілеті ешқашан да жарыққа шықпайды: оны тек сандарды танып, олармен есеп құрап, мәселе шешу барысында ғана қалыптастыру мүмкін.

Сонымен, қабілет білім, ептілік және дағдылардың өздерінде көрінбей, танып үйренуге орай нақты әрекетті игеру динамикасында (тез-шабан, оңай-қыын) байқалады. Ис-әрекеттің нәтижесі, орындалу деңгейі мен тәсілдерінің тиім-ділігі қабілетке тәуелді.

Қорытындылай келе, "қабілет" түсінігінің бүгінгі ғылым қабылданап отырған үш негізгі көрсеткішін (Б. М. Теп-лов) атایық:

1. Қабілет - бір адамды екіншісінен ажырататын дара психологиялық ерекшелік. Баршаға бірдей тән қасиеттері қабілет бола алмайды.
2. Қабілет - барша тұлғаға тән болған ортақ сапа емес, кей адамға ғана дарыған қандай да бір не бірнеше іс-әрекетті табысты орындауға жарайтын өзара ептілік.
3. Қабілет - нақты адамда топталған білім, ептілік және дағдылардан оқшау, қажет әрекетті игеру желісінде ғана көрінеді.

Қабілет пен іс-әрекет арасындағы қатынасты сөз ете отырып, егер адам іс-әрекетке байланысты талаптарды орын-дай алмаса, оның қабілетінің жетімсіздігін атап өткен жөн. Мұндай тұлға қажетті білім қорын жинақтап, ептіліктер мен дағдыларды

қалыптастыруы үшін талай күш салып, ұзақ уақыт жаттығуы тиіс, ал тәрбиеші-педагогтар оны оқытып, үйрету үшін үлкен шеберлік пайдалануы лазымен. Әйгілі режисер В. Немирович-Данченко "Кім болса, сол режисер бола алады ма?" деген сұраққа "Әлбетте, әркімде болады, бірақ біреуге ол үшін 3 жыл оқып, тәрбиеленуі қажет, ал екіншіге - 30 жыл, үшіншіге - 300 жыл да аз" - деп жауап беріпті. Сонымен бірге, адам қабілеті уақыт өтумен пайда болып, немесе қандай да қызметке орай қалыптасуы мүмкін.

Көрінген іс-әрекет жеке адам қабілетін дамыта алмай-ды. Адам тіршілігінің жалпы құрылымына назар аудара отырып, қабілет дамуына ықпалсыз, көрінген қабілет нышандарын тежеп, олардың жойылуына себепші іс-әрекеттер барын байқау қын емес. Мысалы, егер ән-күй не шығармашылық қабілеті бар адам ауыр, қарапайым дene жұмыстарымен шүғылдануына тұра келсе, әрине, кейінгі іс ондағы табиғи қаланған қабілеттердің дамуына оң әсер етуі екіталай.

Жеке тұлғага байланысты дамытушы іс-әрекет жайында әнгіме қозғалғанда, алдымен маңызды болуынан төнірегіне адамның барша мүмкіндіктерін жинақтай алатын іс-әрекет ескерілуі қажет. Сондықтан, нақты әрекеттің дамытушылық қасиетін тану үшін, оны жеке адаммен байланыстыра сипат-тау керек. Бұл жағынан бүкіл адам өмірімен қабысқан кәсіби қызметтің өзі де иесі үшін аса мәнді де маңызды болмауы мүмкін. Өндірістік тапсырыстар мен қызметтік міндеттер адам-ның шығармашылық мүмкіндіктері мен тұрмыстық бай тәжіри-бесін толық және жан-жақты ашып бере алмайды.

Іс-әрекет адам қабілетін ұдайы дамыта бермейді, оның себебі - қабілет пен іс-әрекет арасында белгілі сәйкестіктің болмауы. Бұл сәйкесіздіктің мәні: әрқандай қабілет өзінде қалаған іс-әрекет мүмкіндіктерін қамтуынан қай бір жағынан нақты орындалып жатқан іске қарағанда ауқымда да кең мағыналы. Екінші жағынан, нақты іс-әрекет өзінде қатысты қабілеттен кеңірек болып, басқа да қабілеттерді қажетсінуі мүмкін. "Қалыпты адам өзінің дене және ақыл қабілеттерінің он пайызын ғана пайдаланады. Қолданған және онда пайда-ланбай қалған мүмкіндіктер айырмашылығы - адамның кім болып танылғаны мен әлі де кім болатынының көрсеткіші" (Коупленд П.)

Осыған орай қабілеттер нақты және мүмкін болып екіге бөлінеді.

Мүмкін болар қабілеттер нақты іс-әрекеттің қандай да түрінде көріне бермейді, алайда белгілі әлеуметтік жағдай-лардың өзгеруімен қызмет желісіне қосылуы мүмкін. **Нақты қабілеттер** қатарына жалпы қызмет бабында іске асатыны ғана емес, сонымен бірге дәл бір уақытта және нақты шақтағы әрекетке қажет болғандары да кіреді. Мүмкін болған және нақты қабілеттерді тұлға қабілетінің дамуына ықпал етуші әлеуметтік жағдайлардың жанама көрсеткіші ретінде тануға болады. Себебі қоғамның әр тарихи даму кезеңінде қалыптасқан әлеуметтік жағдайлардан мүмкін болар қабілет-тер өрістей түседі не кедергілерден сөніп кетеді, нақты іс жүзінде көрініп не пайдалану сәті болмай қалады.

2. Қабілет теориялары

Адам қабілеттерінің табиғаты осы күнге дейін ғалым-дар арасында қызған ой-пікір таласын тудыруды. Солардың ішінде өз басымдылығын танытқан, тарихы Платоннан бермен қарай жалғасып келе жатқан қабілеттердің **биология-лық** негізді екендігі және олардың **нәсілдікке** тәуелділігін дәріптейтін көзқарас. Бұл бойынша, оқу мен тәрбие қабілет-тердің пайда болу қарқының өзгертуі ғана мүмкін, ал олар-дың көрініс беруі бірынғай емес. Мысалы, Моцарттың музы-калық дарыны 3 жаста белгілі болған, Гайдн - 4, Дина Нұрпейісованың күйшілік өнері 8 жасында байқалған. Сурет және сәулет өнері қабілеттері кейіндеу білінеді: Рафаэл - 8 жаста, Ван-Дейк - 10 жаста, Дюрер - 15 жаста өнермен айналыса бастаған.

Қабілеттердің нәсілдікке тәуелділігі туралы ғылыми зерттеулер әр адамның қабілетін оның миының көлемі және салмағымен байланыстыра түсіндіреді. Белгілі болғандай, ересек адамның ми салмағы орташа 1400 г. Ұлы тұлғалардың, мысалы, И. С. Тургеневтің ми - 2012 г., Д. Байрон - 1800 г., аталған көрсеткіштен біршама жоғары болған. Мұндай дәлелдер біршама баршылық. Бірақ қабілет пен ми байланысына орай басқаша, кері дәлелдерді де көлтіруге болады: Ю. Либихтің ми - 1362 г., А. Франстың - 1017 г. Ал ең ғажайыбы, өте ауыр ми 3000 г. артық ақыл-есі кем адамда

байқалған. Солайда болса, кең қауым арасында "миы көп - ақылды" деген ұғым көбірек жайылған, осыдан маңдайы биік, жазық маңдай адамды сыртынан данаға баламалап, одан келелі ой-пікір күтеміз, ал екі елі, тар маңдайлы адамның қабілетін күнілгери жоққа шығарып, одан ешбір негізсіз үмітімізді үземіз.

Қабілетіне байланысты нәсілдік идея Франц Галль-дың **"Френология"** (phrenos - ақыл, logos - білім) деп аталған психологиялық тағылымында дәріптеледі. Френологтар адам-ның психикалық ерекшеліктерін оның бас сүйегінің сыртқа формасымен ұштастыруға талпынды. Мұндағы тұжырым мәні: бас миының қабығы белгілі қабілеттерге мекен болған (локализация) бірқанша орталықтардан құралады. Осыдан, мидың тиісті бөлігінің ауқым-көлемінен онда мекен алған қабілеттің даму деңгейі анықталатын көрінеді. Арнаулы зерттеулер негізінде әрқайсысы белгілі дара қабілетке сай келетін бас сүйегінің 27 участесі анықталып, картада музыка, поэзия, сурет өнеріне сай "қабілет ісіктерін", менмендік, сараптық, батырлық "қабілет дөңестерін" т.б. айыруға болады екен. Дегенмен, кейінгі дәүірде әдейі медициналық ашып көрумен тексергенде, бас сүйегі ми қабығының формасын тіпті де қайталамайтын болып шықты. Сондықтан адамның ақыл және адамгершілік қабілеттерін бас сүйегінің "дөңестігі" не "сайларымен" анықтау ғылым тұрғысынан ерсі әрі негізсіз.

Солай да болса Ф. Гальп ұсынған мидың мекендік қызметі жөніндегі жорамалы ғылым үшін өте маңызды болды. Бұл идея кейін Фрич және Гитциг еңбектерінде өз дәлелін тауып, дами түсті. Аталған бағытты зерттегендер арасында Ч. Ф. Дарвиннің эволюциялық теориясына негіздел, қабілеттің тұқым қуалаушылыққа байланысты екенін тұжырымдаған Ф. Гальтон есімі өз алдына. Әлемге әйгілі тұлғалар өмірнамаларын талдай отырып, Гальтон адам табиғатын жетілдіруде аса дарындылардың нәсілдік зандаулықтарын ашу және пайдалану қажет деген қорытындыға келді. Осы идеяны жалғастыра отырып, XX ғ. Котс жоғары қабілеттілігі бірнеше әулепте байқалған 400 адам тізімін түзді. Бұл қатарда аса белгілі болған неміс музыканттарының тобын үлғайтқан Бах отбасынан шыққандар. Бах жанұясындағы-лардың алғашқы ән-күй қабілеті 1550 жылы көрініс берген. Әулет атасы В. Бах қарапайым наубайшы күй тартып, ән салғанды сүйген. Оның екі баласынан өрбіген Германияны екі ғасыр бойы дүркіреткен музыканттар легі үздіксіз жалғасып барған. Бах жанұясынан 60 музыкант шыққан, солардың 20-сы аса көрнектілері, ал осы әулепті әлемдік өшпес даңққа бөлеген әйгілі композитор Иоганн Себастьян Бах. Осындай ғажайып қабілет құбылысын қазақ ән-күй өнерін дамытуда көзге түскен жерлесіміз Төлеген Момбеков шықкан әулет тарихынан да байқауға болады (Р. Бердібай)

Әлбетте, мұндағы әулептік жоғары қабілеттің нәсілдікпен байланыстырылығын ешкімде жоққа шығара алмас, дегенмен бұл арада қабілет негізі ретінде әлеуметтік тәрбиенің өте маңызды екенін мойындауға болмайды. Бесігі-нен ән-күй теңізінде шарықтап, шалқып өсуіне қолайлы жағдай қалыптаспағанда, сол бағытта ана сүтімен қосып үлкендердің музыкалық тәрбиесін алмағанда, ол баланың кім болары бір Аллаға аян.

Жоғарыда аталған тұқым қуалаушылық идеяларына тікелей қарсы шыққан ғалымдар тобы оқу мен тәрбие маңызын бірбеткей әсірелеумен болды. XYIII ғасырдың өзінде-ақ К. А. Гельвеций адамды тәрбие арқылы дарынды-лыққа жеткізуге болатындығы туралы ғылыми еңбектерін жариялады. Бұл бағыт тарапындағылар дамуы өте кешеуілдеген тайпа балалары оқу, тәрбие нәтижесінде Европа зиялы-ларының деңгейіне көтерілгенін дәлелдейтін кейбір деректерді тілге тиек етіп, өз идеяларының дұрыстырығын негіздел бақты. Сонымен бірге, бұл еңбектер әлеуметтік тәрбие аймағынан мұлде тыс қалған жағдайда жастардың орны толmas зиянға ұшырап, қоғамдық қасиеттерден жүрдай "маугли", "тарзан" болатынын бетке ұстады. Белгілі мәдениет аймағында ерекше арнайы қабілеттердің орнығатыны да осы зерттеулерге негіздеме ретінде келтірілді. (А. А. Леонтьев, О. Н. Овчинникова, Ю. Б. Гиппенрейтер). Мұндағы тұжырымдардың ізімен әрқандай адамда оқу мен тәрбиенің негізінде қалаған қабілетті дамытуға болатыны жөнінде қорытынды жасалды. Осы көзқарасты қолдаумен американ ғалымы У. Ушби қабілет ең алдымен балалық шақтан қалыптасқан ақыл-санда әрекеттер бағдарламасына байланысты екенін дәлелдеп көрсетеді. Қазіргі кунде бұл идеяны ұстанғандар АҚШ-та өз дарынды балаларын "өсіретін" арнайы орталықтар ұйымдастырып жатыр (Филадельфия

институты), Қазақстанда арнайы "Дарын" орталығы іске қосылды.

3. Нышан және қабілет

Әмір бақылаулары мен арнайы зерттеулер қабілеттің табиғи берілетінін қалтқысыз дәлелдеп отыр. Қабілеттердің тұма берілмейтінін мойындаумен бірге психология белгілі іс-әрекетті табысты орындаудың шарты болатын ми құрылымы-ның тұма ерекшеліктеріне шек келтірмейді. Қабілеттер дамуының табиғи негізі болған мидің құрылымы, сезім мүшелері мен қозғалыстардың анатомиялық-физиологиялық нәсілдік ерекшеліктері **нышан** деп аталады. Шын мәнінде, адамдар арасындағы табиғи айырмашылықтар оларда қалыптасқан дайын қабілеттерде емес, дәл осы нышандар көрінісінде. Нышандар қабілет дамуының бастауы болғандықтан, адам-ның барынша жетіліп, кемелдену жолу осы екі құбылыстың өзара үштасып, байланысқа келуінен болады. Нышанның арқасында дамығанымен, қабілет сол нышаннның өзіндік қызметінен туындарайтын, ол нышаннан бастауы ғана алған даму процесінің нәтиже жемісі.

Мысалы, ақыл-ес қабілеттері ең алдымен ми қызметінен - қарқынды не бәсек қозулардан, жүйке процестерінің қозғалмалылығынан, уақытша байланыстар түзілімінің шапшаң не баяулығынан т.б. яғни И. П. Павлов **генотип** (жүйке жүйесінің тұма ерекшеліктері) деп атаған құбылыстың көрінеді. Мидың қанмен қамтамасыз етілуі де ақылсана қабілетіне ықпал жасайды. Толық қан айналымы - ми қызметінің ақыл-ой, зейін шоғырландыру, жақсы есте қалдыру, жүйке байланыстарының тез жүруінің, сана жұмысымен шаршамай, мұлтіксіз жоғары тиімділікпен орындалуының кепілі.

Мидың тұма қасиеттері адамның типологиялық ерекше-ліктерінде екі түрде көрінеді (И. П. Павлов): 1. Жоғары жүйке жүйесіне тәуелді; 2. Бірінші және екінші сигналдық жүйелердің арақатынасына байланысты.

Адам қабілеттерінің дамуында жоғары жүйке жүйесі қызметінің типі (куші, тепе-тендігі, қозғалмалылығы т.б.) үлкен маңызға ие. Осыдан, жүйке процестерінің күші, тепе-тендігі және қозғалмалылығымен (белсенді тип) байланыса отырып, адамның үйимдастырушылық қабілеттерінің қалыптасуына қажет көптеген еріктік және тілдестік қасиеттердің түзіліп, орнығына жәрдемін тигізеді.

Өздеріне тән бейнелеу мүмкіндіктеріне орай бірінші не екінші сигнал жүйелерінің аз немесе көп әрекетке қатысуынан қабілеттердің **3 типі** (И. П. Павлов) ажыра-тылады: **көркеменерлік** (көбіне бірінші сигналдық жүйеге негізделген); **ой-саналық** (көбіне екінші сигналдық жүйеге негізделген); **аралас** (екі жүйе де бірдей қатысқан). Осыдан, "суреткерлер" - объекті тұтас бейнелеуге бейім, "ойшылдар" - талдаумен, элементтерге ажыратадан тануға шебер, ал "аралас" қабілеттер қалыпты дамыған адамдардың бөріне тән құбылыс.

Нышандардың әртүрлі қабілеттерге байланысты маңызы бірдей емес. Көбіне нышандық қасиеттер музыкалық және суреткерлік өнерде қажет. Тұма берілген нәзік есіту қасиеті - музықант болудың, ал түр-тұс айыра білу - болашақ суреткер болудың алғы шарты.

Нышандар дамуы әлеуметтік процестерге тікелей тәуелді. Егер қоғамда белгілі бір кәсіпке қажеттік туып, қандай да адамның сол кәсіпке сай нышандық белгісі болса (музықантқа қажет нәзік есту қасиеті), онда оның нақты енбекке араласуға болған қабілеті тез әрі жоғары деңгейде қалыптасып, дамиды.

Нышан іс-әрекеттің нақты формасына байланыссыз көп мағыналы келеді; сондықтан, белгілі бір нышан негізінде іс-әрекет талабына орай әртүрлі қабілеттер қалануы мүмкін. Осыдан, жақсы есту әрі әуен ырғағын сезінуден адам қүй орындаушы, дирижер, биші, әнші, музыка сыншысы, педагог, композитор т.б. болары ықтимал. Сонымен бірге, болашақ қабілеттер мен іс-әрекеттердің саналуан болуынан нышан жеке адамның дара таңдамалық қасиетіне негіз береді.

4. Қабілет және тұлға даралығы

Адам қабілетіндегі айырмашылық іс-әрекеттің нәти-жесінен, яғни оның сәтті не сәтсіздігінен байқалады. Қызығу-шылық адамда объекті жан-жақты танып білуге үмтүлудан туынтайтын. Ал бейімділік нақты іс-әрекетті орындауға талпыну. Қызығушылық

пен бейімділік сапаларының үнемі өзара үйлесім тауып, бір бағытта тоғысып отыруы мүмкін емес. Оған түрлі жағдайлар себепші, мысалы, адам көркем-өнер туындыларын тамашалауы ықтимал, бірақ ол осы саладағы өнер түрлерімен шұғылдануға бейімсіз болуы мүмкін. Дегенмен, белгілі бір іс-әрекет түріне қабілеті бар адамдардың қызығушылығы мен бейімділігі бір-бірімен үйлесім таба алады.

Іс-әрекетпен айналысқанда адамның табысқа жетуі үшін қабілет, қызығушылық, бейімділіктен тыс оның мінез-құлқында келесі сапалық көріністер болуы қажет: ең алдымен - еңбексүйіштік, табандылық, батылдық. Бірақ, осындай ерекше қабілеті бар адамның өзі де айтартылтыай өнімге қол жеткізе бермейді. Негізі, адам өзінің іс-әрекетіне, жеке басына сын қөзімен қарап, мінезінің ұнамды, ұнамсыз сапа-ларын айқын ажыратса аларлық деңгейде болуы керек.

Адам қабілетінің даралық ерекшеліктеріне дарындылық, шеберлік, талант, данышпандық, шабыт кіреді.

Әртүрлі іс-әрекеттер аймағына қажет білім, ептілік-дағдылар бірлігін женіл әрі нәтижелі игеруді қамтамасыз етуші жалпы қабілеттер ерекшелігін **дарындылық** деп атайды. Дарындылық әрбір адамның ақыл-сана, оқу, шығармашылық, көркемөнер, адамаралық қатынастар түзу және психо-моторлық қызметтерінде көрініс береді. Дарынды адамдарға тән қасиеттер: зейінділік, жинақылық, тұрақтылық, әрқашан қызметке дайын болу; мұндай тұлғалар, сонымен бірге, мақсатқа жетуде ақылға сай табандылықта ие, еңбекте шаршап шалдығуды білмейді, басқалармен салыстырғанда интеллекттік деңгейі анағұрлым жоғары.

Өз қызығулары бағытында дарынды адамдар қайтпас қажырлылық таныта алады. Бұл қасиеттің адамдағы көрінісі - 2-3 жасар баланың бір іспен үзбей шұғылдана алу уақыты. Басқа қатарларымен салыстырғанда дарынды бала өзін қызықтырған іспен бірнеше сағат шұғылданып, қажет болса, оған бірнеше күндер бойы қайта оралып, көздегеніне жет-пейінше, әрекетін тоқтатпайды.

Дарындылық дәрежесінің артуы қажетті білімдер мен ептілік, дағдыларды игеріп әрі жетілдіріп баруға тікелей тәуелді.

Дарындылықтың өзіндік ерекшелігі ең алдымен қызығушылық **бағдарға** байланысты. Осыдан, біреу матема-тикаға құмар, екінші тарихқа, және біреулер қоғамдық жұмыстарға бас (лидер) болуда өз дарындылығын іске қосып, оны нақты іс-әрекетте кейін дамыта түседі. Мысалы, мұғалім дарындылығының көрсеткіштері келесідей: 1) оқу материалын шәкірттерге түсінікті күйге келтіру; 2) оқушы көніл-күйін қалтқысыз тану; 3) жұмыста шығармашыл болу; 4) балаларды өз еркіне көндіре алу; 5) балалар ұжымын біріктіруге қабілеттілік; 6) сөз мәнерлігі мен мазмұндылығы; 7) сөйлеу көркемділігі мен нағылымдылығы; 8) педагогикалық әдептілік; 9) оқу материалын тұрмыспен байланыстыра алу; 10) шәкірт-терге қаратылған байқағыштық; 11) педагогикалық талапшаң-дық (Ф. Н. Гоноболин).

Қабілеттер өз деңгейлері мен ауқымы жағынан ажыра-тылады. Нақты іс-әрекет аймағында өте жоғары деңгейге көтерілген қабілет - **шеберлік** деп аталады. Шеберлік, яғни бір іс-әрекет аймағында жоғары жетілгендей үлкен де қажырлы еңбек негізінде пайда болады. Шеберлік көбіне өндірістік қайта жасау қызметтерімен байланысты келеді. Алайда, бұл шеберліктің дайын ептіліктер мен дағдылар бірлігінен туындаитынын білідірмейді.

Әрқандай кесіптегі (мұғалім, дәрігер, ұшқыш, спортшы т.б.) шеберлік кез келген жаңа мәселелерді шешуге қажет болған психологиялық дайындықты қажет етеді. Шебер маман үшін шығармашылық міндettі түсіну мен оны орындау жолдарын табу, екеуі өзара байланыста қабылданады, іске асады, яғни "не істеу" және "қалай істеу" арасында жік болмайды.

Шеберлік деңгейі - өзгермелі, дамудағы құрылым. Іс-әрекет барысында адамның қабілет түзілімі, тұлғалық мәні қалыптасып, бір деңгейден екіншісіне көтерілумен ұдайы ауысып барады. Өте дарынды адамдар да қарапайым еліктеуден бастап, кейін бірте-бірте тәжірибе жинақтаудан жасампаздық дәрежесіне көтеріледі.

Адам қабілетінің ерекше даралық сипатын көрсететін психологиялық құбылыс - **талант**. "Талант" сөзінің төркін мәні: ежелгі грек қауымында бай-манап өзі жоқта жұмыстан

қашқақтамасын деп еріншек құлына беретін күміс ақша бірлігі - талант аталады екен, ақылдан жұта құл оны алудан, пайдалы айналымға жіберудің орнына, топыраққа көміп, жасыратын болған. Осыдан халықта "таланты құм болды", "таланты көмілді" деген ұғымдар сақталып қалған. Қазіргі күнде талант арнайы қабілеттердің (музыкалық, суреткерлік, әдеби шығармашылық т.б.) жоғары деңгейлі дамуын білдіреді. Қабілеттер сияқты талант та іс-әрекетте көрініп, өрістейді. Талантты адамның қызметі өзінің жаңашылдығымен, қайта-ланбас мәнерімен ажыралады.

Таланттың оянуы тікелей қоғамдық болмысқа тәу-елді. Қай бағыттағы дарындылықтың жол алуы дәуір қа-жеттігі мен әлеумет алдында тұрған нақты міндеттерге байланысты. Мемлекеттің дамуы инженерлік және кон-структурлық таланттардың жетілуінен, мемлекеттің көркейген кезеңінде ән-күй, әдебиет таланттары шығады, ал соғыс уақытында - талантты әскери қолбасшы дүниеге келеді. Осыдан, қазақ арасынан шыққан Қ. Сатпаев, М. Әуезов, Б. Момышұлы, Қажымұқан, Р. Рымбаева - әрбірі өз дәуірі-нің саңлақтары.

Талант - көптеген қабілеттердің байланысы, біртұ-тастығы. Өте жоғары дамыған, бірақ оқшауланған бір қабілет талант дәрежесіне көтеріле алмайды. Мысалы, кейбіреулер 10 қаналы не оданда көп санды лезде көбейтеді не бөледі, бірақ математик емес, бола алмайды да.

Қабілеттердің даму барысындағы ең жоғары, шындалу деңгейі - **данышпандық** деп аталады. Шығармашылық қызметі қоғам өмірінің бір дәуірінде, адамзат мәдениетінің тарихында белгілі із қалдырған адам ғана данышпан бола алады. Әркениеттің 5000 жылдық тарихында мұндай шынға 400 кеменгер көтеріліпті (Котс). XX ғасыр саңлақтары атанған, арамызда жүрген замандастарымыз ақын Олжас Сүлейменов, сынаушы-ұшқыш, ғарышкер Тоқтар Әубакіров қазақ данышпан-дарының бірінші ондығынан.

Адамның шығармашылық іс-әрекетінің аса табысты болуына себепші рухи көтеріңкілік пен ерекше күш-қуат туындастын кезеңдер болады. Бұл жағдайдағы адамды жаңа идеяларға жетектеп, оларды іске асыруға ынталандыратын психологиялық қалып - **шабыт** деп аталады. Шабыт шығарма-шыл тұлғаның жоғары белсенділігінен, оның іс-әрекетінің жемістілігінен, жасампаздық ептілігінен, жаңалық ойлап табу қызметіне толық берілуінен көрінеді. Өмірнамашыларының айтуынша, И. С. Тургенев шығармаларын жазуды өзін-өзі зорлап, көндіруден емес, ішкі ниет қалауымен қалай бастағанын білмей қалады екен.

Шабыт пен еңбек - екеудің егіз, бір-бірінсіз асамайды. Осыдан, шабыт - қажырлы еңбек пен орасан бай білім қоры негізінде туындастын мүмкіндік. "Шабыт - еріншектерден қашатын, шақырғанға баратын қонақ" (П. И. Чайковский). Сана айқындығы, ой мен бейнелер көрнеуі; ес, зейін өткірлігі, мақсатқа бағыттайтын арнасына симаған ерік күші - шабыттанудың алғы шарттары.

Қайталау және бекіту сұрақтары

1. Қабілет мәні және оған бүгінгі ғылым тұрғысынан берілген сипаттама қандай?
2. Қабілет құбылысын түсіндіруде болған ғылым көзқарастары қандай?
3. Нышан және қабілет арасындағы байланыстар мәні неде?
4. Жеке адам қабілетінің қалыптасуына ықпал етуші факторлар сипаты қандай?

Әдебиеттер тізімі

1. Аймауытов Ж. Психология (оқу құралы). –Алматы, 1994.
2. Аймауытов Ж. Жан жүйесі және өнер таңдау. –Мәскеу, 1926.
3. Алдамұратов Ә., Мұқанов М. Психология пәнінен лабораториялық - практикалық сабактар. –Алматы, 1978-1979.
4. Алдамұратов Ә. Жалпы психология. –Алматы, 1996.
5. Алдамұратов Ә. Қызықты психология. –Алматы, 1992.
6. Анастази А. Психологическое тестирование. –М., 1982. (31-37, 123-308 беттер).
7. Ахутина Т. Порождение речи. –М., 1989.
8. Ананьев Б. О проблемах современного человека - знания. –М., 1977. (49148 беттер).
9. Ананьев Б. и др. Особенности восприятия пространства у детей. (7-62, 200-250, 251-289 беттер).
10. Аткинсон Р. Человеческая память и процесс обучения. –М., 1980. (27-203, 273-292, 362-427).
11. Әбдірахманов Ә., Жарықбаев Қ. Психологиялық орысша-қазақша сөздік. –Алматы, 1976.
12. Богословский В. редакциясымен. Жалпы психология. –Алматы, 1980.
13. Блейхар В., Бурлачук Л. Психологическая диагностика интеллекта и личности. –Киев, 1978. (46-79 беттер).
14. Белоус В. Темперамент и деятельность. –Пятигорск, 1990. (102-112 беттер).
15. Беспалов Б. Действие. –М., 1984. (10-45 беттер)
16. Бодалев А. Личность и общение. –М., 1983. (85-265 беттер).
17. Бодалев А. Восприятие и понимание человека человеком. –М., 1982. (32-56, 56-99 беттер).
18. Белоус В. Темперамент и деятельность. –Пятигорск, 1990. (20-52, 102-112 беттер).
19. Буянов М. Ребенок из неблагополучной семьи. Записи детского педиатра. Книга для учителей и родителей. –М., 1988. (190-199 беттер).
20. Бодалев А. Психология личности. –М., 1988. (11-24 беттер).
21. Боно Э. О нешаблонности мышления. –М., 1976. (11-33, 63-101 беттер).
22. Брунер Д. Психология познания. –М., 1977. (13-130, 211-241 беттер).
23. Вулдридж Д. Механизмы мозга. –М., 1965. (17-33, 40-56, 92-102 бет.)
24. Веккер Л. Психические процессы. Т.1., -Л., 1974. (46-67 бет.).
25. Выготский Л. Собрание сочинений. Т?3. –М., 1983. (254-273 беттер).
26. Выготский Л. Эмоции и их развитие в детском возрасте. –М., 1982. Т.1. (416-436 беттер).
27. Высоцкий А. Волевая активность школьников и методы ее изучения. -Челябинск, 1979. (4-67 беттер).
28. Величковский Б. и др. Психология восприятия. –М., 1973. (5-10, 11-39, 91-244 беттер).
29. Венгер Л. Восприятие и обучение. (74-130, 131-212 беттер).
30. Вейн А. Память человека. –М., 1973. (61-98, 131-207 беттер).
31. Вертгеймер М. Продуктивное мышление. –М., 1987. (5-26, 269-298 беттер).
32. Венгер Л. Педагогика способностей. –М., 1973. (37-95 беттер).
33. Вартанян Г., Петров Е. С. Эмоции и поведение. –Л., 1989. (7-19 беттер).
34. Вилюнас В. К. Психология эмоциональных явлений. –М., Издательство МГУ, 1976. (41-78 беттер).
35. Васильев И. и др. Эмоции и мышление. –М., 1980. (20-70 беттер).
36. Вулдридж Д. Механизмы мозга. –М., 1965 (17-33, 40-56, 92-102 беттер).
37. Гиппенрейтер Ю. Введение в общую психологию. –М., 1988. 7-19, 48-63, 34-47 беттер
38. Гозман Л. Психология эмоциональных отношений. –М., 1987. (6-43, 44-92 беттер).
39. Гончаров В. Типы мышления и учебная деятельность. Свердловск, 1988. (14-38 беттер).
40. Галин А. Личность и творчество. –Новосибирск, 1989. (64-102 беттер).

41. Грэгг Дж. Опыты со зрением в школе и дома. –М., 1970.
42. Громова Е. Эмоциональная память и ее механизмы. –М., 1980. (70-90 беттер).
43. Гребеньщиков И. Основы семейной жизни. –М., 1991. (17-32 беттер).
44. Гальперин П. и др. Экспериментальное формирование внимания. –М., 1974. (История и современное состояние внимания: 5-16, Развитие внимания: 17-32 беттер).
45. Гоноболин Ф. Внимание и его воспитание. –М., 1972. (5-11, 16-27, 27-43, 44-77, 78-108, 148-149 беттер).
46. Готсдинер А. К проблеме многосторонних способностей. Вопросы психологии. 1991. №4. (82-88 беттер).
47. Гозман Л. Психология эмоциональных отношений. –М., 1987. (6-43, 44-92 беттер).
48. Грегори Р. Глаз и мозг. (85-100, 101-130, 131-142, 143-179 беттер).
49. Грановская Р. Элементы практической психологии. –Л., 1998. (337-354 беттер).
50. Давыдов В. Проблемы развивающего обучения. –М., 1972. (224-112 беттер).
51. Добрович А. Воспитателю о психологии и психогигиене общения. Книга для учителей и родителей. –М., 1977. (35-65 беттер).
52. Дудкин К. Зрительное восприятие и память. Информационные процессы и нейронные механизмы. –Л., 1985. (11-29 беттер).
53. Ермолаев О. и др. Внимание школьника. –М., 1987. (30-37, 69-80 беттер).
54. Жиншин Н. Речь как проводник информации. –М., 1982. (46-61, 117-154 беттер).
55. Жарықбаев К. Психология. –Алматы, 1982.
56. Зинченко П. Непроизвольное запоминание. –М., 1961.
57. Ипполитов Ф. Память школьника. –М., 1978. (28-45 беттер).
58. Коул М. и др. Культура и мышление. –М., 1977. (124-152, 174-208 беттер).
59. Коршунова Л. Воображение и его роль в познании. –М., 1979. (3-131 беттер).
60. Кон И. Постоянство и изменчивость личности. Психологический журнал №4, 1987. (126-137 беттер).
61. Копылов В. Развитие волевого поведения у дошкольников. –Киев, 1971. (11-51 беттер).
62. Карадашев Ю. Развитие представления у детей. –Минск, 1987. (74-87 беттер).
63. Корнилов Н. Психология. –Алматы, 1946.
64. Кроник А., Кроник Е. В главных ролях вы, мы, он, ты, я. Психология значимых отношений. –М., 1989. (59-112, 113-173 беттер).
65. Кучинский Г. Психология внутреннего диалога. –Минск, 1988. (106-141 беттер).
66. Кузьмина Н. Способность и одаренность, талант учителя. –Л., 1985. (5-9 беттер).
67. Қожахметова М. Адам - құпия. –Алматы, 1997.
68. Леонтьев А. Избранные психологические произведения. –М., 1983. Т.1. (22-23 беттер).
69. Лядис В. Память в процессе развития. –М., 1976. (220-246 беттер).
70. Леонтьев А. Деятельность. Сознание. Личность. –М., 1982. (73-123, 124-158, 159-189 беттер).
71. Ломов Б. Методологические и теоретические проблемы психологии. –М., 1984. (11-25 беттер).
72. Ломов Б. Вопросы общей, педагогической и инженерной психологии. –М., 1991. (26-62 беттер).
73. Линдэн Ю. Обезьяны, человек и язык. –М., 1981. (14-39 беттер).
74. Ладыгина-Кетс Н. Развитие психики в процессе эволюции. –М., 1988. (8-68, 69-140, 141-227 беттер).
75. Линдсей П., Норман Д. Переработка информации у человека. –М., 1974. (276-312 беттер).
76. Лuria А. Мозг человека и психические процессы. (11-68 беттер).
77. Лuria А. Язык и сознание. –М., 1979. (203-216 беттер).
78. Лuria А. Внимание и память. –М., 1975. (4-41 беттер).
79. Левитина С. Можно ли управлять вниманием школьника. (7-19, 26-41, 53-65 беттер).
80. Логвиненко А. Чувственные основы восприятия пространства. –М., 1985. (6-21 беттер).
81. Левитов Н. Психология характера. –Саратов, 1970 (15-36 беттер).

82. Ладанов И. Управление стрессом. –М., 1989. (43-69, 83-119, беттер).
83. Лейтес Н. Способность и одаренность в детские годы. –М., 1984. (107-135, 147-153 беттер).
84. Мильнер П. Физиологическая психология. –М., 1973. (19-68 беттер).
85. Миллер Д. и др. Планы и структура поведения. –М., 1964. (100-15 беттер).
86. Мясищев В. Личность и неврозы. –Л., 1969. (173-199 беттер).
87. Мерлин В. Структура личности, самосознание. –Пермь, 1990. (58-81 беттер).
88. Мерлин В. Очерк теории темперамента. –М., 1964. (3-33, 156-276 беттер).
89. Мелхорн Г. Гениями не рождаются. Общество и способности человека. –М., 1989. (107-135, 147-153 беттер).
90. Натадзе Р. Воображение как фактор поведения. –Тбилиси, 1972.
91. Небылицын В. Основы свойства нервной системы человека. –М., 1990 (33-48, 316-334 беттер).
92. Норакидзе В. Методы исследования характера. –Тбилиси, 1989. (6-18 беттер).
93. Николов Н. и др. Загадка тысячелетий. Что мы знаем о памяти. –М., 1988. (70-90 беттер).
94. Петухов В. Психология мышления. –М., 1987. (5-88 беттер).
95. Познавательные процессы и способности в обучении. –М., 1990 (80-100 беттер).
96. Петровский А. История советской психологии. –М., 1967.
97. Пьер Гейяр де Шарден. Феномен человека. Преджизнь. Жизнь. Мысль. Сверхжизнь. –М., 1987.
98. Петровский А. Личность. Деятельность. Коллектив. –М., 1982. (41-44 беттер).
99. Розет И. Психология фантазии. –Минск, 1977. (13-78, 169-270 беттер).
100. Раншбург И., Поппер П. Секреты личности. –М., 1983. (85-110 беттер).
101. Рейнвальд Н. Психология личности. –М., 1991 (7-155 беттер).
102. Рубинштейн С. Основы общей психологии. –М., 1989. Т.Г. (211-235 беттер).
103. Роговин М. Введение в психологию. –М., 1969. (18-34 беттер).
104. Рейнвальд Н. Психология личности. –М., 1987. (75-155 беттер).
105. Страхов М. Психология характера. –Саратов, 1970. (15-36 беттер).
106. Стихов И. Психология характера. –Саратов, 1970. (3-80 беттер).
107. Тәжібаев Т. Жалпы психология. –Алматы, 1993.
108. Темірбеков А., Балаубаев С. Психология. –Алматы, 1996.
109. Тихомиров О. Психология мышления. –М., 1984. (254-273 беттер).
110. Тульчинский Г. Разум, воля, успех: о философии поступка. –Л., 1990.
111. Ушакова Т. и др. Речь человека в мышлении. –М., 1984. (34-106 беттер).
112. Фрейд З. Введение в психоанализ. –М., 1991. (7-48, 50-152, 418-438 беттер).
113. Фрейд З. Психология бессознательного. –М., 1989. (361-381, 425-439 беттер).
114. Хомская Е. Нейропсихология. –М., 1987. (26-38 беттер).
115. Хомский Н. Язык и мышление. –М., 1977. (54-80 беттер).
116. Хрестоматия по вниманию. –М., 1976. (Н. Н. Ланге, 107-144 беттер).
117. Чуприкова А. Психика, сознание как функции мозга. (16-62, 77-104, 105-157 беттер).
118. Чхарташвили Ж. Проблема воли в психологии. Вопросы психологии. 1964.
119. Чистякова М. Психогимнастика. –М., 1980. (45-51 беттер).
120. Чудновский В. Воспитание способностей формирования личности. –М., 1986. (55-69 беттер).
121. Ярошевский М. Анциферова Л. Развитие и современное состояние зарубежной психологии. –М., 1974. (232-249, 250-257 беттер).
122. Ярошевский М. Психология в XX столетии. –М., 1974. (90-101, 174-206, 207-218,

219-252 беттер).

123. Якиманская И. Развивающее обучение. –М., 1979. (123-133 беттер).

Психология үғымдарының қазақша-орысша сөздіктері

Ақыл - ум
Ағза - организм
Ақуыз - белок
Арақатынас - общение
Ақпарат - информация
Аймақ - зона
Адам аралық - межличностное
Ашық сана - ясное сознание
Астар сана - подсознание
Алдану – иллюзия
Әрекет - действие
Бейсаны - бессознательное
Бейтараптық - нейтральность
Бақылау - наблюдение
Бағыт-бағдар - направление
Белсенділік - активность
Дағды - навык
Дәрісбаян - лекция
Дедуктивтік - дедуктивный
Дерексіздендіру - абстракция
Дара - индивид
Даралық - индивидуальность
Ерік - воля
Ерекшелік - особенность
Жеркену - брезговать
Жұлдызнама - гороскоп
Жан - душа
Жауапкершілік - ответственность
Жантану - психология
Жалпы - общий
Жүйе - система
Жас сатылары - возрастные ступени
Икемділік - склонность
Индуктивтік - индуктивный
Кеңістік - пространство
Көніл-күй - эмоция
Кейіп - состояние
Қарқындылық - интенсивность
Құмарлық - страсть, наслаждение
Қызығу - интерес
Куаныш - радость
Қасірет - страдание
Қаңар - гнев
Қорқыныш - боязнь
Қабылдау - восприятие
Қабылдау тұрақтылығы – постоянство восприятия
Қабылдаудың тұтастыры – целостность восприятия
Қабылдаудың мағыналылығы - содержательность восприятия Қажеттілік - необходимость
Қабілет - способность
Киял – воображение
Қылыш - поведение

Мінез – характер, нрав
Мінез асқынуы – акцентуация, возбужденность
Мінез бітістері - черты характера
Ниет - намерение
Наным - убеждение
Нышан - задаток
Өзіндік реттеу - саморегуляция
Өзіндік сана - самосознание
Сала - раздел
Сана - сознание
Сөз - слово
Сөйлеу - речь, говорение
Сезім - чувство
Сезімталдық - чувствительность
Сезімдік қызбалық - возбудимость
Пән- предмет
Таңдану - удивление
Түйсік - ощущение
Түйсік сапасы-качество ощущения
Түйсік қарқыны- интенсивность ощущения
Түйсік ұзақтығы- длительность ощущения
Тек-вид
Тұр- разновидность
Тұрткі-мотив
Тән- тело
Тұлға- личность
Таным - познание
Тума- инстинктивный
Тіл- язык
Ұмтылыш- стремление
Ынта- желание
Ой - мысль
Ойлау – думать, сознавать

С. Б. Бап-Баба

Жалпы психология

Оқу құралы

**ЖШС «Зан әдебиеті» бас директоры
Жансейитов Н. Н.**

Оператор: Умуррова Г.О.

Пішімі 60x901/16. Қағазы оффсеттік. Қаріп түрі «Таймс».
«Зан әдебиеті» баспасы
050057 Алматы қ., М. Әзтурік к-си, 12 үй.
Тел/факс: (3272) 747-833, 742-650.
E-mail: law_literature@nursat.kz